

●

სიყვარულის  
წიგნი



გამომცემლობა „საბჭოთა საქართველო“  
თბილისი — 1981

823.962.1 — 1 + 398.2 (47.922)  
Γ + Γ<sub>1</sub>  
ს 551

შ ე მ დ გ ე ნ ლ ე ბ ი :

ზივი ბეგეჰკორი  
ემზარ კვიციანი  
ტარიელ ჯანაშვილი

მ ხ ა ტ ვ ა რ ი

ზოგი წერილები

С  $\frac{70301-030}{M 601 (08) \cdot 81}$  257—81


© გამომცემლობა „საბჭოთა საქართველო“, 1981



ზალზუჭი

პოეზია







## შემომეყარა ყივჩაღი v

შემომეყარა ყივჩაღი  
სამზღვარსა მუხრანისასა.  
პური მთხოვა და ვაჭმე,  
ვურჩევდი თავთუხისასა,  
ხორცი მთხოვა და ვაჭმე,  
ვურჩევდი ხოხობისასა.  
ღვინო მთხოვა და ვასმე,  
ვურჩევდი ბაღაგისასა.  
ცოლი მთხოვა და ვერ მივეც,  
მიმყავდა სიღედრისასა, —  
ან კი ცოლს როგორ მივეცემდი,  
შვილსა გაზრდილსა სხვისასა,  
ხელი მოჰკიდა, აკოცა,  
მოზიდნა ნაწნავს თმისასა.  
შესტირა საბრალო ქალმა:  
„ვაი ცოლს ცუდი ყმისასა“.

---

მეც გულმა ველარ გამიძლო,  
მოეზიდნე ვადას ხმლისასა,  
უმალვე იმან დამასწრო,  
ელვასა ჰგვანდა ცისასა, —  
ახლა მე შემოვუქნიე,  
ვენდევ მადლს ლაშრის ჯვრისასა.  
გავჭერი ცხენი და კაცი,  
წვერიმც ვუწვდინე ქვიშასა, —  
არ იყო ღირსი, მოშორდა  
ცქერას ნათელის მზისასა.  
აქეთ მე ვკვდები, იქით ის,  
ქალი წავიდა სხვისასა.

---

## შენ, ჩემო დილო იმედო

შენ, ჩემო დილო იმედო,  
კოშკო, ნაგებო კირითა,  
კანეთს მოჭრილო ისარო,  
ქალაქს ნაღებო ინითა!  
წითელო მოვის პერანგო,  
შვიდგან შეკრულო დილითა,  
ცავ, წმინდავ ვარსკვლავიანო,  
მზევ, დაფენილო დილითა,  
უკვდავებისა წყაროო,  
ნადენო ოქროს მილითა,  
შენთანამც ყოფნით გამაძლო,  
შენთანამც წოლა-ძილითა.



## მ ე ნ ა ც ვ ა ლ ე

— დედავ, დედავ დედშვილობას,  
სიკვდილ მითხოვს, მენაცვალე.

— მე შენ არას გენაცვლები,  
მამა გყავს და ინაცვალე.

— მამავ, მამავ, მამშვილობას,  
სიკვდილ მითხოვს, მენაცვალე.

— მე შენ არას გენაცვლები,  
დაი გყავს და ინაცვალე.

-- დაო, დაო, დაძმობასა,  
სიკვდილ მითხოვს, მენაცვალე.

— მე შენ არას გენაცვლები,  
ძმავი გყავს და ინაცვალე.

— ძმავო, ძმავო, ძმავძმობასა,  
სიკვდილ მითხოვს, მენაცვალე.

— მე შენ არას გენაცვლები,  
ცოლი გყავს და ინაცვალე.

— ცოლო, ცოლო, ცოლქმრობასა,  
სიკვდილ მითხოვს, მენაცვალე.

— მე შენ არას გენაცვლები,  
საყვარელ გყავს, ინაცვალე.

— საყვარელო, საყვრობასა,  
სიკვდილ მითხოვს, მენაცვალე.

— გენაცვლები შენსა მზესა,  
გზა საით არს, გამასწავლე.

---

## ქალი ვარ

ქალი ვარ ბაგრატიუნისა,  
განჯას თათარსა ვყევარო.  
დღისით მიყრიან ბორკილსა,  
ღამით თათართან ვწევარო.  
ჯერ რჯულ არ გადამიგდია,  
თავის რჯულზედვე ვდგევარო.  
ქალო და რძალო ლამაზო,  
სუ ჩემო მოსადევარო,  
შაკრიფეთ თითო შაური,  
მიხსენით, თქვენი ტყვე ვარო!  
სირცხვილი თქვენთვის, ვაჟებო,  
თორღ მე კარგად ვყევარო,  
ტანთა მცვავე სიასამური,  
წულა-ქოშებზე ვდგევარო...  
ნეტარ ველარა განახავა,  
შე საქართველოს მძლევარო!\*

---

\* მძლევარი — მერცხალი, გუგული, ოფოფი და სხვა, რაიც ზამთრით მიდის და გაზაფხულზე მოდის, ფრინველი (თედო რაჭიკაშვილის შენიშვნა).

## ხვარამზეს ლექსი<sup>1</sup>

ვერცხლის თასადამც მაქცია,  
რო ღვინით აგვესებოდი,  
დაფერილი მქნა წითლადა,  
შამსვამდი, შაგერგებოდი;  
ანა მქნა ვერცხლის სათითე,  
რო ხელზე ჩაგედებოდი;  
ანა მქნა ოქროს ბურთვაი,  
კალთაში ჩაგეშლებოდი;  
ან ვერცხლის ფულად მაქცია,  
ჯიბეში ჩაგეყრებოდი  
ან შენი ნამგლის ყანა მქნა,  
რო ფხაზე შაგეჭრებოდი;  
ანა მქნა ვარდი ყოილი,  
რო პირზე დაგეყრებოდი;  
ანა მქნა მოის პერანგი,  
რო გულზე დაგადნებოდი!  
ან შენი ძმა მქნა მოწილე,  
აროდის გაგეყრებოდი;  
ან შენი ნანდაური მქნა,  
გულს ჯავრად ჩაგეჭრებოდი!  
ძალიან დაწუხებული  
გზაზედამც შაგეყრებოდი!

---

## მინიატურები

\* \* \*

მინდორთ რო სისხლის ტბა ბრუნავს,  
გადასაგდები სად არი?  
შიგა წევს გველი წითელი,  
თავსა სძრავს, ბოლო სად არი?  
ბევრსა ჰკლავს ბევრის სურვილი,  
მაგრამ გაგება სად არი?

\* \* \*

ა ის ღრუბელნი მიყვარან,  
ბოროლაზედ რო დიანო,  
ერთი მეორის შაყრასა  
ხარობენ, მეელიანო.  
შიაყრებიან ერთადა,  
მანანას ჩამაყრიანო,  
რაც უნდა ბევრი ეცადნენ,  
ჩვენ ერთურთს ვერ გაგვყრიანო.

## შირაქის გზაზე

შირაქის გზაზე მივდივარ,  
უკან მამბრუნებს ქარიო,

---

წინ შემეყარა პეპელა,  
წითლად უჩანდა მხარიო,  
საყვარლის კაბას ვამსგავსე,  
ღმერთო, დამწერე ჯვარიო.

\* \* \*

ინდი მინდი, ფერად შინდი,  
ფრთა გაშალე, გამოფრინდი,  
გამოყევი, გამობრწყინდი,  
განმინათლე თვალთა ბინდი,  
შენთვის სიკვდილს არ შევშინდი,  
უკვდავების წყაროდ მინდი.

## ნუ შევხედავთ ერთმანეთსა

ნუ შევხედავთ ერთმანეთსა,  
ჩაგვაჭორი-ჭორებენო,  
შეგვიტყობენ სიყვარულსა,  
დაგვაშორი-შორებენო.  
— ნუ ჩაჰყვები ქვეყნის ჭორსა,  
ჩაგრეხილი წნელიაო,  
გვაძულევენ ერთმანეთსა,  
ყველა ჩვენი მტერიაო.

\* \* \*

გაუსვი და გამოუსვი,  
ეითომ ჭიანჭურიო,  
მეზობლის ქალს ხელს ნუ ახლებ,  
ისიც შინაურიო.

### ნეტავი შემატყობინა

ნეტავი შემატყობინა,  
მამა-პაპანი რა ქნილან,  
ან მოყვარული ცოლ-ქმარნი  
უდროოდ რისთვის გაყრილან;  
დაცლილან ნასახლარები,  
ზოგნი სულ წმინდად აყრილან,  
ამ სოფელს აღარ დამდგარან,  
იმ სოფლის მკვიდრნი შაქმნილან.

\* \* \*

ისე არის კაცის გული,  
ვით მორევი შავი ზღვისა,  
რაგინდ კარგი ცოლი ჰყავდეს,  
მაინც მოუნდება სხვისა.

## მგზავრული

წასვლა სჯობს წარმეველისა,  
არ დახანება ხანისა,  
კოცნა სჯობს თეთრი ქალისა,  
ჩახვევა — შავგვრემანისა.

\* \* \*

გზა სიარულმა დალია,  
სიბი ქვა — წყლისა დენამა,  
ლამაზი გოგო და ბიჭი —  
ერთმანეთისა ცქერამა.

## გავხედე ყარაიაზე

გავხედე ყარაიაზე,  
ორი ირემი სძოვდაო,  
მე დიდი გამოვარჩიე,  
თურმე პატარა სჯობდაო.

\* \* \*

აქ მოდი, მანდა რასა იქ?  
მარტო რას აქნევ ძილსაო!  
ამალამ გაგახსენებ  
ჩემის პერანგის ღილსაო,  
შავიხვევ ბროლის უბესა,  
გაგაფრთხოვინებ ძილსაო.

\* \* \*

სადაური ხარ, სად მიხვალ,  
შენი სახელი მითხარო,  
ბარი-ნიჩაბი მათხოვე,  
საფლავი ამოვითხარო,  
შენგნით მოკლული შიგ ჩაეწვე,  
თავ მიწა წამოვიყარო.

\* \* \*

მონგვის ქალო თინაო,  
რა ღმერთმა გაგაჩინაო,  
ნეტაი ერთას ღამიას  
შენთან მქონიყო ბინაო!  
შენი საბანი დამხურა  
და ტკბილად დამაძინაო,  
შენი სწორები გათხოვდნენ,  
შენ რას აკეთებ შინაო.

\* \* \*

ღამაზი ცოლის პატრონსა,  
ძალლი უნდა ჰყავდეს ფრთხილი:  
ანი ძალლი უნდა ფრთხილობდეს  
ანდა ქალის დედამთილი.





დედაც მიყვარს, მამაც მიყვარს,  
ძმა ხომ ყველას მირჩევნია,  
ერთი ვინმე სხვისი შვილი,  
მთელ ქვეყანას მირჩევნია.



ყველა ფრინველი ხეზე ზის,  
მწყერი მიწაზე გოგდება:  
ქალი რად გინდა უცხო მხრის?  
დასნეულდება, მოკვდება.

### **რა ვქნა, რა ვუყო**

რა ვქნა, რა ვუყო თავსაო,  
ამ ჩემ პატარა ქმარსაო,  
არცა აქვს შენახვის თავი,  
არცა მანებებს თავსაო.  
ნეტავი დამიწუნებდეს,  
დამანებებდეს თავსაო;  
ვივლიდი ლაშარ ღელესა,  
ვაუებს ვავლებდი თვალსაო, —  
მაშინ ხომ შავეყრებოდი  
ჩემის გუნების ქმარსაო.

• • •

თიანეთს ოქროს ლოგინი,  
შიგ სამნი დანი წვანანო,  
რა ექნა, რომელ ერთს ვაკოცო,  
სამნივ ერთმანეთ გვანანო.

• • •

ლომო, შე ლომის მოკლულს,  
ხადხეორხაის ძირსაო!  
ვინ შაგილება მხარ-ბეჭი,  
წითელი პერანგისაო?!  
ვინ ამოგტეხა კბილები,  
თეთრები ბროლივითაო?!  
ლამაზად დაგიტირებდი,  
სათრი არ მქონდეს ქმრისაო!

• • •

დაბნეულ ფეტვის მარცვალსა  
რა მოკრეფს წიწილის მეტი?  
მე და შენსა სიყვარულსა  
რა გაპყრის სიკვდილის მეტი?

\* \* \*

წითელ ღვინოს მიგაგვანე  
ჭიქაში მდგომიარესა...  
სასუფეველი რად უნდა  
შენს მკლავზე მწოლიარესა.

\* \* \*

სიყვარულსა მალვა უნდა,  
როგორც ცხენსა ნაპარევსა;  
თუ გამოჩნდა, გლოვა უნდა,  
როგორც გულის საყვარელსა!

\* \* \*

ტურფა ბალი და წალკოტი  
ეკლითა ვინმემ შენარა!  
რკინისა კარი შეაბა,  
კლიტე მე მომცა, შენ არა!  
სიკვდილსა შენსა სანაცვლოდ,  
თავსა მე მივცემ, შენ არა,  
ვაპ, თუ ზედ ისიც დამერთოს,  
მე მიყვარდე და შენ არა!



ტაკთული კლასიკური  
პოეზია







## შოთა რუსთაველი

### წიგნი ნესტან-დარეჯანისა საყვარელთან მიწერილი

აწ საყვარელსა მიუწერს გულ-ამოსკენილი, მტირალი,  
მისმანვე ცრემლმან დაუვისს, ვის ედებოდა ვის ალი!  
დაწერა წიგნი, მსმენელთა გულისა გასაგმირალი,  
ვარდი გააბის, გამოჩნდის მუნ ბროლი გამომჭვირალი.

„ჰე ჩემო, ესე უსტარი არს ჩემგან მონაღვაწები,  
ტანი კალმად მაქვს, კალამი — ნაეღელსა ამონაწები,  
მე გული შენი ქალაღდად გულსავე ჩემსა ვაწები,  
გულო, შავ-გულო, დაბმულხარ, ნუ აეხსნები, აწ ები!

„ხედავცა, ჩემო, სოფელი რათა საქმეთა მქმნელია!  
რაზომცა ნათობს სინათლე, ჩემთვის ეგრეცა ბნელია.

---

ბრძენნი იცნობენ, სწუნობენ, მით მათგან საწუნელია;  
უშენოდ ჩემი სიცოცხლე, ვაჰე, რა დიდი ძნელია!

„ხედავ, ჩემო, ვით გაგეყარნა სოფელმან და ყამმან კრულმან?  
ველარ გნახე საყვარელი მხიარული მხიარულმან,  
ნეტარ, რა ქმნას უშენომან გულმან, შენგან დალახვრულმან!  
გაგიცხადა დამალული გონებამან დაფარულმან.

„შენმან მზემან, აქანამდის შენ ცოცხალი არ მეგონე;  
ჩემი მეთქვა: გარდასრულდა სიცოცხლე და ყოვლი ღონე;  
აწ რა მესმა, შემოქმედი ვადიდე და ღმერთსა ვმონე,  
ჩემი ყველა აქამდისი ჭირი ღხინსა შევაწონე.

„შენი სიცოცხლე მეყოფის ჩემად იმედად გულისად,  
გულისა ერთობ წყლულისა და ასრე დადაგულისად!  
მომიგონებდე, გახსოვდე მე შენთვის დაკარგული სად;  
ვზი მზრდელად სიყვარულისა მის, ჩემგან დანერგულისად.

„სხვად, ჩემო, ჩემი ამბავი ჩემგან არ მოგეწერების:  
ენა დაშვრების, მოსმენით არვისგან დაიჯერების.  
ფატმან წამგვარა გრძნეულთა, ღმერთიმცა მას ეტერების!  
აწ კვლა ქმნა იგი სოფელმან, რაცა მას შეეფერების.

„აწ სოფელმან უარესი ჭირი ჭირსა მომისართა,  
არ დასჯერდა ბედი ჩემი მათ პატიყთა მრავალ-გვართა.  
კვლაცა მიმცა შესაპყრობლად ქაჯთა, ძნელად საომართა;  
ბედმან გვიყო ყველაკაი, ჩემო, რაცა დაგვემართა!

---

„ციხეს ვზი ეზომ მაღალსა, თვალნი ძლივ გარდასწედებიან,  
გზა გვირაბითა შემოვა, მცველნი მუნ ზედა ღებებიან,  
ღლისით და ღამით მოყმენი ნობათსა არ დასცდებიან,  
მათა შემბმელთა დახოცენ, მართ ცეცხლად მოედებიან.

„ნუთუ ესენი გეგონნენ სხვათა მებრძოლთა წესითა?!  
ნუცა მე მომკლავ ჭირითა, ამისგან უარესითა;  
შენ-მკვდარსა გნახავ, დავიწვი, ვითა აბედი კვესითა;  
მოგშორდი, დამთმე გულითა, კლდისაცა უმაგრესითა!

„შენ, საყვარელო, ნუ სჭმუნავ ჭმუნვითა ამისთანითა,  
ჩემი სთქვა: სხვათა მიხვდაო იგი ალვისა ტანითა.  
არამ სიცოცხლე უშენოლდ ვარ აქამდისცა ნანითა;  
ან თავსა კლდეთა ჩავიქცევ, ანუ მოვიკლავ დანითა.

„შენმან მზემან, უშენოსა არვის მიხვდეს მთვარე შენი,  
შენმან მზემან, ვერვის მიხვდეს, მო-ცა-ვიდენ სამნი მზენი!  
აქათ თავსა გარდავიქცევ, ახლოს მახლვან დიდნი კლდენი,  
სული ჩემი შეივედრე, ზეცით მომხვდენ ნუთუ ფრთენი.

„ღმერთსა შემვედრე, ნუთუ კვლა დამხსნას სოფლისა  
შრომასა,  
ცეცხლსა, წყალსა და მიწასა, ჰაერთა თანა ძრომასა;  
მომცნეს ფრთენი და ავფრინდე, მიხვდე მას ჩემსა ნდომასა,  
ღლისით და ღამით ვხედვიდე მზისა ელვათა კრთომასა.



---

„მზე უშენოდ ვერ იქმნების, რათგან შენ ხარ მისი წილი;  
განაღამცა მას ეახელ მისი ეტლი, არ თუ წბილი  
მუნა გნახო, მანდვე გსახო, განმინათლო გული ჩრდილი,  
თუ სიცოცხლე მწარე მქონდა, სიკვდილიმცა მქონდა ტკბილი

„მე სიკვდილი აღარ მიმძიმს, შემოგვედრებ რათგან სულსა,  
მაგრა შენი სიყვარული ჩავიტანე, ჩამრჩა გულსა;  
მომეგონოს მოშორებება, მემატების წყლული წყლულსა;  
ნუცა მტირ და ნუცა მიგლოვ, ჩემო, ჩემსა სიყვარულსა

„წადი, ინდოეთს მიმართე, არგე რა ჩემსა მშობელსა,  
მტერთაგან შეიწრებულსა, ყოვლგნით ხელ-აღუპრობელსა,  
გულსა აღხინე ჩემისა მოშორებებისა მთმობელსა,  
მომიგონებდი მტირალსა, შენთვის ცრემლ-შეუშრობელსა

„რაცა ვიჩივლე ბედისა ჩემისა, კმა საჩივარად;  
ცან, სამართალი მართალი გულისა გულსა მივა რად.  
შენთვის მოკვედები, გავხდები ყორანთა დასაყივარად,  
ვირე ცოცხალ ვარ, გეყოფი სატირლად და სატკივარად.

„აჰა, ინიშნე ნიშანი შენეულისა რიდისა!  
გარდმიკვეთია ალამი, ჩემო, ერთისა კიდისა,  
ესელა დაგრჩეს სანაცვლოდ მის იმედისა დიდისა.  
რისხვით მობრუნდა ბორბალი ჩვენზედა ცისა შვიდისა“.

ესე წიგნი, საყვარელსა მისსა თანა მინაწერი,  
რა დაწერა, გარდაჰკვეთა მათ რიდეთა ერთი წვერი.

---

თავ-მოხდილსა დაუშვენდა სისხო, სიგრძე, თმათა ფერი,  
ალვისაგან სული მოქრის, ყორნის ფრთათათ მონაბერი.

იგი მონა წამოვიდა, გულანშაროს მიმავალი,  
წამ-ერთ მიხდა ფატმანისსა, დღე იარა არ-მრავალი.  
რა ავთანდილს გაუსრულდა საქმე მისი სასურვალი,  
ხელ-აპყრობით ღმერთსა მადლობს ცნობა-სრული, არა  
მთერალი,

ფატმანს უთხრა: „გამისრულდა ჟამად საქმე საწადელი,  
დიდი შენი მოჭირვება ჩემგან არის გარდუხნელი,  
წავალ, დგომად აღარა მცალს, დრო მოსრულა შარშანდელი,  
ფიცხლა ქაჯეთს მოვიყვანო მათი მომსპობ-ამწყვედელი“.

ხათუნმან უთხრა: „ჰე ლომო, ცეცხლი აწ უფრო ცხელდების,  
მოეშორვების ნათელსა, გული ამისთვის ბნელდების;  
ისწრაფე, ჩემი ნუ გაგვა, ხელი ეგრეცა ხელდების, —  
თუ ქაჯნი მოგესწრებიან, მუნ მისლვა გაგიძნელდების“.

ყმამან ფრიდონის მონანი უხმნა, მასთანა ხლებულნი,  
უბრძანა: „მკვდარნი აქამდის აწყა ვართ დაცოცნლებულნი,  
რაცა გვინდოდა, მისითა სმენითა გაახლებულნი,  
ჩვენთა მტერთანი გიჩვენნე წყლულნი მით, ვაგლახ, ლებულნი!

„მიდით და ფრიდონს უამბეთ ამბავი არ-ნაცქაფავი;  
მე ვერა ვნახავ, ვისწრაფი, გზა ჩემი არს ნასწრაფავი.

---

მან გაახაფოს ხმა ხაფი, კვლა უფრო გასახაფავი,  
თქვენ მოგცე ლარი ყველაი მე, ჩემი ნაალაფავი.

„ჩემსა ზედა დიდი არის ვალი, თქვენგან დანადები;  
ჰაღლსა სხვაებრ გარდავიხდი, თულა ფრიღონს შევეყრები;  
აწ წაიღეთ ყველაკაი, მეკობრეთა წანაღები,  
ამის მეტსა ვერას მოგცემ, ვიცი, ამაღ გეძუნწები. .

„სახლი არ მახლავს, არ ძალ-მაქვს გაცემა საბოძვარისა“.  
მისცა მათ საესე ხომალდი, რიცხვი ტურფათა ჯარისა,  
უბრძანა: „წაღით, წაიღეთ, გზა წავლეთ მისვე არისა,  
ფრიღონს მიართვით უსტარი ჩემგან, ძმაღ-ნაფიცარისა“.

## თეიმურაზ I

### ტურფა ხარ შვენიერებით

ტურფა ხარ შვენიერებით, ტანი მიგიგავს საროსა,  
ვა, შენისთანა მიჯნურსა ვერვინ ეღირსოს აროსა,  
კაცი ხამს შენთვის გაიჭრას და ლხინი გაიმწაროსა,  
ტარიელს ქვაბსა ესტუმროს, მაჯნუნთან დაემყაროსა.

მისგან გახდეს სულ ციერნი, არ იცნობის დანაცარად,  
მან დამიჭრა გული წამწმით, მოიხმარა დანაც არად,  
სრულად დამწვა სხივთა ცეცხლმან, ლამის ვიქმნე დანაცარად,  
დამეგრინა ბედი მრუდად, არ ვეჭვ, იქმნეს დანაცარად.

იაგუნდისა ბაგემან ყირმიზი-ლალი ღვინო სვა,  
თუ ღერად ბაგემ აჯობოს, ამისთვის მართებს ღვინოს ვა,  
ზე ჩემსა სისხლსა ვამზგავსე, თურმე მინამან ღვინო სვა,  
კარგს კაცთან ბრძენთა სიტყვასა ვერა სჯობს, იგ საღვინო  
სვა.

ნადიმად მსხდომთა საღვინოდ საქმე გავსინჯოთ სურისა,  
თავის სისხლს გვასმევს საღვინოდ, ესოდენ ჩვენთვის სურისა,  
კაშკაშით გვეტყვის: „მაშ თუ არ იგ ჩემი სისხლი, ჰსუ რისა?  
შემამკობელი ლხინისა და ძალი უსუსურისა“.

---

უწყის ღმერთმან, ვერა ვხედავ ქვეყნად შენსა დანამგზევსა,  
დაუწყვივარ ივ უწყალოდ ცეცხლსა შენგან დანამგზევსა,  
გულისათვის დასალახვრად ჩემკენ წამწამ დანამგზევსა.  
ხამს მივმართო მაჯუნისა წანავალსა და ნამგზევსა.

მოიგონე სიყვარული შენთვის სულთა განაწირ, ვა,  
კაცს აცხოვნებს სამართლის ქნა, უსამართლო განა წირვა?  
გლახ, ლახვარი სიშორისა ათასი მკრა, გან აწი რვა,  
სჯობს დააგზნა სიყვარული დავსებული, და ნამწირ, ვა.

გულსა გულზედ მით არ მიცელი, გინდა რომე მოგცე სართად,  
სულთაც გიძღვნი, უმჯობესი რაღა მოგცე ზედან წართვად?  
არ დამიჭერ ვჰფიცავ ღმერთსა, ცეცხლზედ მივსცე ზედან  
დართვად,  
უწყალოდ სვამ სიხსლსა ჩემსა, ღვინის ნაცვლად ჰზინხარ  
წართვად,

მარგალიტისა სადაფსა იაგუნდი სცავს და ლალა,  
მას გული ჩემი მიჰყიდა ვინღაც, ვინ იყო დალალა,  
მომკლეს, ტირილის სანაცვლოდ სისხლი აქვს ჩემზედ ალალა,  
ჩემის ღვინისა ყვავილი უმზეობამან დალალა.

ბროლ მინაზედან გიშერი, ვარდმანცა თავი მუნ არა,  
სრულ შევენებისა ყვავილი არ დარჩა, შეკრბა მუნ არა,  
ვერსით, შეუველ საკრეფლად, ეკალნი დამხვდეს მუნ, ნარა,  
ზენათ ნათელთა მფლობელმან ამისთვის დაიმუნარა.

---

გულო, ცეცხლი სურვილისა არ დაავსე, შეუკეთე,  
მე მუნ დამწვი, აწ ლახვარი, მგონი, მოგხვდეს შენ უმკვეთე,  
გნახე ეგრე შენ უთმობლად, თავსა ხელქმნა შენ უკეთე,  
ყველა მით ჰქენ, ნახე ვინმე მნათობთაგან შენ უკეთე?

გული წამართვი ცნობითურთ, მითხარ, ნაცვალი მამე რა?  
ვეღარა გპოვე საჩემოდ, გაყრისა სევდა მამერა,  
უვარდოდ წალკოტისათვის თვალნი რასთვისღა მამერა?  
დამწვი და წყალი არ მასვი, დამწვარსა გულსა მამე რა?!

ბულბულთა შექმნეს ძახილი, აგრე ჰგავს — ვარდმან იშალა,  
გულსა გაჭრა და ხელობა უშალე, არ დაიშალა,  
ხამს, თუ მიჯნურმან ტანსაცმლად სტაერისა ნაცვლად იშალა,  
გლახ, შენმან შუქმან მნათობნი არაეინ არ აიშალა.

ვარდი დაჭკნა, მზემან შუქი აღარ მისკენ მოაწურვა!  
ცრემლთა ღვარი გაუწყვეტლად, ერთხელ არსად მოაწურვა,  
არ ვეწყალვი მას გულქევისა, სულნი პირსა მოაწურვა,  
მოეშორა რადგან ლხინი, — სევდა, ზრუნვა, მო აწ ურვა!

## პ რ ი ლ ი

### სამიჯნურონი

ლექსნი აქა-იქ ნათქვამი

ეშხმან იზყრას გული ასე, ველარ სადით გარდებეწოს,  
თვალთა ცრემლი მუდამ სჩქეფდეს, მკერდი ცემით დაეღეწოს;  
ვისგან სიტყვა ვერ იშოვნოს, უნდა კიდევ მას ეხვეწოს.  
იქნება, რომ მხნე, ძლიერი ერთს ნაზს ვისმე დაეხვეწოს.

ვნახე ედემს ალვა რგული, რომე მზეებრ შუქსა შუქდა,  
აძვირებდა სხივსა მისსა, არ იეფად არვის სჩუქდა:  
არ მიმიშვა ახლოს შეყრად, გული ამად ამიჩუქდა,  
წამოველ და ყოვლი ღონე იქავ დამრჩა, ჩამიქუქდა.

დილის ნიავმა მახარა ამოსვლა მუნ მთიებისა,  
უთხარ მუხლთ-დაყრით: „მიჩვენე, სად ნათობს, სად  
ენტებისა?“

მან მითხრა: „ვაჟო, ძნელია ნახვა მის სათუთებისა,  
სხვანი მნათობნი მონად ჰყავს, მას ჰყმობენ, მას ეთნები სა?“

---

თუ ნახავ, ვიცი უცილოდ გული მსწრაფლ დაგიდნებისა,  
შენსა საწაღსა ვერ შოებ, სიკვდილი მოგინდებისა;  
გასწყრების, გამოგაძებენ, არ ხელში დაგიდნებისა,  
არ დამიჯერებ, მეჯნუნებრ საქმე სამ გაგიხდებისა“.

ერთს სანახავად კარგია, ღვინო დგეს თეთრსა შინებსა,  
ბაგები უჩნდეს თეთრ-ყირმიზ, ნეტარ მას ვინ არ ინებსა?  
რა თასზედ გაღმოესხმოდეს, კაშკაშით გაიცინებსა,  
ვირემ ცნობა აქვსთ შემსმელთა, არავინ დაიძინებსა.

რა დანაკლულდეს, გამოჩნდეს ვარდისა მსგავსი ბაგები,  
შუქი დადგეს და დამშვენდეს ქვეშ მისი რამე საგები;  
სხვაგან ჯდეს ლაღი განკრძალვით მიჯნურთა ლახვარ-საგები,  
ვინ მიხვალ მისაყურებლად, უცილოდ დაიდაგები.



## პახტანზ VI

### სატრფიალონი

მოვიუბნე შენი ქება არცა ერთი საკადრისი,  
შენ სხვათ აძლეე შესაქებსა, ღირსი არი ვინცა რისი,  
მაგრამ კაცნი უძღურნი ვართ უმაღლესის რასმე თქმისი,  
შენ სხვა ხარ და ქება სხვაა, უშვერია ზრახვა მისი.

მისთა ტრფიალთა კეთილი არ მიეცემის კარითა,  
სიყვარულითა მისითა გული, გონება კარითა,  
მისისა მიახლებითა ეშუსა სურვილი კარითა,  
ეგება რომე გელირსოს შესვლა სამოთხის კარითა.

თუცა მოვკვდე ნეტარ შენთვის, რა სახელში ჩამეგდება?  
ცეცხლი მწველი მეღებოდეს, რად მეწყინოს მისი დება?  
სხვა სასჯელსა რად დავზარდე, უფრო გული დამედება?  
შემემთხვიოს შენთა სხივთა სანახავად გარდ მოდება.

გულს მისცემს უცხოლ შევებასა, ოდეს ვისმე შეეყრების,  
თვალს ის უნდა, სხვათ სპეკალი ცუდად რასმე შეეყრების,  
სამუდამოდ ვერ მიმხდომთა თვალთა ცრემლი შეეყრების,  
ვინ არ მისდევს საღევარსა, მას ლახვარი შეეყრების.

---

თუცა არა ვარ საფერი შენისა ტრფიალებისა,  
მონად მიყოლე ნაფრდილად, მდიდრობაზედან კლებისა,  
მომიტკები რაც რამ გაწყინე, მემწე რაც მომეველებისა,  
ნუ მიმცემ მტერთა საყვედრად, მყავ ღირსი ახლო ხლებისა.

როს მეტრფისა ტრფიალება გულსა ჩემსა დამაჯერა,  
მშლელი მიშლის უცხო რიგად, ლამის კიდეც დამაჯერა,  
მეუბნების: „ყმაწვილი ხარ, არ იციო დამა ჯერა“.  
მაგრამ მისმა სიყვარულმა ისევ მასვე დამაჯერა.

გაბრწყინებებისთვის სანთელი ერთს ფერხზედა დგას, ტირისა,  
ცეცხლის წვით არის მიმღები საწადლის განაპირისა,  
მიხამს, მეც ვიდგე, ვიწოდე, დამბანი ცრემლით პირისა,  
ეგებ რომ მნახოს, შემიტკბოს ტრფიალმან გამძლე ჭირისა.

ნუ მიმცემ ცეცხლსა საწვაავად, მიყავ ამისი ვსებანი,  
შენს წინ მამყოფე უღირსი, რომ აღმისრულდეს ნებანი,  
შენის ქებითა ვიშეებდე, მქონდეს გულისა დებანი,  
ნათლად გამოვჩნდე ნათლითა, მტერთ რა ყონ იშნის გებანი.

ჩემსა საქმესა უგბილი სანთლისა მსგავსად მოველი,  
თავისა მტერსა ძალს აძლევს თავისა დამაწვეველი,  
შენს წინაშე ვარ მცოდველი ცოდვისა ძალის მძლეველი,  
ვა, თუ დავიწვა, შევიქნა შენგანცა დასაწყეველი.

---

თუ დაიმარხავ შენ ჩემსა სიტყვასა, სწავლა-თქმულებსა,  
საყურებრ ყურად გაიყრი და დაიმკვიდრებ გულებსა,  
დღეთა შეგძინებს ამ სოფელს, ზეცას აღაფრენს სულებსა,  
აქ მოგეცემა კეთილი, იქაც მორჩები წყლულებსა“.

## დავით გურამიშვილი

სიმღერა დავითისა: ზუბოვკა რომელ არს  
რუსულად ამისი ხმა: კაზაკ ღუშა პრავდივანია

ზუბოვკი დამ მომავალმან ენასე ერთი ქალი,  
მეტად ტურთა, შეენიერი, მაზე დამრჩა თვალი.  
შავ თვალ-წარბას, პირად თეთრსა ასხდა შავი ხალი,  
მისმან ეშხმან დაცამლეწა, შემიმუსრა ძვალი.

ვკითხე: მზეო, სიღამ მოხვალ, ხარ სად წამავალი?  
გეაჯები, მაცოდინე შენი გზა და კვალი;  
შენთვის გული ქვათ გარდმექცა, გახდა, ვით კლდე სალი,  
მასხი წყალი, დამიშრიტე, მე შენი მწვავეს ალი.

ხმა გამომცა, გაგულისდა, სიტყვა მითხრა ავი:  
„ავო კაცო, ვით გაბედე, შენ მე მთხოვე თავი?  
ბულბულთ ნაცვლად ვარდ-კოკობმან რად დაგისვა ყვავი!“  
მით აესტირდი, ცრემლი ვღვარე ზღვათა შესართავი.

ასე მითხრა: „ჩამომეხსენ, გამეცალე, მარი,  
არ მინდინარ, არ მიყვარხარ, სხვა მყავს კარგი მყვარი, —  
შენგან თვალად უკეთესი, ვაჟი-კაცი, ქმარი“.  
რა ეს მესმა, ჯავრით ცხვირსა წამედინა ძმარი.

მითხრა: „შენგნით ნუმცა მსმია სიტყვა მაგის მეტი“.  
აილო და დამიშინა თავში დიდი კეტი.  
დაერეცრეცდი, გარდავიქეც, დამეხვია რეტი;  
შავებრალდი, თავს დამადგა, ვით ბნელს, ნათლის სვეტი.

რა მოვბრუნდი, დაიხარა, ხელს მომკიდა ხელი;  
ამაყენა, ასე მითხრა: „რად შექნილხარ ხელი?“  
მე მიუთხარ: შენთვის გავსდი ასე ჭკვაზე თხელი,  
შენ რომ მწუნობ, მით მედების გულსა ცეცხლი ცხელი!

მერმე ტკბილად დამიყოვა, კიდეც გამიცინა;  
ასე მითხრა: „აქ ნუ ვსხედვართ, გენახოს არავინა.  
ახლა ავდგეთ, ჩვენ წავიდეთ თავთავისთვის შინა;  
კულავ სადმე ამოივლი, მე დაგვხვდები წინა“.

სად წავიდა, ვერა ვნახე, ჩემი საყვარელი,  
მან დამიგდო საიმედო სიტყვა სახარელი.  
მე მის მონას ნუმც ამხდია მისგან საფარველი!  
სად მიჭირდეს, მამეშველოს, სხვას აღარას ველი.

დამპირდა, თქვა: „კიდეც მოვალ“. აწ მე იმას ველი:  
მისთვის ვსტირი, ცრემლითა მაქვს უბე, კალთა სველი.  
სიკვდილის დროს მე მის მეტი არავინ მყავს მშველი,  
მან გამიღოს სამყოფისა კარი შესასვლელი.

---

იმ ჩემისა საყვარლისა სამსახური მსურსა,  
აჰა, მისთვის გამიჯნურდა, გული მისთვის ხურსა,  
იმედი მაქვს, რასაცა ვსთხოვ, მომცემს, არა შურსა,  
უკვდავების წყალს მიბოძებს, ცხოვრებისა პურსა.

ღვთისგან ვითხოვ, არ გამყაროს მე მის სიყვარულსა,  
სსივას უკეთესს ვის ვიშოვნო სილამაზით სრულსა?  
ჩემის სიყვარულისათვის სცემეს ხელშეკრულსა,  
სახით ვხედავ ჩემთვის მკვდარსა სისხლით გაბასრულსა.

აწ, შენ, ჩემო საყვარელო, იმყოფები სადა?  
ქვეყნად შენგან უკეთესი მე არავინ მყვანდა.  
ქვესკნელსა ვარ, ვერა ვხედავ, მეგულვები ცადა,  
გეაჯები, ნუ გამწირავ, წამიყვანე მანდა!

ქვესკნელსა ვარ, ვერა ვხედავ, მეგულვები ცადა,  
გეაჯები, ნუ გამწირავ, წამიყვანე მანდა!  
გეაჯები, ნუ გამწირავ, წამიყვანე მანდა!

## ბ ე ს ი კ ი

### სევდის ბალს შეველ

სევდის ბალს შეველ შენაღონები:  
მოკრეფად მსურდა ვარდის კონები.  
ვარდმან შემრისხა თავმომწონები,  
ისარი მტყორცნა დასამონები,  
სრულად მიმიღო ყოვლი ღონები,  
მითხრა: „იფიქრე გულს ნაქონები,  
მისთვის იქმნები დასაყოვნები“.  
ვერ მივხვდი მახვილგანაწონები,  
მისთვის შევიქმენ ცრემლთა ფონები.

იასა ვჰკითხე (მუნ იდგა ნაზი):  
„ვარდსა რად უქმენ კართა სარაზი?“  
ამაყად მწყურალი ვნახე ლამაზი.  
მანცა განმაგლო: „გარეგან გაზი!  
შენგან გვანინია გულეზსა ხაზი.  
სიხარულიდამ დაბლა კერძ დაზი!  
შენს გულსა ჰკითხე, მიაბყარ გაზი!  
შენის გონებით იქნები რაზი:  
ჩვენ დაგვთმეო და სხვას ემონები!“

---

რა ია გაწყრა, ნარგიზს მიემართე,  
სისხლის ცრემლითა სიტყვანი დაერთე,  
ვეუბნებოდი: „შენ წარმიმართე  
იწროს გზის პონანდ, — გზები გაქვს ფართე,  
ჩემსა ნუგეშსა ხელი შემართე,  
ვარდს მამუდარე, ალერსი ჩართე,  
შავ გულსა ლხინი შენ მოუსართე!  
შემომითვალოს: რა უკუდმართე?  
რად მომიგონა მოუგონები?“

ნარგიზი ვნახე შებრალებითა,  
ცრემლსა სცვარვიდა მორიდებითა:  
მითხრა: „ყარბო!“ — მონახებითა —  
„ვარდი მით არის გულდაკლებითა,  
რომ შენი იყო თავდადებითა,  
თავი მოსწონდა, ჰყვანდი ნებითა,  
შენ რისთვის დასთმე სხვისა ხლებითა?  
რად გიკვირს, გასწყრეს ცეცხლმოდებითა?  
ნაცვალი მოგხვდა დანახსოვნები!“

დავბრუნდი ყოვლგნით შეუბრალები,  
ზალის კარს დავეჯექი შენაძალები,  
ცრემლით აღმევსნეს მწირნი თვალები,  
ვიყავ ბედისა დამაბრალები.  
ვინცა მნახვიდენ დამაშვრალები,



---

შეიქმნებოდნენ ჭირნაკრძალები,  
მეც მომხვდა სოფლის მკვლელი ბრჭყალები:  
ბესიკი სიკვდილს არ ვემალები,  
თავი მაქვს მისთვის შენაწონები!

## ტანო ტატანო

ტანო ტატანო, გულწამტანო, უცხოდ მარებო!  
ზილფო-კავებო, მომკლავებო, ვერსაკარებო,  
წარბ-წამწამ-თვალნო, მისათვალნო, შემაზარებო,  
ძოწ-ლალ-ბაგეო, დამდაგეო, სულთწამარებო,  
პირო მთვარეო, მომიგონე, მზისა დარებო!

თვალთა ნარგისი, დამდაგისი, შეგშეენის მწველად,  
ყელსა ბროლებსა, უტოლებსა, გველი გყვა მცველად,  
გესხნეს ხალები, მაკრძალები, ამარტის ველად,  
ნარინჯნი ორნი, ტოლნი, სწორნი, მიქმოდენ ხელად,  
მიწვევდნენ შენად შესამკობლად, დამამწარებო!

აღვაო, გესხნეს ორნი ნორჩნი მოსარხეველნი,  
მკლავნი მომკლავნი, თითნი თლილნი მოსახგეველნი,  
ზარისა წელსა დაეკვირვნეს ქვეყანად მკლელნი.  
ოდეს გნახვიდი, შევიმატნი ათასნი წელნი.  
აწ დამლევიან ყოვლნი დღენი, უცხოდ ვარებო.

---

ბაგემდუმრიად გიალერსებ, ბაგეო ვარდო!  
თვალთა სურიან ხილვა შენი, კეკელა მარდო!  
გულსა სწყურიან დამაშვრალსა, რას შეგაფარდო?  
თუმცა შენ დაგთმო, ვინლა ვჰპოვო, სად გავიზარდო?  
უშენოდ ხილვა არვისი მსურს, შევიზარებო.

შენმა გონებამ მიმამსგავსა მილეულს მთვარეს,  
სიცოცხლის ნაცვლად მოვინატრი სიკვდილსა მწარეს.  
მოდით, მიჯნურნო, შემებრალეთ, მოვლეთ ჩემს არეს,  
მკვდარი მიჯნური დამიტირეთ, დამფალთ სამარეს!  
ვაი, სიცოცხლეო უკულმართო, დანაცარებო!

### დედოფალს ანაზედ

ვარ უცხო ვინმე ყარიბი  
ამა სიტყვისა მხმობელი,  
ამა მუხთლისა სოფლისა  
მაგინებელი, მგმობელი,  
მონა ვარ მისი მუდამ ჟამ  
და მისი შემამკობელი, —  
იგია ჩემი ხელმწიფე  
და ჩემი დამადნობელი!

ვფუცავ, მე არვინ მიხილავს,  
რომ არს შევნებით ა ნ ა ო.

მთვარესა ეზრახებოდა:  
„შენ ვერ ხარ ჩემისთ ა ნ ა ო!“

---

ვარსკვლავნი მისდა სამონოდ  
ვარს უდგენ თანისთ ან აო!"  
მხილველნო, დამემოწმებით:  
კარგი ყოფილა გან აო?

ცნობა მიმიღო და გული  
ხედვით შემზღუდა ან ამ ან,  
კვლავ მომკლა მისმა ციალმან  
და წელთა მიმოტ ან ამ ან;  
კოკობსა ვარდსა ნარგიზმან  
აპკურა ცრემლი, ან ამ ა.  
ჯობს, რომ არ ჰყავდეს მიჯნური,  
ან მოკლას ამისთ ან ამ ან!

---

## ალექსანდრე ჭავჭავაძე

### როს არშიცი

როს არშიცი საყვარლისა ხილვას ეშურებოდეს,  
რაკი ნახოს მეყვსეულად გრძნობით ეუბნებოდეს:  
მიყვარხარ!

არა ვგონებ ორთაშუა მოხდეს იქაც დალატი,  
ოდეს სული გულსა ტრფობით ეუბნებოდეს:  
მიყვარხარ!

რაციფნი განფიცულან, ვცან მათნი განზრახვანი,  
გვედრებ, არ დაიჯერო მათნი ცუდნი თქმანი:  
მიყვარხარ!

ვიცი, ჩემო სიცოცხლე, მრავალნი შემოგტრფიან,  
მაგრამ ჩემებრ ეშნითა ვერ გეტყვიან:  
მიყვარხარ!

როცა მოვკვდე შენთვისა, მომიგონე სულითა,  
ჩემსა შემდეგ გვედრებ, არვის უთხრა გულითა:  
მიყვარხარ!

თუ დრო შეგხვდეს ფიქრისა და მკვდარი მომიგონო,  
მოდო ნახე საფლავი, რომ იქაც გაიგონო:  
მიყვარხარ!

---

## მშვენიერთა ხელმწიფავ

მშვენიერთა ხელმწიფავ,  
მკლავს სიშორე შენითა.  
ჰკენესის გული საკვდავათ  
მსწრაფლ მჩივარის ენითა.

შენ განმშორდი მკურნალო,  
ვითარ მექმნას შევებანი;  
ნაცელად შენსა ვინ ვპოვო,  
მომცეს ჭმუნვის ვსებანი.

თუმცა მომკლავს ტრფიალსა,  
და ჰხმობს ეშხით მწყაზარსა,  
უმჯობეს არს მომვაჭრო,  
ჩემებრ ოხვრით ბაზარსა.

შორის მჭვრეტელ მოსწრაფე  
სული შენკენ მფრინვალეbs.  
ოდეს თვალი შენ გნახავს,  
ყოვლად გაგვაბრწყინვალეbs.

შენთან ყოფნა მცირეს ხანს  
მომცემს რასმე ლხენასა;  
შენ მტანჯავ და მე გაქებ,  
რისთვის იხშავ სმენასა?!

---

## სიყვარულო, ძალსა შენსა

სიყვარულო, ძალსა შენსა ვინ არს რომე არ კმონებდეს?  
ვინ არს რომე გულსა ტახტად, ოხრვას ხარკად არა გცემდეს?  
შენგან მეფე მონას ეყმოს, შენგან ბრძენი ხელად რებდეს,  
და ბულბულსა რად ეძრახვის, რომ შენგამო ვარდს  
შეჰყეფდეს!

სიყვარულო, ძალსა შენსა ყოველი გრძნობს, არსებს რაცა,  
სჯულსა შენსა ყველა ერჩის: ბერი, ერი, მეფე, ყმაცა;  
ხელმწიფე ხარ თვითმპყრობელი, ტახტი მზა გაქვს, ჰგიებ  
საცა,  
გულები გყავს ქვეშევრდომად, ამას მეც ვგრძნობ და თვით  
სხვაცა.

შენის უღლისგან გამოსვლა ნეტა უნდოდეს რადმე ვის!  
თუ შენ ხარ ვნების მიზეზი, ლხენაც შენგან არ გვეძლევის?  
ნამდვილ კეთილ არს განცხრომა, იგი ნუმც-ოდეს გველევის,  
მაშა ცუდია, თუ მაში სიბნელეც არსით ერევის!

## ელების კარი გაზაფხულისა

ელების კარი გაზაფხულისა,  
ღროთა ცვალებით დანერგულისა.  
მოგივალსთ ჟამი სიხარულისა,  
თვისთანა მქონე შეება სრულისა:

---

ვისაც ხელთ გქონდესთ ნება გულისა,  
იგემეთ სიტკბო სიყვარულისა!

ეჰა, ჩვეულნო ყოფნას დიდებით,  
აწ რად ხართ ბურვილ ჭმუნვის რიდებით?  
ნუ ჰგონებთ თავთა ბედ-განკიდებით...  
ნიაემან ყვავილთ სუნთ მოზიდებით  
გახაროსთ მოსვლა ფერად მკულისა —  
ვისაც ხელთ გქონდესთ ნება გულისა,  
იგემეთ სიტკბო სიყვარულისა.

თუმცა ზამთარი აზრობს ყვავილთა,  
და აგდებს ხეთა მწარედ განძრცვილთა,  
გარნა ჟამთ ცნობით მათგანვე ხილთა  
ჯერ არს ველოდეთ პირველებრ ტკბილთა:  
ეს არს ზნე დროთა სიარულისა!  
ვისაც ხელთ გქონდესთ ნება გულისა,  
იგემეთ სიტკბო სიყვარულისა.

უწყოდეთ ესე ცნობა მყარითა,  
რომ დრო მოგივალსთ კეთილ დართთა:  
იხილავთ ვარდსა სახე მტკბარითა!  
თუ არ შეჰკრთებით მისის ნართა,  
სიმხნეს მოიგებთ წამლად წყლულისა,  
ვისაც ხელთ გქონდესთ ნება გულისა,  
იგემეთ სიტკბო სიყვარულისა.

---

ჰოი, ვინც არებთ თავისუფლებით,  
ნუ ეტრფით ვარდსა გარშემოვლებით.  
მიეახლენით გულისა ხლებით!  
და თუ არ მოჰკედეთ უდროდ დღე-კლებით,  
იხილოთ განხსნა ბედ-შეკრულისა.  
ვისაც ხელთ გქონდესთ ნება გულისა,  
იგემეთ სიტკბო სიყვარულისა!



## ბრიგოლ ორბელიანი

### მუსამბაზო

მუსამბაზო, რა ტკბილი რამ ხმა ხარო.  
ჩ ა მ ჩ ი-მ ე ლ ქ ო

გინდ მეძინოს, მაინც სულში მიზიხარ!  
თვალთ ავახელ, ზედ წამწამზედ მიზიხარ!

ყმასავითა მე ერთგული შენი ვარ,  
გინდა მკლავდე, არას გეტყვი — შენი ვარ.  
სადაც წახვალ, მე მაშინვე იქა ვარ,  
გინდ ვერ მნახო, იცოდე, რომ იქა ვარ,  
რას გაწუხებ? მე ჩემთვისა იქა ვარ!  
ჩემთვის ჩუმად ვამბობ: „რა ლამაზი ხარ!“

გინდ მეძინოს, მაინც სულში მიზიხარ!  
თვალთ ავახელ, ზედ წამწამზედ მიზიხარ!

რტო აღვისა შენი წელი მგონია,  
მაგ წელზედა ცისარტყელა მგონია,  
ეგ თვალები — ცაში ელვა მგონია.  
ვარდის სუნთქვა — შენი სუნთქვა მგონია.  
როს მეღირსოს, ვსთქვა: „გეთაყვა, ჩემი ხარი!“

---

ვინდ მეძინოს, მაინც სულში მიზიხარ,  
თვალთ ავახელ, ზედ წამწამზედ მიზიხარ!

ათი გზა მაქვს, ათივე შენკენ მოდის!  
ფიქრები მაქვს, წინ შენი სახე მოდის!  
მინდა რამ ვპსტქვა — შენი სახელი მოდის!  
ჩემს გულში რა ამბებია, რა მოდის?  
ერთხელ მაინც მკითხე: „აგრე რათა ხარ?“

ვინდ მეძინოს, მაინც სულში მიზიხარ,  
თვალთ ავახელ, ზედ წამწამზედ მიზიხარ!

ჩემს დარდებსა ვინ ინაღვლის, ვინ არის?  
ვის რათ უნდა, ლობიანა ვინ არის?  
მკვდარია თუ ცოცხალია, ვინ არის?  
ქვეყანაში აბა რაა, ვინ არის?  
შენ არ მეტყვი, ვიცი, სულით ნაზი ხარ!

ვინდ მეძინოს, მაინც სულში მიზიხარ,  
თვალთ ავახელ, ზედ წამწამზედ მიზიხარ!

ორთაჭალის ბაღში მნახე, ვინა ვარ,  
დარდიმანდის ლხინში მნახე, ვინა ვარ!  
ჯამით ტოლუმბაში მნახე, ვინა ვარ!  
აბა მუშტის კრივში მნახე, ვინა ვარ! —  
მაშინ შეგიყვარდე, სთქვა: „ძვირფასი ხარ!“

ვინდ მეძინოს, მაინც სულში მიზიხარ,  
თვალთ ავახელ, ზედ წამწამზედ მიზიხარ!

---

## ეკატერინა ჭამჭავჭავაძისას

წინანდლის ვარდო,  
სულითა ტრედო,  
გულითა წმინდავ, ვით მთისა წყარო!

ვითა ცისკარი,  
ხარ მოცინარი,  
რომე მხილველის გული ახარო.

იმხიარულე,  
ვიდრე სიცოცხლე  
შენი მშვენიერებს, ვით ყვავილთ ჯაჭვი;

ვიდრემდის შენ ზე  
დაგნათის, ვით მზე,  
სიჭაბუკისა ნათელ ვარსკვლავი!

ჭმუნვის ღრუბელი,  
გულ-დამაბნელი,  
ვიდრე მხიარულს არ შეგხებია;

ვიდრე ამ სოფლის  
დაუდგრომელის  
ვარდნი ეკლად არ გარდაცვლია!

---

## ნიკოლოზ ბარათაშვილი

\* \* \*

შევიწრობ ცრემლსა, ჭირთ მანელებელს,  
გულსა დავიწვავ დასანაცრებელს,  
და მისსა ფერფლსა, ვითა საკმეველს,  
შევსწირავ სატრფოს, ჩემსა სალოცველს!

მისთ თვალთა ხარობს სამოთხე ჩემი,  
მისი ღიმილა შევების მომცემი,  
ჩემი წარწყმედი, მაცხონებელი,  
განმაბრძნობელი, გამხელებელი!

ვით არ ვადიდო სიტურფის ღმერთთა!  
ყოვლნი კეთილნი მან შეიერთა,  
სულსა მოკბერა ცის ნიჭი ქვეყნად  
და თავის მკობად ქმნა იგი მგოსნად!

\* \* \*

შენნი დალალნი ყრილობენ გველად  
სპეტაკს მკერდზედა, ტრფობისა ველად,  
და თვალთა ჩემთა ადავრიშებენ  
ჩან ნუგეშისთვის, ხან დასაწველად!

---

ოდეს ნიავი ლამაზს დალალებს  
მიგიშლ-მოგიშლის და სიამოვნებს,  
ნაშინ ჩემს თვალებს ალაგზნებს შური  
და, გლახ, ჩემს გულსა ის ავალალებს!

\* \* \*

ცისა ფერს, ლურჯსა ფერს,  
პირველად ქმნილსა ფერს  
და არ ამ ქვეყნიერს,  
სიყრმიდგან ვეტროფოდი.

და ახლაც, როს სისხლი  
მაქვს გაცივებული,  
ვფიცავ მე, არ ვეტროფო  
არ ოდეს ფერსა სხვას.

თვალეებში მშვენნიერს  
ვეტროფი მე ცისა ფერს;  
მოსრული იგი ცით  
გამოკრთის სიამით.

ფიქრი მე სანატრი  
მიმიწვევს ცისა ქედს,  
რომ ეშხით დამდნარი  
შევერთო ლურჯსა ფერს.

---

მოკვედები, ვერ ვნახავ  
ცრემლსა მე მშობლიურს,  
რის ნაცვლად ცა ლურჯი  
დამაფრქვევს ცვარს ციურს!

სამარეს ჩემსა როს  
გარს ნისლი მოეცვას,  
იგიცა შესწიროს  
ციაგმან ლურჯსა ცას!

\* \* \*

როს ბედნიერ ვარ შენთან ყოფნითა,  
ღიმილით გვეხარ მაისის დღესა,  
მე შენს თვალებში ვსჭვრეტ სამოთხესა  
და მათი მჭვრეტი ვიწვი ცეცხლითა!  
არ დაიჯერებ, თუ ვით სატრფო ხარ,  
არ დაიჯერებ, არ დაიჯერებ,  
არ დაიჯერებ, თუ ვით სატრფო ხარ!

როს უბედურ მყოფს მე მოშორება  
გონებამტაცის მშვენიერების,  
ესთვლი მოწყინებით ჟამთ მჭმუნეარების  
და სევდა გლახ-გულს დამეფარება!  
არ დაიჯერებ, თუ ვით სატრფო ხარ!

---

ხან ძილსა იკრთობს, ხან სევდით ოხრავს,  
ხანცა ყოველს სულს ამხიარულებს,  
ხან სიკვდილს იწვევს, ხან შორით ოცნებს,  
ხან ჰყვება სოფელს, ხან ცად მიფრინავს!  
არ დაიჯერებ, თუ ვით სატრფო ხარ!

\* \* \*

არ უკიეინო, სატრფო, შენსა მგოსანსა გულის-თქმა:  
მოკვდავსა ენას არ ძალუძს უკვდავთა გრძნობათ გამოთქმა!

მინდა მზე ვიყო, რომ სხივნი ჩემთ ღღეთა გარსა მოვაგლო,  
სალამოს მისთვის შთავიდე, რომ დილა უფრო ვაცხოვლო;

მინდა, რომ ვიყო ვარსკვლავი, განთიადისა მორბედი,  
რომ ჩემს აღმოსვლას ელოდნენ ტყეთა ფრინველნი და ვარდი.

მინდა შენ იყო, სატრფო, მშვენიერისა ცის ცვარი,  
რომ განაცოცხლო შავარნო, მღელო, სიცხითა დამჭკნარი,

რომ მხოლოდ მზისა ციაგი მას დილის ნამსა იშრობდეს,  
და ერთად შესხივებულნი შეებას მოჰფენდნენ სიცოცხლეს,

არეს ავსებდენ სიამით, მცენარეთ განმაცხოვლებლად,  
იყვნენ მარადის, უხსნელად, სოფლისა განსათავებლად!

---

ნუ თუ ამ სულის წადილსაც პრქვა სიყვარული სხვათაებრ?  
მაშინ მხეც უსხივ-უცეცხლოდ შეიძლებს ნათვას  
ვარსკვლავებრ;

მაშინ ვარდიცა განთიადს ვერღარა გარდაიშალოს  
და ცისა ცვარმან მღელღოი არღარა გააბიბინოს.

მაშინ შენც სხვათა მოკვდავთა ბანოვანთ მიემსგავსები  
მაშ, რად ერჩევი მათ შორის და ციურთ დაედარები?..

მაგრამა მშვენიერება გვაქვს, ცისიერო, უხრწნელი  
და ჩემთა გრძნობათ შენდამი ვერ დასდვან კაცთა სახელი.

### ს ა ყ უ რ ე ✓

ვითა ბეპელა  
არხევს ნელ-ნელა  
სპეტაკს შროშანას, ლამაზად ასრილს,  
ასე საყურე,  
უცხო საყურე,  
ეთამაშება თავისსა აჩრდილს.

ნეტავი იმას,  
ვინც თავისს სუნთქვას  
შენსა ჩრდილშია მოიბრუნებდეს!  
შენის შერხევით,  
სიო-მობერვით  
გულისა სიცხეს განიგრილებდეს!



---

პოდ. საყურეო,  
გრძნებით ამრეო,  
ვინ ბაგე შენს ქვეშ დაიტკბარუნოს?  
მუნ უკვდავების  
შარბათი ვინ სვის?  
ვინ სული თვისი ზედ დაგაკონოს?

---

## ილია ჭავჭავაძე

### ხმა გულისა

ჩემ მადნარშია წამოწოლილი  
ვიყავ, ზედ მედგა ხის უხვი ჩრდილი,  
და საიდღამაც ნაზი ბულბული  
სტვენდა სიყვარულს გაგიჟებული.

დიდხანს და დიდხანს ვუგდებდი მე ყურს  
იმ ხმას საკვირველს, იმ ხმასა გრძნეულს;  
ვგრძნობდი ჩემ სულის მშვიდ აღმაფრენას  
და გულის ჩემის სულ სხვა-რიგ ცემას.

დიდხანს ვატარე, დავღალე თვალი,  
ვერსად ვერ ვპოვე ის მომღერალი;  
თურმე ჩემს გულში ნაზი ბულბული  
სტვენდა სიყვარულს გაგიჟებული.

### ს...ჩ...სას

სატრფოვი ხშირად ლალი ფიქრი  
გამიტაცებს სუბუქ ფრთითა,  
ვითომც მე შენ მოგხვევივარ  
სავსეს ეშხის სიამითა.

---

„დასტკები, გიჟო — შეუზნები, —  
აჰა ჩემი წრფელი გული  
ბაგე ბაგეს ჩავაკონოთ  
და ჩავართათ სულთან სული“

თუმც ეს, ტურფავ, სიზმარია,  
მითაც ტკბება გული კრული...  
თუ არ სიზმრით, მაშ რით დასტკბეს  
უიმედო სიყვარული..

\* \* \*

ვახსოვს, ტურფავ, ჩვენს დიდ ბაღში  
მე და შენ რომ ერთად ვრბოდით?  
ნეტა იმ დროს!.. სიყვარულის  
მეტს არაფერს ჩვენ არ ვგრძნობდით!

შენ მოსწყვიტე ქორთა ვარდი,  
გაღმომიგდე საყვარელსა  
და მითხარი: „ჩემო გიჟო!  
ჩემ სახსოვრად გქონდეს ესა!“

ან შენ მაშინ რა იცოდი,  
ან შენ გიჟმა რა იცოდა,  
რომ იმ ვარდზე ადრე შენი  
სიყვარული დასჭკნებოდა!..

---

გახსოვს, ტურფავ, იმავე ბაღში  
აყრდნობდი ჩემს მხარზე თავსა,  
შენ ჩემს სუნთქვას ჰგუშავობდი  
და მე შენსა წრფელ სუნთქვასა;

დაგყურებდი, ველარ გავძელ,  
ლოყით კოცნა მე მოგპარე;  
შენ შეჰკრთი და ლამაზ თითით  
ლიმილით დამემუქარე.

ან შენ მაშინ რა იცოდი,  
ან შენ გიჟმა რა იცოდა,  
რომ ის კოცნა ბოლოს გესლად  
შენის გმობით შემეცვლოდა.

---

## აკაკი წერეთელი

### საიდუმლო ბარათი

საიდუმლო ბარათო!  
გითხრეს: „ექმენ მარადო  
სიხარულის მიმნიჭედ  
და სევდისა ფარადო“.

მისთვის გიღებ უბეში,  
გალბობ ცრემლის გუბეში,  
ამისრულო, რაც გითხრეს,  
თუ ხარ ჩემი ნუგეში!

- ვერა მხედავ მდუმარეს,  
ცრემლებს რო ვღვრი მდულარეს?  
რად არ მეტყვი მის ამბავს,  
ნუგეშს არ მცემ მწუხარეს?

როცა მისი მარჯვენა  
გრძნობით გხატავდა შენა,  
თვალთ ცრემლი ვერ შენიშნე?  
ვერც სახეზე მოწყენა?

---

როცა ამ სიტყვებს სწერდა,  
გული ხშირად უძგერდა?  
და თან ტკბილის გრძნობითა  
სიყვარულსა დაგმღერდა?

ან, როს ფარულად მანა  
შენ ჩემთან გამოგზავნა,  
ანგელოზი სუფევდა  
მის გულში, თუ სატანა?

არა! ამ გრძნობას განა  
მიჰბედავდა სატანა?!  
მაშინ უკულმა ბრუნვას  
იწყებდა თვით ქვეყანა!

საიდუმლო ბარათო!  
მექმენ... მექმენ მარადო  
სიხარულის მომნიჭედ  
და სევდისა ფარადო.

## ციცინათელა

ჩემო ციცინათელა!  
რად მიჰფრენ ნელა-ნელა?  
შენმა შორით ნათებამ  
დამწვა და დამანელა!

---

ანათებ და კარგი ხარ,  
მე თუმც არას მარგინხარი..  
ჩემი იყო, ის მინდა,  
შენ კი სხვისი ბარგი ხარი..

აბრეშუმის პეპელა,  
ფუტკარი და წურბელა,  
შენზედ სარგებლიანი  
შენ გენაცვალოს ყველა!..

წურბელა მკურნალია,  
მაგრამ ცოტა მყრალია...  
მშიერი — სისხლის მტერი,  
რომ გაძლება — მთვრალია!..

მაშ რად მინდა წურბელა?  
მან გული დამიბნელა!  
ისევ შენ და ისევ შენ,  
ჩემო ციცინათელა!..

მეორე თაფლს და სანთელს  
გვიკეთებს და სარგებელს  
მით გვაძლევს, მაგრამ კბენით  
გვისივებს ცხვირ-პირს და ხელს!

---

მაშ, რად მინდა ფუტკარი,  
მკბენარი, მოისარი?  
ისევ ციცინათელა,  
უწყინარი ის არი!

მესამე ტანს გვიმოსავს,  
წყნარია და არ იქმს ავს,  
მაგრამ უგნურებითა  
პარკში იღრჩობს თავის თავს!

მაშ, რად მინდა პეპელი,  
უგნურად თავის მკვლელი,  
და როგორ არ მერჩიოს  
მასაც ციცინათელი?

ჩემო ციცინათელა,  
საით ჰფრენ ნელა-ნელა?  
მე ვარ შენი ერთგული,  
სხვა მოგატყუებს ყველა.

მებრალეები, კარგი ხარი  
და, ვაი, სხვის ბარგი ხარი  
სხვებს ბნელშიაც უნათებ,  
მე კი დღეც არ მარგიხარი.



---

ნეტავ რისა გაქვს რიდი?  
ჩემსკენაც გამოფრინდი,  
ნათელი მომაფინე,  
მეც გამინათე ბინდი!

კმა, რაც დღემდის ვიწამე;  
აწ საყვარლად მიწამე  
და მაშინ შენს სიყვარულს  
დამავიწყებს მიწა მე!..

ჩემო ციციანათელა,  
სადღა ჰფრენ ნელა-ნელა?  
შენმა შორ-შორ ნათებამ  
უდროოდ დამანელა!..

• • •

ჩემო თავო, ბედი არ გიწერია!  
ჩემო ჩანგო, ეშხით არ გიჟღერია!  
ჩემო გულო, ტკბილად არ გიძგერია,  
რადგანც სატრფო, ვხედავ, ჩემი მტერია!

მით ჯოჯოხეთს მარად გულით ვატარებ!  
თუ მარტო ვარ, თავს მომაკვდავს ვადარებ,  
თუ ხალხში ვარ, ძალით ღრუბელს ვადარებ  
და მოწყენით ჩემზედ მტერს არ ვახარებ,  
რომ არა სთქვან ჩემზედ: „რა ოხერია!“

---

ჩემო თავო, ბედი არ გიწერია!  
ჩემო ჩანგო, ეშხით არ გიჟღერია!  
ჩემო გულო, ტკბილად არ გიძგერია,  
რადგანაც სატრფო, ვხედავ, ჩემი მტერია..

აღარა აქვს ბოლო ამ ჩემს სატანჯველს,  
არვინ მაძლევს სანუგეშოდ ძმურად ხელს,  
ჩემს შარბათში ნაღველს ესჭვრეტ და  
ვარღში გველს,  
მისთვის ვწყევლი და ვემღური ამ სოფელს,  
რომლისგანაც მე გზები ამერია..

ჩემო თავო, ბედი არ გიწერია!  
ჩემო ჩანგო, ეშხით არ გიჟღერია!  
ჩემო გულო, ტკბილად არ გიძგერია,  
რადგანაც სატრფო, ვხედავ, ჩემი მტერია!

რაღას ველი, დრო არს გაქრეს იმედი;  
გინდ მეწვიოს, ვერას მარგებს აწ ბედი,  
დამწვარი ვარ ისე, როგორც აბედი!  
ახა, ღმერთო, რა უდროოდ დავბერდი:  
საფლავისკენ ფეხი გამიშვერია..

ჩემო თავო, ბედი არ გიწერია!  
ჩემო ჩანგო, ეშხით არ გიჟღერია!  
ჩემო გულო, ტკბილად არ გიძგერია,  
რადგანაც სატრფო, ვხედავ, ჩემი მტერია!

---

დავუძღურდი, გაქრა გიჟი ოცნება...  
ნაღვლიანად ჩემს თავზედ მეცინება,  
და ღმერთს ვვედრებ: „ღმერთო, მომეცი ნება,  
რომ მეღირსოს საფლავში დაძინება!..  
სჯობს, სულ გაჰქრეს კაცი, რადგანც მტვერია!“

ჩემო თავო, ბედი არ გიწერია!  
ჩემო ჩანგო, ეშხით არ გიჟღერია!  
ჩემო გულო, ტკბილად არ გიძგერია,  
რადგანც სატრფო, ვხედავ, ჩემი მტერია!..

### იმერული სიმღერა

პატარა საყვარელო,  
რისთვის მომიკალ გული?  
გაღიაში გაგზარდე,  
ვით მაისის ბულბული,

შაქრით მყავდი გაზრდილი,  
ჩენთვის ვლე კიდის-კიდე!  
პატარა საყვარელო,  
ცეცხლი რად მომიკიდე?

გული შენ მოგიძღვენი,  
სულიც შენ შემოგწირე!

---

პატარა საყვარელო,  
შენ რაღად დამამცირე?

რომ დამგმე უმიზეზოდ  
და გამცვალე სხვაშია,  
მიჯობს დამწვა ცეცხლითა,  
ან ჩამაგდო ზღვაშია!

პატარა საყვარელო,  
ჩემო მკვლელი, უგულო,  
გალიაში გაზრდილო,  
გაზაფხულის ბულბულო!

### მუხამბაზი

რომ იცოდე ჩემი გულის დარდები,  
გეფიცები, ტურფავ, შეგიყვარდები!

ცაზედ მზეა, ქვეყანაზედ შენა ხარ!  
შეცდომით ძირს ჩამოსული ზენა ხარ.  
შაქრის გულო, ბულბულისა ენა ხარ!  
სინარულო, ჩემის ცრემლის დენა ხარ!  
ეკლით ნუ მჩხვლეტ... დამიბრუნე ვარდები!  
რომ იცოდე ჩემი გულის დარდები,  
გეფიცები, ისევ შეგიყვარდები!

---

სიყვარული ისა სჯობს, რაც ძველია.  
საუკუნო მეგობრობის მცველია  
ახალი კი დროებითად მწველია  
და ყმაწვილთა მხოლოდ სანატრელია.  
შენ ერიდე!.. მოიფარე ფარდები  
რომ იცოდე ჩემი გულის დარდები,  
გეფიცები, ქალო, შეგიყვარდები

ჩემსავით რომ შეგიყვაროს, ვინ არი?  
ვინ გაღმერთოს ციურად მომცინარი,  
თუ არ მევე?.. გინდა ვიყო მძინარი,  
შენი სახე მაინც ჩემ თვალთ-წინ არი;  
თუ გამიქრა, კლდეზედ გადავვარდები  
რომ იცოდე ჩემი გულის დარდები,  
გეფიცები, ისევ შეგიყვარდები

აწ რაღა ვარ, შენგან ტრფობას ჩვეული?  
ვეხეტები გზა-და-კვალდაბნეული  
ლხინს ვშორდები, ჭირისაგან წვეული  
გაყრის წამი ჩვენი იყოს წყეული..  
სჯობს, შეერიგდეთ! ფეხ-ქვეშ დაგივარდები  
რომ იცოდე ჩემი გულის დარდები,  
გეფიცები, ისევ შეგიყვარდები

---

## კინტოს სიმღერა

საყვარლისა ეშხზედა  
ღვინო დამიღვევია,  
მის ხსოვნა-სიყვარულში  
სულიც დამიღვევია! ..

მისმა შუქმა დამადნო,  
სიცოცხლეს დამწვარია,  
ღღე-ღღეობით მზე არის,  
ღამ-ღამობით მთვარეა!

მისი ცეცხლი ამ გულსა  
აროდეს არ ნელდება:  
თუ იმას არ ვუყურებ,  
ღღე ნათელი ბნელდება.

მაშინ ვკვდები სევდითა,  
სისხლის ცრემლით ესტირი მე,  
სანამ არ მანუგეშებს,  
იმისი კი ჭირიმე!..

საყვარლისა ეშხზედა  
ღვინო დამიღვევია,  
მის ხსოვნა-სიყვარულში  
სულიც დამიღვევია!..

## სიყვარული

- სიყვარულო, ნიჭო სრულო,  
წამ ტკბილო და ხანგრძლივ მწარე,  
ჯერ აკვანო ნეტარების,  
შერმე კუბოვ და სამარე!

დღეს ჩემი ხარ, ხვალ სხვისი ხარ,  
უგზო-უკვლოდ მოარული  
სად არს შენი დასაბამი?  
ან სადა გაქვს დასასრული?

ზოგი გყვედრის, ზოგი გვედრის,  
ყველას კი ჰსურს, რომ გემონოს!..  
ვინ არის, რომ შენსა სიტკბოს  
სიცოცხლე არ შეუწონოს?

დიდის ხნობით... მაღალ გრძნობით  
თუმც არავის არ ახარებ  
და წამიერ სიტკბოებას  
საუკუნოდ წაამწარებ,

მაგრამ მაინც ყველა გეძებს!..  
ცოცხალმა ვით დაგიწუნოს?  
ვინ არის, რომ იმ ერთს წამში  
არ გასწირავს საუკუნოს?!  
/

## ჯარისკაცი

პატარა ბიჭი ვიყავი,  
პატარა ბიჭუკელო,  
„დაურჩი დედას, კარგი ხარ!“  
შემომნატროდა ყველაო.

პატარა გოგო მიყვარდა,  
პატარა გოგუცანაო,  
ცაზე ვარსკვლავიც არ ბრწყინავს  
ლამაზი იმისთანაო.

თავი მოგვწონდა ორივეს,  
გულს კარი მქონდა ღიაო,  
შიგ ჭიკჭიკობდა ბულბული,  
ვარდი ჰყვავოდა, იაო.

გვეგონა, დაბლა ქვეყანა  
მალლა ცით დათაფლულაო,  
შიგ სიყვარული ნათესი  
ჩვენს კარზე ამოსულაო...

თავზე დავიდგით გვირგვინი,  
მიედექით საყდრის კარსაო,  
მამასახლისმა დაგეჩხავლა:  
— „მღვდელი, ნუ დასწერ ჯვარსაო!



---

„ნუფეს სალდათად იწვევენ  
უნდა მოხადონ ვალიო,  
სამ წლამდის ქვრივად დარჩება  
ხემწიფის პატარძალი“.

დავლონდი პატარა ბიჭი,  
პატარა ბიჭუკელო,  
„ვაი შენს დედას, საბრალოვ!“  
შემომტიროდა ყველო.

პატარა გოგოც ატირდა,  
პატარა გოგუცანაო,  
მაგრამ ჩემს დაბრუნებამდი  
სხვა ნახა ჩემისთანაო.

## სატრფოს

მშვენიერო, შენ გეტრფი  
შენი მონა, ერთგული!  
შენთვის სულღმულს, შენგანვე,  
შენთვის მიძგერს ეს გული!

მეგულები ციხეში,  
ცხრაკლიტულში მჯდომარე...  
შეთვისებას გიპირებს  
გაიძვერა მოყვარე!

---

ტკბილად გაჭმევს, ტკბილს გასმევს,  
შეზაფებულს ბანგითა,  
დედის ხმაზედ გიმღერებს  
დედინაცვლის ჩანგითა.

გაუფრთხილდი ნუ გჯერა  
შაგის ტკბილი ნანინა,  
შენზე წინათ სხვაც ბევრი  
მოხიბლა, შეაცდინა!

გაუმაგრდი განსაცდელს,  
აიტანე ტყვეობა!  
გშვენის ნესტან-დარეჯნის  
მაგალითი... მზეობა.

ტარიელი დაგეძებს,  
გაუარდნილი დღეს ველად,  
ავთანდილიც ფრიდონით  
მოდის გამოსახსნელად!..

რომ სისხლი და ცრემლები  
მსხვერპლად შენ წინ დაღვაროს!..  
აქ ცოცხლებს სცეს ნუგეში  
და იქ მკვდრები ახაროს.

\* \* \*

სანამ ვიყავ ახალგაზრდა  
და სიამით ძგერდა გული,  
ენატრობდი და არ მეღირსა  
ბედუკულმართს სიყვარული.

რომ დაებერდი, დაეუძღურდი,  
სახე დაჭკნა, დამელარა, —  
სიყვარული რაღად მინდა,  
გინდ იყოს და გინდა არა!

სიღარიბე კვალში მდევდა,  
კარის-კარზედ დამატარა,  
აწ სიმდიდრე რაღად მინდა,  
გინდ იყოს და გინდა არა!

ვინც მინდოდა სამეგობროდ,  
ყველამ გვერდი ამიარა:  
დღეის იქით მეგობარი  
გინდ მყავდეს და გინდა არა!

უსამართლოდ დაცინებამ  
ჩვენში ბევრჯერ გამამწარა,  
ცხრა მთას იქით, რაღად მინდა,  
გინდ მაქონ და გინდა არა!

---

ვისაც ვთხოვდი შემწეობას,  
ჩემთვის წყალიც არ დაღვარა,  
რომ მოკვდებო, რალად მინდა,  
გინდ მიტირონ, გინდა არა!

სული კრული, გული წყლული,  
სახე მჭკნარი, თმა ჭალარა,  
ამისთანა სიცოცხლაც კი  
გინდ იყოს და გინდა არა!

### ს უ ლ ი კ ო

საყვარლის საფლავს ვეძებდი,  
ვერ ვნახე!.. დაკარგულიყო!..  
გულამოსკენილი ვჩიოდი:  
„სადა ხარ, ჩემო სულიკო?!

ეკალში ვარდი შევნიშნე,  
იბლად რომ ამოსულიყო,  
გულის ფანცქალით ვკითხავდი:  
„შენ ხომ არა ხარ სულიკო?!“

ნიშნად თანხმობის კოკობი  
შეირხა... თავი დახარა,  
ცვარ-მარგალიტი ციური  
დაბლა ცრემლვებად დაჰყარა.

---

სულგანაბული ბულბული  
ფოთლებში მიმალულიყო,  
მივეხმატკბილე ჩიტუნას:  
„შენ ხომ არა ხარ სულიკო?!“

შეიფრთქიალა მგოსანმა,  
ყვავილს ნისკარტი შეახო,  
ჩაიკენეს-ჩაიჭიკჭიკა,  
თითქოს სთქვა: „ღიახ, ღიახო!“

დაგვექათქათებდა ვარსკვლავი,  
სხივები გადმოსულიყო,  
მას შევეკითხე შეფრქვევით:  
„შენ ხომ არა ხარ სულიკო?!“

დასტური მომცა ციმციმით,  
სხივები გადმომაყარა  
და იმ ღროს ყურში ჩურჩულით  
ნიავემაც ასე მახარა:

„ეგ არის რასაც ეძებდი,  
მორჩი და მოისვენეო!  
დღე დაიღამე აწ ტკბილად  
და ღამე გაითენეო!“

---

„სამად დაშლილა ის ერთი:  
ვარსკვლავად, ბულბულ, ვარდადო,  
თქვენ ერთმანეთი რადგანაც  
ამქვეყნად შეგიყვარდათ“.

შენიშნა!.. აღარ დავეძებ  
საყვარლის კუბო-სამარეს,  
აღარც შევეჩივი ქვეყანას,  
აღარ ვღვრი ცრემლებს მღუღარეს!..

ბულბულს ყურს ვუგდებ, ვარდს ვყნოსავ,  
ვარსკვლავს შევეყურებ ღხენითა  
და, რასაცა ვგრძნობ მე იმ დროს,  
ვერ გამომითქვამს ენითა!

ისევ გამეხსნა სიცოცხლე,  
დღემდე რომ მწარედ კრულ იყო,  
ახლა კი ვიცი, სადაც ხარ,  
სამგან გაქვს ბინა, სულიკო!..

## ნ ა ტ ვ რ ა

როტშილდის ქონება მე,  
შექსპირის გონება მე,  
ყველაზედ უფროსობა,  
შენი კი მონება მე.

---

შევარდნისა ფრენა მე,  
ბულბულისა ენა მე  
და შენგამო, შენგან მე  
ტკბილი ცრემლის დენა მე.

სხვა ვინატრო რაღა მე?  
რაღა დღე და რა ღამე?  
როცა შენმა სიშორემ  
გული დამიდაღა მე!

### ყმაწვილ ძალს ✓

ყოველ სნეულებაზედ  
სიყვარული ძნელია;  
შეყვარებულისათვის  
ნათელიც კი ბნელია:

თვალით ველარას ხედავს,  
ყურში არ ეყურება  
და ყურმოჭრილ ყმასავით  
მის კერპს ემსახურება.

რაც უნახავს საყვარლის,  
ან რაც გაუგონია,  
გინდ საძაგლობაც იყოს,  
მაინც კარგი ჰგონია!

---

ეს ბუნების კანონი  
ყველასათვის ვალია:  
გაურჩევლად იმონებს,  
კაცია თუ ქალია.

და შენც უნდა ელოდე,  
რაც ვალი და წესია!..  
თუმცა ტრფობას შენს გულზედ  
ჯერ არ დაუკვესია,

მაგრამ ერთხელ შეცრად  
დაგკრავს, მოგიდებს ალსა,  
გაგრძნობინებს უცნაურს  
რალაც ციურსა ძალსა.

ის ბიჯი მიითვალე  
სიკედელ-სიციოცხლის სწორად:  
ან ავად და ან კარგად  
გარდაგქმნის ერთი-ორად.

მაშინ შენს სათაყვანოს  
თუ შეხვდი ღირსეულსა,  
გაგიმტკიცებს გონებას,  
აგიმალღებს მით სულსა.

რაც ბუნებითად კარგი  
შენში კი იპოება,  
აყვავდება, იხარებს,  
ვითა უმანკობა.



---

მაგრამ თუ შეხვდი უღირსს,  
ზნეობითად დაცემულს,  
ვაი, შენს სიცოცხლესა,  
საფლავამდე დაშხამულს!

დრო რომ გამოგაფხიზლებს,  
ნახავ თავს მოტყუებულს,  
მაშინ სულღაჩაგრული  
ნაღვლით აივსებ მაგ გულს

და გაბოროტებული  
აქეთ-იქით ეცემი;  
მაგრამ საითაც წახვალ,  
იქითვე დაეცემი.

აი, ამას უფრთხილდი,  
ცუდად არ წაჰკრა ფეხი,  
რომ თავზე არ დაგატყდეს  
ის სასიკვდილო მენი!

ბევრი დაუჭერიათ,  
ვით ჩიტები მახითა.  
არ მოტყუედე შენ მაინც  
გარეგანის სახითა!

ნუ გაიჩენ ცუდს წრეში  
შენ ტოლ-ამხანაგებსა,  
და თავიდან აიცილენ  
მახეს, შენთვის ნაგებსა.

---

ერიდე გარეგნობით,  
შემთხვევით ამაღლებულს!  
სხვა კანონი და გზა აქვს  
მის სულს, ჭკუასა და გულს.

შავს ენას და შავსა გულს  
აფარებენ თეთრს კბილებს.  
არა! გიჯობს, რომ მიჰყვე  
შენ იმ მამულიშვილებს,

ქვეყნისთვის რომ ყოველდღე  
ოფლში იწურებიან  
და, ვით ბნელში ვარსკვლავი,  
ისე ჩუმად ჰქრებიან!..

---

## ლადო ჯაფარიძე

\* \* \*

ისევ შენ და ისევ შენ,  
ჩემო ტურფა, ლამაზო,  
ყველა შენ გენაცვალოს,  
მოციმციმე აღმასო!

მიყვარდი და მიყვარხარ,  
სულთქმამდინ მეყვარები;  
მსურდა შენის ხელებით  
დამხუჭოდა თვალები!

თუმცა მე შენმა გულმა  
ახლოს არ მიმიკარა  
და შენ, ჩემო ლამაზო,  
არც „პო“ მითხარ, არც „არა!“

გინდა ჯვარზედაც მაცვან,  
მე სხვას ვერ შევიყვარებ,  
შენ კი გძულვარ, მაგრამა  
მე შენ თავს განაცვალები..

---

ბრიგოლ ვოლსკი (უმჯიფარძე)

\* \* \*

ოდეს მეწვევა სეედა დამწველი  
და გულღვიძლს მიღრღნის, ვით გგესლი გველი,  
შენი სახე მყავს მაშინ მხსნელ ფარად...  
შენ გეტრფი მარად, შენ გეტრფი მარად...  
რა წამსაც მეტყვი საქმეს საგმიროს,  
თუნდ მტრის ლახვარმაც მომკლას, გამგმიროს,  
შენთვის სიკვდილსაც მივიჩნევ არად...  
შენ გეტრფი მარად, შენ გეტრფი მარად!...  
სიკვდილის წამსაც მექნება ნატვრად  
რომ შენი ცრემლი ციურ საჩუქრად  
ჩემს ობოლ საფლავს დაეცეს ცვარად...  
შენ გეტრფი მარად, შენ გეტრფი მარად!...  
ჭირსა თუ ლხინში, ყველგან, ყოველთვის  
გული, გონება შენსკენ მომელტვის,  
მარტო შენ მწამხარ ხატად და ჯვარად...  
შენ გეტრფი მარად, შენ გეტრფი მარად!..

---

## ვაჟა-ფშაველა

### რამ გაგაჩინა, ქალაო

(სიმღერა)

რამ გაგაჩინა, ქალაო,  
ლერწმად აჭრილო წელშია?  
ნეტავინ, ხელით შემახო,  
შენ რო ვარდი გქონ მკერდშია!  
რომ დავიხოცნეთ, იქაცა  
კიდევ გიბოვნი მკედრებშია.  
შენს იქით, ვინ სთქვა, რო იყოს  
ქალი, კაცი და ქვეყანა?  
იღომც კი შენთან მამყოფე,  
თუნდ ბინას დავსცდე თემთანა;  
მოვკვდე შენს დაუტირებლად,  
თუ შეგადარო მზესთანა!

თუნდ სრულად გასწყდენ ვარსკვლავნი,  
იზემ ტანთ ჩაიცვას შავები,  
ისეც მზეობას მიზამენ  
შენი ფოფინა თვალები!

---

## სამეფოს სიმღერა

ქალო, გნახე ფეხშიშველა,  
გამაჰგოგდი ეზოშია;  
გენაცვალე, კაკაბს ჰგვანდი  
მოსეირნეს ფერდოშია.  
ვისი ძუძუ გიწონია,  
იისა თუ ვარდისაო?  
გენაცვალე, შავთვალწარბავ,  
გულო ჩემის დარდისაო!  
გამიგონე, სად მირბიხარ,  
შე უჯიშოს გვარისაო?!  
შენ თუნდ ფრჩხილიც ნუ ატკივა,  
სიკედლის მიეცემ სიცოცხლესა;  
ერთხელ კიდევ დამენახვე,  
ღმერთი დედას გიცოცხლებსა!..

## გამოღმით მე ვარ, გაღმა შენ ✓

(სიმღერა)

გამოღმით მე ვარ, გაღმა შენ,  
შუაზე მოდის მდინარე,  
ხიდი არ გვიძე წყალზედა,  
ფიქრი გვკლავს მოუთმინარე.

მინდა გაკოცო, მაკოცო, /  
შენს სახეს ვხედავ მღიმარეს,  
მაგრამ ვერსაით გამოვედ  
ამ სატილოს მდინარეს.  
მეც უნავო ვარ, შენაცა,  
ცურვა არ ვიცი, ვტირითა;  
მეშველიც არვინ გვიჩნდება  
არც ციდან, აღარც ძირითა,  
შენ მე მიმელი, მე — შენა  
გაცინებული პირითა.  
ველარც ხმას გაწვედენ, გითხრა რამ,  
მდინარე ბრაზობს, ღრიალებს,  
ჩემს ძახილსა ნთქავეს მის ზვირთი,  
როგორ შეადა ტრიალებს!..  
რა უნუგეშო ყოფნაა,  
წელთა სვლა მხოლოდ მზერაში,  
რომ მოვეკვდე, ბევრით ჰჯობია,  
მაინც გარგივარ ვერრაში!..  
არა, ის მინდა, გხედავდე,  
ნუგეშსა ვპოვებ ცქერაში.

## სიყვარული

შენმა სურვილმა დამლია,  
შენზე ფიქრმა და სევდამა,  
შორს წასვლამ, ხშირად გაყრამა,  
გულის თვალებით ხედვამა;

მაოცებს შენი გამზრდელი,  
ვინც შენ გაგზარდა დედამა...  
კარგი ხარ, აღარც კარგი ხარ,  
მე გულს მაწევხარ ნისლადა,  
მინდა, რომ მძულდე, მოგშორდე,  
გულზე მობმულო ღვიძლადა,  
მაგრამ ტყუილად ვცოდვილობ:  
ვერ უსძლევე შეჩვეულს გრძნობასა.  
მთელის ხმელეთის სწორი ხარ,  
ვინ მიზამს შენოდნობასა?  
ვინა სთქვა: „ტრფობა ბერდება  
და სატრფიალო საგანი,  
ყინულის ეკალს დაისხამს  
წამწმები ცრემლით ნაბანი,  
ცრემლითა ნასურვილევიტ,  
დრო რა გაივლის და ხანი?“  
ცოცხალი პირქვე დამმარხეთ,  
დამხურეთ მიწის საბანი,  
თუ ჩემს შენდამო სიყვარულს  
დაეკლოს ერთი ცვარია.  
თუმცა რაც პირველად გნახე,  
მას შემდეგ კარგა ხანია;  
ცოცხალს შენა მფენ გულზე ვარდს,  
თუ ავდარი, თუ დარია,  
საფლავშიც შენზე ვიფიქრებ,  
შენგნით ვიცოცხლებ მკვდარია!



---

## ბრიგოლ აბაშიძე

### სიმღერა

როდესაც გიცქერ — ტკბილად სძგერს გული,  
შენდამი ტრფობით გატაცებული;  
ოდეს გშორდები — მუდამ ვსტირი მე...  
შენ შემოგველე, შენი ჭირიმე!

შენ ხარ სიმღერა და სიყვარული,  
ხარ უკვდავება და სიხარული...  
ერთი მაჩვენე, მზეო, პირი მე...  
შენ შემოგველე, შენი ჭირიმე!

ბროლის თითებით როს სიმთ აჟღერებ, —  
სირინოზის ხმით ტკბილად ამღერებ, —  
ნეტარების ცრემლს ვაფრქვევ, ვსტირი მე  
შენ შემოგველე, შენი ჭირიმე!

შენ მომივლინე შვება, ნათელი,  
შენ გამიქარწყლე კენესა, ნალველი,  
ველარ მერევა ტანჯვა, ჭირი მე...  
შენ შემოგველე, შენი ჭირიმე!

---

შენი მონა ვარ, შენი ვარ მცველი,  
შენი მგოსანი, შენზედ მლოცველი,  
შენი ჩრდილი ვარ და თან გზირი მე...  
შენ შემოგეველე, შენი ჭირიმე!


გემუდარები, ნაზო ბულბულო,  
ოდესაც მოვეკვდე, ვიქმნე უსულო  
და დამაფარონ მიწის პირი მე,  
ერთი მიტირე, შენი ჭირიმე!





# არქიტექტურის პედაგოგია







## საიათნოვა

### მოდო, საყვარელო

მოდო, საყვარელო, ბაღში შავიდეთ,  
ბაღი კარგი, ვარდი კარგი, ხე კარგი  
სიკედლიამდინ გარეთ აღარ გავიდეთ, —  
სახე კარგი... მთვარე კარგი... მზე კარგი

დავლიოთ ღვინო, — არაყი ჩვენია,  
მეჯლის-საზანდარი, საღი ჩვენია  
გავაგდოთ მებაღე, ბაღი ჩვენია  
ღვინი კარგი... ღრო კარგი... ღღე კარგი

მაილია ვარდი, — არსად აბია, —  
ბუღბუღი სწუხს, რომ ყვავილს უზის ჭია  
ხეივანში გადაშლილა სულ ია,  
წყალი კარგი... კვალი კარგი... მწე კარგი

---

ტანთ გიხდება საწვიმარი აისი,  
აღვის ხესა გამოუსხამს ყაისი  
ვველა ჩივის, რომ დავკარგეთ მაისი,  
სული კარგი... გული კარგი... თვე კარგი  
მე, სადათნოვას, ხმაში მაქვს ძალი  
დაბძანდი, დაგიგო ხორასნის ხალი  
მიჯნურმა ღობილამ არა გკრას თვალი,  
საზი კარგი... შენ კარგი... მე კარგი..

## განა მე მშიერი ვიყავ

განა მე მშიერი ვიყავ, ჭამისათვის წამოვედი?  
შენთან ლაპარაკი მსურდა და მისათვის წამოვედი!..  
მინდა დილა გავათენო, ღამისათვის წამოვედი,  
დამაგიწყდა... ველარ ვამბობ... რამისათვის წამოვედი!

შენ, სახელმწიფო გვირგვინო, ჩემი თავი არაშია,  
ღიახ, მეტად შორთული ხარ — დიბაშია, ხარაშია!..  
ნათალო ბროლის ფიცარო, სანდალის ფანჯარაშია,  
პირი ოქროს სარკეს გიგავს, ჯამისათვის წამოვედი!

მისთვის გაძევს ძვირი ფასი, დიბაო, ზარბაბო, ზარო,  
ხორასნისა ჯავარდენო, ინდოეთის ყალამქარო!..  
შორის ქვეყნის ვაჭარი ვარ, შენ მარანდისა ბაზარო,  
ზარბაბის ფასი არა მაქვს, ხამისათვის წამოვედი!

---

მოდის, თვალს, დამავეალე, სარგებელში ენას მოგცემ, .  
თავს — ბარათის ალაგასა, მეჯლისისა ლხენას მოგცემი..  
მუდამ შენს კარს ვეახლები, ჩემსა თავსა შენად მოგცემ —  
ან მომკალ, ან დამარჩინე, ამისათვის წამოვედი .

სულ ქვეყანა რო მოგროვდეს, ვერ ითქმევა შენი ქება,  
რა ინდოეთს, რა ფრანგოეთს, შენისთანა სად იქნება!..  
ეს საწყალი სადათნოვა მთელ ქვეყანას ებრალება.  
ალაბი გადმოვიარე, შამისათვის წამოვედი.

## შუალამის ვარსკვლავით

შუალამის ვარსკვლავით ცაში ხარ,  
ლალის ვარდო, ყანაში ხარ, მკაში ხარ,  
გაზაფხულის იასავით მთაში ხარ,  
სანთური ხარ, ქამანჩა ხარ, ტაში ხარ,  
ზღვის პირველი ჯეირანი, რაში ხარ!

განა, შენა არ გყოლია მოძღვარი?  
რაზედ მოჰკალ ჩემისთანა საპყარი,  
წამლისათვის მითხრეს შენი ჯადვარი!  
შენსა სახეს ვერ გადმოსწერს მხატვარი,  
ინდოეთის ყალამის ნაყაში ხარ!..



---

ჩემი სიცოცხლე უშენოთ ძნელია,  
რაზედ გამათავე, რისა მქნელია?  
შენი ეშხი ბორკილია, წნელია,  
შენ მე მხედავ, მე ვერ გნახამ — ბნელია,  
ბროლის ყუთში და სარკის უჯრაში ხარ!

ჯიხვისავით თოვლიან მთას შაიცვლი,  
ღრუბელსავით სავსე წვიმას ჩაიცვლი,  
ჯეირნივით მინდორში არ მაიცვლი,  
ერთ წუთაზედ ათას ფერად გაიცვლი,  
ვინც რომ გნახამს, ნაღველი ხარ, ვაში ხარ!

ინდის ხელმწიფისგან ოქმი მოუა,  
რაც რომ გეიყოს, შეუძლიან, გაუა,  
ოქროს ხანჯლიანი კარზედ დაუა,  
ბროლის სინით მარგალიტი შაუა, —  
შე საწყალო საძათნოვავ, რაში ხარ?

## რა ზარბაზი ♣

რა ზარბაზი, რა ატლასი, რა ზარი ვარ, იცი განა?  
იას და ვარდს ვენატრები, რა ქარი ვარ, იცი განა?  
ნიადაგ საზი ხელში მაქვს, ნოქარი ვარ, იცი განა?  
შენს დედ-მამას შეუტყვია, თითონ კი არ იცი განა?  
მაშ არ შეგიტყვია განა? მაშ არ შეგიტყვია განა?

---

ახლა მოდი, მოგახსენო, ქვეყანაზედ რა ვიარე:  
ლეილუმ ტოლი დაეკარგე, მეჯუნნივით დავიარე,  
ბულბულივით ვარდს ვეძებდი, ავდეგ, ჭალას ჩავიარე,  
ვარდის კვალი ვერ ვიპოვე, სულ უბრალოდ გავიარე,  
მზესავით პირი მაჩვენე, დამწვარი ვარ, იცი განა?

ეს ჩემი გულის ნაღველი ვატყობინე ერანელთა,  
მაშრიყელთა, მალრიბელთა, ხელმწიფეთა, ერთა, ბერთა,  
ამის მეტი რა ღონე მაქვს, თავს მოვიკლავ ტურფას გვერდთა!  
ხევწნაც ასეთი იქნება? ვამბობ: მე ვარ დედისერთა!  
დამაღნე და დამანავლე, შაქარი ვარ, იცი განა?

შემოდგომა შემოვიდა, მე რალა უკან ვიქნები?..  
მანდ შენი ვარდი ამოვა, ან მოვკვდები, ან ვიქნები,  
შენი ნაღველი არ იყოს — ცოცხალი დიდხან ვიქნები!..  
გამიგონე, მოგახსენებ, ამაღამ შენთან ვიქნები!..  
მალმალ ამბობ: ადე, წადი! სტუმარი ვარ, იცი განა?

სადათნოვა ამას ვჩივი, სამალი ვერ მიშოვია!  
მინდა გული ზედ ავაგო და ხმალი ვერ მიშოვია!  
შენი უბის ბროწეულის ნამალი ვერ მიშოვია,  
თავი მტკივა, გული მტკივა, წამალი ვერ მიშოვია,  
მომაქვს ზარის ხელმანდილი, ხუმარი ვარ, იცი განა?

---

## დავით გივიშვილი

\* \* \*

მითხარ, მითხარ, რას მემდური შენი სულისა,  
აღარა მაქვს მოთმინება, მკვლელო გულისა!  
კარგად იცი, ტყვე ვარ შენი სიყვარულისა,  
ახსენ ბაგე, გამაგონე ხმა ბულბულისა!

ღმერთსა ვფიცავ, არას გარგებს ეგრე სინაზე,  
ცუცხლს მიკიდებს შენი ეშხი და სილამაზე,  
ერთი მითხარ, რა გაწყინე, მივიწყებ რაზე?  
რად გადასდექ, შე უწყალოვ, იმ ჩვენს აღტქმაზე.

მაშ, თუ ჩემი სიჭაბუკე არ გენანება,  
მოდო, მამკალ შენი ხელით, გაქვს სრული ნება,  
ჩემთვის დიდი სიხარული იგი იქნება,  
რომ ეს გული დადაგული მით განელდება!

ერთხელ მაინც მამიგონებ მკედარსა სულითა,  
იტყვი, მოკვდა ჩემის ეშხით, სიყვარულითა,  
მხოლოდ მაშინ აივსები სინანულითა,  
მაგრამ, სულო, სადღა მნახავ, გსურდე გულითა!...

---

სიჭაბუკე ისრე ჭკნება, ვითა ყვაველი,  
დღენი ჩვენი მიდის, ქრება, როგორაც ჩრდილი,  
მინამ დრო გაქვს, მოილხინე, სცან გივიშვილი,  
ეს ხომ იცი, ბოლო ჩვენი არის სიკვდილი...

## გიორგი სპანდაროვა



ორთავ თვალის სინათლევ!  
რაზედ მოგიწყენია?  
ბნელს ვზივარ, განმინათლე, —  
სინამ დრონი შენია.

ეარდო, შენ შლას მოველი,  
სიტყვა მაქვს სათხოველი;  
ეკალზედ ვარ მშთომელი,  
ცხარე ცრემლი მდენია.

რა ვქნა? შენთან ყოფნა მსურს;  
მშვილდთა წარბთა ტყორცნა მსურს,  
დღე-ღამ შენი კოცნა მსურს,  
სხვაფრივ ნურა გგონია...

გაჩენილხარ საწველად,  
ჩემ გულის დასაწველად,  
მთელ ღამის ათასჯერად, —  
შენს კარს გამითენია.

---

ნუ მაძლევ ცუდსა ბედსა,  
ნურც ტყუილსა იმედსა,  
არას გთხოვ ამის მეტსა, —  
მკმარის ესოდენია.

გნახე, მწვეავს ეშხის ალი,  
არსით არის წამალი.  
მითხარი, რა მაქვს ბრალი, —  
შენთან ჩანადენია.

შენ დღე გშეენის, მე ღამე...  
ეს ტანჯვა რისთვის მამე?  
გამო, ერთი ხმა გამე, —  
კვირით შეიდი დღენია.

სხვა რაც გითხრა, გამიგე,  
მკედარი გული მამიგე,  
მახენი ნუ დამიგე,  
გეაჯ თუ გწამს ზენია.

გავლით მომეც სალამი,  
აწ გნატრულობს ალამი;  
ხელთ გიჭირავს კალამი,  
ქება დაგიმშვენია.

---

შუქნი გფარავს მზისანი;  
სიტყვა მომეც მტკიცენი,  
სკანდარნოვა იცანი, —  
სიმღერის გამჩენია.

\* \* \*

ამ დროში საყვარელი სჯობს,  
საუნჯეს ლერწამ-წელი სჯობს,  
შაქრივით ბაგე სველი სჯობს,  
სევდების უკუმყრელი სჯობს;  
ძუნწის ფულს — გამხარელი სჯობს.

მიჯნური ერთგული უნდა.  
არშიყსა — ჭკვა სრული უნდა,  
კოკობ ვარდს — ბულბული უნდა,  
გული-გულს გაბმული უნდა;  
სურვილი — გაუყრელი სჯობს.  
ამ დროში საყვარელი სჯობს.

კეკლუცი — ქვეყნის ფასად ღირს,  
ნარნარი — დევნის ფასად ღირს,  
ბულბული — სტვენის ფასად ღირს,  
კეთილი — სმენის ფასად ღირს.  
სიყვარულს სხვა რომელი სჯობს?  
ამ დროში საყვარელი სჯობს.

---

არ ვარ შენებრის მნახველი,  
ველად რბის შენი მსახველი;  
ნუ დამსვამ, ახ, ვას მძახველი!  
იყავ სიტყვის შემნახველი.  
ორგულ ქალს — ისევ მწველი სჯობს,  
ამ დროში საყვარელი სჯობს.

ვერა მჭვრეტ, მზეო, ცქერიოთა,  
ვერცა ესძლებ სხივის მზერიოთა,  
ამას გთხოვ ტკბილის მღერიოთა;  
ნუ დამწვავ „ეშნის ძგერიოთა!“  
მაკმარე: „ტანჯვა-ძნელი“, სჯობს!  
ამ დროში საყვარელი სჯობს.



## იეთიმ გურჯი

### შუა წყალში გადამაგდე ნავიდან

კარგი იყო, არ გამეცნე თავიდან,  
შუა წყალში გადამაგდე ნავიდან,  
ჩემი გული შენ დაკოდე, დახიე,  
ხელებს ითბობ, ცეცხლის ალში გამხვიე.  
დამიმონე, შენი შიშით ვკანკალებ,  
მომერიე, გიხარიან, ხარხარებ...  
როდემდისინ გქონდეს ქვისა გულია,  
მე რომ ვტირი, შენთვის სიხარულია.  
ფიქრობ, ტანჯვით შემაძულო თავია,  
ცდები, შენ ხარ ჩემი სალოცავია.  
თვალებს დამთხრი? — ფეხქვეშ ჩაგივარდები,  
რა გინდ მტანჯო, უფრო შემეყვარდები!  
სულ არ გესმის ჩემი წერა-კითხვები,  
რად მიყვარხარ, რატომ არ შეკითხვები?  
რომელ მსაჯულს ვკითხო სამართალია,  
ვის შეეჩივლო, რუსთაველი მკვდარია!

## შენი სიყვარული მზივა

ზამთრის ყინვა ვერ მაშინებს,  
შენ რომ გხედავ, მაშინ მცივა.  
მე ჭამა-სმა აღარ მახსოვს,  
შენი სიყვარული მშვიდა.

კარგად იცი, შენთვის ვიწვი,  
ვით თონეში ხმელი თივა,  
გაიცინე, თან მაცინე,  
ეს ჭრილობა შენგან მტკივა.

შემოდგომა მოიგონე,  
როს ფოთოლი ხეებს სცვივა,  
სარკე არი თვით ბუნება,  
დამერწმუნე, შენც მოგივა.

სილამაზეს თავის დრო აქვს,  
ეგ სიმდიდრეც გადაგივა.  
ეს სოფელი ვინ მოჭამა,  
ყველა სამარეში მივა.

უამი დაჰკრავს აღსასრულის,  
ტკბილი სული ამოგივა,  
მაგ შენ თვალებს მიწა შესჭამს,  
ეგ წარბებიც ჩამოგივა.  
ბოლოს შენ სულს ეკითხება,  
შენგან იეთიმს რაც მომივა.

## ლამაზების პრეზიდენტო

ლალ-ზურმუხტი, ფირუზი ხარ,  
ქვეყანას თვალად უზიხარ,  
ედემის თაფლის ბუზი ხარ,  
ლამაზებში ჯვრის ტუზი ხარ,  
მთელი სამყაროს ფასი ხარ,  
სხივით პლანეტა, მარსი ხარ,  
ბულბულისთვის მაისი ხარ,  
თუ არ ჩემი — მაშ, ვისი ხარ?  
შენთვის ვგალობ, მიცან ხმაზე,  
აღარა ვარ კაცი ჭკვაზე,  
მარტო შენ ხარ მიწა-ცაზე,  
მოჩვენება პლანეტაზე,  
ჩემო ხატო, ჩემო ღმერთო,  
შენ სურათზე სანთლად ვენტო,  
გთხოვ წყალობა გაიმეტო,  
ლამაზების პრეზიდენტო.  
სანამ შენ სახესა ვმზერდე,  
სულ იცოცხლე, არ დაბერდე,  
მარტო შენ ქებასა ვწერდე,  
იეთიმ-გურჯი შენთვის ვმღერდე.

---

## ჩემ სიმღერას ვინ გაიგებს

ჩემ სიმღერას ვინ გაიგებს,  
რისთვის ვტირი მე,  
მოწყალებას ვინ მაიღებს,  
მისი ჭირიმე!  
გაზაფხულის ვარდი შენ ხარ,  
ედემს რგული ხარ,  
ამ სოფელში მოჩვენების  
თაიგული ხარ.  
გულში სევდა ვერ დავტყე,  
ველარ ვითმენ მე.  
ქანდაკების ქვა გამხდარხარ,  
აღარ მისმენ მე.  
რბილი ენით გაგიცანი,  
ბოლოს მაგრობ შენ,  
ცეცხლის აღში გამახვიე,  
აღარ მაქრობ შენ.  
მშვიდი, წყნარი გული გქონდა,  
რად გახდა თუჯი,  
ვისმა ენამ შეგაძულა  
შენ იეთიმ-გურჯი?!

---


## ღარდიანად დამიწყია მღერა

ღარდიანად დამიწყია მღერა,  
ცოცხალი ვარ, მე კი არა მჯერა —  
იანა-იანა ესეც ბედისწერა.  
ღმერთი ვიცან ცაზე, აღარ ვარ ჭკვაზე,  
შენთვის ვგალობ, გამომიცან ხმაზე.  
მე ახალი ღარდი მიყიდნია,  
წყალში ვდგევარ, ცეცხლი მიკიღია,  
იანა-იანა ესეც ბედისწერა.  
ღმერთი ვიცან ცაზე, აღარა ვარ ჭკვაზე,  
შენთვის ვგალობ, გამომიცან ხმაზე.  
სადღა არის კანონ-სამართალი,  
გაარჩიოს მტყვანი და მართალი,  
იანა-იანა ესეც ბედისწერა.  
ღმერთი ვიცან ცაზე, აღარა ვარ ჭკვაზე,  
შენთვის ვგალობ, გამომიცან ხმაზე.  
ერთი მითხარ, ვისი ენით წახდი,  
ჩემი იყავ, სხვისი რალად გახდი,  
იანა-იანა ესეც ბედისწერა.  
ღმერთი ვიცან ცაზე, აღარა ვარ ჭკვაზე,  
შენთვის ვგალობ, გამომიცან ხმაზე.



XX საუკუნის პაკთული  
პოეზია







## კოტე გაყაშვილი

### რომანსი

ღავრდომილი, სნეული  
უნუგეშოდ ვტირი მე,  
კენესის, ოხრავს ეს გული...  
რა ვქნა, შენი ჭირიმე?!  
მანამ მქონდა ძალ-ღონე,  
სევდას ვკლავდი მე მალე,  
ახლა მას დავემონე...  
რა ვქნა, შენ გენაცვალე?!  
მწარე ნაღვლით აღსავსე  
გული ცრემლით გავბანე,  
მაგრამ აივსო ისევ...  
რა ვქნა, შენ გეთაყვანე?!  
სული კენესის დამწვარი,  
ვწყევლი მუდამ ბედსა მე.  
რა ვქნა, რა ვქნა, მითხარი,  
შენი ჭირი, კენესა მე?!



---

## ვალერიან გაფრინდაშვილი

### სანტიმენტალური ტრიოლები

ვარ მოწყენილი, ვით ზამთარში ნაზი ბედურა.  
ვით შემოდგომის ღამეებში თეთრი ვერსალი.  
შენს სილამაზეს ჩემი ტრფობა ესაფეხურა.  
ვარ მოწყენილი, ვით ზამთარში ნაზი ბელჯუა.  
მე განშორების ცივი თოვლი დიდხანს მეხურა.  
ვტიროდი ხარბად — მარტოობით ნაალერსალი.  
ვარ მოწყენილი, ვით ზამთარში ნაზი ბედურა,  
ვით შემოდგომის ღამეებში თეთრი ვერსალი

### თეთრი საცოლო

საფირონებს ატარებს  
ჩემი თეთრი საცოლო.  
აღტაცებით მადარებს  
ამაყ კონკვისტადორებს,  
ტრფობა რომ დავაცალო.

ნაზი, როგორც მარაო,  
ნაზი, როგორც პეპელა,

---

ხშირად ამბობს — არაო,  
ნეტა მანეტარაო  
თეთრად და უვნებელად.

ნორჩ ქალბატონს სწყურია  
ჩემთან გასეირნება.  
ვით მამიას გურია,  
იგი უცნაურია —  
დავდივართ ჯვეირნებად.

ჰყავს კოლიბრი, ფინია,  
თუთიყუში ხნიერი:  
ფრინველს დაუჟიჩია,  
რომ მე მიყვარს კინია —  
ვიღაცა მშვენიერი.

სატრფო არ ჩამიკონებს,  
მაგრამ ეეცხლი შეღება,  
ჩემი ლექსის სტრიქონებს,  
იგი ახლა იგონებს,  
და მეც შეიმედება.

კანკალებენ ჩადრებად  
შელამების ფერები;  
მისთვის კოცნის კადრება,  
და ჩვენც მოგვენატრება  
ოეთრი ჯვარისწებები.

## იოსებ გრიშაშვილი

### რა კარგი ხარ, რა კარგი!

რა კარგი ხარ, რა კარგი! კოხტა, ზღვისფერთვალემა,  
თმებზე ღამე გიციინის, პირზე — დღის ბრწყინვალემა.

რა კარგი ხარ, რა კარგი! შუშპარა და მჩქეფარე!

როცა მოგკვდე, გენაცვა, ძეგლად გადამეფარე.

სიომ ძლივს ინახულა, სადაც გძინავს, ის ბინა

და შენს ტუჩზე გულნარას ვარდი ააბიბინა;

სპილომ ძვლები დაიფშვნა რამდენიმე წვრილ კბილად

და მარჯნებში ჩაგბა მარმარილოს ბორკილად,

რა კარგი ხარ, რა კარგი! კოხტა, ცელქი, მჩქეფარე...

როცა მოგკვდე, გეთაყვა, ძეგლად გადამეფარე!

სუნთქავ — და მაგ სუნთქვისგან, რომ მიბრძანო შენს

მწერალს,

ფსალმუნს დავწერ, ღვთის ფსალმუნს, საგალობელ-

სამღერალს.

მზე შიშობს, რომ მასზე წინ იას არ შეეყარო!

შენს სიარულს აჯავრებს დარხეული მთის წყარო;

რა კარგი ხარ, რა კარგი! კოხტა, ცელქი, მჩქეფარე,

როცა მოგკვდე, ლამაზო, ძეგლად გადამეფარე!

...თუმც ქალის სიყვარული, მთის წყალივით ჩანჩქარა,

ისე სწრაფად გაირბენს, ისე სწრაფად და ჩქარა:  
ვით სარკეზე ნაორთქლი, ვით სრიალი ტყის გველის,  
ან ვით თითი კლავიშზე რომელიმე დამკვრელის.  
კის არ ვხედავ შენს გვერდით, შენსა გარეშემოსა,  
ეგ სიტუარფე, მითხარი, ქებით ვინ არ შემოსა,  
ვის არ უნდა, შენს გულში აღგილი დაიჩემოს,  
ვის არ უნდა, მითხარი, შენი ტრფობა იგემოს?  
მე კი რით გაგაკვირვო, რომელ ქათინაურით?  
მე ჩუმი ვარ, გენაცვა, ვერ მოგხიბლავ ხმაურით,  
ვერ მოგხიბლავ სიტყვებით, ვერ მოგხიბლავ და...მგონი,  
სიტყვა ჯერ არ არსებობს შენთვის გამონაგონი!  
და მიტომაც მე მინდა, რომ ეგ სახე, ლამაზო,  
ჩემის ფრჩხილით დაეკაწრო, ჩემის კალმით დაეხაზო,  
ლოყებზე დაგიკლაბნო რაღაც უცნაურება,  
რომ სარკეშიც შეგზარდეს შენი სახის ყურება,—  
მაშინ ბრბო მყის დაგტოვებს, ბრბო წუთით ანათრთოლი,  
გაგეცლება, როგორც ხეს შემოდგომის ფოთოლი,  
და დამრჩები მხოლოდ მე, ვით სიცოცხლეს საწუთრო,  
და შევიძლებ, რომ ერთმა ერთი დაგისაკუთრო.  
მხოლოდ ჩემთვის იცოცხლებ, მხოლოდ, მხოლოდ და მხოლოდ,  
და გახდები მგოსნისთვის გამოუცნობ სიმბოლოდ!  
რა კარგი ხარ, რა კარგი კოხტა, ზღვისფერთვალემა,  
თმებზე ღამე გიციინის, პირზე — დღის ბრწყინვალემა.  
რა კარგი ხარ, რა კარგი! შუშპარა და მჩქეფარე, —  
როცა მოგკვდე, გენაცვა, ძეგლად გაღამეფარე.

## შენი ყელი

შენი ყელი... ამბობენ, რომ შენი სწორი ყელი  
ლერწამია შარბათისა ძველი, მაშრიყელი.  
არა! უფრო ამსგავსებენ... რას? არ ვიცი, თუ რას:  
მარმარილოს ცისარტყელას თუ სადაფის სურას?!  
მე კი... მე კი გამოვძებნი სურათს ჯერ არყოფილს:  
შენი ყელი მე მაგონებს გედის ათლილ პროფილს.

ორჯერ გნახე! და ორჯერვე ისე ავკეკლუცდი,  
რომ ბუნებრივ სიკვდილს, ჩემო, რა ვქნა, აღარ ვუცდი.  
მსურს გიმზირო და ამ მზერით გაგარჩიო სხვაში,  
რომ გავქვავედე, როგორც ბუზი მარგალიტის ქვაში.

აი, ესლაც თეატრში ხარ... და თეატრის სკამებს  
შენი ყელის არემარე მორცხვად აკამკამებს!  
ისე ნაზად აძლევ სალამს ყველას... ყველას ... ყველას...  
რომ წარბების მათრახებით ჰხატავ ცისარტყელას:  
და ლორწების ორი მინა ისე ხარბად მზვეერავს,  
რომ არ ვიცი, ვით გავუძლო მაგ ჯადოსნურ მზერას.  
ისე გშვენის მძივ-გულქანდა ყელზე მონართავე,  
რომ... ახ, ნეტა, მე შენს ყელზე ჩამოვიხრჩო თავი.

## ქურდული ალერსი

გარეთ ყინვა სუფევდა, გულში — დავიდარაბა.  
შემიყვანე ოთახში, ჩამიკეტე დარაბა,  
მოიმარჯვე ალერსის მოჭედილი სიათა  
და ამბორი ტუჩებზე დამაყარე ტყვიადა, —  
თან ამბობდი: „კარგი ხარ, კარგი, გასახარელი,  
როგორც ქმარი კი არა, როგორც სხვა... საყვარელი“

ერთხელ გითხარ: მომბეზრდა ეს ალერსი ქურდული.  
მსურს პირდაპირ მოვიქცე, ვით დავითის შურდული,  
გამომყევი, გავიქცეთ, მიატოვე ქმარი და  
შევქმნათ სულ სხვა მყობადი საოცნებო მხარიდან.  
შენ ამბობდი: „კარგი ხარ, — თუმც ამ პასუხს არ ელი, —  
როგორც ქმარი კი არა, როგორც სხვა... საყვარელი“

წუხელ მაგრად დავითვერ. ღვინომ ვნება დათენთა.  
დავდიოდი ქუჩებში. და, როდესაც გათენდა —  
ცელქი, შეუშინარი შენს ბინაზე მოველი:  
„ჩემი ქმარი შინ არი, მან გაიგო ყოველი“  
მითხარი და საჩქაროდ მომაჯახე დარაბა...  
გარეთ ყინვა სუფევდა, გულში — დავიდარაბა.

## პ ა ტ ა რ ა ს

შენ კი მეტრფი, პატარავ, მაგრამ აბა, რაღა დროს!  
ლამის სევდამ ეს გული ამოსწვას და დაღადროს.  
ლამის კუბოდ გადმექცეს ზეციური თავანი,  
ლამის მზეც კი დავწყევლო, მთვარის ავანჩავანი.  
აღარა მაქვს სიეშხე, აღარა მაქვს ხალისი  
და ლოთი ვარ ლექსისა, ლოთი შესაბრალისი.  
ჩემი ძველი ალერსი დრომ თან გადაიყოლა..  
დამივიწყე, პატარავ! „იყო... არა იყო რა!“

და დღეს, როცა ეს გული, გამოზრდილი თაფლითა,  
მტრის შხამიან ბარდებმა დაგლიჯა და დაფლიტა;  
როცა სევდამ შეგრაგნა რუკა ჩემი სახისა  
და მაშინებს სიჩუმე ჩემივე ოთახისა;  
როცა გამოვეთხოვე ძველ მეგობრებს, ძველ მიზნებს,  
ეხლა ვის რად ვუნდივარ, ეხლა ვინ შემიხიზნებს?  
ჩემი ძველი ალერსი დრომ თან გადაიყოლა,  
დამივიწყე, პატარავ, „იყო... არა იყო რა!“

მაგონდება: ჩემს რითმებს როცა ვნება დაღლიდა —  
ამქვეყნიურ სიყვარულს მოეუხმობდი მაღლიდან.  
მაშინ თვალის ხავერდზე ნამი ჩუმად დნებოდა  
და ქვებიც კი, ღმერთმანი, ვარდად მეჩვენებოდა.  
საღ იყავი შენ ამ დროს? საით იღუმალობდი?  
ჩემს სიცილის ხეივანს რატომ არა სწყალობდი?  
დღეს კი ჩემი ალერსი დრომ თან გადაიყოლა...  
დამივიწყე, პატარავ! „იყო... არა იყო რა!“

## აკრილი თბილისში

მუნასიბი არქივიდან ამოსვლის შემდეგ, როცა ჰაერში გაზაფხულის სუნნი ტრიალებდა.

რად ავიხირო არქივი  
სულის და გულის მდაღველი  
ან რადა ვშრომობ ამდენსა,  
განა ცოტა მაქვს ნაღველი?  
მინდა ავცელქდე, ვით უწინ,  
მაგრამ რომ არა მცალია?  
სოსო, რა კარგი დღე არის!  
სოსო, რამდენი ქალია!

რად ვეჭიდები ამ გუჯრებს, —  
ამ ცხრათავეიან მდეგებსა, —  
ერთ კარგ რითმაში არ გავცვლი  
მე ამდენ გამოკვლევებსა!  
ჰაერში ოქრო ლივლივებს,  
ქთებზე — ზურმუხტი, ლალია...  
აფსუს, რა კარგი დღე არის!  
აფსუს, რამდენი ქალია!

სადა ხართ, ლამაზმანებო,  
მოდით, დამათვრეთ ბუნებით.  
ამივსეთ ტუჩის ყულაბა  
მაგ კოცნის უზალთუნებით.



---

თორემ ვბერდები... და გულმაც  
ლოდინის შხამი დალია.  
ჰაუ, რა კარგი დღე არის!  
ჰაუ, რამდენი ქალია!

## საათის ისრები

ო, შეხამება სხვადასხვა ფერთა  
პოეზიისთვის არის მისწრება.  
ნეტავი ერთხელ ჩვენც შეგვეერთა  
საათის ყდაზე შეკრულ ისრებად.

მინდა გფარავდე, მინდა მფარავდე,  
ერთად ვიაროთ განუყრელ წყვილად.  
მე შენს საყურეს კოცნას ვპარავდე,  
შენ ჩემს ლოყაზე გეძინოს ტკბილად.

მსურს ერთად ვიყოთ შენათციარი,  
როგორც ყვევილზე სუნთქვა ნამისა,  
როგორც საათის ორი ისარი  
შუადლისას და შუალამისას.

---

## ჩემი აღმართი

ესლა შენ ჩემთან აღარ დადიხარ!  
აჰბობ: „შორს ცხოვრობ, აღმართი მლაღავს!“  
შენ რიოში ხარ, როგორც სადინა,  
და ჩვენს სიყვარულს არ უხდი ღალას!

როცა გიყვარდი, ვგავდი ია-ვარდს,  
მე არ ვიცოდი, რა იყო დარდი!  
ღექსად ვფანტავდი ფერთა ნიაღვარს,  
როცა გიყვარდი... როცა გიყვარდი...

როცა გიყვარდი, ჩემი ხართუხი  
შენს შესახვედრად ფეხზე დგებოდა  
და სუბსარქისის მკაცრი ქარბუქი  
უნაზეს სიოდ გეჩვენებოდა.

როცა გიყვარდი, ბევრჯერ შევაქეთ  
ჩენი ტუჩების შირაზის ვარდი;  
ჩემი აღმართი მიგაჩნდა ვაკედ,  
როცა გიყვარდი... როცა გიყვარდი...

## მარიჯან

### ღამნაშავე ძაღლის თვალებით

თავი დაიხრჩო სიმხიარულემ  
ჩემს ბრინჯაოსფერ შიშველ მკლავებზე,  
როცა შევნიშნე, რომ დაფარულად  
შენი ღიმილი სხვას შესთავაზე.  
ხომ იცი, ვგავარ ველურ წარმართებს  
და სურვილები მძლავრად მერევა...  
მაშ, როგორ ფიქრობ, მე ვინ წამართმევს  
შენს თავს და შენთან ბედნიერებას?  
მრავალ სიმებით გადამეხლართე  
თერთმეტ ზაფხულის მზიან რკალებით...  
და როცა სხვასთან ღამეს გაათევ,  
მიცქერი ნაცემ ძაღლის თვალებით.  
ო, მე ეგ ხედვა ძლიერ მადონებს  
და მაგონდება დრო შორეული:  
ჩემთვის წირავდი ქართულ მადონებს  
და მიცქეროდი წყალმორეული.  
მე მახსოვს შენი სხვა გამოსხედვა:  
მშვიდი, მშიერი, მკაცრი და მწველი,  
როს სიბრაღულით ჩემს თვალებს ხევდა  
ეგ გამოსხედვა: დაჭრილი შველის.

---

გახსოვს, ლურჯ ზეცას ხმლები სერავდნენ,  
ზღვაზე ვფიქრობდით მაშინ ნაკლებად,  
ჩვენ ავდიოდით მთების სერამდე  
დაუზარებლად... ტყის ასაკლებად...  
გახსოვს, ნაძვებსაც მტვერი სცვიოდა  
ჰაერში იდგა სუნი საკმევლის,  
ხავსი. კარავი. ტყის ნოტიო და...  
ეხ, რამდენია კიდევ სათქმელი.  
ვგზავნიდი ლექსებს და ამანათებს,  
დღეს კი ერთად ვართ ზღვის დავალებით  
და ვიტანჯები, რომ მომანათებ  
ნაცემი ძალის მუნჯი თვალებით.

---

## გალაკტიონ ტაბიძე

### მ ე რ ი

შენ ჯვარს იწერდი იმ ღამეს, მერი  
მერი, იმ ღამეს მაგ თვალთა კვდომა,  
სანდომიან ცის ელვა და ფერი  
მწუხარე იყო, ვით შემოდგომა!

აფეთქებული და მოცახცახე  
იწოდა ნათელ ალთა კრებული,  
მაგრამ სანთლებზე უფრო ეგ სახე  
იყო იღუმალ გაფითრებული.

იწოდა ტაძრის გუმბათი, კალთა,  
ვარდთა დიოდა ნელი სურნელი,  
მაგრამ ლოდინით დაღალულ ქალთა  
სხვა არის ლოცვა განუკურნელი.

მესმოდა შენი უგონო ფიცი...  
მერი, ძვირფასო დღესაც არ მჯერა...  
ვიცი წამება, მაგრამ არ ვიცი:  
ეს გლოვა იყო თუ ჯვარისწერა?

---

ლოდებთან ვილაც მწარედ გოდებდა  
და ბეჭდების თვლებს ქარში კარგავდა...  
იყო თბლობა და შეცოდება,  
ღღესასწაულს კი ის დღე არ ჰგავდა.

ტაძრიდან გასულს ნაბიჯი ჩქარი  
სად მატარებდა? ხედვა მიმძიმდა!  
ქუჩაში მძაფრი დაქპროდა ქარი  
და განუწყვეტლად წვიმდა და წვიმდა.

ნაბადი ტანზე შემოვიხვიე,  
თავი მივანდე ფიქრს შეუწყვეტელს;  
ოჰ! შენი სახლი მე სახლთან იქვე  
ლონემიხდილი მივაწექ კედელს.

ასე მწუხარე ვიდექი დიდხანს  
და ჩემს წინ შავი, სწორი ვერხვები  
აშრიალებდენ ფოთლებს ბნელხმიანს,  
როგორც გაფრენილ არწივის ფრთები.

და შრიალებდა ტოტი ვერხვისა,  
რაზე — ვინ იცის! ვინ იცის, მერი!  
ბედი, რომელიც მე არ მეღირსა —  
ქარს მიჰყვებოდა, როგორც ნამქერი.

სთქვი, უეცარი გასხივოსნება  
რად ჩაქრა ასე? ვის ვევედრები?

---

რად აშრიალდა ჩემი ოცნება,  
როგორც გაფრენილ არწივის ფრთები?

ან ცას ღიმლით რად გავცქეროდი,  
ან რად ვიჭერდი შუქს მოკამკამეს?  
ან „მესაფლავეს“ რისთვის ვმღეროდი,  
ან ვინ ისმენდა ჩემს „მე და ლამეს?“

ქარი და წვიმის წვეთები ხშირი  
წყდებოდენ, როგორც მწყდებოდა გული  
და მე ავტირდი — ვით მეფე ღირი,  
ღირი, ყველასგან მიტოვებული.

### თ ო ვ ლ ი

მე ძლიერ მიყვარს იისფერ თოვლის  
ქალწულებივით ხიდიდან ფენა.  
მწუხარე გრძნობა ცივი სისოვლის  
და სიყვარულის ასე მოთმენა.  
ძვირფასო სული მევსება თოვლით:  
დღეები რბიან და მე ვბერდები  
ჩემს სამშობლოში მე მოვვლე მხოლოდ  
უდაბნო ლურჯად ნახავერდები.  
ოჰ! ასეთია ჩემი ცნოვრება:  
იანვარს მოძმედ არ ვეძნელები,

---

მაგრამ მე მუდამ შემახსოვრება  
შენი თოვლივით მკრთალი ხელები.  
ძვირფასო! ვხედავ... ვხედავ შენს ხელებს,  
უღონოდ დახრილს თოვლთა დაფნაში.  
იელვებს, ქრება და კვლავ იელვებს  
შენი მანდილი ამ უდაბნოში...  
ამიტომ მიყვარს იისფერ თოვლის  
ჩვენი მდინარის ხილიდან ფენა,  
მწუხარე გრძნობა ქროლის, მიმოვლის  
და ზამბახების წყებად დაწვენა.  
თოვს! ასეთი დღის ხარებამ ლურჯი  
და დაღალული სიზმრით დამთოვა.  
როგორმე ზამთარს თუ გადაეფურჩი,  
როგორმე ქარმა თუ მიმატოვა!

## ცამეტი წლის ხარ

ცამეტი წლის ხარ და შენი ტყვეა  
ჭალარა გულის ზმანება ავი, —  
ჩააწყვეთ რიგში ცამეტი ტყვეია,  
ცამეტჯერ უნდა მოვიკლა თავი!

გაივლის კიდევ ცამეტი წელი,  
მოახლოვდება გზა ოცდაექვსი,  
მოცელავს მაღალ ზამბახებს ცელი,  
ატირდება დრო და ჩემი ლექსი.



---

ოპ, როგორ მიდის ახალგაზრდობა —  
დაუნდობელი სურვილი ლომისა  
და ყოველივე როგორ ნაზღება,  
როცა ახლოა მზე შემოდგომის.

### კაკლის ხე მთაწმინდაზე

თითქო დაეშვა შავი ფარდები,  
ღამის წყვდიადში ისე მწარდები.  
ცივია გული? არ შეუყვარდი?  
არაფერია, შეუყვარდები.

თითქო რაიმეს ნიშნავს, რომ ბნელი  
ღამით იმავე მეგობარს ელი,  
არაფერია, არაფერია —  
მოვა სხვა, უფრო დაუძლეველი.

წარსულზე ოხვრას რისთვის უნდება  
ყოველი ღღე და შებინდბუნდება?  
თითქო ბერდები? არაფერია!  
ათასი წლისაც არ დაბერდები.

---

## ღვინოს დააბრალებენ

სადაც უნდა მივდიოდე,  
უცხო ქვეყნად მარები,  
უკანასკნელ შვიდიოდე  
წლის თან მომღვეს ქარები.

სადაც უნდა შევიარო,  
ღვინოს დამაძალებენ,  
მწუხარება ვერ დავფარო:  
ღვინოს დააბრალებენ!

ო, ძვირფასო ჯგვარზე მაგეს.  
გაქრა გიყი ოცნება.  
ვკოცნი, ვკოცნი მე შენს ბაგეს,  
მაგრამ რა მეკოცნება?

\* \* \*

გაგონდება თუ არა  
კარალეთის დღეები,  
მთების ლურჯი კამარა —  
უცხო სამოთხეები?  
კიდევ შეგრჩა თუ არა  
მხიარული თვალეები?

---

თუ დრომ გადაუარა  
და ჩაუქრო ალები?  
მივდიოდით მხარდამხარ  
და დრო გვეუარესა,  
აწ არ ვიცი სადა ხარ  
და რომელსა მხარესა.

### ვინ არის ეს ქალი?

მიმაფრენდა ნაპირებზე ლურჯა ცხენი,  
გადვიჩეხე,  
უკურნებლად დაჭრილი ვარ...  
დამეხსენი!

შეკიდებიან მთვარეს — როგორც მძიმე მტევნები,  
თეთრ-ვარდისფერი ალუჩები და შადრევნები.  
ქანდაკებებმა ჩაიარეს მოხდენილ წყებად.

საღღაც შორს მუსიკა ქარივით კითხულობდა:  
ვინ არის ეს ქალი, ვინ არის ეს ქალი  
ასეთი ცისფერი?

ჩახმახის წუთი. ბნელ სივრცეში აშლილი ბოლი,  
შავი ყვავილის სამუდამოდ მკვდარი ფოთოლი,  
ლიუციფერი: —

ვინ არის ეს ქალი, ვინ არის ეს ქალი  
ასეთი ცისფერი?

---

## მომავალ... მაგრამ როდის?

შორეული ქაღის ეშხი  
შოვა... მაგრამ როდის?  
სიყვარული სასახლეში  
მხოლოდ ერთხელ მოდის!

ასეთია ნაზი ბედი,  
ბედი რჩეულ ფერის;  
სიცოცხლეში თეთრი გედი  
მხოლოდ ერთხელ მღერის!

ყვავილები უხვად არის  
დენდის... მეფე მონის.  
ქარში ათრობს არემარეს  
ოხერა ტრიანონის.

და ლანდებად თეთრ სარკვეზე  
ჩნდება სახე მკრთალი  
შუაზელი, ესტერგაზი  
და თვით დედოფალი.

ზრდილი, ნაზი და მეფური,  
ჩემი ძველისძველი  
ლექსი არის უნებური  
სიზმრით შემოსველი.

---

მხოლოდ თეთრი შადრევნებით  
მე ვერსალის ბროლი,  
მაცდურ თვალის გადევნებით  
მტანჯავს მსუბუქ-მქროლი.

დედოფალო ლურჯა რაში  
მიჰქრის საშიშ-ჩქარი  
და ბილიკთა ლურჯ ქვიშაში  
მიაქვს მძაფრი ქარი!

მიჰქრის დალალგადაყრილი:  
ღოვინ, ღოვენ, ღოვლი...  
თოვლი, ფიფქი და აპრილი,  
ვარდისფერი თოვლი.

\* \* \*

წინანდალელი ნათელა  
ულამაზესი ქალია.  
ო, ჩემო ციციანათელა,  
ჩემო ციხე და გალია.  
მთელი საღამო შევჯერდი:  
რა არის ქალის სინაზე,  
მაგრამ უეცრად შევჩერდი  
მშვენიერ თინათინაზე.

---

ბრწყინავდა საარაკო ცა, —  
მთვარე დაბრუნდა ბინაზე,  
როს შუქმა ღრუბელს აკოცა,  
ყველა ქალების ჯინაზე.

### რა დროს რომანსეროა

გაცრეცილ და მტვერიან  
ცას სინათლე კლებია.  
ყვავილებზე მღერიან...  
რა დროს ყვავილებია?  
ცაზე ვხედავ წეროებს,  
თითქო მწკრივი ღეროა.  
მღერენ რომანსეროებს,  
რა დროს რომანსეროა?  
წყარო ხევში ვალალებს:  
გაჰქრა გიჟი ოცნება,  
ვკოცნი მე უნს დალალებს,  
მაგრამ რა მეკოცნება?

### ქარი ჰქრის...

ქარი ჰქრის, ქარი ჰქრის, ქარი ჰქრის,  
ფოთლები მიჰქრიან ქარდაქარ...  
ხეთა რიგს, ხეთა ჯარს რკალად ხრის,  
სადა ხარ, სადა ხარ, სადა ხარ?..

---

როგორ წვიმს, როგორ თოვს, როგორ თოვს,  
ვერ გპოვებ ვერასდროს... ვერასდროს!  
შენი მე სახება დამდეც თან  
ყოველ დროს, ყოველთვის, ყოველგან!..  
შორი ცა ნისლიან ფიქრებს სცრის...  
ქარი ჰქრის, ქარი ჰქრის, ქარი ჰქრის!..

### სალხური მოტივებიდან

შენი თვალები — მადლები —  
სამხრეთის ზღვების ფერია,  
კბილები — თეთრი ძაღლები —  
მიღრენენ, არაფერია.

მოგონებებში წასული  
შენს ბაგეს დავეხარბები,  
ოცნების ორი ასული —  
გადაწოლილან წარბები.

გადაუთიბავთ თივები,  
რომ გითხრა — დამემღურები!  
გულაღმა წევან ტივები  
და მთები უღაბურები.

---

მთვარეს ჩვენი ხმა გაეგო,  
თითქო შუქაკანკალებით,  
ჩვენს აივანზე დაეგო  
რჩეული ოქროს ხალეები.

### წარწერა წიგნზე „მანონ ლესკო“

მარად ისმის: მარადისი  
სიყვარული ძნელია.  
ვის ისარი მოხვდა მისი,  
მუდამ ცრემლის მღვრელია.

ვარდთა კონის, ბნელა გონის,  
ტავერნების ნდომანი...  
დე გრიესა და მანონის  
სევდიანი რომანი.

დღენი ევრის და პარიზის,  
უდაბნოთა ჩვენება,  
მწუხარება კიპარისის,  
ყვავილთ შემოშენება.

ველად გაჭრას, ხელად რონის  
ცვლიან შემოდგომანი...  
დე გრიესა და მანონის  
სევდიანი რომანი.



---

ყველაფერი იგი გაჰქრა,  
ვით სიზმარი გვიანი,  
ღრმომ ახალი ძალით დაჰკრა:  
სსვგა ადამიანი.

რუსოს ხანა, ოხვრა რონის,  
ტრიანონის ცდომანი...  
ღე გრიესა და მანონის  
სევედიანი რომანი.

მაგრამ წიგნი მაინც დარჩა  
ვაჟისა და ასულის,  
როგორც სარკე, როგორც ფარჩა  
ღროის ფერგადასულის,

და იწონის წიგნთა ღონეს  
წიგნთა მრავალთ კედომანი...  
ღე გრიესა და მანონის  
სევედიანი რომანი.

## უკანასკნელი მატარებელი

ცხოვრების ეტლის სადარებელი  
საცაა გავა მატარებელი.  
მიემგზავრება იმედი ჩემი  
ბედის ვარსკვლავის სადარებელი.

---

ვიცი, ამ წასვლას რაც ეწოდება, —  
რა საჭიროა ესლა გოდება.  
მატარებლისგან როს მიმიღია  
ან თანაგრძნობა ან შეცოდება?

მატარებელი თვლემს, როგორც ლავა.  
მატარებელი ხუთ წუთში გავა,  
ვინც სხეებს აცილებს, დროა ჩასვლისა,  
მატარებელი ხუთ წუთში გავა.

აჰა, დაიძრა რკინის ბორბლები,  
მივდეგ ვაგონებს, მახრჩობს გრძნობები.  
გემშვიდობები სამარადისოდ,  
სამარადისოდ გემშვიდობები!

ნეტაუ ასეთი რად მერგო ბედი, —  
ყოველჯამს ეკარგო თითო იმედი,  
გამოსალმების ხელოვნებისთვის  
ნუთუ არეინ არს პოეტის მეტი?

---

აკოლო იაშვილი

## ელენე ღარიანის დღიურებიდან

ქ ა ხ ი ლ ი

მარგალიტები მოვიხვეყნე ყელზე სამწყება,  
მარგალიტები, იაგუნდები...  
არ შემიძლია შენი სახის გადავიწყება!  
არ დაბრუნდები?

ოთარშემოსილი ვწევარ მე შენს ნაცნობ საწოლზე,  
სევდიანია ღამე მძინარი,  
ნუთუ არ ფიქრობ, სანატრელო, შენ სათუთ ცოლზე...  
არავინ არი...

ჩემად ვკითხულობ შენს ძველ წერილს ყვითელს, დახეულს...  
სხვა რა მაქვს შენი მე ამის გარდა?  
მე თვითონ ვკოცნი ჩემს თეთრ მკლავებს,  
ჩემს დამწვარ სხეულს,  
შენ რომ გიყვარდა...

---

მაგიჟებს სითბო, ვერ ვიგუე ფარჩის საბანი,  
ჩემს ოთახს ავსებს შენი ლანდები.  
დაღლილი არის, სანატრელო, დღეს ჩემი ტანი,  
ნუ გვიანდები.

არ შემიძლია დავიწყება შენი სახისა...  
დავფარე ღამე ბნელ ნაწნავეებით;  
ვიხუტებ ვნებით მსუბუქ ჰაერს ჩემ ოთახისას  
თეთრი მკლავებით.

### პირამიდებში ✓

იქ, სადაც სდუმან პირამიდები,  
მზის ქორწილის დროს მე დავწევები მზისფერ სილაზე,  
იქ, სადაც სდუმან პირამიდები,  
შენ მომინდები,  
შენი თვალები, შენი მკლავები, შენი სინაზე.

შენ მოგაფრენს ცხენი არაბული,  
თვალებდანაბული.  
საყვარელ ხელებს მივეცემი, როგორც ნაზ საწოლს,  
და შენ დამკოცნი ვით დედოფალს, ვით მხეველს და ცოლს,  
ტკბილი იქნება ცხელ სილაზე ჩვენი თამაში,  
მზიურებს მაშინ,

---

არაფერი მოგვაგონდება...

პირამიდებში ატირდება ლოდინით რაში.

ლურჯ სფინქსთან მივა, უცქერს დიდხანს და დალონდება,

სილიან ტანით მდინარისკენ გავეშურებით,

მწვანე ტალღებში დავამშვიდებთ ჩვენს ღელვას ალურს.

გამოფხიზლდება შენი რაში სფინქსის ყურებით,

დაუწყებს ძებნას უდაბნოში თავის სიყვარულს.

## ელენე დარიანი წერს უბრალოდ და აბნეულად

ამალამ მგონი იქნება ქარი...

ვაი, დედოფალ ტყემლების ბრალი.

დალონებული წავიდა ქმარი

და დაბრუნდება დილაზე მთვრალი.

დიდი ხანია ამ ბუხრის აღში

ტკივილით იწვის ჩემი ოცნება...

ქმარმა გასცვალა მომღერალ ქალში

ჩემი ცოდვილი პატიოსნება.

ალბათ მოპყვება მას სავარცხელი

უფრო უბედურ ჩემი მეტოქის...

მეტყვის ბრძანებით: — მომეცი წყალი

ჩემი ფერადი სპარსული ღოქის.

---

ცოლი ვარ მისთვის მე სასახელო  
(მე ის მკოცნიდა სხვიან დღეში).  
ღვინით გასვრილი მისი საყელო  
ვადავარდება მყურრო კუთხეში.

ქმრის სითამამე ჩემი ბრალია,  
არ ვწუხებარ, ბევრჯერ რომ მოვეხატრე...  
რადგან ძვირფასი შეტად მთვრალია...  
დაეძინება მას ჩემზე აღრე.

## დ ა რ ი ა ნ უ ლ ი

დაიტანჯა

მაჯა

მარჯნის

მძიმე

ჯაჭვის

ტარებით.

ბევრი ცრემლი

დამეხარჯა

ერთ ღამის

ნეტარებით.

დაიტანჯა

მაჯა

მარჯნის

---

მძიმე ჯაჭვის  
ტარებით.  
მე ლოყაზე  
დამრჩა  
ფარჩა  
ცხელი პირის  
მოკარებით.  
დაიტანჯა  
მაჯა  
მარჯნის  
მძიმე ჯაჭვის  
ტარებით.  
ჩემს დამტანჯველს  
ღმერთი  
დასჯის  
ქაჯად  
გადაგვარებით.

---

## ტიციან ტაბიძე

### მე ყაჩაღებმა მომკლეს არაბეზე

ჩამომრჩა უკან მე ჩერქეზეთი,  
ვუახლოვდები ჩვენსკენ დარიალს,  
დამშრალი თერგი ერთი წვეთია,  
მაგრამ ზღვასავით გულზე გადიარს.

წამექცა თავზე ცა გარღვეული  
და ცაზე კიდევ — სხვა მყინვარის ცა,  
და დარიალით გადარეული  
თვალებს ცრემლების თერგი მირეცხავს.

და გადაეყურებ აღმას უფსკრულებს,  
კვალდაკვალ ჩემი დემონი მომდევს,  
ეხედავ გიგანტის შოლტის მუსკულებს  
და რკინის ბაწარს, ყელზე რომ მომდებს.

ვიცი, მომელის მაინც ეს ბედი,  
და ისიც ვიცი, ჩემზე ახია,  
ძვირფასო, არ ვარ, იცოდე, ყბედი,  
ან თავის მოკვლა რა ტრაბახია.



---

მაგრამ მიტაცებს ქარიშხალივით  
ამ თვალუწედენი სრამების ფსკერი,  
ვიცი, ქალი ხარ, ყველა ქალივით,  
ვიცი, ამასაც ეჭვით უცქერი.

მინდა, რომ ვიყო მწირი გულადი,  
საშინელ ღამეს ვეფხვი რომ დაბდღენა,  
ვარ ავსებული შენით გულამდე  
და მოვარდნილი ცრემლები წარღენა.

მინდა მოვიფრთხნა ამ შარაგზაზე,  
მინდა გავიჩხნა გული ალალი,  
მე ყაჩაღებმა მომკლეს არაგვზე,  
შენ ჩემს სიკვდილში არ გიღვეს ბრალი.

## ანანურთან

თამუნია წერეთელს

შენ აქ რა გინდა, მაგრამ ყოველთვის  
მომაგონდები ამ ანანურთან.  
შავი არაგვი თეთრ არაგვს ერთვის,  
ჩენი გათიშვა კი ყველას სურდა.

---

არც კი გიცნობდი, არც კი მენახე,  
ისე გხატავდა თამარს ვრუბელი.  
ხარ დანგრეული შენ „მოდინახე“,  
ფესმოტენილი შენ ხარ ღრუბელი.

ისე ნაზია ეს მოგონება,  
როგორც დემონის ფრთების შეხება,  
სჯობს გაიხარონ სხვა გოგონებმა,  
მოიბან შენი ირმის ფეხები.

ღე! გაიხარონ იმათ მგოსნებმაც,  
მათი ცხოვრება ხვალე იწყება,  
ჩვენს მგლოვიარე, მწუხარ ოცნებას  
დაფარავს მიწა და დავიწყება.

გარჩენილი ვარ ქვებზე კალმახი  
და ახეული მაქვს ლაყუჩები,  
შემართულია ფეხზე ჩახმახი  
და უსიკვდილოდ ვერ გადვურჩები.

ასე კვდებოდა ალბათ ათასი  
და მოწმედ ჰყავდათ ეს ანანური,  
ეს არის ჩემი მგოსნობის ფასი  
და თვითმკვლელობის იავნანური.

## თამუნია წერიტელს

რა დამავიწყებს ამ შავ გაზაფხულს,  
ბედი უბედურს სხვას რაღას უზამს,  
ვსტირი სიცოცხლიტ კუბრს დამარხულს,  
გაუხარებელ დაფლეთილ მუზას.

რა საჭიროა კითხვა-პასუხი,  
ეს უმისოდაც გახდა აშკარა,  
არ იყო ბედი არასდროს უხვი,  
მოდენის ნაღველს ახლა ლაშქარად.

წულარ მეტყვიან — „მოდი, ნახეო“,  
უნახავადაც ეს მჯერა ერთ წამს,  
გულის მაგიერ გული არ მოვა,  
არ მოებმება არც ფესი ლერწამს.

სხვები მოვლენ და სხვები ნახავენ  
ამ ჯოჯოხეთის ავარდნილ აღმურს,  
მე არ მინდოდა სხვა სიხარული,  
ჩემოვის ლერწმიდან სჭრიან სალამურს.

მაწუხებს მხოლოდ, ვერ მოვასწარი  
თავის დროს შენთვის მეთქვა, მეამბო,  
თუ როგორ არის დაუვიწყარი  
სხვა პოეტებში უფეხო რემბო.

## სენტიმენტალური მოგზაურობა

ერთ დღეობაზე გაუგზავნელი ლექსი

მაისი ყველგან არის მაისი,  
მაგრამ ბათუმში მაინც სხვა არი  
და ვხედები ახლა, რომ სილამაზეს  
აღარ ქქონია ქვეყნად საზღვარი.

ზღვა ისე იყო მშვიდი და წყნარი,  
რომ ადარც მახსოვს, იყო თუ არა!  
ერთად გაალო ცამ მშვიდი კარი  
და ზღვას სარტყელად გადაუარა.

თეთრ ზამბახების დვანან ფარდები,  
გააქეთ შრიალი პალმების ქოლგებს  
და ისე ყრია თეთრი ვარდები,  
თითქო ათასი აქ გედი მოკლეს.

გაღებულა სამოთხის კარი  
და მე მრცხვენია, რომ ვარ უშენოდ,  
აღბათ ყოფილა წყევლა ამგვარი:  
ზივცეთ პოეტებს სამშობლო მხარე  
ულამაზესი — ედემის დარი,  
მხოლოდ ქალები გადაეუშენოთ.  
გაღებულა სამოთხის კარი  
და მე მრცხვენია, რომ ვარ უშენოდი..

---

## კონსტანტინე გამსახურდია

\* \* \* ✓

ზღვისფერი გაქვს თვალები და, თავათ ჰგავხარ ზღვას,  
თუ არ შეგებრალები და, მისთხოვდები სხვას,  
მივატოვებ გაზაფხულზე თესვასა და ხვნას,  
გადავლახავ ადიდებულ ჭოროხსა და მტკვარს,  
ცეცხლს გავატან შენს სამყოფელს, შენს სიყვარულს — ქარს,  
და მოგიკლავ, მოლაღატევ, მაგ ნაფერებ ქმარს...

ზღვისფერი გაქვს თვალები და თავათ ჰგავხარ ზღვას.

---

კოლაუ ნადირაძე

## შენ ჩემში ცოცხლობ

შენ ჩემში ცოცხლობ, ო, ერთადერთო, ჩემი სიცოცხლის  
უშრეტო წყაროვ,  
შენ ჩემში ცოცხლობ, ჩემში არსებობ და იარსებებ,  
დაუფიწყარო.  
მე მისთვის დავრჩი, რომ ხსოვნას შენსას სიკვდილის ხელი არ  
მივაკარო!  
შენ ეს სამყარო დატოვე ჩუმად და მღუმარების ეწვიე ბაღებს...  
მაგრამ ეს შენ ხარ, ნაზი ღიმილით სინათლის კარებს ჩემში  
რომ აღები  
ო, ეს შენა ხარ, სულის სიღრმეში უწმინდეს ფიქრთა ტაძარს  
რომ აგები  
მუდამ გაიმის შენი ხმა ჩემში, — უჭკნობ ყვავილად გულში  
ჩარგულო!  
ვიდრე ვარსებობ, შენ არ მომკვდარხარ და... არაფერი არ  
დაკარგულა!  
მე მასულდგმულებს ეს დიდი ტანჯვა და სიყვარულით ვარ  
გათანგული.  
ალარ ვაჩქარებ შეხვედრას შენთან: ჟამი ამისთვის არ  
დაკარგულა!...

მე მინდა სიკვდილს ჯერ გავუმკლავდე და გულში მიზნად  
მაქვს დასახული:  
ცოტა ხანს დავრჩე, როგორც ჭურჭელი, სადაც შენ კიდე  
ხარ შენახული

## ორი ქოჩორა

შალვა ლემეტრაძეს

ორი ვარია, ორი ქოჩორა,  
ერთი ნაცარა, მეორე ჭრელი  
ვიყიდე ერთხელ, ცოლმა მოჭორა,  
რომ იყვნენ ერთობ ძვირი და ხმელი.

შავთვალა გოგოს, სოფლიდან მოსულს  
აღარ ვევაჭრე, — ფული არ მშურდა!  
და ვუთხარ ჩემს ცოლს, ჩემზე გულმოსულს,  
რომ არა ჰქონდა გამყიდველს ხურდა.

ორი ვარია ფეხებშეკრული  
სხვებმაც გასინჯეს მუშტარის თვალით,  
მე უჩვეულოდ მიცემდა გული  
და ვთქვი: „წაიღეთ, ერთად დაჰკალით!“

პატარა სევდა, პატარა დარდი  
დიდხანს ქუჩებში დამატარებდა  
და არაფერი, იმ გოგოს გარდა,  
მე იმ დღეებში არ მახარებდა!

---

მას შემდეგ დიდმა დრომ გაიარა,  
ორი ქოჩორა დღეს ვიღას ახსოვს?!  
მაგრამ ჩემს გულში ჩარჩა იარა  
და მოგონება მოწყენას მაქსოვს.

და ყოველ კვირას, გულის ცახცახით  
მე ნაცნობ ადგილს ვუახლოვდები,  
მაგრამ ვერ ვხედავ სანატრელ სახეს  
და უიშვოდ ისევ ვლონდები.



## ნიკოლო მიწიშვილი

### ს ი ყ ვ ა რ უ ლ ს

ეგვიპტიდან მოტანილი ყალამუს,  
ატირება დაერდომილი რითმების,  
ვიცი — ბედი ჩემზე არ დაითმების,  
არც ნალეველი ეღირსება მალამოს.

დამავიწყდა ქვეყანაზე რაც არი —  
მეგობრები, სიხარული, სიამე.  
ჭრილობანი გულზე დამესია მე,  
რაც ავაგე შენი ტრფობის ტაძარი.

შენ გნახულობ კარის ეკლესიაში,  
სადაც სწირავს დეკანოზი დიანოს,  
განმიკითხე შენს მონათა სიაში,  
ან მივიღებ რჯულს სამაჰმადიანოს.

უშენობით ვინ მიხილოს მცინარი,  
შენს გადაღმა ქვეყნად რა დამრჩენია —  
საფლავშიაც ჩემი გული შენია,  
შენ გეძახი ფხიზელი თუ მძინარი.

---

გეძახი და კი ვერ გაგემხილები,  
შემატება საწყენი საწყენზედა.  
მესიზმრება შენი ოქროს ღილები —  
ღვთისმშობელო, მიმინოთი ცხენზედა.

## ილო მოსაზვილი

### არსენას ლექსი

ჩემი ნაბადივით დაეშვება სადამო შავად,  
თითქო ქვეყანა ქოხია ჩალური,  
აღგეთს გადაივლის და თრიალეთს ჩავა  
მთვარე ჩვენებური და ბორჩალური.

ეხლა ამ ქედებზე დამფრთხალი უგეშოდ  
რამდენი ირემი და ნუკრია.  
ჩვენს სოფელში გოგოა, უბეში  
ვაშლები და ბუდეშური უყრია.

მარაბდაში ხმალი გამიჭედია,  
დამაქროლებს არაბული უბელო,  
ცის ქვეშ ვეგდო, — ვატყობ, ჩემი ბედია,  
და მხრებზე შენ მეხვეოდე, ღრუბელო.

ავდრიანი, ნისლიანი ღამეა,  
ეს თვეები და დღეები ცისმარე —  
და თვალეში ცეცხლს მანათებს შხამიანს,  
ყორანივით შემომჯღადარი სიზმარი:

---

არსენ, გულში სინარული რაც არი,  
აბრეშუმის პერანგია ქალისა,  
სიყვარული — ერთი მუჭა ნაცარი,  
წადებული იაღლუჯის ქარისა.

შეგობარი — მარტო გულში იარა,  
მარტო ქვა და ერთი კუბოს ფიცარი,  
საწამლავეით ავსებული ფიალა  
და ძვლებამდე ჩამტკრეული ისარი.

ეს ანდერძი მითქვამს ქვეყნის წინაშე,  
სიყვარულით გავეყარე საწუთროს,  
ვინც მაჯობოს ხელდახელ თუ რკინაში,  
ჩემი ხმალი იმან დაისაკუთროს.

## ძველი რვეულიდან

ის გაზაფხული სხვა იყო, რადგან  
ტკბილად მღეროდა გულიც, ბუნებაც,  
ეხლა ჩვენს შორის ზამთარი ჩადგა  
და აღარ ველი შენს დაბრუნებას.

ფუჭ ოცნებაში დღეებსა ეხარჯავ,  
მარტო ვარ ქვეყნად, მარტო სრულებით,

---

ჩემს გზაზე შენი ჩრდილი რომ დარჩა,  
იმ ჩრდილს დავდევ და ვეჩურჩულები.

მძინავს და სიზმრის ტახტზე მიზიხარ,  
დედოფლად გრთავენ ქვეყნის მხატვრები.  
მე ხომ უცხო ვარ, შენ ხომ სხვისი ხარ  
და მაინც ასე რად მენატრები!

---

ტირენტი ბრანელი

გაზაფხულის საღამო

გაზაფხულის საღამოა მშვიდი,  
ხიდან ხეზე გადაფრინდა ჩიტი.

სული საზღვარს გადასცდება ფრენით,  
ახლაც მახსოვს მისამართი შენი.

ცამდე წედება ღამეების სიგრძე,  
რალაც დიდი სიხარული ვიგრძენ,

წინ მეშლება სხვა ოცნების არე.  
მიწის ცქერით დაიღალა მთვარე.

გაზაფხულის საღამოა მშვიდი,  
ხიდან ხეზე გადაფრინდა ჩიტი.

## ქალის აპონია

თ. რ.

დადონებული და მარად სუსტი,  
სარკესთან ფიქრობ, როგორც დიანა.  
დღესაც შორეულ მეგობარს ვუცდი,  
მაგრამ მან მოსვლა დაიგვიანა.

მახსოვს, ცრემლები შენს თვალს უვლიდა,  
აღბათ ფიქრებმა ასე დაგღალა.  
და უცხო ბინის ყრუ სართულიდან  
შენ ფრინველივით დაყურებ ქალაქს.

ხარ როიალთან და როგორც გიჟი  
იწყებ კლავიშზე ხელების თამაშს.  
შენ ძლიერ გინდა და რაღაც გიშლის,  
რომ გყავდეს ბავშვი, რომ იყო „დამა“.

სარკესთან ზიხარ და ფიქრობ სხვაზე,  
ხან, როგორც მტრედი თვალებს დანაბავ.  
მიყვები ბედის უცნაურ ხაზებს  
და ნატრობ ვიღაც არათანაბარს.

შენი ლოდინი სანამდე გასტანს,  
ანდა სანამდე იქნები წმინდა?  
რის მიზეზია ჯერ ახალგაზრდას,  
რომ შენ ცხოვრება ასე მოგწყინდა?

---

ოთახში ზიხარ შენ ავადმყოფი,  
ხან, როგორც ბავშვი, ძილს მიეცემი.  
შენ ეს ჰაერი თითქოს არ გყოფნის  
და გინდა გლოვა და გინდა ცრემლი.

დაღონებული და მარად სუსტი  
სარკესთან ფიქრობ, როგორც დიანა.  
ახლაც შორეულ მეგობარს უცდი,  
რომელმაც ასე დაიგვიანა!..

### ქალი მატარებელში

მესმის შრიალი იღუმალ ძალთა  
და მოდის მთვარე ასე ბებერი.  
და ორთქლმავალი კივის ვაგზალთან,  
უკვე დაიძრა მატარებელი.

ეს თეთრი ღამე მე ისევ მიყვარს,  
ღამეა თეთრი და ძილი არ მსურს.  
და მატარებელს უთუოდ მიყავს  
ქალი, რომელიც იგონებს წარსულს.

გაიხსნა თეთრი ფიქრების რკალი  
და მოგონების წამები ქრიან.  
და მატარებელს მწუხარე ქალის  
თეთრი ხელები თოვლივით მიაქვს



---

ეს ღამე, ეს ცა მე ისევ მიყვარს,  
იქ დუმილია შორეულ ბადის  
და მატარებელს უთუოდ მიყავს  
უცნობი ქალი სევდიან სახით.

და ელავს მთვარე ასე ბებერი  
და იღუმალი წამები ქრიან.  
მიდის საჩქარო მატარებელი  
და განშორების დარღები მიაქვს...

---

## გიორგი ლეონიძე

### ციცარი

„გადამაგდე და დამკარგე,  
როგორც ჩერქეზმა ისარი“,  
ასე გავარდა სამგორში,  
ცას დაეხალა ციცარი.

ვამ, ნაგზაურო ციცარო,  
გაზრდილო ჩემის ხელითა,  
შენ სადღეგრძელოს აღარ ვსვამ  
ქაფქაფა საწნახელიდან.

არც დაგიღებავ ფრჩხილებსა  
ზაფრანა-დარიჩინითა,  
წადი და იმას აკოცე,  
ვინც მინდვრად გაგაჯირითა!

ის ბაზიერი გიყვარდეს,  
გაჭმევდეს აღჯანაბაღსა;  
მე ჩემს გზას გამოვუდგები,  
ცხენზე დაეაკრავ ნაბაღსა.

---

სათათრეთს გადავევარდები,  
დამკვრელად ვივლი თარისა;  
ჩონა წვიმისა მეცმევა  
და ყაბალახი მთვარისა...

## ნინოწმინდის ღამე

1926 წ. 26 მარტი. ღამე ნინოწმინდის  
გალავანში: სანდრო შანშიაშვილი, პა-  
ოლო იაშვილი, ტიციან ტაბიძე, გიორგი  
ლეონიძე.

ნინოწმინდა... პალატები მეფეთა...  
გალავანში — ჯამი აქაფებული;  
შენი სახე რისთვის შემომეფეთა,  
ხატი იყავ — ვეფხვი დაქალებული...

საზანდარმა ღამე ააცახცახა,  
ავთანდილის მწვადი ცეცხლზე უხიოდა,  
ცა — ატმებით მსხმოიარე, ჩახჩახა,  
და გაზაფხულს რძის სუნი ასლიოდა...

ნინოწმინდა... ჩვენ, როგორც ხაზარები...  
ოჰ, იმ ღამეს როგორ აგვაბრიალა  
საქართველოს ლექსის მეხანძარენი  
ძმობამ, ცრემლმა, სიყვარულის იარაში!

---

როგორც ხმალი, ძმებო, ტამერლანისა,  
სიყვარული ისე დამჯახებია!  
მე მივტირი ღამეს ზამბახებიანს  
და სიყვარულს ათაბაგის ქალისას;  
ძუძუები ოქროს კალმახებია,  
წამწამები აქვს თავთუხის ყანისა...

წინანდალის ვაზი აყვავებული,  
ჩამოსხმული ოქროთი და თაფლითა,  
აფრენილი ბაზიერის დაფითა,  
ღურაჯი ხარ, მაყვალს შეფარებული!

ნინოწმინდა... ჩვენ, როგორც ხაზარები...  
ოჰ, იმ ღამეს როგორ აგვაბრიალა  
საქართველოს ლექსის მეხანძარენი  
ძმობამ, ცრემლმა, იმ პატარა იარამ!

## მ ყ ვ ი რ ა ლ ო ბ ა

ჩამაჭრდა კახეთს ჰაერი,  
ტყეები გადიყირმიზა,  
ენკენისთვეში მთებიდან  
ისმის ყვირილი ირმისა.  
— რასა ჰყვირიან ირმები  
ყორან-მთას, ყარაიასა?  
სახუნდარიდან მარეკი

გულში გაართყავს ტყვიასა...  
ხარი ირემი ფურს ეძებს,  
მთაში ნასუქი ღიჭითა;  
ქაფსა ჰყრის გადაკაწრული  
ეკლებითა და ხიჭვითა.  
თავი ანება ცალისთვის  
იალალების მწვანესა,  
მომტვრევს რქების ლაწანით  
ჩაღას, ტყეს, ლერწმოვანებსა.  
დაშტერებული ჯოგები  
მორბიან თავდაყირანი...  
ხარი ფურს ეძებს ღრიალით,  
მე — სიყვარულსა მყვირალის  
გახელებული ხარი ვარ,  
გეშს ვიღებ ნიაექარზედა,  
მაჩვენეთ ჩემი ოცნება,  
რქა ზედ მივაფშვნა რქაზედა!  
სულ მივამტვრიო, მივლეწო,  
გულში რაც გადაირაზა,  
შევეყვირებ,  
როგორც ირმები  
ჰყვირიან ყარაიასა!

## ყვიჩალის პაემანი v

„...ერთი მეც გადავუქნიე,  
წერიმც ვუწვდინე მიწასა...“

მ უ ხ რ ა ნ უ ლ ი

ყორღანებიდან გნოლი გაფრინდა,  
ყაბარდოს ველი გადაიარა,  
ისევ აღვსდექი!  
მუხრანის ბოლოს  
ჩასაფრებული ვსინჯავ იარაღს.

ქსანზედ, არაგვზედ ისევ ჰყვავიან  
ხოდაბუნები თავთუხებისა,  
შენი ტუჩებიც ისე ტკბილია,  
როგორც ბადაგი დადუღებისას.

ხოხობას განახე,  
მოწურვილ იყო  
როცა ზაფხული რუსთაველისა,  
ნეტამც ბადაგი არ დამელია  
და იმ დღეს ხმალი არ ამელესა!

ტრამალ და ტრამალ გამოგედევნე,  
შემოვამტკერე გზები ტრიალი,  
მცხეთას ვუმტვრიე საკეტურები,  
ვლევწე ტაძრები კელაპტრიანის!

---

მაგრამ თვითონაც დაილეწება,  
დაბადებულა ვინც კი ყივჩაღად,  
მუზარადიან შენს ქმარს შემოვხვდი,  
თავი შუაზე გადამიჩეხა!

მოდით, მომხვიე ხელი ჭრილობას,  
ვეღარა გხედავ, სისხლით ვიცლები...  
როგორც საძროხე ქვაბს ოშხივარი,  
ქართლის ხეობებს ასლით ნისლები...

მოდით

გეძახი ათას წლის მერე,  
დამნაცროს ელვამ შენი ტანისა;  
ვარდის ფურცლობის ნიშანი არი  
და ღრო ახალი პაემანისა!..

**მაშ, რა მუყოთ პოეტებო...**

გადეყარა ნარიყალას  
ნაცრიანი ბური...

ხაში,

ხილი

და თონიდან ამოყრილი პური,  
თაბახი და საზანდარი,  
მზე შინა და გარეთ —  
ეგებება მზეს თბილისი  
თავის ექვსი კარით...

---

მიეგებეთ,  
ვინც დამწვარა,  
როგორც საათნავა!  
განა გიცდის სიყვარული,  
ადგება და წავა!  
მაგრამ ისევ ილაპლაპებს  
პტკეარის ლურჯი გავა,  
ქაშუეთის ჩუქურთმები  
ფასკუნჯების თავად!

განა გასძლებს სიჭაბუკე,  
ვაი, შენი ბრალი!  
ხელებშუა გაქანდება,  
ვით ნიაღვრის წყალი,  
ისევ ისე დამწიფდება  
ვერის ბალში ბალი,  
აბანოდან ამაივლის  
თვალციმციმა ქალი.

ვანა ლექსი ლექსი არი,  
თუ დარჩება მუნჯი?  
პოეტებო,  
გულსაც უნდა  
ბერტყვა, როგორც ხურჯინს!..  
ჰკივის თათრულ სიმღერებით  
მწველი იეთიმ-გურჯი,  
სწვეთს ღვინოში ჩაწობილი  
ფიროსმანის ფუნჯი.



---

მეგებეთ ოქროს მტვერში,  
სიტყვა უნდა განდაგანა,  
ბესიკსა და საათნავას  
სიყვარული სწამდათ განა?  
ხმაში უნდა ვეფხვის ძალი, —  
სამაია სამთაგანა!

მაგრამ ლექსი გადურჩება  
იმ ძველ ნააჩრდილარს?  
სახეღარზე წითელ ბოლოკს  
და ჭიანურს მტირალს,  
მეტივეს და თივის ურმებს,  
წყნეთურ მაწვნის ქილას? —

მაშ, რა ვუყოთ, პოეტებო,  
ამ თბილისის დილას?

### ტყუპი იაგუნდები

გაზაფხული მახარა  
ნიაღვარის ყვირილმა,  
გულს ია დამახალა,  
დასტა-დასტა გვირილა!

შავ ღრუბლებმა გაჰყარეს  
ტყუბად იაგუნდები,  
ჩემს ლამაზს და საყვარელს  
ისევ მოგაგონდები!

მე შენ მინდა გახარო  
ჩვენი ახალგაზრდობა,  
ჩემო ქორის ბახალო,  
დღეს რაც გალამაზდება!

დავძრათ ბედაურები,  
გავჰყვეთ მზის ნაკვალევსა,  
ქარებს გავჰყვეთ ნიაღვრებს,  
ცისარტყელის მკლავებსა!

ყველაფერი ჩავთვალოთ  
სიყვარულში ნარგებად, —  
ვაშლის თეთრი ყვავილით  
ქვეყნის მოპერანგება;

ოქროში გადამდნარი  
გაზაფხულის დიღები  
და ფრთებით პეპელისა  
გზები ნააჩრდილევი;

მთებზე მთვარის ნამქერი,  
ზედ ზოლები მკრთალები  
და შენი, მშვენიერო,  
დასათხრელი თვალები!

მე ეს მინდა გახარო,  
ჩემო თეთრო ნარჩიტა,  
ყველაფერი ჩახჩახებს  
სიყვარულის ხარჯითა!

დაე, ფერფლმა ნუშისა  
ჩვენი მხრები მოთოვლოს;  
გაზაფხულო,  
აპრილო,  
დაწვიმულო ფოთოლო!..

## მინა ჭამჭამაძის

თუ გადამქრალი შენ ხარ ვარსკვლავი,  
ახლაც მინათებს შენი მშვენება...  
შენგან შევიტყვე, რომ სილამაზეს  
არ უწერია გადაშენება!

შენც ცოცხალი ხარ, შენი მგოსნებიც  
და გაჟრჟოლება მათი გულისა,  
თავშესაფარი რამდენ ოცნების,  
იყავ ბანაკი გაზაფხულისა!

შენს სილამაზის იქით — ბნელდება,  
დაიხურება ცისკრის კარედი:

---

შენ მოგაყარეს მიწა ბელტებად,  
მკერდზე რომ ვარდსაც ძლიეს იკარებდი.

ასი წლის შემდეგ მე შენ გიგალობ,  
ათას წელს გასძლებს შენი მშვენება;  
შენ, სილამაზის ნაზო გრიგალო,  
შენგან არასდროს მომესვენება.

## დავით გაჩეჩილაძე

\* \* \*

შენი სიყვარულით გულნათენები,  
ძირს მიწას

და მაღლა ცას ვეფერები.  
მიწას მისთვის, — რომ ასეთი შენ ხარ  
მარტო,

შენი პონაც ამ მიწაზე შეეძელ...  
და ეს ზეცა რომ არ იყოს ასე ფართო,  
სად დავტოო ოცნებები შენზე?  
შენ რომ გიცქერ, თითქოს ზღვა ვარ  
ღელვით საესე,

ჩემშიც ღვივის ამ ლაყვარდის ეშხი...  
და სიმღერით ცისფერთვალა სილამაზე,  
ხელგაშლილი შემოცურდა ჩემში.  
შენი თვალთმაქცობით გულნალამები,  
წარსულ დროს

და ცისკარს ვეხმიანები:  
წარსულს მისთვის, რომ იქ ვხედავ  
აკლავ შენს ღიმილს...

---

რომ წარსულში ჩვენს სიყვარულს სძინავს  
და შენს შკერდზე აწყვეტილი ბროლის ღილი  
მიცისკროვნებს ჩალამებულ ბინას.

ზღვაო, ზღვაო, აქაც როგორ დაგემსგავსე,—  
მე ოხვრა ვარ, შენ ბუნხუნი ზეირთის...  
შენს ნაპირზეც ცისფერთვალა სილამაზე  
ტანთ იცვამს და ნისლებს მიღმა მიდის.

---

## სიმონ ჩიქოვანი

### მგზავრის სიმღერა

მომგონებიხარ, მომგონებია  
ლერწმად რხეული შენი სხეული.  
ეს ვაგონებიც მონგოლებია  
და სად მივყავარ შენი რჩეული.

შენ დარჩენილხარ მთების გადაღმა,  
მიკვირს, რომ გული კიდევ მთელია.  
გზამ დაგვაშორა, ტურფავ, ამაღამ  
და ეს მანძილიც ჩვენი მტერია.

ვარსკვლავი თითქოს ცრემლის შხეფია,  
ამგვარ ვარსკვლავით რვეულს ვქონავდი.  
გულზე ხელები დამიკრეფია  
და მიფიქრია ალიონამდი.

რით ავათრთოლებ გზაში ჭიანურს,  
მინდორს დაჰკვრია გაცრილი ნისლი.  
შენს სათნო სახეს, სახეს ჭკვიანურს,  
ვინ შეუტრია მონგოლის სისხლი.

---

მომდომებიხარ, მომგონებია  
ლერწმად რხეული შენი სხეული.  
ეს ვაგონებიც მონგოლებია  
და სად მივყავარ შენი რჩეული.

სად მიმაქროლებს გზა ანთებული,  
მთები განველე და განველე ჭალები.  
საით გავრბივარ შეშფოთებული,  
მთით მომაშუელე ფართო თვალები.

სადგურში მივალთ დანიშნულ დროზე,  
ჩაქრნენ ლამეში ჩრდილნი მთებისა.  
შენზე ვიფიქრო თუ სამშობლოზე?  
გამხადე ღირსი ყურადღებისა.

აგერ მიეყვები უცხო ვაგონებს,  
შენზე მღერალი, ღამის მთევარი.  
ახლა მთის იქით ირემს მაგონებ  
და მე სად მივქრი შენი მღევარი.

ალბათ ვიქნები სადგურში დროზე,  
ჩაქრნენ ლამეში ჩრდილნი მთებისა.  
შენზე ვიფიქრო თუ სამშობლოზე?  
გამხადე ღირსი ყურადღებისა.



## პირველი მიძღვნა

სინდისს ვფიცავარ,

კურნავდი იარებს.

მეყვარდი, როგორც ზღვა ალბატროსს.

მე შენთან შორიშორს ვიარე

და ახლოს არ მოველ არასდროს.

შენს ტრფობას მერჩია მარტილი მეჭამა,

ან მძევლად ვყოლოდი ტაიგებს.

მე ცუდი არა ვარ,

იცოდეს ზეცამაც,

თუმც კაცი ზეცისგან ვერაფერს გაიგებს.

ეს გული ხომ შენკენ ქარივით იღტვოდა,

არ მსურდა სიწმინდის შელახვაც.

მე შენი ტრფიალიც მინდოდა,

და შენი ბავშვობის შენახვაც.

## მეორე მიძღვნა

თვრამეტი წელი და დასრულდა ბავშვის ასაკი:

ტანი ყვავილი, დახატული თითქოს გოგენის.

მე, როგორც ქისას, დავატარებ გრძნობას გასაკვირს

და არვინ იცის, რა ფიქრი და ეშხი მოგველის!

---

მსურს, მოვიდე და სიყვარულით მოგვალერსო,  
ეგებ ამ გრძნობას სიჩუმეში შენაც მოელი.

მაგრამ რა გიყო,

შენ მძიმე ხარ ჩემი ლექსით  
და ამავე დროს

ტაიტივით მიუწვდომელი.

## გაგოთხოვება და ომში წასვლა

უეცარად ომში მიხმეს,  
ტყეში იყავ, სოკოს კრეფდი, ვინანე.  
მსხმოიარე ვენახი ხარ სიყრმის,  
ვერ გიპოვე, სიმძიმელი ვინანე!

ამხედრების შემხვდა ჯერი,  
დაიფერე თაფლისფერი ბაია.  
დამიქროლე დარაია ჭრელი,  
ბალისფერი, როგორც ჭიამაია.

მე დავრახტე ჰუნე მალი,  
დამეფუშა ჩრდილოვანი კარავი.  
გადმომხედე, შეიფუთნე შალით,  
განშორების ჟამია და ვარამი!

თუ დავიჭრე, მწვაედეს წყლული,  
ვაი დედა, მეწილადოს ვაგლახი,  
მომიტანე თვალით გაზაფხული,  
შემირჩიე სამკურნალო ბალახი.

---

მეამება სამაია,  
ივერიის ღვთისმშობელის ბაია.  
შენი თვალი ღია სამარება,  
შენი კაბა — ჭრელი ჭიამაია.

სად მოვეკვდები სადაური  
ვერ დავეკრიფე დაშაქრული ყურძენი.  
მე ვარ წიგნის მხოლოდ სათაური,  
ჩემი უამი — დასაწერი ფურცელი.

გამაყოლე ტურფა ლანდი,  
ყივჩაყივით თუ მეტოქემ ამკაფა,  
გამონახე ჩემი მუზარადი,  
ჩააწვეთე შენი ცრემლი კამკამა.

მოძმეს მიეც სასოებით,  
მუზარადით შესვას ჩემი ვარამი.  
გამაგონე მოთქმა განშორების,  
დამაფარე ივერიის ალამი!

### ამ ოც წელში გზა განვლიეთ წყვილად

ამ ოც წელში გზა განვლიეთ წყვილად,  
მთა და ბარში ხვეული და სწორი.  
მთაში ბევრგზის შეგვეხვდა დილა,  
კართან ბევრგზის მოგვიწია თქორი,

მოგვაფრქვია სიხალისე,  
ჩამოგვრეცხა მტრის შური და ჭორი,  
და შენ შემრჩი ხელში ისე,  
როგორც ვაზი ან ლამაზი ქორი.

ორი ფრთა გაქვს, ერთი კვამლი,  
ორი ბეჭდის გადაწნილი ზოლი.  
შენს თვალში ჩანს ცისკრის ჭავლი,  
ჩემს თმაზე დევს გაზაფხულის თოვლი.

დრო მიჰქრის და მაიმედებ,  
ცხენს მიკაზმავ თუ მიჭედავ ნალებს,  
წლები ჰგვანან განვლილ ქედებს  
და სახლი ჰგავს შენი ხელის ალერსს.

მეც არ მჯერა თუ მოვხუცდი,  
არ ვისვენებ, არ დამედოს ქონი.  
შენს ჭალარას მე მოვუცდი  
და მერე კი დავბერდები, მგონი.

მარგე სითბო და სინაზე,  
ნასადილევს უსიზმრებო ძილი.  
მტკვარი გვიზის აივანზე  
და მამულში წყვილად შეგაქვს წელილი.

რაც შეგვეძლო, გავისარჯეთ,  
მე ლექსს ვწერდი, შენ გზავნიდი წერილს,  
კიდევ ბევრჯერ გავალთ გზაზე,  
რომ მეგობრებს არ ჩამოვრჩეთ მერმისს.

---

თუ დაგვჭირდა, შევმჭიდროვდეთ,  
ხელისგულზე მოვთავსდებით მყისვე,  
ღამე ვარსკვლავს ვეჭიდები  
და შენს სუნთქვას, ვით წყაროს ხმას, ვისმენ.

მეც შემეძლო ჩეხვა შეშის,  
მთაში ირმის შეპყრობა თუ ჯიხვის,  
ცდა და დელვა მოსახვევში,  
ოფლის დაღვრა და გალხობა ჭირხლის.

დღეს შენ მიღებ სახლის კარებს,  
ფანჯარასთან მე მიცდი თუ ქუჩილს?  
გამკრავ ქარში მომეფარე,  
არ შეუშვა შინ წვიმები მწუხრის.

არ მოედო სადმე ეკალს,  
როცა გზაზე სწყვეტ ეკალს თუ ყვავილს.  
ხანდაზმული გრძნობა რეკავს,  
მწუხრი რეკავს და ცისკარი ხვალის.

.

---

## ალიო მირცხულავა

### ერთხელ ძალი მიმავალი

ერთხელ ქალი მიმავალი  
დავინახე ველად,  
მის ეშხიან სილამაზეს  
გზას უთმობდა ყველა.

სწორედ ირმის აღნაგობა,  
სწორედ ირმის ყელა,  
ტანზე თმები გადმოეშვა,  
როგორც ცისარტყელა.

ქალო, იქნებ, ყარიბ მგოსანს  
გზები გაუკვალო,  
დამანახო შენი ბინა,  
სად ხარ, ვის უგალობ?

შენი ფეხით გაღეწეინო  
ჩემი გულის კალო,  
გენაცვალოს ჩემი თავი,  
შენ, კახეთის ქალო!

## ნ ა ტ ვ რ ა

შენს ეზოში დავინახე  
რამდენიმე ბატკანი,  
მწვანე მოლზე გაუმართავთ  
ხტუნვა და თამაშობა,

ნეტავ გულში ჩამაკონა  
რომელიმე მათგანი:  
შენს სიყვარულს მომაგონებს,  
შენს უმანკო ბავშვობას!

## ს ა მ ი ჯ ნ შ რ ო

ხემ იხარა, იხარაი ჯერ ყლორტები იყარა,  
მერე ყვავილთ პეპლები თავზე გადაიყარა.

ვაშლის თეთრმა ასულმა კვლავ იხარა, იხარა,  
აიღეწა, ათქვირდა, ყელი გადაიხარა.

მომაგონდა მიჯნური სხვაგან არის, იქ არაი  
ჩენი ბაღის ბილიკი იქცა ნაბილიკარად.

ვეძიე და მოვნახე, ახლოს არ გამიკარა,  
როგორც ელვის მახვილი, გესლი გულს გამიყარა.

ცეცხლი არ გამინელა, დარდი არ გამიქარა,  
მიჯნურს ვეძებ მეჯნუნი, დავდივარ კარიკარა.

## კონსტანტინე ლორთქიფანიძე

### მე რ ის

წუთისოფელი რასაც მოგვცემდა,  
ჩვენ გავიყოფდით თანაბრად მუდამ.  
სიხარულს, ნაღველს, ლამაზ ოცნებას,  
შვილის სიყვარულს და თოვლის გუნდას.

სადმე ჭალაში გაგონილ „აუ“-ს,  
მთვარეს, თხილის გულს, მოწამლულ ისრებს,  
და როცა ჩემზე გეტყოდნენ აუგს,  
მოიღერებდი ამაყად კისერს.

ახლა მასწავლე, როგორ გავიყო  
შენი ტკივილი და სნეულება!  
როგორ გავიყო!  
შენი თვალები  
რატომ არაფერს არ მეუბნება.

შენ არ გივლია არასდროს კენტად  
და თუ გოლგოთა საწოლზე დაგცემს —  
იმ ყაჩაღივით ვიქნები შენთან,  
იესოს გვერდით ჯვარზე რომ აცვეს.



---

## წინო თარიშვილი

### ჩემს ტოლებს

ვიცი რომ მზითვად  
არ მომცემენ „ვეფხისტყაოსანს“,  
არც წასაღებად  
დაჰკეცავენ ქირმანის შალებს,  
არც ქართულ კაბას  
ჩამაცმევენ ჯვარის საწერად,  
არც ვერცხლის ქამარს  
მომავლებენ დარდიან წელზე.  
ცაში ოთახი განათდება იაბონურად,  
ბედნიერებას მომილოცავთ უცხო კილოზე,  
მრავალ წერილებს გამაყოლებთ გზის საპოვნელად,  
მრავალ მოკითხვას დავუხვდები, ვით მკვლარ მიმოზებს.  
დავიმალები  
სიყვარულის ცისფერ სუნთქვაში,  
დიდი იქნება აღტაცება მზეგამართული,  
უხვი კოცნები, ვით კახეთში ღვინის მარნები,  
186

---

და სადღეგრძელოს მოიტაცებს

სიტყვა ქართული.

ნამჯისფერ ფრჩხილებს დაამძიმებს მთვრალი ჰაერი,

გულის პასუხი ყარამფილებს ვეღარ დაყნოსავს

და მე ვიქნები სიკვდილივით გაუხარელი,

რადგან მზითევში არ მომცემენ „ვეფხისტყაოსანს“.

## კარლო კალაძე

### ჩემი გმირი

(სიმღერა)

ვისაც სურდა ჩვენი ტანჯვა ენახა,  
ვინც თბილისის მყუდროება შელახა,  
მისი გულის ორად გამაპობელი,  
ვიცი, ჩემო შავო ბიჭო, შენა ხარ!

ჩემი გმირი გიწოდე,  
ხელი გამოგიწოდე,  
გაიმარჯვე, იცოდე,  
ჩემო ვაჟკაცო!

ჩემმა ვარდმა უეკლოდ ვერ ივარდა,  
დაშორება გულით არ გამინახარდა,  
მაგრამ გულს მე კვნესას ვერ ვათქმევინებ—  
შენ სიმღერით მკლავის გაშლა გიყვარდა!

ჩემი გმირი გიწოდე,  
ხელი გამოგიწოდე,  
გაიმარჯვე, იცოდე,  
ჩემო ვაჟკაცო!

---

ეგ ხომ ჩემი სასასთუმლო მკლავია,  
განა მტრისგან დანა დასაკრავია!  
მტკიცედ იდექ... შორიდან რომ გიცქერის  
ჩემი თვალი მუდამ ის ვარსკვლავია!

ჩემი გმირი გიწოდე,  
ხელი გამოგიწოდე,  
გაიმარჯვე, იცოდე,  
ჩემო ვაჟკაცო!

ვისაც სურდა ჩვენი ტანჯვა ენახა,  
ვინც თბილისის მყუდროება შელახა, —  
მისი გულის ორად გამაპობელი  
ვიცი, ჩემო შავო ბიჭო, შენა ხარი!

## დელი-დელა

ნუთუ არ განმეორდება გუშინდელი დილა! —  
შენი ეზო მაგონდება, შენი დელი-დელა!  
სიცილივით მიმალული ნაკადულის დენა  
და იმ ტალღის სიყვარულით რტოდახრილი თელა.

ახლაც მოსალოდნელია შრიალებდეს ნელა:  
აბა, დელი ოდელია, აბა, დელი-დელა!

---

ამ სიმღერით ომში წაველ და ვით მებრძოლს ძველად,  
იგი, როგორც ფიქრი მწვავე, მახლდა ბრძოლის ველად,  
როცა დამჭრეს, დაფლეთილი გულიც გამიმრთელა,  
ამ სიმღერით ამოვიდგი წართმეული ენა...  
ჩამოველ და, აი, თითქმის, დამეც გამითენა...  
ოდელიას ვინ არ იტყვის, აბა, დელი-დელა!

---

## მარიკა ბარათაშვილი

### საპოვნელა

ოქტომბერში თუ ჩვენს მხარეს გაგივლია,  
შეამჩნევდი მიმობნეულს მინდორ-ველად:  
პაწაწინა, მარჯუნისფერი ყვავილია,  
იმერეთში ეძახიან „საპოვნელას“.

შევხედე და მიმიზიდა იმთავითვე.  
თურმე ყველა სასოებით ანდობს იმედს,  
ბედს დაეძებს თუ დანაკარგს — რამე ნიეთებს,  
ვევლრება: „საპოვნელა, მაპოვნინე!“

მეც სათუთად მივიბნეე იგი მკერდზე,  
ჩემს გულშიაც მივუჩნიე მყუდრო ბინა.  
ვენაცვალეი სხვა საუნჯეს აღარ ვეძებ,  
რადგან, ჩემო, შენი გული მაპოვნინა.

---

ირაკლი აბაშიძე

## პირველი თოვლის სიმღერა

წუხელ თოვდა,  
ნეტავ ჩემთან რად არ გაჩნდი,  
გენახე და ძილში თბილად დაგეხურე...  
მე ავდექი პირველ თოვლზე განთიადში  
და ვეძებდი შენს პატარა ნაფეხურებს.

დაეყარა სახლებზე და ვერის გზაზე  
თოვლი, თეთრად დასახული,  
ასე თეთრად, გულუბრყვილოდ ჰყვავის ასე  
იმერეთში ტყემლის ხეზე გაზაფხული.

ჰყვავის ასე,  
და განთიადს მიხალისებს  
ეს ზამთარიც, დეკემბერში თოვლის ხვავი,  
ის თბილისის ხეივანებში კიპარისებს  
იმერულად გამოასხამს ტყემლის ყვავილს.

---

დგას ბუჩქები ვერის ბაღში, შემკრთალები,  
ზედ თოვლია თუ ფრიალი ფაფანაკთა?!  
ანდა იქნებ ავჭალიდან თეთრ კარვებით  
ადგა ჯარი და თბილისში დაბანაკდა?!

რა თოვლია!  
შენობებს და ბაღში ხარდანს  
ფარავს თეთრად დასახული...  
ეს პირველი თოვაც ისე გამეხარდა,  
როგორც გუშინ მიხაროდა გაზაფხული.

მიხარია  
ცხელ ზაფხულის დაბრუნებაც,  
წვიმაც, ქარიც უსაქმურად დანაბერი...  
ბევრი კარგი რამ სცოდნია ამ ბუნებას,  
მაგრამ, კარგო, შენისთანა არაფერი!

### ყველა სიმღერა

ყველა სიმღერა რასმე გაგონებს,  
ყველა სიმღერას თავის წლები აქვს;  
ყველა სიმღერა რასმე გაგონებს,  
რაც ფიქრს ოდესღაც დავიწყებია.



---

ზოგში ვარდისთვე არის პირველი  
და თან მიჰყვება სული მთავარი,  
ან შორეული ქრის თებერვალი  
და ფრთას იღეწავს სხვენში ყავარი.

ზოგში იხილავ ძველ წყალდიდობას,  
ჩავლილს შენამდი, შენს არყოფნაში.  
ზოგში სანთლები ბრწყინავს დიდუბის,  
ნახული სიზმრად თუ ბაღლობაში.

ზოგში ხან დედის თავსასთუმალი,  
ხან გელანდება მამის სამოსი,  
ზოგში იელვებს აბასთუმანი  
ან შემოდგომა საგურამოსი.

ყველა სიმღერა რასმე გაგონებს,  
ყველა სიმღერას თავის წლები აქვს,  
ყველა სიმღერა ვისმე გაგონებს,  
ვინც გულს ოდესღაც დავიწყებია.

მაგრამ, ძვირფასო, რაც შენ გიპოვნე,  
რომ სიცოცხლეში წინ წაგიმძღვარო,  
ყველა სიმღერა შენს თავს მაგონებს,  
შენ, სიყვარულო დაუვიწყარო!

## რუსთაველის ხმა ყრუ ტრამალებში

— რამ გადმოგხვეწა

ამ მწველ აღმურში.

რამ აგიყარა მესხეთს კარავი?!

მტრობამ?

მტრად ვინმე გყავდა მამულში?

რუსთაველის ხმა:

— არა, არავინ.

— მაშ, იქნებ შურმა,

შენგვარ მოყმეთა

შურს არ ძალუძდა შეუქი შეეცნო;

შურს, შურს შეეძლო შენი მოკვეთა...

რუსთაველის ხმა:

— შურს არ შეეძლო.

— იქნებ ლალატმა,

მოულოდნელმა

ლალატმა შეემა და მუხანათმა

გდევნა, გაწამა, შორს გადმოგდევნა...

რუსთაველის ხმა:

— არა ლალატმა.

— მაშ, ცბიერებამ?

ჭირმა, რომელსაც

ქვეყნად ყოველი ძაგს ძლიერება,

---

რაც ძლევს თვით გმირის გულს და  
ლონესაც...

რუსთაველის ხმა:

— არც ცბიერებამ.

— მაშ, სიძულვილმა?

უსინანულო

მოთხრის, მოსპობის, აღგვის წყურვილმა?

მაშ, სიძულვილმა?

ვაი, მამულო!...

რუსთაველის ხმა:

— არც სიძულვილმა.

-- მაშ, რამ?

შენს ფრენას ფრთა რამ მოკვეცა,

რა წვამ აშკარამ.

რა წვამ ფარულმა?

რამ დაგამარცხა, რამ გადმოგხვეწა?

რუსთაველის ხმა:

— რამ?

სიყვარულმა.

## ბიორგი შატბერაშვილი

### ს ა კ ა ლ მ ა ს ო

გულმა როდის დაიყეფა  
სულ პირველად,  
                    აღარც მახსოვს,  
მაგრამ გვიან გამოვედი  
სიყვარულის საკალმასოდ!

სიჭაბუკემ რაც დამაკლო,  
ბედმა ახლა მომიშვილდა,  
მკრა ისარი, ამამღერა,  
გულს ლექსები მომიშივდა.

აჰა, შენი საროჭიკო,  
თავო ჩემო, შევერცხლილო,  
მე რად მინდა სხვისი ვარდი,  
ბულბულს რატომ შევეცილო?

აჰა, ჩემი საკალმასო,  
ტრფობის კალო — საიგავო,  
გული უნდა მოგაბარო,  
ეგებ ლექსი გამიქარვო!

---

მითხრა რამე სამეგობრო,  
გულით ლექსი დამიოქრო,  
მე ისეთი ლექსი მინდა  
შენკენ გზები დამიმოკლოს!

მე ისეთი კვესი მინდა,  
ლექსის ყანწი დამივერცხლოს,  
სიჭაბუკე დამიბრუნოს,  
გული ისევ გამიმერცხლოს.

მე იმ კვესით ცეცხლს გავაჩენ  
ჩემი გულის ნაფოტებზე,  
გეტყვი, გეტყვი, ლექსებს გეტყვი —  
ლამით ძილში გაბოდებდეს.

მაგონდება უენი სახე,  
მახსოვს, მახსოვს, აღარც მახსოვს...  
ეს რა გვიან გამოვედი  
სიყვარულის საკალმასოდ!

## ს ა მ ა ი ა

მყავდა ერთი სიყრმის სწორი  
არჩეული სწორთაგანა,  
სცადეს და ვერ გაგვარჩიეს  
ერთი ძუძუსმწოვთაგანა.

---

სცადეს მტრობის ჩამოგდება,  
ერთმანეთის შეძლება,  
უფრო მეტად შევიყვარეთ  
ძმობის ეშხში შესულებმა.

ერთი ვინმე აგვემგზავრა,  
უმჯობესი ქალთაგანა,  
მიდიოდა, ღიღინებდა,  
სამაია სამთაგანას:

„სამაია სამთაგანა,  
არ იქნება ორთაგანა,  
დამიტვირთ თვალთა შენთა,  
დავიმარხო სწორთაგანა“.

მოგვხედავდა, ცეცხლს გვიჩენდა,  
გვიღიმოდა ხანდახანა...  
ოჰ, იმ ქალმა დაგვაფიწყა  
ძმობის ფიცი თანდათანა:  
ერთმანეთი შევიჯავრეთ,  
დავდიოდით განდაგანა.

სად ხარ, ჩემო სიყრმის სწორო,  
არჩეული სწორთაგანა,  
გახსოვს, რომ ვერ გაგვარჩიეს  
ერთი ძუძუსმწოვთაგანა?

---

გაიხსენე ის წამები  
უკეთესი წამთაგანა,  
ნეტავ შენც თუ გახსენდება  
ის გოგონა ხანდახანა,  
ვის დაეცეს გულზე ცრემლი  
მის მშვენიერ თვალთაგანა?

ან შენ სად ხარ, ერთო ქალო,  
უმჯობესო ქალთაგანა,  
რად გაგვყარე სიყრმის სწორნი,  
რად გვატარე განდაგანა?

. . . . .  
სიყვარულის სამაია  
არ იქნება სამთაგანა...

## ტივისხე

მას შემდეგ, რაც ჩვენ დავშორდით,  
წყალს მივდეგ დაუდგომელსა,  
ორთაყვირები დამემსხვრა,  
გულზე მდინარე მომეცა...

დროც მიდის, როგორც მდინარე...  
თურმე შენ გადამივიწყე,  
დაშლილა, ტივი დაშლილა,  
მივცურავ ერთი ტივისხე.

---

არ ვიცი, ბედი ავბელი  
წამიღებს რომელ მხარესა,  
მიმატივტივებს მდინარე  
გულაღმა მწოლიარესა.

ტივი დაშლილა, წყალს მიაქვს  
ორთაყვირების ნამტვრევი,  
ეისსენებ შენსა ღიმილსა,  
ხანდახან მომენატრები.

ხანდახან... გესმის? ხანდახან...  
თურმე მეც გადაგივიწყე.  
შუე ჩადის, ტივი დაშლილა,  
მივცურავ ერთი ტივისხე...



## ალექსანდრე გომიასვილი

### გ უ ლ ა მ ა ყ ა რ ი

გადაუქროლა მაყრიონმა არაგვის ჭალებს,  
მიწყდა სიმღერა, გზაზე მხოლოდ ნამქერი წივის...  
და მაგონდება ამ ჭალების ქარბუქში მწარედ  
გულამაყარი... შემოდგომა... შენი ქორწილი...

ჩემო ლამაზო, ნეტავ ახლა მაინც სადა ხარ?  
ვისი ერლოდან ამოაფრენ ამაყ არწივებს? —  
ასი წლის შემდეგ დამიბრუნებს შენი დანახვა  
ჩემი ბავშვობის სიყვარულსა და სიყმაწვილეს.

მე ისევ გსახავ გაზაფხულის პირიმზესავით,  
არ მავიწყდება მაყრიონის ცხენთა ჭენება, —  
ზათქით, ზრიალით მოვარდება მთებიდან ზვავი  
და ბურსაჭირის ვიწროებში ჩაიჭედება.

შენ კი სადა ხარ? შენზე ფიქრობს შენი მაყარი,  
შენმა მაყარმაც შეიყვარა გულამაყარი.

---

ანდრო თევზაძე

თბილისი და წალვერი ✓

ამ ლექსის მუსიკის ავტორს და პირველ  
შემსრულებელს მარის გოძიაშვილს

გრძნობა როგორ დაგიამო  
ან რა ლექსი გიმღერო?  
ქალო, ალვისტანიანო,  
ვარდისა და მზის ფერო!

ნუთუ აღარ გაგახსენდი,  
რაც აქედან წახვედი?  
ო, ნეტავი ერთად იყოს  
თბილისი და წალვერი...

თვალს გავახელ, წიგნს გადავშლი  
თუ მიდამოს გავცქერი,  
მომანათებს შენი სახე  
და თვალების ჩანჩქერი.

---

შენზე ფიქრებს გადავურჩე  
თუ თბილისის მზეწვიას?..  
ვერ მოვუსწარ მატარებელს,  
ეს რომ გამომეძია;  
ბევრი კოცნა დაგადევნე,  
ერთიც ვერ მოგეწია!..

აგერ, თითქმის სამი თვეა,  
რაც დატოვე ეს მხარე,  
და წერილიც არ მომწერე,  
ერთხელ არ გამახარე!

შენ ნაძენარში დასეირნობ,  
მე კი მადნობს ივლისი;  
ო, ნეტავი ერთად იყოს  
წალვერი და თბილისი!

იქნებ სხვაზე გადამცვალე,  
სხვას აენტე კელაპტრად?!  
არ გიყვარვარ? ჩემი ლექსი,  
აბა, რად მოგენატრა?!

თუ გიყვარვარ, რად გამირბი,  
რატომ თავაზიანობ?  
ოჸ ჩემი ხარ, რატომ გინდა  
ეჭვით დამაზიანო?

---

ჩემო ვარსკვლავთვალთანო,  
მთვარის თანაზიარო!..

ჩემი გრძნობა წმინდა არის,  
ვით ანკარა მთის წყარო,  
და მგოსანზე უკეთესმა  
ქვეყნად ვინ შეგიყვაროს?!  
პოეზიის სურნელება  
მსურს რომ გადმოგიღვარო,  
სიხარულის დღეებია,  
მოდო, ჩვენც გავიხაროთ!..

---

## გაბრიელ ჯაბუშანური

### მ შ ვ ი დ ო ბ ი თ

მშვიდობით, მივალ, დე, არხვატს დარჩეს  
ჩემი ლურჯაის დაკრული ტორი,  
მწამს: თავს გაიტანს და გაიმარჯვებს  
ფხა ვაჟკაცური, მიზანი სწორი!

დაიქცნენ ძველი ადათის ბჭენი,  
ბინდი არ ბოჭავს გულს მარწუხივით,  
გამყვება ქალაქს სურვილი შენი  
და დედაჩემის ჩემზე წუხილი!

შევხვდები ბარში ვაჟკაცებს ნარჩევს,  
მოვალ და ნათელს მოვიტან შორით.  
მშვიდობით, ქალავ, დე, არხვატს დარჩეს  
ჩემი ლურჯაის დაკრული ტორი!

---

## ერთგულება

წამოდი ცაში  
მაგ სნეულ სხეულს  
მე ვუდასტაქრებ შეუქის ლექსებით;  
მზეს მაცოცხლებელს გამოვთხოვ სხივებს,  
მაინც გამოვთხოვ,  
არ მოვეხსნები  
და თუ მნათობი მაინც გაკუშტდა,  
არ გაიმეტა შენთვის წამალი,  
გულს ამოვიგლეჯ, მზექალ, საკუთარს —  
და შენ ჩაგიდგამ! —  
დაე, ალალი  
იყოს ის შენთვის  
თუ ბედნიერი  
იქნები მგოსნის ქალღმერთი ჯიქი;  
ჩემთვის კი აბა, რა ბედენაა,  
თუ რომელ მკერდქვეშ იბორგებს იგი!

---

## ბრიგოლ აბაშიძე

### ზღვა და მერცხალი

აჩქარებული, ფრთამოქნეული,  
უცებ დაეშვა მერცხალი ციდან,  
ზღვას გაუსწორა მთელი სხეული,  
გაეკრა ზედ და... უცებ მოსცილდა.

არ სურდა ცურვა, ტანთ შავი ეცვა,  
ტალღის შხეფს ფრთითაც არ შეხებია,  
არ სწყურებია, წვეთიც არ შესვა.  
მაშ, რალა სურდა გაშლილფრთებიანს?

ნუ ჰკითხავ მერცხალს, ზღვისგან რა სურდა,  
ნუ მკითხავ, შენგან რა მსურდა მაშინ,  
როგორც ზღვისა და მერცხლის თამაში,  
ჩვენი თამაშიც უცებ დასრულდა.

## ოცნება უფლისწულისა

საქართველოს მთა-გორების ხორუმი,  
ვაზი ვაზზე ლერწებგადალასტული,  
ალაგ თითა, ალაგ ალადასტური.  
ჩემს მეფობას უნდა შენი დასტური,  
შენ კი შორს ხარ, როგორც ყარაყორუმი.

არას ვაქნევ პირველობას, მეფობას,  
ქვეყნად მხოლოდ უგულოთა მოსახმარს,  
მე შენს ჩრდილად თავად მზემ გამომსახა.  
უწყალო ხარ, უდაბნო ხარ, შორსა ხარ,  
მაგრამ მაინც გული შენგან მეპობა.

მაგრამ მაინც შეელას შენგან მოველი,  
თუმც თხოვნას და შეელას არ ვარ ჩვეული,  
დამიგდია სტავრა და ფარჩეული;  
მე, ხელმწიფედ საქართველოს რჩეული,  
მხოლოდ შენი მონობის ვარ მთხოვნელი.

## ჯიგთახათუნი

...და შედგა ჩემი ბედის ბორბალი,  
შეჩერდა შენი თმით დახლართული,  
შენ ერთადერთი ხარ დედოფალი,  
ჩემი ოცნების ჯიგთახათუნი



---

მე ერთადერთი მხიბლავს ოცნება,  
წვრილი წარბები, წყვილად გართხმული,  
რალაც გულწრფელი, ვით გაოცება,  
და რალაც კიდევ უფრო ქართული.

სად წავალ, შენსკენ მომაფრენს ქარი,  
ფრთად მექცა შენი ყრმობის უღელი.  
ყველგან თანა გღევ ფიქრივით ჩქარი,  
ჩრდილივით ჩუმი და განუყრელი.

ღე, ჩემს ეტლს ქარმა ქროლვა უცვალოს,  
შეჩერდეს შენი თმით დახლართული,  
ვეფხზე უწყალოვ, ჯიქზე უწყალოვ,  
შენა ხარ ჩემი ჯიგთახათუნი.

## ორი ისარი

ორი ისარი თუ ორი ტყვია,  
შიგ გულში მომხვდა ისეც ნაღვლიანს,  
ერთს სიყვარულის ისარი ჰქვია,  
ერთს სიყვარულის შიშს ეძახიან.

ტიალ გულს ერთი სულ შენსკენ სწევდა,  
არ გიშორებდა თოფის ნიშნიდან,  
ძალას მართმევდა მეორის სევდა,  
ფეხის გაღმოდგმას შენსკენ მიშლიდა.

---

შენს აჩრდილს ვერსად ვერ ვიცილებდი,  
შენ არც იცოდი ეს საოცრება,  
შენ არ გესმოდა ჩემი მცირედიც,  
უმარტივესი ჩემი ოცნებაც.

მაინც გელტვოდი სამოთხის ბაღჩას,  
გაჩირადდნებულს სვეტიცხოვლებად...  
შენთვის აუხსნელ ქარაგმად დარჩა  
ჩემი ლექსი და ჩემი ცხოვრება.

## ა ტ ე ნ შ ი

მე უკან აღარ გაეტრიალდები.  
პირველად ვნახე ორი ატენი,  
ატმის ყვავილის განთიადები,  
ვაშლის ყვავილის კორიანტელი.

არა, ამ ბაღებს არ მოეცილდები,  
ყვავილთა ცვენას არ გავეცლები,  
ცვივა პეპლები დახოცილები,  
ცვივა ფერფლები და ნაპერწკლები.

და შენც აქა ხარ, ვით ნათლის სვეტი,  
მე შენი ფრთებით უნდა ვიფრინო,  
მე — ღრუბლის გედი,  
შენ — ხატის მტრედი,  
მე — გაკრძალული შენი მიმინო.

---

ვდგავარ ამ მზეში, ამ შუქის თქეშში,  
და თქვენგან შუქი მეც შემატება,  
ოცნებაც შენში,  
სიწმინდეც შენში.  
შემოვდგომივარ მე შენს ხატებას.

და ჩვენ არასდროს გავტიალდებით,  
თუნდ ერთად აღგეს ორი ამდენი,  
ატმის ყვავილის განთიადები,  
ვაშლის ყვავილის კორიანტელი.

## ალექსანდრე სავჯია

• • •

განა იმისთვის ვეწამე ამდენს,  
რომ განშორება მეგლოვა ბოლოს.  
შენი ბაგენი ალუბლებს ჰგავდნენ,  
მეც ალუბლები მიყვარდა მხოლოდ.

მჯერა: ნიაეიც ამოდ ქროდა,  
არ მსურს ამოდ ვარსკვლავი ვთვალო...  
შენ ღვინისფერი თვალები გქონდა,  
მეც შავი ღვინო მიყვარდა, ქალო.

ჩვენ თვითონ ვნახეთ ბაეში მოცარტი,  
ფერად ყვავილებს ფანტავდა ქარში,  
იღიმებოდა და საოცარი  
მე ცისარტყელა მიყვარდა მაშინ.

ვინ იცის, მოვა კიდევ უხაპუნა?  
ვიცი, ერთხელაც იქნება გვიან...  
მე შენმა ზეცამ ცვარი მაპკურა,  
მე უშენოდაც მიჯნური მქვია.

## სვანური მოტივებიდან

### 1

საღამოთი შველი გადამეღობა,  
ას წელიწადს მაძებნია კვალი;  
მთვარედ მექცა, ვარსკვლავებში შეტობა,  
მივდეგ ეღვის მოგიზგიზე ხმალით.

სალოცავად ქართველობა მეყოფა,  
საფიცავად — შენი თაფლის თვალი.

უშენობით გული დამიმიწდება,  
ღვის მკლავებს წაერთმევა ძალა;  
კვალდაკარგულს ფეხი გადამიცდება,  
გავტყდები და მომაშველებ დალალს;

მთის კაცი ვარ, ხელი ცამდე მიწვდება.  
ქარის მუხლით მოგეწევი, ქალავ.

დავიწვი და ენგურსა ვთხოვ, მეგობარს,  
მომასხუროს მკერდზე წმინდა წყალი.  
შენი შუქი ბნელში გადამეღობა,  
ღრუბელზედაც ვნახე შენი კვალი.

საამაყოდ ქართველობა მეყოფა,  
საფიცავად — შენი თაფლის თვალი.

---

## 2

ქარს ღრუბლების ჯგოგი მიჰყავს და  
დაბრუნდება, იქნებ როდის.

შენ ღრუბელი ყოფილიყავ და,  
მენაც ქარი ვიქნებოდი,

შენ უშბაზე დაიძინებ და,  
მე ხევს ჩავალ ქარიშხლებით.  
თუკი შევხვდით, ან ვიწვიმებთ და  
ანდა სეტყვად დავიშლებით.

## 3

მზე მთის საფარს ეფარება,  
ეზოს მწუხრი ეპარება,  
და ჩრდილები ხეთა  
ფერად ნისლში იძირება.  
აივნიდან იმზირება  
მოწყენილი დედა.

## რევაზ მარბიანი

### მე უბით ვატარებ პატარა ბარათს

მე უბით ვატარებ პატარა ბარათს —  
შენგან რომ მივიღე წუხელ,  
ისე ვით საუნჯე, ფარულად დამაქვს,  
რატომღაც ვერავის ვუმხელ...

წუხელი ბიჭებმა გადმომცეს ქალადი,  
იმ წამსვე გავხსენი თრთოლვით,  
თოვდა და ჩემს მხრებზე დაფრინდნენ ფარფატი  
ფიფქები პირველი თოვლის.

არ მახსოვს, რამდენჯერ გავშალე ღიმილით,  
ჭაბუკი ოცნებად ვიქეც,  
უცხო რამ, ასე ვთქვათ, ვით გულისტკივილი,  
დავხედე ბარათს და ვიგრძენ.

შენ როცა ამ ბარათს საჩემოდ წერდი,  
მალავდი შენს წუხილს, ქალო.  
დაწერილ ბარათის ორივე გვერდი  
მეტყოდა, რომ კარგად ვარო!

---

არა ხარ მართალი! ბავშვებმა ცრემლებმა  
ხომ გაგთქვეს, რას იტყვი ახლა?  
ცრემლების წვეთები აქა-იქ ემჩნევა  
საჩემოდ დაწერილ ქაღალდს.

არ ვიცი რას სწუხდი, უჩემოდ ყოფნა  
ვიცი, რომ ძნელია შენთვის.  
არ ვარგა: გულით სხვას ფიქრობდი თურმე,  
ხელით კი სიხარულს წერდი.

ნუ სწუხარ, გაივლის ომი და ქარი.  
ვიცხოვრებთ ისევე მშვიდად,  
ჩვენთვის ხომ სიცოცხლე მამულნი არის,  
ღიადი სამშობლო წმინდა!

...შე უბით ვატარებ პატარა ბარათს,  
გაჩვენებ, როცა შინ მოვალ,  
და გულში, იცოდე, ვარაიის გვარად  
ჩამრჩება ბარათის ხსოვნა.

მოსელამდე, ვინ იცის... უბეში შექნება  
და ხშირად დაეხედავ ხენგვით:  
„საველე ფოსტა, 72,  
მარგიანს საკუთარ ხელში“.



## დერეფანზე ხორბალი მაქვს...

დერეფანზე ხორბალი მაქვს  
ფარდაგივით გაფენილი,  
ოქროსფერად დახატული,  
სუფრასავით გადაშლილი.  
ნეტავ ბევრი ჩიტი ვნახო  
ასაკენკად დაფრენილი

კენკონ, კენკონ, ბევრი კენკონ,  
ასაკენკი სხვებსაც ჰქონდეს,  
ნეტავ ჩემი ხორბლისათვის  
ერთი ვინმე გაჩნდებოდეს  
და ჩემს მყუდრო დერეფანზე  
სამუდამო ბინა ჰქონდეს!

— მოდით, ჩემო ჩიტუნებო!  
მოუთმენლად გელოდებით,  
დერეფანზე ხორბალი მაქვს —  
გადმოლახეთ ლურჯი მთები,  
ხელგაშლილი მასპინძელი  
გულგახსნილი დაგიხვდებით...

... საყვარელო ჩემო ჩიტო,  
შენ როდისღა მოფრინდები?

---

## მთის კალთაზე სახლი მედგას...

მთის კალთაზე სახლი მედგას,  
ხეც ხარობდეს ათიოდე,  
იისფერად, განუწყვეტლად  
ცაში კვამლი აღიოდეს.  
ბუხრის პირას მუხლმორთხმული  
ვით ზღაპარში, ვიჯდუ მწყრალი.  
ჩემზე იყოს გულმოსული  
ჩემი თეთრი დედოფალი.  
ბუხარივით გუზგუზებდეს —  
მხიარული მქონდეს გული,  
ჩემს ბავშვობას მაგონებდეს  
ცოლის ტკბილი ჩონგურული.  
გასაზრდელი ბიჭი მყავდეს,  
გოგო მყავდეს თაფლისთვალი,  
შავგვრემანი მამას ჰგავდეს,  
დედას — მისი თეთრი ქალი.  
დამეზარდონ სანაქებოდ  
და მათ დაჰყვეთ დედის გული,  
მამასავით იოცნებონ  
საქართველოს სიყვარული.  
მთის კალთაზე სახლი მედგას,  
ხეც ხარობდეს ათიოდე,  
იისფერად, განუწყვეტლად  
ცაში კვამლი აღიოდეს.

---

## ლადო ასათიანი

### ა ლ ბ ო მ ი დ ა ნ

• ვ-ს

რა დამავიწყებს შენს ლამაზ თვალებს,  
რამ დამავიწყოს ეს ალუბლები!  
იცოდე, როცა სხვას შევიყვარებ,  
ამ სიყვარულზე ვესაუბრები.

ვეტყვი, თუ როგორ გვიყვარდა ძველად  
ჩვენ ტრფიალება წრეგადასული,  
თუ როგორ გაქრა ოცნება ყველა  
და მოგონება დარჩა წარსული.

ვეტყვი, თუ როგორ გვიყვარდა გულით  
ფიროსმანი და თბილისის ღამე,  
ლაჟვარდოვანი მტკვარის დუღენი  
და მარტოობის მკაცრი სიამე.

ვეტყვი: რა მწვავდა, რა სატკივარი,  
მაღალ მთებს რისთვის გამოვექეცი,

---

როგორ გაგანდე, ძვირფასო, ჯავრი  
და კაცი ლექსად როგორ ვიქეცი.

ან შენს სახელზე ბერდანის ტყვიით  
როგორ დავკოდე ნადირი მხარში,  
რომ არ ვიცოდი მაცდური ტყვილი,  
რომ შეშლილივით მიყვარდი მაშინ.

ო... მასაც ვეტყვი, ვეტყვი ყველაფერს,  
რა კარგი იყავ და რარიგ ნაწი,  
რომ მხოლოდ შენთვის ავაფერადე  
ჩემი სიმღერა და მუხამბაზი!

ო... მასაც ვეტყვი, ძვირფასო ცირა,  
როგორ გვდეენიდა ბედი ტიალი,  
როგორ გვიყვარდა შავი ზღვის პირას  
გასეირნება და ხეტიალი.

როგორ გვათრობდა ტალღების ნანა  
და სიყვარულით როგორ ვიწოდით...  
და ეს შარბათზე უტკბესი ხანი  
რომ გაქრებოდა, რად არ ვიცოდით?!

რა დამავიწყებს შენს ლამაზ თვალებს,  
რამ დამავიწყოს ეს ალუბლები?..  
იცოდე, როცა სხვას შევიყვარებ,  
ამ სიყვარულზე ვესაუბრები!

## ოთხი უსათაურო

\* \* \*

რად გაიფურჩქნე, წინანდლის ვარდო,  
რად ააკენესე ლერწამის ღერი  
დარდი ვარ მარტო, დაედივარ მარტო  
და ეთიმ გურჯის ბაიათს ვმღერი:  
— წყალში ვდგავარ, ცეცხლი მიკიდიას!

\* \* \*

გთხოვთ არ გაიგოთ სხვანაირ სახით  
ეს გახუმრება და ეს ბარათი,  
მე მინდა თქვენთან დავიდგა სახლი  
და მთაწმინდაზე დავრჩე მარადის.

რომ შთაგონებით უსაზღვროდ ხელი  
ვმღეროდე თქვენი ტრფობის თილისმით.  
თქვენ მოიღეროთ ჯეირნის ყელი  
და გიყურებდეთ მთელი თბილისი.

\* \* \*

მიმატოვე და მალულად  
ახლა ველარ გხვდები,  
ნაფიქრალით დაფარულან  
საქართველოს მთები.

---

როგორ სწრაფად წამიხვედი,  
სიტყვაც კი ვერ გითხარ...  
შენს უნაზეს ძახილს ველი,  
ჩემო კარგო, დიდხანს!

ვუმზერ მეტეხს, ნარიყალას,  
შენ კი ველარ გხედავ,  
გაიღვიძე, ჩემო ყველავ,  
ჩემო სულის ერთაე!

ძველებურად, ჩვენებურად  
ჩავუაროთ ისანს.  
კაცი ვარ და ქუდი მხურავს  
ქართველს შეუშიშარს.

მიმატოვე და მალულად  
ახლა ველარ გხვდები,  
ნაფიქრალით დაფარულან  
საქართველოს მთები.

\* \* \*

— ამისი ქმარი სარდაფში მოკვდა,  
ასე იტყვიან შენზე ქალები,  
და შენც ასეთი ნაზი და კონტა  
სიყვარულს ვერსად დაემალები.

---

— ამისი ქმარი ღვინოში მოკვდა, —  
ასე იტყვიან შენზე ლოთები,  
და შენც ასეთი ნაზი და კოხტა  
ახალ სიყვარულს დაელოდები.

— ამ კაცის ცოლმა სხვა შეიყვარა, —  
ასე იტყვიან ჩემზე ბიჭები,  
გამიხსენებენ, როგორც ნიკალას,  
და თბილ სამარეს დააბიჯებენ.

## ყ ა ყ ა რ ო

ეთერ სვანიძე

ძველად აქ ჯარებს უხმობდნენ  
დაფდაფითა და ბუკითა,  
ახლა ყაყაჩო შემომხვდა  
ლამაზი ქალის შუქითა.

შემომხვდა, შემოიანათა,  
ჩინჩხლები შემომაყარა,  
ალუჩა-ტყემლის შემოსვლა  
და გაზაფხული მიხარა...

---

უცხო კაცად რომ შემეცნო,  
შერცხვა და თავი დახარა;  
შერცხვა და თავი დახარა,  
სიწითლემ გადაუარა,  
აღბათ, იმაზე დაფიქრდა,  
მოვეწონეო თუ არა?!

### 5. 3.

მე ვეტრფი ძლიერ ტფილისის ჰავას,  
ნიკო ფიროსმანს და საათნავას,  
მე იმ ლოთიან მომღერალს ვგავარ,  
ქართველი ქალის შნოსა და ჯავარს  
და საქართველოს ლურჯი ცის თავანს  
რომ უმღეროდა დაუღალავად!

მე ვეტრფი ძლიერ თბილისელ ხაბაზს,  
დილით ადრე რომ ააფრენს ლავაშს,  
ორბელიანის ძლიერ მუხამბაზს,  
ნიკო ფიროსმანს და საათნავას!

მე ვეტრფი იმ თეთრჩოხიან მაყარს,  
კრიმანჭულის დროს ცას რომ ახედავს,  
და კახურ ამბოხს, შლეგსა და მაგარს,  
შემოდგომაზე ქვევრს რომ გახეთქავს!



---

მე ვეტრფი მხოლოდ ლამაზის თვალებს,  
ლამაზი არის თბილისში ყველა  
და სიყვარულით უგონოდ მთვრალი  
და შველა უნდათ ლამაზებს, შველა!

მე ვეტრფი მეტად რუსთველის სახელს,  
ვით საქართველოს სინდისს და ნამუსს,  
ყველა ღვინის მსმელს და ყველა კახელს,  
ამ ჩემ პატარა ძველთაძველ მამულს,  
ქართულ ჩონგურს და ქართულ სალამურს,  
თბილისის ცას და თბილისის ჰავას,  
ნიკო ფიროსმანს და საათნავას!

მე დაჭრილი ვარ უიარალოდ,  
მე შენს სიყვარულს ვერ გავექეცი,  
ვერ იტყვი, ჩემზე გული არ აქვსო,  
მე გული მქონდა და შენ მოგეცი,  
მე დაჭრილი ვარ უიარალოდ,  
მე შენს სიყვარულს ვერ გავექეცი!

მე ვეტრფი მხოლოდ შენს ლამაზ თვალებს  
და სურნელებას შენი ტანისას,  
გაშლილო მზეო, გავსილო მთვარეო,  
ლაქლაქა ვარდო წინანდალისა,  
მე ვეტრფი მხოლოდ შენს ლამაზ თვალებს  
და სურნელებას შენი ტანისას!

---

მე იგი მიყვარს, ვისაც უყვარდა  
თავისი ქვეყნის ხალხი და მიწა,  
ვისაც სახელი შორს გაუვარდა,  
ვინც კაცი იყო და ლექსად იქცა,  
მე იგი მიყვარს, ვისაც უყვარდა  
თავისი ქვეყნის ხალხი და მიწა!

მე შენ მიყვარხარ და საქართველო,  
უთქვენოდ, აბა, რამ გამახაროს!  
მიწავ, მტერთაგან დაუთრგუნველო,  
გთხოვ, შენი კალთა გადამაფარო!  
მე შენ მიყვარხარ და საქართველო,  
უთქვენოდ, აბა, რამ გამახაროს!

მე კარგად ვიცი, ვინა ვარ, რა ვარ,  
საიდან მოველ ან საით წავალ, —  
და ვეტრფი ძლიერ ტფილისის ჰავას,  
ნიკო ფიროსმანს და საათნავას!

---

მირზა გელოვანი ✓

## გ ა ნ შ ო რ ე ბ ა

ყველა მოკლე და ქერა თმის ნახვით  
გამახსენდება თმები შოლტები.  
როგორ არ მინდა, როგორ არ მინდა,  
მაინც მივდივარ, მაინც გშორდები.

ასე თიშავდნენ ძველი ზღაპრები  
ასფურცელას და ოქროსთმებიანს,  
ქარმა დაგლიჯა ყველა აფრები  
და შენზე დარდში დამთენებია.

მგზავრი ვარ, შენზე ფიქრებს ვუნდები  
და აჩრდილებთან თამაშს უენებელს.  
მე დავბრუნდები, ჰო, დავბრუნდები,  
მე შენი თმები დამაბრუნებენ.

## ო, მ ა პ ა ტ ი ე თ

ბედმა უცნობი გზით გამაქანა,  
თქვენ დარჩით შორი... ცაზედაც შორი...  
და, როგორც კარტში აგურის ქალებს,  
გქონდათ ქერა თმა და ყელი ბროლის.

მე გპირდებოდით, რომ დავბრუნდები,  
რომ თქვენი თმები დამაბრუნებენ,  
მაგრამ დღეები, როგორც ქურდები,  
ჩემს შეპირებას ანადგურებენ.

და სადმე ტყვია თუ გააციებს  
გულს საშინელი განადგურებით,  
თქვენ მაპატიეთ, ჰო, მაპატიეთ,  
დანაშაული არდაბრუნების.

ნ უ მ წ ე რ... ✓

თ. მ...ს

ნუ მწერ, რომ ბალში აყვავდა ნუში,  
რომ მთაწმინდაზე ცა დაწვა თითქოს,  
რომ საქართველო ამ გაზაფხულში,  
როგორც ყოველთვის, წააგავს ხვითოს,

---

რომ ორთაჭალამ ჩაიცვა თეთრი,  
რომ შენც ჩაიცვი კაბა ყვავილის,  
რომ მტკვარი ოხრავს, როგორც ყოველთვის,  
როცა მეტეხის ახლოს ჩაივლის.

... წუხელ ვებრძოდი ცეცხლს და ურაგანს,  
და საშინელი ბრძოლების ნისლში  
მე მომეჩვენა, სადღაც, ჩვენს უკან  
აელვებული იდგა თბილისი.

ორთაჭალაში ჰყვოდა ნუში,  
მთაწმინდის მხრებზე მზე იწვა თითქოს,  
და შენ, ძვირფასო, ამ გაზაფხულში,  
როგორც ყოველთვის, მოჰგავდი ხვითოს.

\* \* \*

მე მინდოდა იავნანა,  
როგორც ნაზი პოემა...  
რაც ვერ მოკლა შენმა დანამ,  
მოკლა სიმარტოვემა.  
ოი, როგორ მედიდური  
მქონდა გული ბავშვობის,  
ოი, როგორ დაგემდურე,  
ოი, როგორ დაგშორდი.

---

და არ ვიცი, იქნებ დაჭრილს  
მომწვდეს შენი მარჯვენა  
და ეღირსოს უხმო აჩრდილს  
ქვეყანაზე დარჩენა.

## დ ა მ უ ვ ი დ ე ბ ა

რისი გეშინია?  
შენი აჩრდილია,  
დაგდევს და სურვილი აწვალებს.

შენი კოცნა უნდა?  
არც გასაკვირია —  
მას კოცნა აკვანში ასწავლეს.

## იოსებ ნონეშვილი

\* \* \*

სად არ ვიყავ, სად არა,  
ცხრა მთა გადამატარა  
ეტლმა წუთისოფლისამ.  
მაგრამ, კარგო, იცი რა?  
გულმა ვერ მოიცილა  
ნატვრა შენთან ყოფნისა.

უცხო ცაზეც მნათობნი  
კიაფობენ ათობით,  
მზესაც ოქროს ფერი სძევს...  
მაგრამ სულ სხვა რამ არის  
სხივებნათამამარი,  
საქართველოს ცხელი მზე.

ვნახე მტერთა ციხენიც,  
ჩვენი დარტყმით ფიცხელით  
მათი ბჭე შეზრიალდა.  
მაგრამ სულ სხვა რამ არის  
ციხე-კოშკი თამარის,  
მთაზე მდგარი ზვიადად.

---

და ლამაზი ქალებიც,  
ვნებით ფერმიმქრალები,  
თითქოს ვარსკვლავებია...  
მაგრამ ტრფობა იმათი,  
აენორცი და კვიმატი,  
გულს არ გაჰკარებია.

სად არ ვიყავ, სად არა,  
შენი ლანდი პატარა  
მუდამ გვერდით დამდევდა.  
ჩემს სიხარულს იყოფდა  
და თუ სევდა მიხმობდა,  
ისიც დაიდარღებდა.

მოველ, შენთან მოველი,  
განა რამეს მოველი,  
სიყვარულის ზღაპარო?!  
მინდა თვალებმზიანი,  
გულის თანაზიარი,  
ბედის ვარსკვლავს გადარო.

სად არ ვიყავ, სად არა,  
ცხრა მთა გადამატარა  
ეტლმა წუთისოფლისამ.  
მაგრამ, კარგო, იცი რა?  
გულმა ვერ მოიცილა  
ნატვრა შენთან ყოფნისა.



---

## ჩუქურთმისმჭრელის ეპიტაფია

მე ქაშუეთის ჩუქურთმას ვჭრიდი,  
ჩემი მღელვარე სულის ჩუქურთმას.  
გაშლილი მქონდა ვარსკვლავთა წიგნი,  
ლოდებს არ ედო ხავსი, ვით ფიქრი  
და გული თითქოს ჩემებრ უხურდათ...  
მე ქაშუეთის ჩუქურთმას ვჭრიდი,  
ჩემი მღელვარე სულის ჩუქურთმას.

გვიმრის ფოთოლი თუ რტო ვაზისა,  
ძელქვაზე ფრთხილად ასული სვია  
ისე დაეხატე ქვაზე ფაქიზად,  
რომ ჩემს სუნთქვაზე იწყებდნენ შრიალს.

და როს დაადგა ღვთის თვალი ტაძარს,  
ანგელოსებმაც მარჯვენა მიქეს,  
მე ღმერთი ვიყავ და ვიქეც კაცად,  
მე კაცი ვიყავ და ღმერთად ვიქეც.

მაგრამ, უცნობო, როს სანთლის შუქი  
აგიჩირაღდნებს მწუხარე სახეს,  
მე მადლობელი ვიქნები, თუკი  
შენდობას ეტყვი ჩემს ცოდვილ სახელს.

---

რადგან მე — უღირსს, ცოდვა რამ მაძევს,  
ო, ცოდვა მაძევს მე მეტად დიდი...  
როცა ბოლნისის ვარდისფერ ქვაზე  
ღვთისმშობლის წმინდა ხატებას ვჭრიდი,

მე თვით არ ვიცი, საიდან გაჩნდა  
ჩემი მიჯნური შემართულ ისრით  
და ღვთისმშობელის თვალების ნაცვლად  
როგორ დავხატე თვალები მისი.

მე თვით არ ვიცი, რად დავამგვანე  
ეს ჩუქურთმები მის დალალ-კავებს.  
და ვგრძნობ: არა არს ქვეყნად თუ ცაში  
გულთამხილავის მიუწვდომელი.  
წარბს შეჰკრავს რისხვით და ალბათ მაშინ  
განკითხვის მძიმე ჟამი მომელის...

და, ჰე... უცნობო, როს სანთლის შუქი  
აგიჩირაღდნებს მწუხარე სახეს,  
მე მადლობელი ვიქნები, თუკი  
შენდობას ეტყვი ჩემს ცოდვილ სახელს.

\* \* \*

შენ არა გაქვს მეფის გვარი,  
ფრთაფარფატა თოლია,  
მაშ, თვალები თამარ ქალის  
როგორ გამოგყოლია?  
არ მომეკრა შენთვის თვალი,  
სიზმრად მაინც განახადი.  
ხარ ყინწვისის ანგელოსი,  
თეთრ ღრუბლებში ნახატი.  
შენს სიყვარულს დავიფიცებ,  
დაიჯერო იქნება,  
ცისფერ კაბას ნუ ჩაიცმევ,  
თეთრი უფრო გიხდება.  
შენს სიყვარულს დავიფიცებ,  
დაიჯერო იქნება,  
წარბს ნუ შეჰკრავ, გენაცვალე,  
გალიმება გიხდება.  
შენ არა გაქვს მეფის გვარი,  
ფრთაფარფატა თოლია,  
მაშ, თვალები თამარ ქალის  
როგორ გამოგყოლია?..

---

## შენ საქართველოს დედოფლობა დაგშვენდებოდა...

შენ საქართველოს დედოფლობა დაგშვენდებოდა...  
დაგშვენდებოდა და რარიგად დაგშვენდებოდა.  
შენს ერთ სიტყვაზე ქალაქები აშენდებოდა  
და დაიწყებდა უდაბნოში შრიასს წალკოტი.  
ერთი შეხედვით ვაჟკაცების გულებს დაჰკოდდი  
და მზის ათინათს დაჩრდილავდი თვალთა ციალით.  
დალოცდი ლაშქარს და იმ დეთიურ ლოცვის გამგონებს,  
არ ექნებოდათ სპათა შენთა მტერთან ზიანი.

შენ ხატაური აბრეშუმი დაგშვენდებოდა...  
დაგშვენდებოდა და რარიგად დაგშვენდებოდა,  
შენს ნატიფ სახეს ნიავიც რომ არ შეჰხებოდა,  
სპილოს ძვლისაგან ულამაზეს კოშკს აგიგებდნენ.  
ცისკარზე, როცა ქაშუეთის ზარებს დარეკდნენ,  
აღიგზნებოდა შენის ლოცვით წმინდა ტაძარი  
და შენს გვირგვინთან მორჩილებით ქედს მოიდრეკდნენ  
ორბელნიანი და ამაყი ამილახვარი.

შენ რუსთაველის სიყვარული დაგშვენდებოდა...  
დაგშვენდებოდა და რარიგად დაგშვენდებოდა,  
ბევრი თაობა გაივლიდა ჟამთა შარაგზას,  
შენ კი ლექსებში იცოცხლებდი, კარგო, მარადღეამს...̄

---

დიდი პოეტი მიგიყვანდა ხალხის გულებთან,  
ვარსკვლავებივით დაგვხედავდნენ შენი თვალები  
და ვით დიდებას აწ გარდასულ საუკუნეთა,  
სულ ერთი არის, მე შენ მაინც შეგიყვარებდი.

...შენ საქართველოს დედოფლობა დაგშვენდებოდა.

## ორი მუნასიბი

1.

მე მუდამ ვფიქრობ:

დღეს ჩემი ლექსი,

მკერდში რომ დიდხანს ბორგავს წვალებით,

როგორ გახდება

ხელიდან ხელში,

ხელიდან ხელში საგოგმანები...

როგორ გახდება

ასე ურიცხვი

ხალხის რჩეული ჰანგი ადვილად,

როცა პატარა

გოგოს გულიც კი

ვერ იქნა, ველარ მოინადირა.

---

2.

რას გიყურებ?..

სურთ ამ თვალებს უმეცართ,

შეგამჩნიონ ნაკლიცა და მშვენებაც,

თორემ, თუკი

შემიყვარდი უეცრად,

ყველაფერი კარგად მომეჩვენება.

---

## ზურაბ ლორთქიფანიძე

### ხმა ხმას დაეძებს სივრცეებში უაღამიანოდ...

ხმამ ხმა მოიხმო,  
ცაცხვებქვეშ თრთოდენ.  
სალამო იყო...  
ხმა ხმას უახლოვდებოდა,  
ერთი გაბედულად, მეორე მორცხვად.  
ეშხი მოსდებოდა  
შემყურე მინდორსა და ბორცვსა.  
მორცხვი ხმის მიღმა ქალი თრთოდა,  
ისეთი სათნო და კოხტა,  
გაბედულ ხმის იქით ვაჟი ტორტმანობდა  
ისეთი ღიმილით და ტანით...  
საჭირო არ არის, ვიცოდეთ სად არის  
ახლა რომელი, რომელ ქუჩას შევენის,  
თუ სქელი ჩრდილი ფარავს საყდრის...  
ერთი ხმა  
მეორე ხმას ეალერსებოდა.  
ვაჟის ხმას ღელვით ქოჩორი უჯეჯილდებოდა.

---

მეორეს დალალი გაწეწოდა,  
პატარა ტუჩები აპილპილებოდა,  
და თხელი ტანით თრთოდა.  
ხმა ხმას ეაღერსებოდა,  
ხმა ხმას შეადნა და შეაკვდა,  
ვაჟი — ხმა აენტო  
ქალი — ხმა შეფაკლდა...  
ისევ მინდორ-ველი განველოთ;  
ხმა ხმას დაეძებს სივრცეებში უადამიანოდ.

•



---

## ლადო სულაბერიძე

### ს ი ზ მ ა რ ი

შენ ამერიდე დაფერებული  
წინანდებურად ვარდის ფერითა,  
ნუთუ ისე ვარ დაბერებული,  
რომ ველარ მიცან და ამერიდე.

ჩამომიქროლე, წამოიხვეტე  
ქარი და ქარში გაქრი ქარულად.  
ერთხელ ირიბად გამოიხედე  
და გაიღიმე თითქოს ფარულად.

და გაქრი... ქუჩას თოვლი აცვივა,  
გარშემო თეთრი ფერის ჟინია.  
ნუთუ მე მართლა ბერიკაცი ვარ  
და შენ ამ თეთრი თმის გეშინია?!

გიყვარდა თეთრი ფერი ყოველთვის,  
ჩემთან ღამეებს თეთრად ათევდი.

---

თუმცა დამთრთვილა ცამ ჩრდილოეთის  
და ადრეულად ოდნავ გაეთეთრდი,

ნუ გეშინია, გულში არ ცივა,  
ეს მხოლოდ თეთრი ფერის ჟინია.  
მე ახალგაზრდა ბერიკაცი ვარ,  
შენ ამ თეთრი თმის ნუ გეშინია.

---

## შალვა ფორჩხიძე

\* \* \*

მე ვარ და ჩემი შრიალა ჩრდილი  
და იმ თვალების ცისფერი სხივი, —  
იქ, ტირიფებში, ცისმარე დილით  
იმ სიყვარულის ცრემლებს მიძივით...

მე ვარ და ჩემი სამშობლოს მთები  
და მთაწმინდაზე ის ლურჯი სურო, —  
შენ რომ მოჰგავდი დაბურვილ თმებით  
და შენთან ყოფნა მინდოდა უფრო...

მე ვარ და თეთრი ვაშლის ხის ფიფქი  
და გულში არა მქონია ბინდი.  
მე შენს თვალებზე მიყვარდა ფიქრი  
და საქართველოს საღამო მშვიდი.

მე ვარ და მთებში თერგის სათავე —  
ასე რომ ვშფოთავთ ცისმარე დილით...  
და შენზე ფიქრში როცა გავთავდე,  
გადამაფარე პატარა ჩრდილი!..

---

პახტანზ ბორბანელი

გაზაფხულის მერცხალი ვარ

გაზაფხულის მერცხალი ვარ, შორი გზიდან  
ნიაქარმა მატარა,  
ნუ დამიშლი, შენს ლოყაზე ბუდე მინდა  
გაეიკეთო პატარა.  
ხედავ, გაშლილ მთებს და ველებს  
გაზაფხული ყვავილებით ქარგავს,  
სხვა რა გითხრა, ჩემო კარგო, სიყვარულის  
და სიმღერის გარდა.

## ზაქარია შერაზადიშვილი

### შენ რომ თუნგი ჩაგივარდა ჭაში

შენ რომ თუნგი ჩაგივარდა ჭაში,  
ჭას რომ ჰქონდა უსაშველო სიღრმე,  
ტოლებში რომ ამარჩიე მაშინ,  
ამარჩიე და საშველად მიხმე.

მაგთული რომ გადავლუნეთ ჩანგლად,  
ჩანგალზე რომ თოკის ბოლო შევსკვენ...  
ჭის უბეში შენი ლანდი ჩანდა,  
დავიხარე ლანდისა თუ შენსკვენ.

მე, მანამდე უზრუნველს და ანგალს,  
სიყვარულის არაფერი მჭირდა,  
მაგრამ მაშინ იმ ბედნიერ ჩანგალს  
შენი ლანდიც თან ამოჰყვა ჭიდან.

და მე შემრჩა, ეს რა საქმე მიყავ,  
ჯადოა, თუ საზღაური შრომის,  
რომ მას შემდეგ ყველაფერი მიყვარს  
ამ ცასა და დედამიწას შორის!..

---

## მარი აბრამიშვილი

### აი, სად უემხვდი

აი, სად უემხვდი, ვით ღამისთევა,  
მე კი თურმე სად დამღამებია, —  
შენ რომ გიყვარდა, —  
ის ქალი მე ვარ,  
შენ უიმედოდ არ გყვარებია.

მე ახლა შენს წინ დაღლილი ვდგევარ,  
ვუმზერ მაგ თვალებს და მაგ იარებს, —  
შენ რომ ეძებდი,  
ის ქალი მე ვარ,  
მითხარი, ხომ არ დავაგვიანე?

თუნდაც უსიტყვოდ დამუნჯდეს ენა,  
მე უშენობის დაღი მატყვია;  
შენ რომ გინდოდა,  
ის გული მე მაქვს —  
ვიცი, სხვა გული არ გინატრია.

---

შენ ეძახოდი შორს, შენგან წასულს  
და ხმა ქარიშხალს ჩაუქოლია;  
შენ ეძახოდი ვილაცა ასულს  
და ჩემს მეტს  
არვის გაუგონია.

მე ახლა შენს წინ დაღლილი ვდგევარ,  
ვეუშვებ მაგ თვალებს და მაგ იარებს,  
შენ რომ ეძებდი,  
ის ქალი მე ვარ, —  
მაგრამ ვაი რომ დავაგვიანე.

---

## მურმან ლეზანიძე

\* \* \*

მარეკები შლიდნენ ბანაკს,  
ქარი ჩამი-ჩუმით ჰქროდა,  
ვიწუქ, რომელიღაც ბალახს  
უცბად — ქალის სუნი ჰქონდა.

თითქოს ურო დამკრეს თავში,  
თითქოს პაპაჩემი ცხონდა —  
ათას სურნელოვან შვავში  
ბალახს — ქალის სუნი ჰქონდა.

სუნი ჰქონდა არა დალის,  
ლალის, — ცისფრის ანუ თეთრის, —  
სუნი — საზოგადოდ ქალის,  
სუნი — საზოგადოდ მდედრის...

ღმერთო! ღმერთო! მე სულ ველი  
სიკვდილს — შენ მაცოცხლო ვინძლო,  
სანამ ვიცნო ეს სურნელი,  
სანამ ეს სურნელი ვიგრძნო!



## ც ი ც ო

წყაროზე ჩაგიყვანს და არ დაგაღვევინებსო,  
მწყურვალს დაგტოვებსო, ჩაჰყვები ვინცო,  
ცოლ-შვილს გაგყრის და აგარევიანებსო —  
შენზე თუ უთქვამთ, პატარა ციცოვ!

მე იმ ასაკში არა ვარ ახლა და  
არც იმ ჭკუაზე — ცოლ-შვილს გავეყარო!  
მაგრამ შემომიჩნდა სურვილის მახრა და  
პატარა ციცოვ, უნდა დამეხმარო!

ხოლო ციცუნია ტოლებში დაჰქრის  
და შენი მახრა ფეხზე ჰკიდია,  
თუმცა სავსე მკერდი მიუგავს სახნისს  
და ეს შეახსენებს, რომ უკვე დიდია!

ისე ჩამოგივლის მიწაგასახეთქი,  
ვითომც ქვეყანაზე მარტო ის ერთია.  
როგორც ხეჭეჭური, ქვაზე დასათხლეში —  
ციცო ისეთია!

წყაროზე ჩაგიყვანს და არ დაგაღვევინებსო,  
მწყურვალს დაგტოვებსო, დაჰყვები ვინცო,  
ცოლ-შვილს გაგყრის და აგარევიანებსო —  
შენზე თუ უთქვამთ, პატარა ციცოვ!

\* \* \*

ოჯახის ქალმა დასტოვა ქმარი —  
ბროლი, საპფირი, ვერცხლის ვაზები;  
მოწყენილ წარსულს ახალა კარი  
და მიიყუდა ცეცხლის თასები...

ქალაქში დადის კივილი რისხვის  
და მითქმა-მოთქმის ქრიან ქორები,  
ოჰ, მარადია ყივილი სისხლის  
და წყლის ნაყვავა ახლა ჭორები!

\* \* \*

ხარ დიდი სანდრო ბოტიჩელის  
მადონა ნორჩი,  
ამიმხედრდება  
შენი ერთი დანახვით სისხლი  
და მერე, როცა  
გვერდზე წახრილს ბეჭებში გკოცნი,  
ხოლო შენ მორცხვად  
შენს ათასგვარ ღილაკებს იხსნი,  
განუზომელი  
ნეტარების  
მოლოდინით მევსება ხორცი...

---

ო, უტკბილესო  
ტიტანური შთამბერე ძალი  
მინდა დაგწოდე და  
აგიტაცო უეცრად ცაში,  
მინდა ვიყვირო:  
— „საოცრებაი შეხედეთი ქალი“ —  
მაგრამ ბნელდება  
და ხორხოცით, გრგვინვით და ტაშით  
მიექანება  
უფსკრულებში  
დამსხვრეული ხორცი და ძვალი.

\* \* \*

რომ გითხრა: „მსურხარ დასავითი“  
ჩერად შეგზიზღ-შეგებრალები.  
ჩრდილოეთს, სამხრეთს, დასავლეთს,  
აღსავლეთს მიყვარს ქალები

უფსკრულზე გაგაქვს სავსავით  
ეს ხორცი ცეცხლის ბრჭყალებით.  
ჩრდილოეთს, სამხრეთს, დასავლეთს,  
აღსავლეთს მიყვარს ქალები

ბრმა ჰომიროსიცი გვასწავლის:  
ოთხკუთხივ რაზმეთ ჯარები!

---

ჩრდილოეთს, სამხრეთს, დასავლეთს  
მუსრეთ სინსილა ქალების!

ქართული ლექსით  
ჩანგს დავიმშვენებ.  
მამათა გრძნობათ  
ნუვინ დამთმო ხართ.  
„არ დაიჯერებ,  
არ დაიჯერებ,  
არ დაიჯერებ,  
თუ ვით სატრფო ხარ!“

\* \* \* ✓

გაზაფხული შემოსულა, ლენ,  
ბუდეები გაუწყვიათ ჩიტებს...  
მე გიყიდი წითელ-ყვითელ ჩითებს,  
თეთრი ტილო მომიქარგე შენი!  
გაზაფხული შემოსულა, ლენ!

მოგანატრე სათიბი და ტყე,  
სუნი ქუსლით გასრესილი ანწლის,  
შორს გუმბათი ბეთანიის ტაძრის  
და ცისფერი, უბორკილო დღე...  
მოგანატრე სათიბი და ტყე!

---

აწი აღარ გაგაჩერებ შინ,  
აწი ოჯახს ვერ დაარქმევ „დილეგს“,  
მკვირცხლი ბიჭი შეუყენე ბილიკს —  
მწევარივით გამიხტუნე წინ!  
აწი აღარ გაგაჩერებ შინ!

გაზაფხული შემოსულა ლენ,  
რია-რია გაუმართავთ ჩიტებს...  
მე გიყიდი ყვავილიან ჩითებს,  
თეთრი ტილო მომიქარგე შენი  
გაზაფხული შემოსულა, ლენ.

---

## ეთერ სახვამე

### ფერიცვალება

პირგაზაფხულო თუ გახსოვს ის დრო,  
თავდავიწყებით რომ ერთად ვრბოდით.  
შენ ყაყაჩოებს მინთებდი დიდრონს,  
მომიჩრდილებდი ალუბლის ტოტით...  
ატაკებულნი ვტოვებდი შინას  
და ქალაქგარეთ მოგდევდი ცისფერს,  
დავსველებულვართ წვიმებში ხშირად,  
გავცივებულვართ, გვექონია სიცხე...  
შენ ღღეისღღემდე დარჩი შენებრი:  
წმინდა თვალებით, აბურცულ ტუჩით,  
მე ჩაეიკეტე, ვერ გეჩვენებ  
დადარულ სახით, ცივით და ლურჯით.  
მაინც მიხარის, რომ გხედავ გალმა,  
რომ დახვალ შუქით და ქალწულთ ატფობ,  
ო, გაზაფხულო, შენდამი ახლა  
მე დედობრივი გრძნობა მაქვს მარტო...

---

ნანა გვარიშვილი

როცა გულს გთხოვ...

მე რომ გდარდობ —

ისა ხარ,

მე რომ გნატრობ —

ისა ხარ...

როცა ელავე —

მზისა ხარ,

როცა ლელავ —

ზღვისა ხარ,

როცა გულს გთხოვ —

ქვისა ხარ.

---

ანა კალანდაძე

### პაწაწინა რტო ვარ

მეფერება შუე ალერსის მთხოვარს,  
ვარდისფერად ცამან ჩამომთოვა...  
მე მიგალობს, როდი მიმატოვა,  
თოხიტარა, პაწაწინა რტო ვარ...

ქარი მარხევს და ყვაეილებს მაცლის,  
ყვაეილს მომწყვეტს, გაიტაცებს მინდვრად...  
დამიყვავე, ქარო, ნუ ხარ შკაცრი:  
პატარა ვარ, მოფერება მინდა!

მითხარიო: როგორ, როგორ ვანდო  
საიდუმლო აშარსა და მსტოვარს?  
მებაღეო, ნუ დამტოვებ მარტო,  
მეშინია, პაწაწინა რტო ვარ!



## თ უ თ ა ႁ

ლამის სახლში შემოიჭრას თუთა,  
ლამის თავზე გადამისვას ხელი...  
დამიძახებს, თვალს ჩამიკრავს მუდამ  
ხე მაღალი, ხე ზურმუხტისფერი...  
რა ჩურჩული ესმით ჩემთა ყურთა!  
რა ჩურჩული.. დამდაგველი, მწველი...  
ლამის სახლში შემოვიდეს თუთა.  
ლამის წელზე შემომხვიოს ხელი...

## ბოშა ქალი

და რა ქალი?! ხელისგულით სატარები...  
რა თვალები?! ელვის ცეცხლის დამჭერი...  
ბოშა ქალი, ვარსკვლავების სადარები...  
შეხედეს და... შეუკურთხეს გამჩენი...  
მეზღვაურებს გამომწვევად გვერდს აუვლის,  
ეტყვიან და... ისიც ეტყვის ურიგოს...  
ხელგაშლილი გადუდგება მეზღვაური:  
— მხოლოდ ერთხელ მაკოცეო, სულიკო!..  
ეს პაწია, სიყვარულის დოსტაქარი,  
განა დარდობს, თვალებს ცრემლით იოსებს?  
მხიარული, ფეხშიშველი ბოშა ქალი  
სტვენით მიდის პორტის სანაპიროზე...

---

## ისევ გახსენი გული ჩემი

ისევ გახსენი გული ჩემი სიყვარულისთვის,  
ჰყავ თვალნი ჩემნი სიხარულის ცრემლით სავსენი...  
ყვავილთ სიმშვიდღე დამიმკვიდრე მიუცილები,  
სიყვარულისთვის ბაგე ჩემი ისევ გახსენი  
ისევ გაკვეთე შენ ურჩხული გაუმაძღარი  
და დამიფარე, ვით წალკოტში ყვავილს იფარავ...  
განახვენ ჩემთვის, ო, განახვენ ტაძრისა ბჭენი,  
და მე შემოვალ ყვავილებით, ხელუწიფარო!  
მე არასოდეს არ ჩავეჭრობ შენს წმინდა სანთელს,  
მისი ნათელი — ჩემთვის მარად ტკბილგანსასვენნი...  
შენ დამიფარე, ვით წალკოტში ყვავილს იფარავ,  
სიყვარულისთვის გული ჩემი ისევ გახსენი!

\* \* \*

მე მივსდევ შენს ხმას, ცათაფრენად რომელიც მიხმობს,  
მე ვუსმენ შენს ხმას, იღუმალსა რომელიც მითხრობს,  
მე ვიღებ იმ მსხვერპლს, რას სამსხვერპლო შენივე ითხოვს,  
შენივე მწუხრით ავივსები, ესოდენ წრფელი...  
ო, შენ მარადის მომეახლე სხივთა კანკალით,  
თან დაგიმარხავს, როგორც მარგალიტს,  
ჩემი გულის მღუმარე ფსკერი.

---

## მე მზეს ვუმღერებ

მზე ოკეანით ამოვა მძიმედ,  
გაბრწყინდებიან შორეული ზღაპრული მთები...  
თავს მოვიკაზმავ სირაქლემას ლამაზი ფრთებით,  
ყელზე შევიბამ ბრჭყვიალა მძივებს...  
ჩემი საქმარო ნაზი გრძნობის აღსანიშნავად  
ვერ მიძღვნის ბეჭედს ძვირფასთვალაიანს, აბრეშუმს  
ცისფერს,  
ის დამილოცავს ზღვას და ხმელეთს შორეულ ცის ქვეშ,  
თუ დავლონდები, მოიწვევენ ასი წლის შამანს...  
ყელზე შევიბამ სულ უბრალო, ბრჭყვიალა მძივებს,  
არ მინდა ოქროს სამკაული ძვირფასი თვლებით...  
თავს მოვიკაზმავ სირაქლემას ლამაზი ფრთებით  
და მზეს ვუმღერებ ოკეანით მომავალს მძიმედ...

## ჭექდა მაზურკა

ღელას

შენ გაგიტეთრდა თმები მას უკან,  
ძვირფას კაბას კი... ერთი ღერო შერჩა სუსამბრის...  
ღეზთა წკარუნით გაგიწვევდათ ქალწულთ ჰუსარნი  
და დიდ დარბაზში ჭექდა მაზურკა...  
როკვიდნენ წყვილნი, ვით გედები იისფერ ტბაში...

---

ბრწყინვა კანდელთა ჰგავდა ბრწყინვას ვარსკვლავთ  
მირიადთ...

შმაგი სინათლე თვალებს სჭრიდა მკერდზე ბრილიანტს  
და იავუნდი ტიროდა თმაში...

ლამაზი კაბა იასამნის სურნელს აკმევედა...

ეცილებოდა თვით სანთელთაც უბრწყინვალეს შუქს...

მაღალი მხრები იმშვენებდნენ ინდურ აბრეშუმს...

ბრინჯაოს ქალი სულ შიშველი იდგა სარკესთან...

შენ გაგითეთრდა თმები მას უკან

და ძვირფას კაბას ერთი ღერო შერჩა სუსამბრის...

## როგორ მინდა შენთან, ჩემო მაგნოლია!

ვით ფოთოლი შენი, მზეზე მოციმციმე,

ქარებს აჰყოლია

და წასულა შენგან, გაფრენილა შენგან,

მიწას დაჰკონვია,

ისე გული მისი სხვათა, სხვათა, სხვათა

უტყვი გამგონეა...

არ ვახსოვარ აღბათ, არ ვახსოვარ აღბათ,

ჩემო მაგნოლია!

ჩვენ ცხრათვალა მზეთა და მძვინვარე ზღვათა

ტრფობა გაგვეყოლია....

მიგვატოვონ მარად, მათ, სამხრეთის ქართა,

რალაც არ მგონია...

---

მაგრამ... გული მისი სხვათა, სხვათა, სხვათა  
უტყვი გამგონეა...

მე არ ვიცი, რატომ... არც შენ იცი, რათა,  
ჩემო მაგნოლია?

ო, ასეთი წუთი, დაუბრუნებელი,  
შენც ხომ არ გქონია?

დაბრუნდება ისევ, დაბრუნდება ისევ,  
შენც ხომ არ გგონია?

მშვენიერი ზღვების, მშვენიერი მთების  
ტრფობა გაგვყოლია...

როგორ მინდა შენთან, როგორ მინდა შენთან,  
ჩემო მაგნოლია!

---

## სუტა ბერულავა

\* \* \*

მინდა შეგიმყო თმები გვირგვინით,  
მაგრამ შორსა ხარ ჩემგან ძალიან:  
ჩემი სიცილი, ჩემი ტირილი —  
იცოდეს ყველამ — შენი ბრალია.

ცხოვრება მიჰქრის ნიაღვარივით  
და ჩემთვის თითქოს არა სცალია...  
შქვია მდიდარი? შქვია ღარიბი?  
მიზეზი შენ ხარ, შენი ბრალია.

ზოგჯერ ხელიდან ისე მეცლები,  
მინდა შეგიკრა ოქროს გალია!  
მე თუ ვმალდები, მე თუ ვეცემი,  
განა არა გრძნობ, შენი ბრალია.

გადაუარეს ბაღებს ქარებმან,  
და ჩემს წინ ისევ ქარიშხალია...  
ჩემი სიმშვიდეც და მღელვარებაც  
მსოლოდ და მსოლოდ შენი ბრალია!

---

## ოთარ მამფორია

### ნ ი ბ ლ ი ა

თოვს და ქუჩაში გავედი,  
ნიბლია ვნახე გარეთ.  
მისი ლამაზი თვალები  
მაგონებს მე შენს თვალებს.

ქარში ფიფქები მიჰქრიან,  
შენ კი თვალებით ბრწყინავ,  
შინ შევიყვანე ნიბლია,  
გაუთოშია ყინვას.

მე შენზე ფიქრმა დამთოვა,  
სად ხარ სუსხიან ღამეს,  
ნიბლია სახლში დაეტოვე,  
მე გამოვეარდი გარეთ.

დაგეძებ, სად არ დაგეძებ,  
შენ მენატრები როგორ!  
ნიბლიასავით თოვაში  
არ გამეყინო, გოგო!

---

ოთარ ჭელიძე

ათას ერთი ღამის წერილებიდან

VIII

ცა როცა მემღვრევა შავ ზღვასავით  
და როცა მეწყება განსაცდელი,  
როდესაც შენს გარდა აღარსაით,  
არასგზით აღარ მაქვს გასაქცევი,

ტკივილი ცოტა ხნით დამიამე.  
შენს ჭერად მიიღე ჩემი ჭერი,  
ძარღვებში სისხლივით დამიარე,  
თვალებში შუქივით შეიჭერი.

შემიესე საგულე ცარიელი  
და, ნიშნად ხელახლა დაბადების,  
სიმხნევე მალირსე წამიერი,  
არა გთხოვ სიწმინდეს სამარემდის.

არა გთხოვ მეუღლის ერთგულებას,  
ირწმუნე სათქმელი განდობილი,



---

მაღირსებ ოცნების შესრულებას?  
ცოტასიც დავრჩები მაღლობელი.

ჰო, მაგრამ მართოდენ ბოდვებია  
ჩემს შუბლში ძაფებად დაქსაქსული,  
სხეულზე ცეცხლივით მომდებია  
სიცოცხლის უშენო დასასრული.

და იწვის ბუნარში წუხანდელი  
წერილი კუნძივით მობრიალე  
სტრიქონებს ედება ჟრუანტელი:  
მართო ვარ, მომხედე, მომიარე!

ლურჯ კვამლად იერთებს საკვამურის  
ლიცლიცა ღამეებს, საღამოებს  
და როგორც ვეება საღამური,  
ოთახში აკენესებს საგალობლებს.

ქარს მიაქვს ნაშთივით მწარე ბოლი  
და შენკენ გადმოაქვს დაქსაქსული,  
ვით გულის ჯიბიდან ვალიდოლი,  
აბეზად გულისკენ გადასული.

თავზე ცა მემღერევა შავ ზღვასავით,  
მეწყება უწყალო განსაცდელი,  
გამიგე, შენს გარდა აღარსაით  
არ მქონდა, არცა მაქვს გასაქცევი.

---

ტკივილი ცოტა ხნით დამიყუჩე,  
შენს ჭერად მიიღე ჩემი ჭერი,  
ხომ ხედავ, კუნძივით გავირუჯე,  
ჰაერში კვამლივით შევიჭერი.

## XXII

ლამით გათანგული და გაბრუნებული  
გამოვალ უქუდო, ფაფარგაჩეჩილი,  
ამეკვიატება რაღაც უნებური  
ფიქრი და ვიცი, რომ არა ვარ შეშლილი.

ვიცი და ვაითუ ეს აკვიატება  
სიცოცხლემოცარულ მხატვართა ხვედრია,  
ვაითუ მოძველდა, რაც მედიადება  
და გზები ხელახლა გადასახედია.

გადასაშლელია წერილი ყოველი,  
გადათეთრებული, გამოუგზავნელი,  
მომავალ ახალი წელივით მომელის  
გარდაუვალობის გზა მოუსვლელი.

ამოსაგდება გულიდან ხატება,  
რომელიც მეგონა ვარამში მიხსნიდა,  
ზედმეტი ტკივილი ამოიშანთება,  
ამოიწრიტება ბალღამი სისხლიდან.

---

მაგრამ ჰო, როგორი ცოდვანი ვამხილე,  
სად მოვინანიო ან რომელ საყდარში,  
თუ ღმერთი არა მწამს და ხატიც დავხიე  
და მინდა წიგნივით ჩაჯდომა სხვა ყდაში.

სიცოცხლეს ვენდობი სხვა თეთრონს, სხვა მერანს,  
რომელიც ფიცხია და გასახედნია  
და ღამეს მწვერვალზე შევძახებ მთვარიანს:  
— შეხედე, რა კარგი გადასახედია!

\* \* \*

გადასასინჯია ყოველი საათი,  
უკულმა წუთებად გადასათვლელია  
და უღელტეხილი — ცხოვრების აღმართი  
თავიდან, ხელახლა გადასასვლელია.

და როგორც ძეწნები ელიან გაზაფხულს,  
როდის ჩაიცვამენ შეღებილ ტანსაცმელს,  
ასევე დავუცდი სიბერის დასასრულს  
და შენთან ხელახლა შეხვედრის განსაცდელს.

---

## სილოვან ნარიშანიძე

### გახსოვს ლისი?

გახსოვს ლისი?..  
ქარი მისი,  
ცისკიდურზე მზის ლიცლიცი,  
სივრცეები, სივრცეები  
ტყიანი და მარადისი.  
სევდით სავსე გამოხედვა,  
ჯაფრი მოგყვა მაინც რისი?..  
მაღალ გორზე სამრეკლო  
ღი...  
იმ გარდასულ დღეთა ღირსი.  
გახსოვს ლისი?  
მერე ფიცი,  
ფიცი, შენი მტკიცე ფიცი!..  
გახსოვს ლისი?..  
ქარი მისი,  
სივრცეები მარადისი!..

---

## მიხეილ ძვლივიძე

\* \* \*

ათას საზრუნავს აყოლილმა უგნურმა მგზავრმა  
ჩემს უკანასკნელ მატარებელს ვერ მოგისწარი  
და დავრჩი მარტო, ვით მინდორში მეცხვარის ცეცხლი,  
და ახლა ისლა დარჩენია, გამვლელ-გამომვლელს  
გავუნაწილო ჩემი გულის სითბო და შუქი...

### ბალადა სიყვარულისა

თვალებს გაახელს საფლაეში მწოლი  
და გვერდით აღარ დახვდება ცოლი.

ხელსა ჰკრავს კუბოს გაბზარულ ფიცარს  
და როგორც საბანს, გადიძრობს მიწას.

წავა და ცოლის ნაკვალევს ეძებს  
ყველას ხსოვნაში და ყველა გზებზე.

---

და ფიქრობს: „ღმერთო საით წასულა?  
რას ნიშნავს, ნეტავ, ეს დაშორება?..“

და ეძებს იმას, ვის სიყვარულსაც  
არ ეყო მისი ერთი ცხოვრება.

## ც ო ლ ს

ჩემო კარგო და ჩემზე ჭკვიანო,  
შენ შეგიძლია იეჭვიანო:  
მე გაძლეე ამის საკმაო საბაბს —  
მეოცნებე და სახით ვნებული,  
ასე უზომოდ  
და ასე ხარბად  
მთელ ქვეყანაზე შეყვარებული

---

## ფრიღონ ხალვაში

### რატომ არ მოდიოდი

(სიმღერა)

რატომ არ მოდიოდი,  
სხვასთან რატომ გაჩერდი?!  
გული როგორ მტკიოდა —  
მარტო შენ მომარჩენდი.

ისევ ისე მომინდი,  
ვუსმენ მტირალ კლავიშებს,  
ერთხელ რომ გიპოვიდე,  
მერე აღარ გაგიშვებ.

ცის ატლასებს გაგიშლი,  
დაგვამ ღრუბლის ბალიშზე.  
სულსაც აღარ დაგიშლი,  
სულაც არსად გაგიშვებ.

რატომ არ მოდიოდი,  
სხვასთან რატომ გაჩერდი?!.  
გული როგორ მტკიოდა! —  
მარტო შენ მომარჩენდი!..

---

ნოდარ გურუშვიდი

ნაცნობი ღუმილი

რეკავს ტელეფონი,

ავიღე ყურმილი,

— ალო!

მე გისმენთ! —

პასუხი არ არის...

ძვირფასო, ვიცანი

მე შენი ღუმილი.

შენგვარი ღუმილი

არ იცის არავინ.

კვლავ რეკს ტელეფონი,

— ალო!

მე გისმენთ! —

ალო!

მე გისმენთ! —

ჩავძახი გარკვევით...

ძვირფასო,

ძვირფასო,

შენ ღუმხარ ისევ

და ამით ყველაფერს

მელაპარაკები.



## არჩილ სულაკაური

### ქველებური სიმღერა

მე განა გიხმე,  
მხოლოდ გინატრე,  
შენ ჩემი ბედის ხარ მობინადრე.  
ისევ შენ,  
ჩემო თვალის სინათლევე,  
ისევ შენ  
ორთავ თვალის სინათლევე!

რა კარგი დღე ხარ მზემომფინარი,  
სიყრმისა ჩემის დიდო ალაფო,  
შენ ისე მავსებ,  
როგორც მდინარე  
გაზაფხულობით ავსებს კალაპოტს.  
შემომეშველე,  
როგორც მშველოდი  
და მომაშუქე შუქი ნათელი,  
შენით,  
შენ გამო  
და უშენობით  
გარდამხდა ყველა გარდასახდელი.

---

შე განა გიხმე,  
მხოლოდ გინატრე,  
შენ ჩემი ბედის ხარ მობინადრე.  
ისევ შენ,  
ჩემო თვალის სინათლევე,  
ისევ შენ,  
ორთავ თვალის სინათლევე!

\* \* \*

როდის — არ ვიცი,  
აღრე თუ გვიან,  
მაგრამ ოდესმე იქნება, ვიცი,  
დაგრჩება გულის ტარები ღია  
და ჩავაფიქრებს ტკივილი: რისთვის?

რისთვის ან ვისთვის ხარჯავდი ღიმილს,  
წმინდა სხეული ვის დაანებე?  
მოვა,  
დარეკავს წვეთები წვიმის  
და წაიშლება ღიმი თვალებზე.

ღირდა თუ არა იგი რაიმედ,  
ვისაც კარივით გაულე გული?  
მოვა,  
დარეკავს წვიმა, ვაიმე,  
და გაგეხსნება ვარდივით წყლული.

---

როდის — არ ვიცი,  
აღრე თუ გვიან,  
მაგრამ ოდესმე იქნება ვიცი,  
დაგრჩება გულის კარები ღია,  
როგორც ოდესღაც დატოვე სხვისი.

\* \* \* ✓

არა იმიტომ, რომ მომენატრე,  
რომ შენ ხარ ჩემი მყუდრო სადგური,  
მე დავისვენებ შენს დიდ ნაპირზე,  
როგორც ფრინველი ფრენით დაღლილი  
გემის ანძაზე ისვენებს ხოლმე.

მე დავფრინდები შენს დიდ ნაპირზე,  
რომ დავასვენო დაღლილი ფრთები,  
მოვითქვა სული და მერე ისევ  
ატორტმანებულ სივრცეებს იქით  
გამოჩნდეს უფრო დიდი ნაპირი,  
სადაც მზე არის და ბურუსები  
ვარდისფერია და გამჭვირვალე.

მე დავფრინდები შენს დიდ ნაპირზე...

გექნება ჩემთვის წყალი და ხემსი  
და მყუდრო ჩრდილი?..

---

## ოთხივე მხრიდან

შენ მთაზე უნდა იდგე ჯვარივით,  
ოთხივე მხრიდან რომ დაგინახო  
და მოგეახლო ოთხივე მხრიდან.

ოთხივე მხრიდან რომ გამაშტერო  
შენი სიმდიდრით და სილამაზით,  
შენ უნდა მთაზე იდგე ჯვარივით.  
ოთხივე მხრიდან რომ დავიჯერო  
შენი სიმაღლე,  
შენი სიმართლე,  
შენი სიმდიდრე,  
შენი მშვენიერება,  
შენ უნდა იდგე მთაზე ჯვარივით.

ოთხივე მხრიდან რომ მოგეახლო,  
ვილოცო შენთვის ოთხივე მხრიდან, —  
შენ უნდა მთაზე ჯვარივით იდგე,  
შენ მთაზე უნდა იდგე ჯვარივით!..

---

## უმოთა ჩანტლადქ

\* \* \*

მახსოვს, იგრძენი ხეივანი, მთვარის დუმილი  
და სიყვარული შემომფიცე ღიმილით მერე,  
მე დაგიჯერე, რადგან არის ქვეყნად ტყუილი,  
რომელიც გინდა დაიჯერო და დაიჯერებ.

და აი, ახლა, როს უმთვარო ღამეს მინათებ,  
შენ გაიღიმე და ის ფიცი უარყავ მერე,  
არ დაგიჯერე, რადგან არის ქვეყნად სიმატლე,  
რომელიც გინდა არ გჯეროდეს და არ იჯერებ.

---

## გივი ძნელაძე

\* \* \*

ერთი ქუჩის  
ერთ კუთხეში  
ერთხელ  
ერთმა ქალმა  
მადლიანად შემომხედა,  
გამიღიმა საღმად;

იმისთანა  
ღიმიის ფერი  
არ მინახავს  
სხვა მე...  
იმ ქუჩაზე  
იმის მერე  
არ ყოფილა  
ღამე...

\* \* \*

მეხუთე დღეა  
ამდენ ხალხში დაგეძებ ისე —  
ვითა პეპელას  
ყვაილებში დაეძებს ბავშვი...  
და როცა შენს მსგავსს  
უცაბედად თვალს მოვკრავ ვისმეს, —  
ცეცხლივით  
ცხელი  
ქრუანტელი  
დამივლის  
ტანში...

... ამქვეყნად ჩემთვის  
შენ ერთი ხარ  
ათასი ერთადი..  
მე გულში ვყვირი  
შენს სახელს და  
ხმა აღის ცამდე...  
ო, რომ იცოდე  
როგორ მინდა  
შეხვედრა შენთან —  
გამოხვიდოდი,  
შემხვედებოდი ქუჩაში სადმე!..

## თეიმურაზ ჯანგულაშვილი

### სად არის ჩემი სიყვარული

(რკალიდან „ჯეონი“)

მოლოდინით დაქანცული  
ცხრა ქალწული მღერის:  
— გული, სევდით დაკაწრული,  
გელოდება, გელის...  
შენ ხარ ჩემი საგანძურის —  
ცხრა ქალწული მღერის.

— შენი ბორგვა მოჰგავს, გულო,  
მწუხრის ზართა რეკვას,  
კანდელივით ანთებულო,  
წყალი გადამლეკავს...  
სად ხარ, ჩემო სიყვარულო?! —  
ცხრა ქალწული მღერის..

ნახშირით შავი ხალი  
აკრთობს ბინდის ბურანს  
და თვალების ნაკვერჩხალი



ნაელს ვერ წაუბურავს,  
წითელ ხავერდს ასლის ალი,  
ცხრა კოცონი ბრუნავს,

ალი ლამის წარბებს მისწვდა —  
ფრთადაკეცილ მერცხლებს,  
არ აფრინდნენს  
ეკრთი და ფიცხად  
თვალი გაჰყრის ცეცხლებს,  
რვა კოცონი წუთით მიცხრა,  
აბობოქრდა მეცხრე.

რარიგ ბორგავს, რარიგ ღვივის  
იღველფეხა რარიგ  
ზულეიფა — მათრახივით  
მოქნეული ქალი,  
ზულეიფა — მართლაც სხივი,  
კალმახი თუ ქარი.

ეგ შავ-შავი ნაწნავები —  
სახრჩობელა ჩემი,  
ეგ თვალები — ვარსკვლავები,  
ნაპერწყლების მჩენი,  
ისე მწვავენ მტანჯავები,  
ველარ გადავრჩები.

და წუთები იჩქარიან,  
რისთვის, რატომ ნეტავ?

---

ვხედავ, ეს დროც მთის წყალია,  
გარბის... რატომ ნეტავ?  
თუ სიცოცხლე სიზმარია,  
შენ რაღა ხარ ნეტავ?

ჩემი გული, ქარდაკრული,  
ჰგავს უდაბნოს ყვაეილს,  
გამიფრენია გაზაფხული  
მზის და შუქის ხვაევით...  
სად ხარ, ჩემო სიყვარულო? —  
უდაბნოში ვბღავი.

ამ სიცოცხლის საგანძური  
დამრჩი უბოვნელი,  
გული, სევდით დაკაწრული,  
სიკვდილამდე გელის!  
... მოლოდინით დაქანცული  
ცხრა ქალწული მღერის.

## ნაზი კილასონია

### ნ უ კ რ ი ა

რაზე ჩურჩულებთ ვერხვები,  
ასე თეთრები, კარგები...  
განა არასდროს შევხვდებით?  
განა სულ დავიკარგებით?

შენკენ რომ მოუხაროდა,  
ის გული არ ჩაუქრიათ,  
ჯერ ისევ გიცდის წყაროსთან  
ატირებული ნუკრია.

გუშინ სიცილი ასწავლე,  
დღეს მარტო შერჩა არყიანს,  
და შენს ნაფერებ წამწამზე  
აპრილის ცრემლი აყრია...

შენი თვალები სად არის —  
ორი უძირო ნაპრალი,  
მათ შემაყვარეს ზღაპარი,  
ძველი, ლამაზი ზღაპარი.

---

ახლაც შენს კართან მოვედი,  
ნეტავი წყარომ დამფაროს,  
ჩემი პატარა ცხოვრების  
აუხდენელო ზღაპარო.

## უ ს ა თ ა უ რ ო ე ბ ი

\*

წავალ, დავეცემი მინდორთან  
დაღლილი ლექსით და წვითა,  
განა სიყვარული მინდოდა?  
სხვა რაღაც, უფრო წმინდა...

\*

ვაი, რა ცუდად გიცვნივარ,  
რა ტყვილად გღებდი იმედებს.  
მე ათი გულის ღირსი ვარ,  
შენ ერთიც ვერ გაიმეტე.

\*

შენი თვალების დაღლილი ეშხი  
თან გამევა, როგორც ლურჯი ღიღილო,  
მე მხოლოდ ბავშვი მიყვარდა შენში,  
და აღარ მინდა კაცად გიხილო.

---

\*

მიედივარ,

მომღევს მტკვარი სატივე,  
და ანთებული ზეცა ხომლებით.  
გული გატკინე და მაპატიე, —  
ტკივილით უფრო გემახსოვრები.

\*

მინდა მახსოვდე ყველგან, ყველა დროს,  
შენზე ოცნება მინდა ურიცხვი,  
ვერ შეგიყვარე მაინც ვერასდროს,  
ვერ გაგიმეტე სიყვარულისთვის.

\*

რად ჩამრჩა ხსოვნაში ისევე  
სხვა ფერით, სხვა იდუმალებით:  
ბავშვურად გაწვდილი კისერი  
და შველის დაღლილი თვალები.

\*

შენ ისე კარგი ხარ: სხვისთვის შენანები,  
ნათელი ოცნება ღრუბელმა შენისლა...  
აღარ შემიყვარდე: დახუჭე თვალები  
კაცისა კი არა — დამფრთხალი შველისა.

---

## ნანა ღვინეფაძე

### ახალი აღთქმა

ცოტა შენი ბრალია,  
ცოტაც მე ვარ ბრალში  
გაზაფხულიც უეცრად  
ამომიღვა მხარში.

თითქოს ჩაგიხეღია  
ამეთვისტოს თვალში, —  
ისე გამომარჩიე  
ათიათას ქალში

გაზაფხულო,  
    ღმერთმანი,  
არ დაგრჩები ვალში  
ცოტა მისი ბრალია,  
ცოტაც მე ვარ ბრალში...

---

## ზ ე ლ ა შ ე

გამობმული ხარ ჩემს სურვილებზე  
გიშრის თმებითა და ოქროს ძაფით,  
ამაღლებული, დამშვენებული,  
ჩვენი ზიარი მაისის ძალით.

ჩანს, ჩვენი გზები მაინც იყრება,  
ოცნება რჩება სადღაც, ზეცაში...  
დაღვინებული ჩემი გრძნობები  
მეგულებოდეს, როგორც ზედაშე...

ღმერთმა გატაროს მუდამ სვიანად,  
შენი სავალი მოქარგოს მზითა!  
მე გაეთხოვდები სადმე გადაღმა  
და შენს სიყვარულს წავიღებ მზითვად!..

---

## მუხრან მაჭავარიანი

### უნდა იცოდეთ

შენ რომ ქუჩაში ვაჟი გხვდება —  
ყოველდღე თითქმის;  
ხან მოწყენილი,  
ხან მხიარული...

ვაჟი —  
სიმაღლით  
შენზე ერთი მტკაველით დიდი, —  
მძიმე ნაბიჯით მოსიარულე, —  
ის როცა ფიქრობს, —  
შენ ხარ ხოლმე იმისი ფიქრი.

ღიმილი შენი  
არ გეგონოს შენ მარტო შენი.  
ცრემლსაც ნუ ჩასთვლი  
ნურასოდეს  
შენ მარტო შენად.  
ღმერთმა ნუ ჰქნას და...



---

შენ რომ იყო გადასარჩენი, —  
თავს არ დაზოგავს  
ის ვაჟი შენს გადასარჩენად.

შენ რომ ქუჩაში ვაჟი გხვდება —  
ყოველდღე თითქმის  
ხან მოწყენილი,  
ხან მხიარული...  
ვაჟი —  
სიმაღლით  
შენზე ერთი მტკაველით დიდი,  
მძიმე ნაბიჯით მოსიარულე, —  
შენი ერთგული კაცია იგი! —

## ქალიშვილი, რომელსაც უყვარს ბალახი და წვიმა

ქალიშვილმა, რომელსაც უყვარს ბალახი და წვიმა, —  
მე გული მთხოვა ერთ საღამოს იმ ქალიშვილმა.

... და მე დილამდე ქუჩებში ვიარე...  
შინ რომ მოვედი — გულაღმა დავწექ, —  
ხელები თავქვეშ ამოვილაგე.

ქალიშვილმა, რომელსაც უყვარს ბალახი და წვიმა,  
მე ყველაფერი შემაყვარა იმ ქალიშვილმა.

\* \* \*

როს გაგაცილე...  
როს გაგაცილე...  
ოდეს სურნელი ჰქროდა მინდვრიდან, —  
რა ყურადღებით უსმენდა ფრინველთ  
სამყურა მინდვრის, —  
ლორთქო,  
ყურცქვიტა...

როს გაგაცილე...  
როს გაგაცილე...  
ოდეს სურნელი ჰქროდა მინდვრიდან,  
შევნიშნე,  
ვიგრძენ:  
დედამიწასთან  
მზეს განშორება რარიგ უმძიმდა.

\* \* \*

შენი სიცოცხლე, შენი ნაბიჯი  
მე შემაყვარა შენმა სარკმელმა.  
მე მიხარია, — შენ რომ არსებობ!  
ვისი ხარ, —  
ეს რა ჩემი საქმეა!  
შენით თენდება, შენით ღამდება,  
შენი ვარ, შენთან მინდა ხელახლა!

---

შენა ხარ —  
რაც მე გამეხარდება,  
რაც მეწყინება —  
ისიც შენა ხარ!

\* \* \*

ვარ ცხრა მთას იქით.  
მღუმარება მძვინვარებს ირგვლივ.

თბილისში ახლა საღამოა.  
შინ არის იგი.

აი:  
მან უცებ დაიწვრილა თვალები ფართო, —  
უსიამოვნოდ განირიდა თამბაქოს ბოლი...

არ ვტოვებ მარტო, —  
თუ მე იგი  
არ მტოვებს მარტო, —  
არ ვიცი.

ვიცი:  
ვარ მარტო და...  
ვართ მაინც ორნი.

## შოთა ნიშნინანიძე

\* \* \*

ისეთი ვინმე რომ შემხედებოდეს —  
გამიღვიძებდეს წამით იმედებს,  
ჩემი ცხოვრების შემოდგომამდე  
ერთ აპრილს მაინც წამიკილებდეს,

მასულელებდეს, მიბნევედეს თავგზას  
მისი თვალების ჩუმი ბრძანება,  
გოშიასავით ატეხდეს წკაეწკაეს  
ჩემი ლომური ამპარტავნება,

არ დავირცხვენდი, გითხრათ სიმართლე,  
არა და არა, არ დავირცხვენდი, —  
ოლონდ მიყვარდეს,  
მართლა მიყვარდეს  
გახელებამდის...  
თავდავიწყებით...

ოლონდაც, ღმერთო, გარდასულ ყრმობის  
ისევ მარგუნე უცხო თრიაქი,  
ის ღვთაებრივი მაცდური თრობა,  
შიში, ცახცახი და ფორიაქი...

## ამურთან გამოთხოვება

ჩემს პატარა ბიჭობაში წლები მახსოვს დიდებული,  
ერთი მეგობარი მყავდა სამტროდ გადაკიდებული.  
მხრებზე სცემდა კულულები,  
როგორც ოქროს ბულულები,  
პაწაწინა სალამურში დაემწყვდია ბულბულები.

წისქვილებში დაძვრებოდა, ქორწილებში ათენებდა,  
თვალეში და ნაწნავებში თრთოდა ციციანთელებად.

პაწაწინა ფრთები ჰქონდა, მშვილდ-ისარიც პაწია,  
ტანი ისრით დამიცხრილა, სალამურად მაქცია.

ზოგს ჭრილობა დაუწყლულა, ზოგს მანანით მობანა,  
ზოგს შორიდან ეთამაშა კუკუ-დამალობანა.

თუ ისარი სადმე მინდვრად მოადენდა სხეპას, —  
ქვა ყვავილად იქცეოდა, ყვავილი კი პეპლად.

დაფრინავდა ისრის კონით — ღვთაებრივი ფიჩხით,  
კაფანდარა, ტიტლიკანა, ონავარი ბიჭი.

მოდო კიდევ გამაბრუე შენი ფრთების შხუილით,  
თუნდაც მხოლოდ დაპირებით, თუნდაც მხოლოდ ტყუილით.

---

ერთხელ კიდევ შემასწარი მაგ ღვთაებრივ ზუზუნს,  
ერთხელ კიდევ დამასიზმრე ამორძალის ძუძუ.

რა იქნება, ეგ ისარი ერთხელ კიდევ სინჯო,  
შე ცუღლუტო, შე ვერაგო, საძაგელო ბიჭო.

\* \* \*

აღარ მაძინებდა მზერა აღმაცერი,  
ხალიანი ტუჩი... მკლავი ანაცერი...

მზის და ცხელი ქვიშის ვნებით ატკეცილი  
ტალღებს მიაპობდა ტანი კალმახური.  
თვალებს ჩავკიდებდი წყალში ანკესივით  
და შინ ვბრუნდებოდი, როგორც გალახული...

თითქო შენს სხეულში მზეა მომწყვდეული  
ანდა კანში სკდება მწიფე ბროწეული...

ზღვა ღელავდა... თრთოდა... ტალღებს შლიდა მწვანედ,  
გახველ ნაპირზე და ღელვაც გაიტანე.

განა ბევრი მინდა... პოი, დავიქანცე,  
ბევრი თეთრი ღამე ზღვასთან გადავფურცლე,  
მოვიდოდი მხოლოდ და შენს აკრილ მკლავზე  
თითებს დავაწყობდი, როგორც სალამურზე...

## ზურაბ კუხნიანიძე

### კეკელა

(სიმღერა)

დაჯექ, დაჯექ, პეპელავ,  
მოფრენილო ველიდან,  
ნუთუ არ დაიდაღე  
დღეს ამდენი ფრენითა.

ყვავილები ჩემს ბაღში  
პყვავის ნაირფერები.  
შენ გგონია, ფრთებს გატკენ? —  
არა, მოგეფერები!

ნუ გამირბი, ლამაზო,  
ყვავილებზე ქროლიავ...  
ჩემი ტკბილი სიმღერა  
ქარის ხმა ნუ გგონია.

დაჯექ, დაჯექ, ყვავილებს  
სულ რომ თავზე ევლები.  
შენ გგონია, ფრთებს გატკენ?  
არა, მოგეფერები!

---

## მორის ფოცხიშვილი

### გ ა ხ ს ე ნ ე ბ ა

„როცა ვიტყვი „ი“,  
მაშინ გამო... დი“

ბ ა ლ ლ უ რ ი

თითქოს გუშინ დასრულდა  
შინ და გარეთ, შინ,  
ჭრელკაბიან ასულთან  
თა... მა.... ში...

„ენკი, ბენკი, სიკლისა,  
ენკი, ბენკი.... და...“  
დღენი სიყმაწვილისა  
გა....ვი... და...

მოველ შენს ფანჯარასთან  
და ვდუდუნებ „ი“, —  
შენ კი, შენ კი, არა და  
არ გა....მოხვე...დი.



---

როგორ დაგვიწყებია  
„ენკი, ბენკის“ ხმა,  
რა ხანია, გძებნი და  
ვერ მი... პოვი...ხარ...

მოდი, მოდი, დამბუგე,  
მოდი, როგორც გსურს,  
თორემ ვინ რას გაუგებს  
გაგი...ჟებულ გულს...

„ენკი, ბენკი, სიკლისა.  
ენკი, ბენკი, და...“  
არა სთქვან: სიჭაბუკეც  
გა...ვი...და...

### ვინც ამ გოგოს გააცინებს

შტოზე ვაშლი გარჩენილა,  
ვინც მისწვდება, — მისია.  
ვინც ამ გოგოს გააცინებს,  
გოგოს გული მისია...

ეს ცხოვრება ასე არი,  
ის ცხოვრება ისეა.

— ეს მანდილი ვისი არის?

— ეს ჩონგური ვისია?

— ეს ხომ ჩემი ღისი არი!

— ეს ხომ ჩემი ძმისია!

---

ვკისკისებლით მალხაზები,  
დარდი გვექონდა რისია?  
თურმე დასასრული იყო,  
მე ვთქვი, — დასაწყისია.

როგორ გაპქრა სიყმაწვილე,  
ველარ ამომიხსნია.  
შტოზე ვაშლი გარჩენილა,  
ვინ გაიგოს ვისია?  
ბალში გოგო დაგოგომანებს,  
გოგოა თუ ნისლია?!

ვინც გაიგებს, ვინც დაიჭერს,  
ვინც აკოცებს, — მისია.  
ეს ცხოვრება ასე არი,  
ის ცხოვრება ისეა!

\* \* \*

! მე ის პატარა ნაკადული ვარ,  
შენ რომ ამღვრევე და ასე ათრთოლებ,  
შენ რომ ცრემლები წყალს გააყოლე,  
მე ის პატარა ნაკადული ვარ!

მე ის პატარა სიყვარული ვარ,  
რატომღაც შენ რომ აღარ ახსენებ,  
შენ რომ არასდროს არ მოგასვენებს,  
მე ის პატარა სიყვარული ვარ!

---

მელეა კახიძე

## ვისაც სიყვარული შეუძლია

იმ ქალს,  
იმ ბერიკაცს გაუმარჯოს,  
ვისი ცხოვრების გზაც შვეულია,  
ვისაც არასოდეს გაუმართლდა,  
მაინც სიხარული შეუძლია.

ვისაც იმედები პურად ყოფნის,  
ვინც მთელ ქვეყანაზე ეულია,  
ვისაც, სიყვარულით უარყოფილს,  
სხვისი სიყვარული შეუძლია.

იმ ქალს,  
იმ ბერიკაცს გაუმარჯოს,  
ვისი სიმღერებიც მწუხარება,  
ვისაც სიხარული გაუაყვდრდა,  
სხვისი გაღიმება უხარია.

ვისაც შეუძლია ატირება,  
მზით და სიკეთით ძლეულია,  
დიდი შეცოდების პატიება  
ვისაც დიდსულოვნად შეუძლია.

---

ვისაც უხარია ყველაფერი —  
ტყეები თუ ველებია,  
ვინც ჩვენი მამულის ფერად ფერებს  
ვერა და ვერაფრით შელევია.

ვისაც არასოდეს გაუაფდრდა,  
მაინც იმედებით გრძნეულია,  
ეს იმ ადამიანს გაუმარჯოს,  
ვისაც სიყვარული შეუძლია

•

## მე როცა ვუყვარვარ ვისმე

მე როცა ვალმერთებ ვისმე,  
ვარ ბედნიერი და ხალასი;  
მიწიდან უენო ბალახის  
ხმამალალ ლაპარაკს ვისმენ,  
შეეცინი ცასა და ქვეყანას,  
მე როცა ვალმერთებ ვისმე.

მე როცა ვუყვარვარ ვისმე,  
ვმალლდები, ვით ცაში სამრეკლო;  
მსურს ცისკრის ზარებად დამრეკონ,  
ვიცინი ისევ და ისევ.  
ვუღიმი გამვლელს და გამომვლელს,  
მე როცა ვუყვარვარ ვისმე.

---

მე თავი მგონია მაშინ  
ყველა ტკივილების მომრევი,  
ვარ დიდი სიმღერის მორევი,  
ვარ ენატიკტიკა ბავშვი  
და ყველა ლამაზი სიმღერა  
მე ჩემი მგონია მაშინ.

-

---

## ნოდარ ნარსია

### რა გოგო იყო....

ტრამეაის ხაზთან იდგა გოგონა,  
ყელამართული და სხიემოსილი...  
მე გაზაფხულის სუნთქვა მეგონა,  
რა გოგო იყო ის დალოცვილი.  
მხრებზე ნაწნავი ისე ეყარა,  
მელანდებოდა შორი ქორწილი...  
მისთვის მინდოდა ცა და ქვეყანა,  
რა გოგო იყო ის დალოცვილი!  
ბაგეს ღიმილი ისე ასხლიტა,  
აღბათ, ვეგონე, ვილაც მოცლილი,  
განთიადს ჰგავდა სილამაზითა,  
რა გოგო იყო... ის დალოცვილი,  
ელვა-ღიმილი მიძღვნა წამითა,  
ერთი მოხედვა მაინც ინება...  
და შერე...  
ისე უცებ წავიდა,  
როგორც მდინარე მიედინება.  
ინისლებოდნენ ლიანდაგები,

---

ქალაქი ჩემთვის გახდა ტრამალი...  
მეცაცხილებდი წყლიან თვალებით  
და მაფრთხილებდა ზარი ტრამვაის.  
იმ წუთში არვინ აღარ მახსოვდა.  
მასზე ფიქრებს კი ვერ ვიშორებდი...  
გამომადგინებდა ვიღაც ნაცნობმა  
და დამახვია ქვეყნის ჭორები.  
გავეპასუხე,  
უცებ მოვცილდი,  
არავის ნახვა აღარ მეწადა,  
რა გოგო იყო ის დალოცვილი,  
რა უცნაურად გამომეცხადა.  
... წყვილი ნაწნავი მხრებზე ეყარა,  
და ჩახახებდა, როგორც ქორწილი...  
მისთვის მინდოდა ცა და ქვეყანა,  
რა გოგო იყო... ის დალოცვილი!

---

• ჯანსუღ ჩარკვიანი

კანარის ჩიტი

პაწაწინა დარღო,  
ჩვენ ოთახში სამნი ვართ,  
ღღეც ლამაზი გამოდგა...  
ჩემს პატარა ფართობს,  
ჩემს პატარა აივანს  
ართობს შენი გალობა.

შენ არავინ არ გგავს,  
შენ ისეთი მშვიდი ხარ,  
სიწყნარე მიწყალობე.  
გაგიშვებდი, მაგრამ  
შენ გალიის ჩიტი ხარ,  
სხვაგან ვერ იგალობებ!



## პატარა გოგო დამეპარბა... ✓

ვისა წყარო ემატება,  
ანდა ვისთან იარება,  
მისი ნახვა მენატრება,  
მისი კოვზით ზიარება.  
სვამს და მაინც ვერა თვრება —  
შარბათსა სვამს ფუფუნების,  
მისი კოცნა მენატრება,  
მისი მკერდის ბულბულები.  
ანთებულან კელაპტრებად  
ცხრაკლიტულში ვარსკვლავები,  
ახლოს მისვლა მენატრება,  
არც კიბე აქვს, არც კარები.  
ღრუბელ-ღრუბელ ვარონინე  
თაბორი და თამარისი,  
ვინც მე იმას მაპოვინებს,  
ჩემი სული ალალმისი.

## მზის ჩასვლისას

თვალში გედგა ფერი ბალატონის,  
შენ, პეტეფის სტრიქონების ტოლ-  
შენი ხმა და შენი ამაპოლა,  
შენი ვილლა, მადიართა ტონი.

---

იმ — ლურჯთვალა ბალატონის ტბაში  
ვერ ტკბებოდა თვალი შენი მზერით,  
ცეცხლი გენტო თვალეში და ტანში  
და ცურავდი მზეზე უფრო ზევით.  
ტალღას ჰქონდა შენი თმების სუნი,  
ირწეოდა ლურჯი ბალატონი.  
ჩემს თვალეში ჩაპნეული სილა,  
შენს მკლავებზე თეთრი ტალღის თოვლი.  
გაფრენილი იყავ თეთრი ქორი,  
ლამაზ ტალღებს ჰქონდა შენი ვალი,  
მიცურავდი მზეზე უფრო შორეთს  
და მე მოვკვდი გახელილი თვალით.

\* \* \*

მე რომ პატარა ბილიკს შეენატრი,  
ჩარიგებულან თეთრი ბჟოლები,  
რა ახლო გზაა, კარგო, შენამდი  
და მაინც ასე რად გეშორები.

შემომირბენდე ლურჯი ყანებით,  
შემომირბენდე, როგორც სტუმარი,  
მომნატრებია შენი მკლავები —  
ჩემი პატარა თავსასთუმალი.

---

მომნატრებია შენი სითეთრე,  
მთელი სიტკბო და მთელი წვალება,  
თვალეები წყნარი, როგორც სიკეთე,  
და უეცარი ფერისცვალება.

მე რომ პატარა ბილიკს შეენატრი,  
ჩარიგებულან თეთრი ბჟოლები.  
რა ახლო გზაა, კარგო, შენამღი  
და მაინც ასე რად გეშორები.

## ბ ე თ ა ნ ი ა

ბეთანია—სახლი სათნოებისა და სახლი  
მორჩილებისა და სახლი დიდებისა.

ს ა ბ ა

შენ არ გინახავს ჩემი ხელები,  
ჩემი თვალები და ჩემი მხრები —  
გადარეული თეთრი ცხენებით  
და შორეული ზარების ხმებით.  
შენ არ გინახავს ჩემი ნისლები,  
მთიდან ქორების ფრთით მოტანილი,  
თეთრი ქარებით როგორ ივსება  
დღეები, ლურჯი ქრისტეს ტანივით.  
შენ არ გინახავს ფრესკის სიშორე,  
ფერი ფასკუნჯის, ფერი ქედნების,

---

მირონის სურნელს როგორ იშრობენ  
ჩემი სხეულის ძველი კედლები.  
შენ არ გინახავს, მოდი და მნახე,  
რომ ეს ტაძარი ჩემი ტანია!..  
სათნოებისა ვარ შენი სახლი,  
მორჩილებისა ვარ შენი სახლი,  
შენი სხეულის ვარ ბეთანია!..

---

## თამაზ ჭილაძე

\* \* \*

სულ ერთმა ჭიქამ, სულ ერთმა ჭიქამ  
დამათრო ასე და მომაგონდი.  
აღარსად ჩანდი, აღარსად იყავ...  
სულ ერთმა ჭიქამ დამათრო ასე.

მერე რამდენი შენ მიგამსგავსე  
რხევით,  
ღიძილით,  
ხშით და სიცილით!  
მომინდა უცებ შენი სიცივეც...  
სულ ერთმა ჭიქამ დამათრო ასე.

რა იყო მაინც ის ერთი ჭიქა —  
ოქტომბრით სავსე და შენით სავსე.  
აღარსად ჩანდი,  
აღარსად იყავ...  
სულ ერთმა ჭიქამ დამათრო ასე.

\* \* \*

მაინც შახსოვხარ იმ ყრიაშულით,  
იმ ყვავილებით და იმ აპრილით,  
თამამი, ყალბი და მხიარული,  
როგორც პატარა ცირკში — საყვირი.

მატარებელი მიდის და ბნელში  
დაექებს გზებს და ხეობებს დიას  
და ფანჯრებივით განათებული  
ჩემი უშენოდ ცხოვრება მიაქვს.

\* \* \*

აი, ხომ ხედავ, გავიდნენ წლები  
და მაინც შენი ერთგული დავრჩი,  
ერთგული სულის და არა ვნების,  
ქალის კი არა — უმწეო ბავშვის.

და არა ტანჯვით, არამედ შვებით  
ისევე დაგექებ, ისევე, ვით მაშინ  
და შენი თეთრი, ამაყი მხრები  
კვლავ განთიადი მგონია ქარში.

ცოტახანს კიდევ... ცოტახანს კიდევ...  
 ცოტახანს კიდევ და... გათავდება,  
 გულზე ცეცხლივით წამეკიდება  
 შენი ღიმილი და გათავდება.

აღრე თენდება, აღრე ღამდება,  
 აჩქარებულა ჩემი ცხოვრება,  
 პატარა რამე გამიხარდება  
 და სიკვდილამდე შემახსოვრება.

შევალ შენს სულში — თოვლის ბუდეში,  
 მის ცივ კედლებზე ჩამომსხვრეული,  
 და იფარფატებს შიგ უნუგეშოდ  
 ვეება ჩრდილი ჩემი სხეულის.

ცოტახანს კიდევ... ცოტახანს კიდევ...  
 ცოტახანს კიდევ და... გათავდება,  
 გულზე ცეცხლივით წამეკიდება  
 შენი ღიმილი და გათავდება.

და გათავდება ის, რაც წაგართვი,  
 რითაც ჩემს ყოფას სიცოცხლე ჰქვია...  
 ასე თავდება ბნელში ასანთი,  
 ალყაში — პური და ომში — ტყვია.

---

## ანზორ აბულაშვილი

\* \* \*

ბოლოს ხომ უნდა მენახე სადმე,  
ხომ შემხვედროდი უნდა ერთხელაც,  
ვლამარაკობდი ხმამალლა განგებ,  
რომ გაგეგონა და მოგეხედა.

იყო ორივე — სიცივეც, ცეცხლიც,  
მიხვედრაცა და ამღვრევაც თითქოს,  
ძალიან ვიწრო კაბის სიმორცხვე,  
შემკრთალი მზერის უცეები სითბო...

მერე, როგორც დღე იზრდება ნელა,  
როგორც იზრდება შიში ღამეში,  
ისე მოდილდა ხმებად, ფერებად,  
შენ ჩემს სმენაში, სულში, თვალეებში.

ალამაზებდა ხატება შენი —  
ქალაქს, გამზირებს, სახლსა თუ სართულს,  
ვგრძნობდი მე ყოველ მშვენიერ ფერით  
სულში შენს თბილ და უცნაურ ფათურს.



---

შენი ხმით რეკდა ღუმილი ჩემში,  
ხოლო ქუჩები ათასგვარ ხმებით  
იმეორებდნენ შენს სახელს უინით  
და მემსხვრეოდა თანდათან ფრთები...

მე გამოგძერწე ასე, ამგვარად  
და ბოლოს თვითონ ვიგრძენი რიდი,  
ბოლოს უმწეოდ შევდექი, რადგან  
შენ იყავ სხვა და შენ იყავ დიდი.

მე მხატვარივით ვიდექი წლობით  
შენი ლანდის წინ — ათასი ფერით,  
მე შევექმენ შენგან, მე ვინაც მსურდა  
და მას დავარქვი სახელი შენი.

და ბოლოს, უხმოდ წავედი მართლაც,  
სრულიად უხმოდ, ისე ვით ნისლი,  
შენ გაგეცალე ერთხელაც, რადგან  
დავჩნდი მტვრად ფეხის, რაც შევექმენ — მისი.

---

## თამარ ერისთავი

\* \* \*

მე ჯერაც შენი ღიმილის შუქით  
და შენი გულის შინასკნელიდან ნათლის ჭიატით  
აგებულ კოშკში მიღევს ბინა  
    და ქონგურებზე მიდგას მზვერავი,  
რათა საუფლო შენი სულის  
    ხელყოს ვერავინ.

## თუშეთის დღიურიდან

წამოდი ჩემთან,  
    ჩემს ოცნებას იქ განდობ მარტო,  
სადაც გაბმული ფერხულია  
    ჟოლოს ბარდების,  
სადაც მთის წყარო  
    მთის წყაროსთან შეხვედრას ნატრობს  
და ჰკლავს სურვილი  
    გულისწორთან განავარდების;

---

იქ, სადაც ჰაერს  
    მაეთულები ჯერ არ სერავენ,  
ქვაფენილები არ ზღუდავენ  
    გზების სიგანეს,  
იქ, სადაც ჩვენ ხმას  
    ყვაკილების გარდა ვერავინ  
ვერ გაიგონებს.

---

## ანზორ სალუქვაძე

### ი ა ს ა მ ა ნ ი

გული ამიმღერდა ცისფერ სავანეში,  
ასეთ სილამაზეს მივესალმები.  
ო, რა სევდიანი ჩავალ სამარეში,  
თუ არ ჩამატანეთ იასამნები!

მჯერა, — ბევრი დამრჩა კიდევ სავალი,  
გზებზე ყვავილებით სავსე კორღებია,  
ქალივით ჩურჩულებს იასამანი,  
თითქოს სიყვარულის ცეცხლი მოსდებია.

ნიავი, მაისი, ბალში, სავანეში...  
ასეთ მაისებში გზაა სავალი!  
ო, რა სევდიანი ჩავალ სამარეში,  
თუ არ ჩამატანეთ იასამანი!

---

ოთარ შალამბერიძე

## თურმე საკუთარ თავს ვატყუებდი

მე მახსოვს ლურჯი ტბის ელევგია  
შენს ღრმა თვალებში გადაწერილი.  
არ ჰგავდი ტოლებს ჩიტირეკიებს,  
იყავი წყნარი და დარცხვენილი.

და ეხებოდა ღამის სიჩუმე  
შენს რბილ წამწამებს,  
შენს ღამაზ კისერს,  
როცა პირველად შენს წინ ვიცრუე, —  
მიყვარხარ-მეთქი, ისევ და ისევ.

მერე — გაფრინდნენ გაზაფხულები...  
ახლა — ვნანობ და ნაღველი მიპყრობს;  
თურმე საკუთარ თავს ვატყუებდი,  
თურმე ნამდვილად მიყვარდი იმ დროს.

---

✓ **შენ მეუბნები**

შენ მეუბნები, — გავცივდი თითქოს,  
ალარ მიმიგავს ღიმილი მაისს;  
მზე ხომ არა ვარ, დაეხარჯო სითბო  
და არასოდეს გავცივდე მაინც.

## ვასტანგ ჯამასხაძე ✓

\* \* \*

ტრიალებდა, ტრიალებდა, ტრიალებდა კარუსელი,  
ქარს მიჰქონდა ხეების და ხეივნების ნამუსრევი.  
ბელურები ეშვებოდნენ კობიტების კენწეროდან,  
იღგა ძალღი

და გოგონას გაკვირვებით შესცქეროდა.

გოგონა კი

ჩამჯდარიყო თავის სათამაშოებთან,

მაგრამ კი არ თამაშობდა,

მამას თვალს არ აშორებდა.

მამაც იქვე,

სადაც დიდი ჩრდილი ეგდო კობიტების,

ვიღაც უცნობ მანდილოსანს შეჰყურებდა მორიდებით.

ის უცნობი ძალღს უმზერდა

(ძალღი იღგა ბელურებთან),

ძალღი — გოგოს,

გოგო — მამას,

მამა უცნობს შეჰყურებდა.

ამ მზერაში იყო რაღაც უცნობი და აუხსნელი,  
ტრიალებდა, ტრიალებდა, ტრიალებდა კარუსელი.

\* \* \*

უსიკვდილოდ, შეჭველად, უსათუოდ, უთუოდ,  
კართან უნდა უდარაჯოთ,  
ღამე უნდა უთიოთ.  
უჭმაუროდ, უსიმღეროდ, უხმოდ, უსაზანდაროდ,  
სულში უნდა ჩაიძვრინოთ,  
ხელის გულზე ატაროთ.  
უჯაროდ და უჯამათოდ,  
უეროდ და უბეროდ,  
იის წყალი უნდა უსხათ,  
სული უნდა უბეროთ.  
ბარდი უნდა,  
დარდი უნდა  
აკაფოთ და აცელოთ,  
ნიავე არ მიაკაროთ,  
თვალი არ მოაცილოთ.  
არ გაზომოთ ტიტულეებით,  
რანგებით და ჩინებით,  
გაუფრთხილდეთ,  
გაუფრთხილდეთ უნდა თვალისჩინივით.  
უნდა ლოცოთ,  
სიხარულის ცრემლით უნდა ატიროთ,  
მუდამ, მუდამ,  
გულთან,  
გულით,  
გულში უნდა ატაროთ.



\* \* \*

კმარა!

გულმა შეგიწყნარა: ჩქარა მოვალ, ჩქარა!  
მომეჯარა ბარათების ფარატინა ფარა,  
არაგვივით ამჩქარა,  
ისევ შემაყვარა —

ანკარა და თავანკარა შარაგზა და შარა.

ჩქარა მოვალ!

არაგვს მოვდეგ ბედის ანაბარა,  
ქრუანტელმა დამიარა,  
არაბს დამადარა,

გამახარა,

გამატარა,

გამაუჩინარა,

ფარაონის მარაოზე ჩქარა დამაწყნარა.

ვერც მუქარა მომეკარა, როგორც ვიგინდარა,

ვერც მუდარა მომეპარა, — მომდეგს წარამარა,

პატარა და კაფანდარა — ბრუნავს ფიქრის ჯარა

და ნალარა ისე რეკავს, როგორც მადვიძარა.

ჩქარა მოვალ!

თუ გათენდა,

თუ გამოიდარა,

ფანჯარასთან გიდარაჯებ ყარაულის დარად.

არაკს გეტყვი: არამზადა როგორ ეზიარა, —

დაგავიწყებ ცხელ იარას და ვარვარა ვარამს.

კმარა!

წყნარად დასადვრელი ცრემლი დაიღვარა.

და ჭადარაც მომეპარა: ჩქ-არა! ჩქ-არა! ჩქ-არა!

---

## ტარიელ ჭანტურია

### ცეკვა კაფე „ამბასადორში“

(ციკლიდან: „ღამით, რადიომიმღებთან“)

ტვისტი და ტვისტი. პალი-გალი  
ფიცი და ფიცი. ქალი. ქალი.  
ბიჭი და ბიჭი. ქალი. ქალი  
როკი და როკი. პალი-გალი

- ხომ არ გეშინია?
- შეშინია!
- რატომ გეშინია?
- შეშინია!
- კიდეც გეშინია?
- შეშინია!
- გესმის? გერშინია!
- გერშინია!
  
- კონიაკს დალევე?
- მანგოს წვენს!
- უნდა გაკოცო!

- 
- მაკოცე!
  - შენ არ მაკოცებ?
  - მე არა!
  - მაშინ მე ორჯერ გაკოცებ!

ტვისტი და ტვისტი. როკი  
დრო კი, ძვირფასო, დრო კი  
მიახრიგინებს ვნებებს,  
როგორც პარტიზანს დროვი

ცისფერი კაფე. პალი-გალის  
ცისფერი კაბა. პალი-გალის  
ბიჭი და ბიჭი. ქალი. ქალი!  
ქალი და ქალის პალი-გალის

პალი-გალის  
ქალი, ქალის  
პალი-გალის  
ქალი, ქალის

## ა ლ ე რ ს ი

(სალაღობო)

როგორ მინდა, მინდა, მი...  
ბაგე მარწყვი, მარწყვი, მა...  
გაგონება შენი ხმის,  
შენი ნაღვლიანი ხმა.

---

ისევ ძველი, ძველი, ძვე...  
ისევ თბილი, თბილი, თბი...  
მკრთალი ოქტომბერის თვე,  
და სიმღერა, შენ რომ თქვი.

ისევ ზევით, ზევით ზე...  
ისევ დიდი, დიდი, დი...  
ლურჯი, ლურჯი, ლურჯი მზე...  
მკერდიდან რომ სისხლი დის...

მაგრამ თინა, თინა, თინ...  
შენ მშორდები თანდათან...  
ჩემზე უკეთ აბა ვინ,  
ვინ უმღერებს დაღლილ ტანს.

თუმცა კმარა, კმარა, კმა...  
მე კვლავ მინდა, მინდა, მი...  
გავიგონო შენი ხმა  
და ტკივილი შენი ხმის...

\* \* \*

შენ უნდა ცისფერ ღრუბელთან იწვე,  
უნდა ღრუბელი გეფინოს ლურჯი.  
მე შენს მეუღლეს დუელში ვიწვევ,  
რომ ჩაეახედო შენს კეთილ სულში.

---

შენ უნდა უცხოდ მოსული ქარი  
გიფრიალებდეს ნისლისფერ შერდინს,  
გაიღოს უცებ სამოთხის კარი —  
მუხლებთან გეჯდეს შემკრთალი ღმერთი...  
რა ჯობს — სიმღერა თუ წყვილი ცრემლი  
სად ჯობს — მიწაზე თუ მიწის გარეთ!..  
მზე — მზეზე უფრო დიდი და ცხელი,  
მთვარე — მთვარეზეც მაღალი მთვარე,  
და ცა — ღმერთების ცისფერი პოლი —  
ძლივს რომ აუდის მომსვლელს და წამსვლელს...  
მაღალი ბიჭი ლამაზი ცოლით —  
მოდინან, მაგრამ მიდიან წამსვე:  
ბოლოს და ბოლოს ერთი აქვს ბოლო  
ლომსა და თინუსს, ნაძვსა და ღოლოს  
სიყვარულისთვის კარგო, ჩვენ მხოლოდ  
სიყვარულისთვის გაეჩნდით და ვცხოვრობთ!  
უხერხულია — შენ გერქვას ცოლი —  
შენ უნდა ცისფერ ღრუბელთან იწვე.  
აპა, დამბაჩა და სველი თოვლი! —  
მე შენს მეუღლეს დუელში ვიწვევ...

---

## ზაშრ ბოლქვაძე

### 30301..

ვიცი, დამღუბავ დაღუბებით ქალის,  
მაინც შენს მაცდურ ღიმილს ვენდობი —  
ის ერთადერთი ღიმილი არის,—  
მტანჯველი თავის ერთადერთობით!

შენი თვალებით უგრძნობლად დამთვრალს,—  
შენივ ლალატი გამომაფხიზლებს!..  
ვიცი, მიმიყვან სიკვდილის კართან,  
შერე სიკვდილსაც აღარ მაღირსებ!..

ვიცი, ამიბნევ ცხოვრების გზა-კვალს, —  
გავიიმედებ მაინც მაგ თვალებს! —  
იგი ამქვეყნად სხვა თვალებს არ ჰგავს,  
სხვასაც ჩემსავით არვის აწვალებს!

ღმერთმა შეგინდოს შენ უღმერთობა, —  
ჩემი ბედით რომ ასე ერთობი!..  
მე მტანჯავს შენი ერთადერთობა  
და ვცოცხლობ შენი ერთადერთობით!..

\* \* \*

ვნახე შენი საფლავი —  
უცებ ელდა მეცაი —  
შენი გულამოჭრილი  
მწვანე კაბა ეცვას!..

მოდო, წამიყვანე!..

აქ ქარებმა სამხრეთის  
სწრაფად ახსნეს აფრანი,  
გაეხვია კახეთი  
ოქროფერში ზაფრანის!..

ო, კახეთის ყანებს  
არ სჯობია ყანები!  
ზეცას ვეთაყვანე,  
მიწა მეთაყვანება!

შერჩა ფერი მწვანე  
მაგნოლიის ფოთოლს!..  
მოდო, წამიყვანე! —  
სადაცაა, მოთოვს!..

---

## როდის?

მაგ შევ თვალეზივით მცინარი —  
როდის დამწიფდება მაცვალის?  
როდის გაიზრდება ჩინარი —  
მაგ შენი ტანივით მალალი?

როდის მოირთვება ნაზი  
მიწა სააპრილო მზითევიტ?  
როდის დამწიფდება მარწყვი —  
შენი ტუჩეზივით წითელი?

როდის გამიყუჩებს ტკივილს  
შენი შემოხედვის ღადარი?  
მაგ შენი გულივით ცივი, —  
ნეტავ, — როდის წავა ზამთარი?



## გივი გეგეჭკორი

### მეორე ბალადა

წელიწადის დროების  
მოძრაობა წრიული  
გრძელდება და მოგელის  
თეთრი ვესტიბიული.  
მოოქროვილ თაბაშირს,  
ტილოს დეკორაციებს,  
შენ ბავშვივით შეჰყურებ,  
ყველაფერი გაცინებს.  
მაგრამ რამის გადაღმა  
როცა კვდება რომეო,  
შენი ცრემლი უბეზე  
ბრწყინავს, მიუწვდომელო!..  
როცა უჩინარდება  
შერხეული მუყაო,  
მსახიობებს კანფეტი  
გინდა გადაუყარო.  
შენ ხარ იდუმალემა  
და ღიმილი ფარია,  
იგი არც თანხმობაა,

---

იგი არც უარია.  
შენ გსურს სამოგზაუროდ  
ხომალდები ამიგო.  
შენი ლურჯი ოცნების  
ფრინველია ფლამინგო.  
საით უნდა გავცუროთ,  
საით უხმობ მომავალს?  
ძირს ჩამოდის ფოთოლი...  
ვისი შემოდგომაა?..

მოდის, მომიახლოვდი,  
მე გაკოცებ უთვალავს,  
შენი კაბა შრიალავს,  
გარეთ კიდევ თუთაა...  
ვერსად ვერ დავივიწყებ,  
სადაც უნდა წავიდე,  
შენი საბნის ბორცვებზე  
მოქანავე ყვავილებს.  
საათს გადმოჰყოლია  
სიჯიუტე მევალის,  
რას თვლის? რის თორმეტია,  
ანდა რის ნახევარი?  
ჩემსკენ გამოგიწვდია  
ხელი სერაფიმივით  
და ბალიშის ჩარჩოში  
ბრწყინავს შენი ღიმილი.  
ნუთუ ჩვენთვის ოდესმე

---

მოვა დრო უმკაცრესი,  
აცვივდება ოცნების  
სამნავეიან ტაძრებში,  
ან ხავესს მოეჭიდება  
დაძარღვული თითები.  
სიტყვებს განუსაზღვრელი  
ნდობით ნუ ეკიდები.  
ჯერ აღრეა, რა გინდა,  
რად აწუხებ მომავალს,  
ძირს ჩამოდის ფოთოლი,  
სხვისი შემოდგომა...

რომ სხვები არ დაგეფრთხო,  
შენ სიყვარულს მალავდი,  
დიდხანს ხელს აფარებდი,  
მაგრამ მაინც სანამდის  
გსურდა რომ დაგეფარა,  
თრთოდა, როგორც წერილი,  
ირგვლივ იფანტებოდა  
ყვავილების მტვერივით...  
შენი უმანკობა  
თითქოს მზეზე ბრწყინავდა,  
შენი სხივი მიჰქონდათ  
ოცნებების ბინადართ,  
როგორც თივის ღერები  
ფრინველების ნისკარტებს...  
ახლა ნელა მივცურავთ

---

მშვიდი კვირადღისაკენ.  
თითქოს სიჭაბუკეა  
და არც სიჭაბუკეა,  
და ის აღარ აღელვებს,  
რასაც გუნდრუქს უკმევდა.  
უფრო მძიმედ ვეყრდნობით  
სკამებსა და მაგიდებს,  
მაგრამ შენი ღიმილი  
თვალებს ისევ ამინთებს,  
ახლა საით მივდივართ,  
საით უხმობ მომავალს?  
ძირს ჩამოდის ფოთოლი...  
ვისი შემოდგომაა?..

## სერაფიტის დატირება

1.

ვაი, სერაფიტ!

შენი სახელი ხელიდან მტევანივით გამივარდა  
და აქეთ-იქით გაიფანტა მისი მარცვლები...

მომიტევე!

მუხლზე დავეცემი,

უნდა წამოვკრიფო,

იმიტომ დავცქერო.

ვაი, სერაფიტ!

ასულო ზევახისა,

ფარსმან მეფის პიტიახშისა.

მეუღლეც იოდმანგანისა,  
    პუბლიოს აგრიპას ძისა,  
    ქსეფარნუგ მეფის ეზოსმოდღვარისა.  
რომელიც იყავ ახალგაზრდა  
    და იყავ ისე მშეენიერი,  
    არავინ იყო მსგავსი შენი სილამაზითა.  
ვაი, სერაფიტ!  
    შენი ოქროს კილიტებით  
    ბრწყინავს ჩემი სიზმრების მოსასხამი.  
შენს ყელზე ვერძისთავის ავგაროზად  
    ქანაობს იისფერი ამეთვისტო  
და ნიკაპს ეხუტება  
    ვერძის ცივი დრუნჩი.  
ავგაროზის კოლოფში ასვენია  
    კბილი გატეხილი,  
    ბავშვობაში რომ მოიცვალე.  
გახსოვს, როგორ გვატრიალებდა კალოზე კევრი?  
    ან როცა დათვრა დიონისე,  
    ნიკაპი როგორ ჩამოდო საწინახელზე.  
ვაი, სერაფიტ!  
    შენ ვერ დაგიტირებს  
    ჩემი ცრემლი კოკისპირული...  
სიკვდილი მელის უსათუოდ!  
    როგორც აქტეონმა,  
თუთის ჭალაში დაგინახე,  
    შიშველი იყავ და ბანაობდი.

---

ბავშვები ვიყავით,

მომიტევე და მომეშველე,

როცა ირმად გადავიქცევი,

დამფლითავენ,

ორ ქოფაკს კეტით ვიგერიებე!..

ვაი, სერაფიტ!

არ მასვენებს შენი ღამეების სერდოლიკი,

შენი თვალების სერდოლიკი,

შენი სამაჯურის სერდოლიკი.

დაბინდულია ოქროს მონეტაზე

ანტონინუს პიუსის ხუჭუჭი წვერ-ულვაში

და მარკუს ავრელიუსის შიშველი თავი.

ამ ქვეყანაზე მოსულთაგან

დღეს შენთან უფრო მეტნი არიან,

ვიდრე ჩემთან...

2.

ბედნიერო ამ ქვეყნიდან

რომ წახვედი ადრე,

მაგრამ თავი სიკვდილს მაინც

რომ არ გაუყადრე.

როცა ველზე დაგედევნა

უსახური მხეცი,

ნაბიჯს როდი აუჩქარე,

როდი გაიქეცი.

გადიარე მწვანე ველი

შენი თეთრი ქოშით

---

დედოფალმა, მიმავალმა  
ღამის სამეფოში.  
სანამ ქარში მოგუგუნე  
ზარებს დარეკავდი,  
შენ სიკვდილმა მოგახურა  
ღამის პალეკარტი.  
ახლა მხოლოდ ჩემს სიზმრებში  
აშრიალეებ ქიტონს  
და თიბათვეს უმკლავდები...  
ვაი, სერაფიტო!..  
გაცოცხლებულს სურვილს ხვატი  
გააფიცხებს თივით  
და მზე სამთითს ატრიალებს  
ველზე ეშმაკივით.  
კვლავ ცახცახებს შენი ტანი  
სიცივით და ვნებით,  
ნაპოვნი და გალუმპული  
წვიმის ქარავნებით.  
ჩემს სიზმრებში შენ ვერავინ  
ვერ გიშიშვლებს სხეულს,  
ვერ კითხულობს ვერვინ შენი  
სულის არამეულს.  
და იცინი ისე, როგორც  
უწინ იცინოდი,  
ვიცი, გნახე, მაგრამ მაინც  
როდის გნახე, როდის?..

---

ოთარ ჭილაძე

## ს ი ყ ვ ა რ უ ლ ი

ზამთარმა, ცივმა და შემპარავმა,  
კვლავ მომისია თეთრი ფიფქები  
და კვლავ მიყვარხარ, თუმცა არა ვარ  
ის, რაც ვიყავი ანდა ვიქნები.

და იქნებ ჯობდეს, გაიხსნას ფრჩხილი,  
გულმა და ენამ აიძროს ლუქი,  
ბოლო უჯრამდე შეივსოს ცხრილი,  
ბოლო კუნჭულსაც მიადგეს შუქი.

იქნებ გვჭირდება მესამე კაცი,  
მსაჯულისა თუ მკურნალის მსგავსი,  
ამ მტანჯველ გრძნობას რომ დასდოს ღვაწლი  
და მისცეს სახეც, სახელიც... ფასიც.

იქნებ ფერფლია და არა ღველფი?  
იქნებ ლოდია და არა სვეტი?  
იქნებ მსხვერპლია და არა კერპი?  
ბედისწერაა და არა ბედი?



---

არ გამოჩნდება იგი გარედან,  
მაგრამ არსებობს, უტყვი და ურჩი,  
როგორც ფორმულა ან მარგალიტი  
გამომწყვდეული ცეცხლგამძლე ყუთში.

განწირულია ის გრძნობა, ვიცი,  
მუცლიდან დაჰყვა გიჟის ხალათი,  
მისთვის უცხოა ვალი და ფიცი,  
რადგან არ იცის რაა ლალატი.

ჩვეულებრივი ტანჯვით და ვნებით  
ვერ იბოგინებს ამქვეყნად იგი,  
რადგან მთრთოლვარე და ვრცელი ფრთებით  
აპატარავეს ყველაფერს ირგვლივ.

მაინც ისაა გზაც და ჭაბანიც  
და გვერდით მიწევს ძეძვის ტოტივით,  
სანამ მახურავს ცხელი საბანი  
გაურკვევლობის და მოლოდინის.

## ს ი ზ მ ა რ ი

გამოჩნდა მიწა. შენთან ვარ თითქმის.  
იღვიძებს მიწა და პერანგს იცვამს.  
ეს ზომ თოვლია. მე წუთებს ვითვლი.  
ნათურებს ანთებს და მორბის მიწა.

---

ოღონდ შენთანაც სინათლე ენთოს  
და ყველა სასჯელს უხმოდ ავიტან.  
და აი, უკვე შენთან ვარ. — ღმერთო,  
ეს შენი ხმაა. — როგორ? საიდან?

ამოდის მთვარე და ცალი თვალით  
ჩემს ხელებს ზვერავეს ჩუმად და მკაცრად.  
მე კი ოთახში შემომყავს ძალით  
და თავქვეშ გიდებ ბალიშის ნაცვლად.

\* \* \*

მე ჩემს საყვარელ სიზმრებად ვთვლიდი  
ცაში თანდათან გამქრალ მავთულებს,  
გადაქანებულ სვეტებს და ხიდებს,  
ნათურებს მკრთალებს და გაფანტულებს.

ღღეს კი იფეთქებს შენი სახელი.  
მე დილიდანვე ვგრძნობ და მოველი,  
როდის იფეთქებს შენი სახელი,  
ძლივს მიგნებული და მოგროვილი.

მე მის ნამტვრევებს აკრიფავ ქარში  
და მტვერს და მიწას გადავაშორებ  
და ღაფურჩებზე მეზობელ ბავშვებს,  
როგორც ბრჭყვიალა სათამაშოებს.

---

დაიტაცებენ ბაეშეები უცებ,  
ყაჩაღებივით დაიტაცებენ  
და ქარზე უმაღლეს მისდებენ ქუჩებს  
ჩემს ძველ ტკივილებს და აღტაცებებს.

ბნელში იცინის კიოსკის მინა.  
ირხევა ტოტი და ტოტის ჩრდილი.  
ქალაქს კი ძინავს, ძინავს და ბრწყინავს  
მთლად გაქვინებული წვიმით და ძილით.

და მავთულებზე შერჩენილ წვეთებს  
აღარაფერი აღარ აშინებთ.  
მე ვაღებ კარებს და ისევ ვკეტავ  
და მერე ისევ ვაღებ მაშინვე.

\* \* \*

მარინა! მაგრამ როგორ გაიგებ:  
ჩვენს შორის მთელი წელია უკვე.  
ქუჩებში ქარი დგას და არიგებს  
უჩინარ ეჭვნებს, ზარებს და ბუკებს.

აქ იყო თოვლი და როგორც ვალი  
ჩემს მხრებზე იწვა მთელი სიმძიმით  
და შეუმჩნევლად მიღლიდა თვალებს  
თეთრი სანთლების ცივი ციმციმი.

---

ყოველდღე თოვდა და თოვლი ქუჩებს  
იმედებივით ართმევდა ფერებს  
და ყველაფერი გადაწყდა უცებ,  
სულ უმნიშვნელო ყოყმანის მერე.

ის თოვლი გაედა დაქანცულ ლტოლვილს  
და სიბერეზე გადაკრულ სიტყვას,  
ძალიან დიდხანს გაგრძელდა თოვლი,  
ძალიან დიდხანს, ძალიან დიდხანს.

მარინა, მაგრამ შორს იყავ მაშინ  
და დილით, როცა ფანჯრებს ვაღებდი,  
მოჩანდა, როგორ მოქონდათ ბავშვებს  
თოვლის ბრჭყვიალა ბაირაღები.

ძალიან ბევრი, ძალიან ბევრი  
ბაირაღები მოქონდათ ბავშვებს.  
მე კიდევ მთვლიდნენ ოჯახის წევრად,  
მე კი ქუჩებში ვეძებდი საშველს.

და თოვლს მიყავდა ყინვის აღვირით  
ჩვენი ქუჩები, როგორც ცხენები.  
მარინა! შენი ძებნით დაღლილი  
ვწვებოდდი თოვლში და გიხსენებდი.

მარინა! მაგრამ როგორ გაიგებ:  
ჩვენს შორის მთელი წელია უკვე.  
ქუჩებში ქარი დგას და არიგებს  
უჩინარ ეჭვნებს, ზარებს და ბუკებს.

---

\* \* \*

მზად ვარ გისმინო და გემსახურო.  
ქარში იშლება დეკემბრის თოვლი  
და მღერის შენი მძიმე საყურე,  
გაბრუებული დეკემბრის თოვლით.

(მე ალბათ დიდხანს მექნება ვალი,  
მაგრამ ვიქნები სულ მხიარული.  
ეს გაუმარჯოს შენს ეშმაკ თვალებს  
და სარკეებში ნასწავლ სიარულს).

სარკმელში ისევ თოვლი ირევა  
და ყველა თავის უბრალო ამბავს.  
და სკამზე, როგორც ნანადირევი,  
კიდია შენი ლამაზი კაბა.

---

## ტაგუ მებურიშვილი

### თამარიე გათხოვდა

სევდიანი სიმღერა  
ისმის: რერა რაშოვდა.  
თამარიე გათხოვდა,  
თამარიე გათხოვდა  
მაშინ გადასხვაფერდა,  
თვალი თვალს რომ დაშორდა,  
ჩემი ცხენი ოჩნობდა,  
სხვისი ცხენი რაშობდა.  
გაგანია სიცხეში  
გაწვიმდა და გათოვდა,  
თამარიე გათხოვდა,  
თამარიე გათხოვდა!!!

---

## ნოდარ ჯალალონია

\* \* \*

ვიცი, გაქრება ეს ყველაფერი,  
ლურჯი ცითა და მწვანე მინდვრებით,  
ვიცი გაქრება ეს ყველაფერი,  
ვიცი და უფრო, უფრო მინდები.

აცრემლებული მარტის ფიფქების  
წუხილი ახლა მესმის საოცრად.  
ისე გეძებენ ახლა ფიქრები,  
როგორაც მლოცველ ხატს და სალოცავს.

სიყვარულია თურმე ისევე  
სიცოცხლისა და სულის ემბაზი.  
შენზე ფიქრებში ისე ვისვენებ,  
როგორც დაღლილი ჩიტი გემბანზე.

## ხუტა გაბუა

### ბ ე ჭ ე ლ ი

ის აღარ არის, რაც იყო წინათ —  
დღეს გულში მხოლოდ სინანულს ბადებს  
გრძნობა, რომელსაც ბორკილად აღწევს  
ოქროს ბეჭედი და მწარედ გმინავს...

ერთში უცვლელი გვრჩება ბუნება —  
ვცოდავთ და მერე შენდობას ვითხოვთ,  
მონანიებით შეგვეძლოს თითქოს  
ოქროს თვისების შენარჩუნება.

და ვტირით — ცრემლი გვანიჭებს შვებას,  
გულწრფელად ვტირით, როცა ვერკვევით,  
რომ ყველაფერი არის მერყევი  
და მხოლოდ ოქრო ოქროდვე რჩება.

ჩვენ უკვე მძევლად ვყავართ მირაჟებს,  
და სულს გვიშფოთებს კუბოს კარამდის,  
ნიშნობის ბეჭდის კრთომა მარადი  
უკვალოდ გამქრალ გრძნობის წინაშე.



## მ ო ლ ა ნ დ ე ბ ა

შუახნის ქალი,  
ფიქრიანი და იღუმალი.  
ღია ფანჯრიდან დაჰყურებდა  
გამზირს ღუმილით,  
თითქოს ერთბაშად უკუიქცა ჟამი და  
ღღემღე  
რაც მოხდა,  
უნდა მომხდარიყო დიდი ხნის შემდეგ.  
ეს იყო დილა მოლანდების,  
მაისის დილა,  
იმგვარად გაკრთა  
ღედაკაცის სახეზე  
ღიმი,  
თითქოს ანაზღად  
ავარდნოდეს კაბაზე ღილი —  
ორივე ხელი  
აიფარა გულმკერდზე ფრთხილად.  
მსრებგანიერი მამაკაცი —  
საიდან, ღმერთო! —  
ღიდი ხნის წინათ გარდაცვლილი,  
მოსდევდა გამზირს...  
მაგრამ ხელებქვეშ რაწამს იგრძნო  
ჩამქრალი მკერდი,  
ამოიოხრა  
და უღონოდ დაეშვა სკამზე,

---

## მეზარ კვიტიანი

\* \* \*

ვერ ამოვედი შენი ხარკიდან,  
შენი გულიდან, შენი სარკიდან,  
უძლიერესო და უძნელესო,  
ყველა მიწიერ დასაკარგიდან.

გამითავდება ტკივილი, შიში...  
თვითონ ღმერთია ამის მოსურნე —  
შენი სიმაღლის მონახე ნიში,  
დახარე მხრები ანგელოსურნი.

დახარე თავი — გვირგვინი მძიმე,  
მზე მომალანდე და მომაშივე,  
სასახლედ იქცეს მათხოვრის მღვიმე,  
წყალობა ცისა დარჩეს ცაშივე.

ხე ცხოვრებისა ამაოდ ვხატე,  
ერემლი დაისხა ნაყოფის ნაცვლად;  
მემხობა შენი სიზმრების ბადე,  
არ მიწერია გაქცევა, გაცლა.

---

ვერ ამოვედი შენი ხარკიდან,  
შენი გულიდან, შენი სარკიდან,  
უნეტარესო და უმწარესო,  
ყველა მიწიერ დასაკარგიდან.

### ერთმა ვიცი...

აჭედილი რკინის კარი,  
შენ რომ სამუდამოდ დახშე.  
ერთმა ვიცი — რა მტანჯველი  
დუმილია შენს ოთახში.

ლანდი შავი, უსახური,  
ყელში რკინის ხელებს მიჭერს,  
არსად ჩანხარ და ყოველდღე  
სხვადასხვანაირად მიჭირს.

დამშრობოდა მწყურვალს წყარო,  
არ ამელო მშიერს ხემსი;  
ჯავრი მოუნელებელი  
რა ტკივილად ცოცხლობ ჩემში.

არ ამშორდა რისხვა მისი,  
ბედი თუა, იყოს ასე.

---

მოვიძულე ეს ქვეყანა —  
გადასული წართმევაზე.

მოიწყინა, იცის, ხედება —  
ამაოა ეს ჩალიჩი...  
არ გახსენებს და კედელზეც  
იუალს გარიდებს შენი ბიჭი.

---

## რეზო ამაშუკელი

### მ ა რ ტ ო ო ბ ა

იმ ღამეს თოვდა, თოვდა და თოვდა...  
და შენ გეძინა სიცივით დაღლილს,  
გარშემო ცივი სანთელი კრთოდა  
და ივსებოდა სიჩუმით სახლი.  
ვხედავდი ჩემს ლანდს საწოლთან დახრილს  
და ჩრდილი დახრილ კედელზე თრთოდა,  
შენ კი გეძინა, ყველაფრით დაღლილს,  
გარეთ კი თოვდა, თოვდა და თოვდა.  
და შენი ტანი გრძელი და თხელი  
მკვეთრი ხაზებით მოჩანდა ბნელში,  
და შენი ხელი, გამხდარი ხელი  
მკვდარი ჩიტისგან მუჭირა ხელში.  
გარეთ კი თოვდა, თოვდა და თოვდა...

\* \* \*

მთელი ზამთარი ისე გავიდა,  
არ დამცდენია არც ერთი ბწყარი,  
მხოლოდ დათოვლილ სახურავიდან  
მესმოდა, როგორ კიოდა ქარი.

მიშტერებული გაყინულ მინას  
თავს ვიტყუებდი ფერადი ზღაპრით,  
და როგორც წინათ,  
დიდი ხნის წინათ,  
დიდი იმედით ველოდი აპრილს...

მობორიალდნენ ლანდები შორი  
აწყრიალებულ ბროლით და ღვინით,  
— ქალაქში დადის ლამაზი ჭორი  
თმაშეღებილი ცეცხლისფერ ინით!

დადის ჩურჩულით და ლაპარაკით.  
ულულავს თვალებს ქუჩებს, ეზოებს...  
— და აკვირდება მთელი ქალაქი  
ვნებით არეულ მაღალ თეძოებს...

მოგონებებით აჩონჩხილ გალას  
შეახებს თითებს ეჭვი ცბიერი...  
— „თქვენ დაავიწყდით დროებით ქალაქს  
პატივმოყვარე და ნებიერი!“

---

რა ვუყოთ,  
ახლა სხვისი ჯერია,  
რომ ჯამბაზივით თოკზე გავიდეს,  
მე კი აქამდე რაც მიწერია,  
ერთად გავატან ზამთრის ამინდებს...

კედლებმა უხმოდ გაინაწილეს  
მოსალოდნელი დღეების შიში...  
ისე ილევა ეს სიყმაწვილე,  
როგორც სანთელი შედგმული ნიშში...

მაგრამ სანამდე გადამაფარებს  
სიკვდილის ზეწარს სიგრილე დილის,  
ერთს, ერთხელ მაინც შევაზანზარებ  
გაბრდღვიალებულს აპრილით თბილისს!

იყო თუ არა, რაც ასე მწამდა,  
მოვარდნილ წყალში შესვლა მხარულით?..  
მქონდა თუ არა სიმღერის გარდა  
სხვა აღტაცება ან სიხარული?

არა, არ მქონდა!  
მაგრამ პატარა  
მეც შედგა კუში ცოდვიან კაცთა,  
და მოგონებამ უხმოდ ატარა  
მიტოვებული სიზმრების განცდა.

---

სული კი თეთრი თოვლი დაღლილი  
ვძებს ყოველი წერილმანის მიზეზს  
და იღიმება გვერდზე დახრილი  
ჩამოვარდნილი ნიღაბი პირზე...



---

## იორამ ქემერტილიძე

\* \* \*

იქნება მოხდეს. ვინ იცის, იქნებ  
სუყველაფერი მოხდეს და მერე,  
ამ ქვეყანაზე მე აღარ ვიქნე  
და შემიცვიდეს პატარა ხელებს.

და... ვერ გითბობდე ხელებით თითებს,  
ეს ცოტა რამეც დამედოს ცოდვად,  
ხომ შეიძლება, — მე ვამბობ: იქნებ, —  
ხომ შეიძლება, დაგაკლდე ცოტა.

## მქსარომტი შეყვარებულთათვის

განა შენი ბრალია?  
გუნება მაქვს ისეთი, —  
ერთ კაცსაც რომ უყვარდე,  
მე ვიქნები ის ერთი.

მაგრამ ჩემი ატანა  
არ გეგონოს იოლი, —

---

მილიონს რომ უყვარდე,  
მე ვარ ის მილიონიც,

არ იფიქრო, ძვირფასო,  
ანჩხლი ვარ და მკვეხარა.  
ქვეყანას რომ უყვარდე.  
მე ვარ მთელი ქვეყანა.

თუ სხვამ კოცნა ლოყები  
ჩემი დასაკოცნავი,  
ჩათვალე, რომ გათავდა,  
ალარა ვარ ცოცხალი.

### ტყაში მავა

ჩემო გულით სანატრელო,  
ჩემო თვალით უნახავო,  
ტყე-ტყე ცხენით დავშლივინებ  
უუნავირ-ულავამო:

ერთი, სადმე შემეფეთე,  
ლანდად მაინც დამენახე, —  
ოხრად დამრჩეს სახლ-კარი და  
მიწა სახნავ-სავენახე.

---

გადამიწყდა უკვე ჩემი,  
ძლივს დავათრევ დაღლილ ფეხებს,  
ან უღრანში შემიტყუე,  
ან ღრანტეში გადამჩეხე.

ტყის სულო და დედოფალო,  
მთვარეულო, მთვარის ქალო. —  
დამენახე, რომ სიკვდილით  
და სიგიჟით გავიხარო.

დამესიზმრე... შუა ძილში  
გკოცნე, გკოცნე, ბევრი გკოცნე...  
ან მომკალი, შე ტყიერო,  
ანდა, მკვდარი გამაცოცხლე.

ვინ იცოდა ან წუხილი,  
ან ცრემლის ღვრა ვინ იცოდა...  
ვაი, შური, საყვარელო,  
ვაი, ნანა, ჩქიმი ცოდვა.

•

---

## თამარ ჯავახიშვილი

\* \* \*

მე შემოდგომის ვარდებში გხედავ,  
(მთვარისფერია ვარდი ღამეში),  
შენსკენ მოხედვას მიბრძანებს ბედი  
და შენ სახელად ხარ გილგამეში...

მაგრამ ვერ მოხვალ, მთებს არ დავეძებ,  
გადმოსალახი არის მდინარე,  
მხოლოდ სიკვდილში გველის შეხვედრა,—  
ამიტომ ჰქვია წარსულს — „წინარე“...

საწამლავია შენი ალერსი,  
კაბის კალთაზე სიკვდილი მკოცნის,  
ჩემი გრძნობაა მრავალ ათას წლის,  
შენ კი, გილგამეშ, ხარ მხოლოდ ოცის...

შენ გზას ადგიხარ დაუსრულებელს,  
სივრცის ჭურჭელში ციმციმებს ჟამი...:  
წაიღე მაგ გზით ჩემი სიცოცხლეც  
და ბეჭდის თვალში მაჩუქე უხამი...

---

## მერი ბარნაბიშვილი

\* \* \*

მე ხელს ყოველთვის მიშლიდა რაღაც,  
რომ საკადრისი თაყვანი მეცა!  
არ მივარგოდა არც ერთი კაბა,  
არა ბრწყინავდა ხანდახან ზეცა.  
ჰაერს არ ჰქონდა ზოგჯერ ის სუნი,  
აღრეულ მარტს და აპრილს რომ ახლავს.  
და ედებოდა ყველაფერს წუნი,  
რადგან შენ იყავ ყველაზე მაღლა  
და რადგან დღემდე ვერ ვნახე რამე,  
რომ იყოს შენი ტოლი და სწორი,  
მიხილე სიზმრად — მე მოვალ დამე,  
სალამს გკადრებ და გავდგები შორით.

---

## წელი გაბრიჩიძე

\* \* \*

„შენ არც კი იცი, მიყვარხარ რაზომი“ —  
ამბობ მძვინვარედ, მძულვარედ, გზნებით.  
რამდენი ქალი ამდგარა ასე  
და ჩაწოლილა საფლავში ნებით.

„ო, შენ არ იცი, შენ ვერ გაიგებ,  
ეს სულ სხვა არის, დალახვროს ღმერთმა!“  
ეს — მე არ ვიცი, მე ვერ გავიგებ,  
ეს სულ სხვა არის, დალახვროს ღმერთმა.

თვალებს გინათებს ალი გიზგიზა, —  
„მე ვიტანჯები“ — მაუწყებ ძრწოლით.  
მაგრამ რას ფიქრობ სახლში მისვლისას,  
როცა ღიმილით გაპურებს ცოლი?

გავარვარებულ მშეებით სავსე,  
ვებრძვი შენს ფიქრებს, ვბორგავ და ვქრები.  
რამდენი ქალი ამდგარა ასე  
და ჩაწოლილა საფლავში ნებით.

---

## ჯემალ ინჯია

### ცეკვის ღროს

ერთმანეთს ერვევით  
ეჭვებით.

ერთმანეთს ეხვევით  
ფეხებით.

ერთმანეთს ეღებით  
მკერდებით.

ერთმანეთს ახელებთ  
ხელებით.

ერთმანეთს ამთვრალეობთ  
თვალეებით.

ერთმანეთს ეკვრებით  
ეკლებით.

ერთმანეთს თუთქავენ  
სუნთქვანი.

მუსიკა ზუზუნებს —  
ფუტკარი.

ვერაგინ გაიგებს —  
უთხარი!

---

## თეიმურაზ აბულაძე

.

\* \* \*

არ ვყვარებივარ ისე არავის,  
როგორც მე ვგრძნობდი  
ამ ცეცხლს თავიდან...  
ეჭვის ლეკები მომიპარავენ  
და წამათრევენ ლამისყანიდან...

მაინც მოვალწევ კვლავ ფეხშიშველა  
შენთან,  
რომ გარეთ ღამე გითიო,  
თორემ შენ საღ გაქვს ჭერი იმხელა, —  
მე შემეფარო და დამიტეო.



## ბივი ალხაზიშვილი

\* \* \*

სიყვარულო —

უთვალავი წლის მზეთუნახავო,  
ამ გაზაფხულსაც

- შენი თმების სურნელი მოაქვს  
და მარტის ცაზე შენი თვალები  
კიაფობენ ვარსკვლავებივით.

ამ გაზაფხულზეც —

თექვსმეტი წლის გოგოს ჰგავხარ,  
მილიონი წლის დედაბერო.

სიყვარულო —

გათბა ხნული,

გაღვიდა თესლი,

გაქლენთილია შენი სუნთქვით

თითქოს ჰაერიც

და მინდობილი იდუმალ სხივს

უნაპირო სივრციდან დაძრულს, —

ამაოდ გეძებ,

ქრები, ოდეს გახსლოვდები.

---

სიყვარულო —  
მარტის ბაღში  
მონატრება ჰყვავის ნუშივით  
და გადახნულ მინდვრებს ანათებს,  
უნებლიე სიახლოვეს მოწყურებული  
მოვდივარ შენკენ...  
უთვალავი წლის მზეთუნახავო,  
ქრები, ოღეს გიახლოვდები.

## იზა ორჟონიკიძე

\* \* \*

კარგა ხანია,  
რაც მე შენთან არ მედგომება  
(უბედურია ქალი,  
გულით გამორჩეული),  
მე გამაბეზრეს  
სასაცილო ჩემმა ომებმა,  
რომლებიც არ ღირს  
ერთ ყვავილად ამ ბროწეულის...  
ახლა მაისის  
კობშეკრული ქუში დარია,  
საცაა ზეცა დაიგრგვინებს,  
გატყვრება მეხიც...  
წალეკოს მაინც  
რაც ტკივილი და სიმწარეა,  
იმდროინდელი,  
რაც მიწაზე შემოვდგი ფეხი...  
გარიოს მაინც  
ამდენ უხამში სულ ერთი წვეთი  
უტეცხლო თაფლის,

---

მათრობელა სურნელი ველთა,  
დაირღვეს იქნებ  
ჩემი ციხის უმზეო მკერდი  
გამოჩნდეს ვინმე —  
თუნდ სიკვდილის მოჰქუხდეს ელდა...  
გაიხა ღრუბლის  
მორღვეული,  
ელამი უბე  
და ვიდრე ავდარს  
თავს შეუშევრს მიწა ეული,  
ავწიოთ  
ჩვენი სიყვარულის  
პატარა კუბო  
და ჩავფლათ სადმე  
უხმოდ!  
როგორც ძე უღღეური..

\* \* \*

ნუ დამპირდები,  
ნუ,  
ნურაფერს ნუ დამპირდები,  
ჰგავს საჩხაკუნოს,  
აკვნებზე შებმულს,  
ვაშლის კვირტები.  
ეს გაზაფხულიც,  
გაპუწული,

---

ყვითელქოჩორა,  
დღეს ჩემი სულის ასაწეწად  
მიწამ მოჭორა.  
მიწამ მოჭორა  
თეთრი მტრედი,  
ზეცის ნაღები,  
დღემოკლე ჩრდილიც,  
ეფარვიან რომელს გლახები,  
გულისა ცემით  
და შარაგზით გაბეზრებული  
მეოცნებენი,  
მელექსენი —  
გიჟთა კრებული  
ყველა,  
ვისაც კი  
ქარიანი ცეცხლი ეკიდა.  
მე ვწყეველი,  
ვწყეველი,  
ვინც სიყვარულს  
მიმცა შეგირდად...  
გესმის გრიალი?  
გული გასკდა,  
განა კვირტები  
ნუ დამპირდები,  
ნუ,  
გაზაფხულს ნუ დამპირდები...

---

## მამუკა წიკლაური

### მე შენზე ვფიქრობ

მე შენზე ვფიქრობ —  
მიტოვებულ სახლში ინთება სინათლე,  
მიტოვებულ სახლიდან ამოდის კვამლი,  
მიტოვებულ სახლიდან ისმის სიმღერა  
და თეთრი კაბა წივის ბანებზე —  
თეთრი ყვავილი —  
მოწყვეტილი შენი ტანიდან.  
მე შენზე ვფიქრობ —  
დიდი, მწვანე ხის ჩრდილში ვდგები,  
მაგრამ ეს ფიქრი მაინც მწარეა —  
თითქოს იმ სახლში მობრუნებენ, სადაც შემრისხეს,  
სადაც დამცეს და გამანადგურეს,  
უკანასკნელი ლუკმა წამართვეს  
და ქვების სროლით გამომაქციეს,  
ისევ იმ ნაპრალს მახსენებენ, სადაც შენ ჩამრჩი...  
თითქოს მეც ერთხელ უკვდავების წყალზე გამგზავნეს

---

და რომ დავბრუნდი, ჩაქოლილი დამხვდა კარები  
წლებით — ვეება ქვის ნატეხებით...

ნეტავი ერთხელ მათქმევინა

— აღარ მიყვარხარ!

ნეტავ ეს ტყვია მასროლინა ჩემი თავისთვის.

---

## მურომან ჯგუბურია

\* \* \* ✓

მე მთელი ღამე პოემას ვწერდი,  
ჩემს მხარეს იყო მაღალი ღმერთი.

მე ვწერდი, როგორ მიყვარდი ადრე,  
მე ვწერდი, როგორ მიყვარხარ ახლა.  
და მეღვრებოდა სტრიქონში მაღლი,  
და მივდიოდი მაღლა და მაღლა.

იყო ჰაერი მჩატე და სუფთა,  
მე ვწერდი, როგორ მიყვარდი მუდამ.  
შენ მოიხედე — გესროლე გუნდა,  
მე ვწერდი, როგორ მიყვარდი მუდამ.

მე მთელი ღამე პოემას ვწერდი,  
ჩემს მხარეს იყო თითქოსდა ღმერთი,  
მიყვარდი რადგან, — ჩემს მხარეს იყო,  
და მიჰყვებოდა სტრიქონი სტრიქონს.



---

ბაგეს იპობდა ყვავილი მინდვრის,  
და იფრქვეოდა სურნელი ველად,  
გადადიოდა წყაროდან ბინდი  
და მალღლებოდა პოემა ნელა.

და მე მეგონა, რომ შურდათ ჩვენი,  
და ჩურჩულებდნენ ამჯერად ხენი,  
ახლა ფოთლები მოკგავდნენ სიტყვებს,  
ცვარი — ცრემლს ჰგავდა, მდინარე — მღევიარს,  
სოფელი — ციხეს, ხეები — ისრებს,  
და ჩვენი შურდა თითქოსდა ყველას.

მე ვწერდი დიდხანს, — გათენდა ვიდრე  
და არ გიხილე, თოლიგე, გვერდით;  
და ჩვენი შური ექნებათ ვიდრე,  
ვიქნებით ერთად, — მოწმეა ღმერთი!

---

## ლია სტურუა

\* \* \*

მე ისევ ის ვარ,  
რაც ვიყავი ათი წლის წინათ  
და ვერ გაიგებს, ალბათ, ვერავინ  
რომ მხრებზე მადგას  
უმძიმესი და უწმინდესი  
შენდამი რწმენის ეკლესიები.  
და სადღაც, ტვინში ჩაჭედილი ზარების გროვა  
აწყდება ჩემს შუბლს,  
დახშულს შეეული მავთულეებით და ფორმულებით...  
და მაშინ ჩემი მგრძნობიარე  
და ტკივილად ქცეული შუბლი  
ემსგავსება ამღერებულ ვერცხლისფერ გუმბათს,  
რადგან ბალახის ღეროსავით უძლურ ფეხებზე  
და სიფრიფანა სუსტ სხეულზე —  
ჩემზე ბატონობს  
უმძიმესი და უწმინდესი  
შენდამი რწმენის ეკლესიები...

ეს არის მხოლოდ ჩემი სახლი,  
და ერთადერთი კაცი ამქვეყნად  
დგას მაგიდასთან  
და როგორც ძველი კულტის მსახური,  
ისე არიგებს პურსა და არაყს...  
მე მჯერა შენი კეთილი პურის,  
რადგან ის არ გავს მოწყალებას,  
მის ყოველ ნამცეცს  
ასდის ნაცნობი, მაძლარი სუნი,  
მაგრამ მე ვიცი,  
ეს არის შენი სისხლის და ხორცის შეათასედი.  
მე მჯერა შენი მწარე პურის  
და ზარები არყევენ ჩემს შუბლს —  
მთმინების და მორჩილების ჩაკირულ კედლებს...  
ხოლო გენებში  
ზის გუმანი, როგორც ნადირი,  
და სველი ენით  
დაჭრილ და ნაცემ სხეულს ილოკავს...  
მე მეშინია ამ ტკივილის,  
რომელიც დიდხანს და უაზროდ იზრდება ჩემში  
და თუ ის დამძლევს,  
შევევედრები ბალახების მაგიურ უნარს  
და საოცარი თაფლის ძალას,  
რომ ერთი წუთით არ მოადუნოს  
ჩემი ტანი და არ დაშალოს,  
რადგან ის არის  
ეკლესია შენდამი რწმენის.

\* \* \*

მან დაინახა შიშველი ქალი  
პირველად თავის სიცოცხლეში,  
მშობლებს კი უთხრა,  
რომ მკერდზე ქვის დოლაბებმა გადაუარა  
და დაზაფრული იქვე დაეცა..  
დედამისი,  
როგორც იდგა ფანჯარასთან,  
პურით და მჭრელი დანით ხელში,  
სინათლემ შეისრუტა  
სულ ბოლომდე,  
ხელ-ფეხის მოგრძო მტევენებამდე...  
მხოლოდ გვიან, ღამის ზედაპირზე  
პურის ნაჭერი წამოტივტივდა  
და თქვა მაშინ მარტოკაცმა:  
— რა იოლი სათქმელია ჭეშმარიტება!  
თვალის კაკლებში ქვებს რომ გვესროდნენ,  
როგორც ჭაში,  
ჩვენს თავზე წყალი რომ შეინივთოს,  
მკერდს მაინც იპოვის დოლაბის სიმძიმე  
და სინათლე, ხარბი, უწყვეტი,  
ჩვენი ფერხორცის შემსრუტავი.  
ფრჩხილების ბოლო წერტილამდე

---

მერე კი ღამის ზედაპირზე  
შეიძლება პურის ნაჭერი წამოტივტივდეს,  
ან ვარსკვლავი,  
ან თმა,  
რომელსაც მზის სინათლეზე  
თხემი მუდამ ოქროსფერი აქვს...

---

ბესიკ ხარანაული

## თებერვალი. ივრის ჭალები

ჩემს სახეს,  
ყვითელ ფოთოლზე დახატულს,  
შენი ალერსი უნდა, მარინე.  
მიბრძანე რამე,  
ვეებერთელა  
ლოდები მთაზე ამატანინე.  
მარინე...  
ნეტავი ახლა ჩემი ივრის ფსკერზე მეძინოს  
და ვარსკვლავები დამყურებდნენ მალლა ზეციდან,  
რა ბედნიერი ვიქნებოდი...  
ზემთ მთვარე,  
მე — მდინარეში  
და სოფლის ბოლოს თებერვალი,  
შემძვრალი ხეში...  
იწკრიალებდნენ ვარსკვლავები,  
მარინე,  
შენ ჩემი დაყინებული ფიქრი მოგიყვანს  
ჩემთან ამ ღამეში...

---

მარინე,  
დავყურებ ქალაქს,  
ჩემი თვალები  
სახურავს ხდიან სახლებს და ვხედავ:  
— მხოლოდ მას სძინავს მშვიდად, ვინც იცის,  
რომ დღისით უნდა მოიპოვოს ღამის სიმშვიდე,

დავყურებ ქალაქს,  
როგორც სახინკლე  
ქვაბს,  
და უსახურავოდ მდგარი სახლების  
დრტვინვას შემკრთალი ლეკვივით ვუმზერ,  
მიშველე რამე,  
წაქცეული ვარ  
და მთვარის შუქი მიაბიჯებს გულზე...

ანათებს მთვარე საქართველოს ლურჯ მდინარეებს,

ივრის ჭალებში დადის ცხენი  
კოჭლი, გამხდარი,  
და ამ მილიონ... ამ მილიარდ... ამ სამყაროში  
ვერავინ ხედავს მას მგლის მეტი...  
იწვის ბუხარი  
და ვიტანჯებით ერთმანეთის მარტოღენ ჭკრეტით.  
მარინე,  
მინდა ჩავყვინთო შენს ვარდისფერში,

---

შენს სიცხეში და სიმხურვალეში,  
მივირთვა ყვითელ ფოთლების პეშვით  
შენი ცრემლების ტკბილი სიმლაშე...  
მარინე...  
შეამკე ჩემი თმები, მარინე...  
დათოვონ შენმა ხელებმა ჩემი  
თმები, მარინე...  
მკვდარი და უკანასკნელი ლექსით  
ყორნებს ვეპატიუები ჩემს ლეშზე,  
მარინე...

ივრის ტალღები განა წყალი არის, მარინე,  
იგი ნემსების ნაკადია,  
მწველი, მსუსხავი,  
და ვაი იმას, განწირულად ჩათვალოს თავი,  
ვინც მას გატოპავს და წაუა ტყისკენ.  
ივრის ჭალებში დადის ცხენი,  
კოჭლი, გამხდარი,  
და ამ მილიონ... ამ მილიარდ... ამ ყინულეთში  
უცებ გაისმის... ხმა კი არა,  
არამედ ზარი:  
მე აქ ვარ, ძმაო!..“  
რა მხნე ხმა არის, ერთი უსმინე,  
რა ტკბილი არის:  
„მე აქ ვარ, ძმაო“,  
ტყიდან გამორბის სოფლის გლახაკი



---

და ყვაველები მოაქვს... მარინე!...  
რისთვისღა ვსინჯავთ ამ ჯადოსნურ,  
ღვთაებრივ სიზმრებს,  
თუ თვალს გავახელთ  
და ქვეყანა ისევ ის არის!  
ან რად გაძალებ მე — ზანზალაკს,  
რომ იყო ზარი...

მარინე, ჩამოახიე შენი სამყოფი  
მანდილი ღამეს  
და როცა მოვკვდე,  
ქარში გაფრენილ ყვითელ ფოთოლს  
თვალი გააყოლე,  
როგორც ჩემს ნიღაბს.

---

## დილარ ივარღვა

### ბედნიერება

ხშირად:

კალათი რომ აივსოს  
კიდევ ერთი ვაშლია საჭირო, —

ხშირად:

ხეხილმა რომ იშრიალოს,  
კიდევ ერთი  
ვაშლის ხეა საჭირო, —  
მაგრამ რა ცოტა ჭირდება  
თურმე ბედნიერებას?

საჭიროა

ერთადერთი

ადამიანი,

რომელიც ვაშლივით

შუა გაგიყოფს:

სინარულს,

სევდას,

გულს,

ერთი სიტყვით, —

სიციცხლეს თვისას.

---

ბიძინა მინლაძე

### ულამაზესი გოგო ქალაქის

არც იშვიათად,  
არც ისე ხშირად,  
არც ისე ადრე,  
არც ისე გვიან,  
ულამაზესი გოგო ქალაქის  
გამოჩნდებოდა მთავარ ქუჩაზე.

მაგნიტოფონის ლენტვიით უცებ  
წყდებოდა ფიქრი და ლაპარაკი.  
მოედებოდა ჩურჩული ქუჩებს:  
— ულამაზესი გოგო ქალაქის...

არც იშვიათად ასეც ხდებოდა:  
გოგო ვიღაცას ესალმებოდა.

— ეს გაუმარჯოს ლოდინს და იმედს  
და გულუბრყვილო ბუნებას კაცთა!  
მან გაიარა და გამიღიმა  
და დარდი ჩემი თოვლივით გაღნა.

---

ეს იყო წინათ:  
არც ისე ხშირად,  
არც ისე ადრე,  
არც ისე გვიან,  
ულამაზესი გოგო ქალაქის  
გამოჩნდებოდა მთავარ ქუჩაზე,

და როგორ მოხდა, არ ვიცი, ბოლოს,  
რომ განეგებულ ბიჭების თვალწინ  
გაუჩინარდა საღამოს ბინდში  
ულამაზესი გოგო ქალაქის.

ლაპარაკი და ჩურჩული მიწყდა,  
ასე დასრულდა ერთი არაკიც...  
— ბედნიერია, ვინც დაივიწყა  
ულამაზესი გოგო ქალაქის.

---

## ბელა შალვაშვილი

### ჩუმი ძახილი

შე გეძახოდით... ცხრა მთას გადაღმა  
ვინ მოგაწვდინათ ეს ხმა, ნეტავი...  
კი მოგინმობდით, მაგრამ ხმადაბლა,  
ხმამალლა როგორ გაგიბედავდით!  
იქნებ სულელები მართლაც დაჰქრიან  
იდუმალი და სწრაფი მარხილით...  
და თვით უწყიან, უფრო აღრიან —  
ვის მიაწვდინონ ვისი ძახილი,  
თორემ სხვა აბა, რას დავაბრალო,  
ჩემი ხმა როგორ მოგწვდათ ნეტავი...  
გეძახდით, მაგრამ ჩემთვის, ხმადაბლა,  
ხმამალლა ვერცკი გაგიბედავდით.

---

ბრიგოლ ჯულუსიძე

## შ ა ს ა ნ ა უ რ ი

როგორ მიდის ეს საწუთრო  
სევდიანი ფერებით.  
სხვა მიყვარდა,  
სხვას ვუყვარდი  
და სულ სხვას ვეფერები.

გული დამყვა სევდით სავსე,  
ბედის მზე — უცნაური:  
ხან შავი ზღვა მართმევს შენს თავს,  
ხან კი ფასანაური.

ყელზე მიჭერს ამა სოფლის  
დამქანცავი ხმაური...  
დავივიწყე ყველა სიტყვა,  
მახსოვს — ფასანაური.

მთვარე შენს თმებს მათოვს შუბლზე,  
მთვარეს თუ აკვირდები?

---

მოსვალ? სულში ჩაგისახლებ,  
სხვას მე რას დაგპირდები.

როგორ მიდის ეს საწუთრო  
სევდიანი ფერებით...  
სხვა მიყვარდა,  
სხვას ვუყვარდი  
და სულ სხვას ვეფერები.

---

## თედო ბეჰიშვილი

\* \* \*

ნუ გამიწყრები,  
დღეებს გადავლილს  
თუ გაგახსენებ გულმოწურვილი, —  
დრომ, ისე, როგორც ქორმა ნადავლი —  
წაიღო ჩვენი ყველა სურვილი.

წაიღო ნდომა ცხელი გულების,  
წყალგალმა ძიძგნის დაუნანებლივ...  
რა მოწყენილი მიჩურჩულებენ  
გაშიშვლებული ჩვენი ჭალები.

რა ნაღვლიანი ხმებით იესება  
მთები დაისით გადაბინდული...  
იმ დღეთა შეგვრჩა მხოლოდ სამოსი —  
ჯვარზე გაკრული ფრთების ფიტული.

ნუ გამიწყრები,  
გამქრალი აღის  
ოდნავლა ბეუტავს მცირე ნათელი...  
ნელა ეჩვევა სიბნელეს თვალი —  
უშენოდ ყოფნას —  
დღე დღევანდელი.



---

## ელდარ კერძევაძე

\* \* \*

ნუთუ ეს არის, რასაც ვეძებდით,  
ნუთუ, ესაა სუყველაფერი?  
როგორ ბრჭყვიალებს შენი ბეჭედი  
ჩამავალი მზის სხივით ნაფერი.  
ქარებს მივდევთ, თუ ქარი მიგვდენის,  
ისევ ფრიალებს შენი მანდილი,  
რა ცოტა დაგვრჩა დღე გუშინდელი,  
როგორ იზრდება დღე დღევანდელი.  
რა ვქნათ,  
რა ვუყოთ,  
როგორ მოვრიგდეთ?..  
კლებულობს სივრცე — ტყავი შაგრენის...  
დამიდასტურე, ჩემო თოლიგე,  
რომ მეც საკუთარ გზებს მივაგენი..  
დამიდასტურე ძველი ზღაპარი,  
აღსავესე დელვით და ჟრუანტელით,  
იმედის კალთა გადამაფარე  
და დამიბრუნე დილის ნათელი,

---

რომ ვთქვა — ვიბოვე, რასაც ვეძებდი,  
რომ არ არსებობს სხვა არაფერი —  
რომ კვლავ ბრჭყვიალებს შენი ბეჭედი,  
დილის ცინცხალი სხივით ნაფერი.

---

## გურამ პეტრიაშვილი

\* \* \*

მართლა თუ სჯერათ ამ ასტრონომებს,  
რომ თავიანთ ტელესკოპებში  
ვარსკვლავს ხედავენ?  
ჭრიჭინებით სავსე ბულულზე  
თუ არა წევხარ ზაფხულის ღამით  
და არ იგონებ  
შენს სახეზე  
ქალის თმების პირველ შეხებას, —  
განა ვარსკვლავს ვარსკვლავი ჰქვია?

\* \* \*

დარდის და ჭმუნვის  
იქნებ ბევრიც გვაქვს  
მიზეზი,  
მაგრამ  
ერთი რამ მაინც  
არის უცვლელი

---

და ის ერთიც საკმარისია;  
რომ ქვეყნის არსი  
ნათელი დარჩეს:  
კვლავაც წყვილ-წყვილად  
დაფრინავენ  
პეპლები ქარში.

## ნაილი ნაკერიშვილი

\* \* \*

ჩილი ბავშვია სიყვარული, რომელიც  
მუდამ მოითხოვს რწევას,  
მიზეზიანობს, უსაზღვროა ძალაუფლებით,  
ნანაობს, გულის წვიმების ქვეშ ფათერაკს  
ეძებს  
და უმსუბუქესს ეძლევა სიზმარს,  
ჩილი ბავშვია სიყვარული, თავგანწირულ .  
დედათა ტვირთი.

---

## ნომადი ბართანია

### სალამო გურიანში

ჩუმად ჩამოწვა ბინდი,  
აქ-იქ დადის ლანდი.  
აქ დღე არ გავა, გოგომ  
არ შეიყვაროს ვაჟი.  
აუთოებენ კაბებს,  
გულმოდგინებით როგორ!  
აქ დღე არ გავა, ვაჟმა  
არ შეიყვაროს გოგო.

---

## რენე კალანდია

### თივისა და გოგოს ბალადა

(ლატვიური მოტივებიდან)

ყველაფერში დამნაშავე იყო თივა...  
(თითქოს ყველა ისტორიულ ამბავს),  
ყველაფერში დამნაშავე იყო თივა,  
ზაფხული და ჩემი მოკლე კაბა.

ყველაფერში დამნაშავე იყო თივა,  
ვარსკვლავები უპირველეს დამის...  
ყველაფერში დამნაშავე იყო თივა,  
უცნაურად მოცახცახე წამი...

ყველაფერში დამნაშავე იყო თივა...  
თივის სუნი და ნაცნობი სუნთქვა...  
ყველაფერში დამნაშავე იყო თივა...  
წავიდა და არაფერი უთქვამს...

---

ვანო ჩხიკვაძე

## პ ი რ ვ ე ლ თ ო ვ ლ ო ბ ა

აღარ —  
იგი ტრფიალება,  
აღარ —  
იგი მოკრძალება,  
მთვარისხელა ფიალებით  
ვხედები ზამთრის მობრძანებას.

დეკემბერი, დეკემბერი,  
დაბნეული ნათლის ხილვით  
დგას ვითარცა მკაცრი ბერი  
სასანთლეზე თავდაბრილი.

შენ კი სად ხარ — გულს დავეძებ,  
როგორც კარზე ზარის ღილაკს.  
მიაბიჯებ ზამთრის გზებზე  
და ზაფხულის ცოდვა მიგაქვს.



\* \* \*

შეაფრინდება პატარა სადგურს  
კვილი, როგორც ჩიტების გუნდი.  
დავტოვებ დარბაზს, სადაც სამხედრო  
კედლის ღუმელთან გაიშრობს მუნდირს...

ჩამოგორდება სემაფორიდან  
სინათლე ლალი და ხელუხლები.  
შენ მიდიოდი  
(მახსოვს) და წვიმა  
სველ ფილაქანზე იდგა მუხლებით.

და შემოდგომის ხეების რიგი  
ჩადგა ჩვენ შორის, ვით ბარიკადი.  
წვიმით თუ ცრემლით სველი ნიკაპით  
ვბრუნდებოდი და ისევ მიყვარდი...

ბნელია კუბე. პატარა სადგურს  
ნახევარმთვარის ურდული ადევს.  
და სულერთია, სად წაველ ახლა,  
ვივლი და... ალბათ ჩამოვალ საღმე.

## როგორ უყვარდათ საქართველოში

ყველა ერმა რომ თავისებური სიყვარული იყოს, ეს აზრი პირველად ფილიპინებზე ყოფნისას ამედევნა.

ვარსკვლავთცვენა ყველგან ვარსკვლავთცვენაა, მაგრამ ერთი იქაური ახალგაზრდა პოეტის ლექსში არის ასეთი სახე:

ზეცის მუქ ლოყას ცეცხლოვან ღვარად,  
ჩამოაწყდა სატრფოს ცრემლები...

ამ სიტყვებში იყო რაღაც გაცილებით მეტი შორეული კუნძულების მკვიდრთა ხასიათზე, ვიდრე ეს ნებისმიერ ეთნოგრაფიულ ცნობარში შეიძლებოდა ამოშეკითხა.

თითქოს ჩემგან გაგონილი ყველა ფილიპინური მელოდის ან აქვე ხილული ყველა უცნობი ყვავილის მხურვალე სუნთქვა შეგროვდა ამ ორ სტრიქონში...

გამახსენდა გალაკტიონის „ავვისტოდან“:

თითქოს ქალწულმა პირველად სცოდა  
და სინანულის დაგუბდა ღვარი...

მაგრამ ეს მხოლოდ უნებლიე, შორეული მსგავსებით გამოწვეული ასოციაცია იყო...

ადამიანურ სიყვარულში ესთეტიკურად მნიშვნელოვანია ის, რაც მეტ-ნაკლებად სცილდება ჩვეულებრივის ფარგლებს, ანუ — იშვიათი, უნიკალური, უაღრესი.

მონტენს რომაული სიყვარულის უმწვერვალეს გამოვლინებად კონსულ პეტის მეუღლის, არიას სიტყვები მიაჩნდა: „Pate, non dolet“.

გადმოცემის თანახმად, ამ კაცს უძნელდებოდა თავის მოკვლა (რაც მას იმპერატორმა მიუსაჯა) და, აი, საყვარელი მამაკაცისთვის ნაბიჯის გასაადვი-

ლებლად ქალმა მას ქარქაშიდან ამოგლიჯა მახვილი, მის თვალწინვე დაიკა-  
მკერდში და ვიდრე სულს განუტეებდა, ასეთი სიტყვებით მიმართა თავის  
მეუღლეს:

„პეტ, ეს სრულებით არ არის მტკივნეული“.

დიდი სიყვარული შინაგან კულტურას მოითხოვს (არა უბრალო განათ-  
ლებას, გემოვნებას ან გარეგნულ დახვეწილობას, არამედ შინაგან სიჟაქიზეს),  
კერპოდ, რიტმის გრძნობასაც.

თომას მანის „დოქტორ ფაუსტუსში“ ვინმე კრენმარი — ბებერი თხუნე-  
ლა — მუსიკას ასწავლის ახალგაზრდა ლევერკიუნს და მის მეგობრებს — მუ-  
სიკალური შედეგების საიდუმლოებას აზიარებს მათ.

ბეთჰოვენის ერთ სონატას ბოლო ნაწილი აკლია, რაც ამ ქანრის დაკანო-  
ნებულ კომპოზიციას არღვევს.

კრენმარი მოულოდნელი შთაგონებით ასრულებს ამ სონატას და შერე  
აუდიტორიას მიმართავს:

— განა ამის შემდეგ შეიძლებოდა კიდევ რაიმეს დამატება? განა ასეთი  
განშორების, ასეთი დამშვიდობების შემდეგ კიდევ შესაძლებელი იყო შეხ-  
ვედრა?

ასეთია კლასიკური ფორმა სიყვარულისა. აქედან მომდინარეობს პუშკინის:

Но пусть она Вас больше не тревожит.  
Я не хочу печалить Вас ничем.

აკაკისაც:

გიყვარდი, აღარ გიყვარვარ,  
მეფე ხარ შენი გულისა.

ამას უპირისპირდება სიყვარულის რომანტიკული გაგება, როგორც უზო-  
მობის, წრეგადასული ექსტაზის, მარადიული დაუოკებლობის...

რომანტიკული სიყვარულის ქრესტომათიული ნიმუშია გოეთეს „ახალ-  
გაზრდა ვერტერის ვნებანი“.

ასეთი გატაცება ჩვენში ნიკოლოზ ბარათაშვილმა იცოდა:

სიყვარულის ქალღმერთს უყვარს მსხვერპლი, მოთმენა, მაგრამ უფრო მეტად — უკიდურესობები და უადრესობანი. ის ყველას ერთნაირად წყალობს, ვისაც კი მის სამსხვერპლოზე წრფელი ზვარაკი მოუტანია.

ქალწული ბეატრიჩე და მეძავი მანონ ლესკო მის საუფლოში გვერდ-გვერდ სხედან.

ჩვენმა საუკუნემ ერთგვარი სკეპსისი გამოაეღინა ამ გრძნობის მიმართ.

ბლოკი ამბობდა, რომ „დიდი ხანია წაყიდნენ პაოლოსა და ფრანჩესკა და რამინის დროები“, მაგრამ თვითონ შთამომავლობის მეხსიერებაში ახალი სიყვარულის მოციქულად დარჩა („შშენიერ ქალის“ ერთგულ პალადინად) და არა მის შესაფლავედ.

სიყვარულის ახალ სათავეებს გასული საუკუნე მსოფლიოს ეკზოტიკურ წერტილებში ეძებდა: ბაირონი — იორდანეს ნაპირებზე, მერიმე — ესპანეთში, პუშკინი — ბესარაბიელ ბოშათა შორის, სტენდალი — იტალიის ლაჟვარდოვან ცის ქვეშ, გოგენი — ტაიტიზე, ზოლო ლერმონტოვის დემონმა კავკასიას მიაშურა.

სიყვარულს აქვს საერთაშორისო კოდი და საყოველთაო, მუდმივი სიმბოლო, რომელსაც ყველა ცნობს, სულ ერთია, ბანოვანის ძვირფას სამაჯურზე იქნება ის ამოტივტივებული, თუ რეციდივისტის ტატუირებულ მაჯაზე.

და მაინც ყველგან და ყოველთვის მისი ნამდვილი ფასი უჩვეულობაშია, განცდის იმ უეცარ სიახლეში, რამაც ქართულ ენაზე ასეთი სიტყვები წარმოშვა:

ნუთუ, ამ სულის წადილსაც  
რქვა სიყვარული სხვათაებრ?

ართუ მთელი ერის, ერთი ადამიანის სიყვარულიც იცვლება ასაკის, სულიერი მდგომარეობის, ასევე, ცხადია, სიყვარულის საგნის ცვალებადობის მიხედვით.

მაგრამ, როგორც ყოველ პიროვნებას, ასევე ყოველ ერსაც, აქვს სიყვარულის რაღაც არსებითი, თავის გულის გულში, საყრდენთა საყრდენში უცვლელი თავისებურებაც.

ყველაზე ძნელი და, აბსოლუტური თვალსაზრისით, შეუძლებელი სწორედ ამ სიღრმისეული თვისების ამოცნობაა.

რომელი სახე შეიძლება გამოდგეს ჩვენებური სიყვარულის უზუსტეს ემბლემად?

მე თვითონ ამ კითხვაზე გარკვეული პასუხი არა მაქვს. რაც უფრო ახლობელია საგანი, მით უფრო ძნელია მისი მთლიანად აღქმა.

უბრალოდ, ვიგონებ:

ჩემს ბავშვობაში, ერთი უფროსი თაობის პოეტი მეგობრებთან სერობის დროს უსათუოდ წამოიწყებდა:

შენ ჩემო დიდო იმედო,  
კოშკო ნაგებო კირითა...

პიმნივით კითხულობდა. მხოლოდ გვიან გავიგე, რომ ეს იყო სატრფიალო ლექსი და ამ „კოშკშიცა“ და „კირშიც“ საყვარელი ქალის გარეგნობა იგულისხმებოდა.

რალაც იდუმალებაა ამ ლექსში, რომელსაც ბოლომდე ალბათ ვერასდროს ამოვხსნი. განსაკუთრებით ორი სიტყვა მაღელვებს: რატომ მაინცდამაინც „დიდო იმედო“? არა მგონია — მარტოოდენ თანხმიერებისთვის. აქ რალაც სხვა აზრია, უფრო ტევადი, უფრო მნიშვნელოვანი. რატომ ჟღერს ასე გარკვევით აქ მარადიულობის, წარუვალობის განცდა (თუ „კოშკი“ მხოლოდ სხეულია, მხოლოდ გარეგანი ხატი სატრფოსი — „ხორცი“ ანუ მატერია?!).

ან ეს „კირი“ — ნუთუ, მხოლოდ სითეთრეს ნიშნავს?

თუმცა სხვა ხალხურ ლექსში ხომ პირდაპირ არის ნათქვამი:

ქალაუ, ისე თეთრი ხარ,  
როგორც საყდარში კირიო.  
ღამის-ღამ მამაგონდები  
წამოვკდეები და ვტირიო.

და მაინც: მხოლოდ კირია ეს, თუ ქვით-კირიც — სიმტკიცისა და შეუვალობის სიმბოლო?

და კიდევ ერთი: ეს საზეიმო პიმნის ინტონაციით სათქმელი ლექსი, რო-

მელშიც ყველაფერი ამაღლებულია, პათეტიურია, „უკვდავების წყაროს“ ზღაპრული სიწმინდით ლივლივებს, მოულოდნელად მთავრდება თითქმის შეუნღებავი, მიწიერი, სურვილის გამხელით:

შენთანაც ყოფნით გამაძლო,  
შენთანაც წოლა-ძილითა.

რამ შეათანხმა ეს ორი ნაკადი — ერთის მხრივ, სიყვარულით აზვავებული სულის დიდი ხმოვანება, მეორეს მხრივ „ხორციელების“, თბილი სარეცლის მაცდური სურნელი?

ან ამ ლექსის დასაწყისისა და დასასრულის ბერწერა შევადაროთ ერთმანეთს: ერთის მხრივ, „დიდო იმედო“, — მეფე ზარის ზვიადი გუგუნი, რასაც შემდეგ გარკვევით ერთვის მთელი სამრეკლოს რეკვა და კაშკაში — („კოშკო ნაგებო კირითა“), ხოლო მეორეს მხრივ: ვნებით ატანილი მამრის ყეფა თუ ლულუნი („ყოფნით“, „გამაძლო“) და აქვე: „წოლა — ძილითა“, სადაც სისინა „წ“-სა და „ძ“-ს მყივანი სიმძაფრე რბილად ჩამთბარა „ლ“-ს დამაოკებელ სილბოში.

რა აზრი დევს ამ ორი მკვეთრად განსხვავებული ჟღერადობის კონტრასტულ მთლიანობაში? — სად არის სამიუბელი საყრდენი ანუ სათავე სულისა და მატერიის, „ცისა და მიწის“ ესოდენ მკვიდრი სინთეზისა, ანუ იმ უჩვეულო ფენომენის პირველ მიზეზი, რასაც ვაჟა-ფშაველა „უკიდურესი იდეალიზმისა“ და „უკიდურესი რეალიზმის“ ერთიანობას უწოდებდა.

\* \* \*

„ქართული სიყვარულის“ უძველესი აღნაბუჭდები ანტიკურმა ძეგლებმა შემოგვინახეს; ბერძნულმა წყაროებმა — მედეას მითოსის, ხოლო რომაულმა — რადამისტისა და ზენობიას თავგადასავალის სახით.

ორივე ამ ტრაგიკული სიუჟეტის ხერხემალი სიყვარულის გრძნობაა, ხოლო ტრაგიზმის მთავარი მიზეზი — დამსხვრეული ბედნიერება ანუ დაკარგული სიყვარული.

ორივე ამბავი თავისებური იშვიათობაა და ალბათ პირველ რიგში ამის გამოც იწვევს ბერძენი და რომაელი ავტორების განსაკუთრებულ ინტერესს, —

როგორც უარესი, უჩვეულო რამ, ერთგვარი გამონაკლისი საყოველთაო წესიდან.

ორივე შემთხვევაში გადამწყვეტი აქტი უკიდურესი აფექტაციის ფონზე ხორციელდება, მაგრამ თვით აფექტი გააზრებულია, როგორც პერსონაჟის ხასიათის ბუნებრივი გამოვლინება, მისი ზნეობისა და ემოციური წყობის კანონზომიერი შედეგი.

გერონტი ქიქოძე წერილში „ძველი იბერიელების ფსიქოლოგიიდან“, იკონებს რა ტაციტუსის მოთხრობას რადამისტისა და ზენობიას შესახებ, ასეთ მოსაზრებას გამოთქვამს:

„ეს პირქუში სული, ეს სტიქიონური ვნებათა ღელვა ძლიერ დამახასიათებელია ძველი იბერიელებისათვის“.

ტაციტუსის მონათხრობიდან ყველაფერი მართლა ასე ჩანს. მაგრამ ჯერ ერთი, ვინ იცის, რამდენი სახეცვლილება განიცადა ნამდვილმა ამბავმა, ვიდრე ის რომელი ავტორის თხრობის საგნად იქცეოდა და, მეორეც, ყველაფერი ზუსტად ასეც რომ მომხდარიყო, ეს ხომ მაინც ინდივიდუალური ხასიათის გამოვლინება უფროა, ვიდრე მთელი ტომის (მომავალი ეროვნების) თვისებისა.

ამ გაგებით, „პირქუში სული“ უცხო არ უნდა ყოფილიყო ძველი კოლხებისთვისაც. ბერძნული გადმოცემა მედეას შურისძიების შესახებ, როგორც ჩანს, სწორედ ასეთ წარმოდგენას ეყრდნობა.

ოღონდ ყოველივე ეს, ჩემი აზრით, მხოლოდ შენაკადია ქართული ხასიათისა და არა მისი მუდმივი ატრიბუტი.

რადამისტისა და მედეას სიუჟეტებში ქ რ ი ს ტ ი ა ნ ო ბ ა მ დ ე ლ ი ქართველობის ზნეობრივი სინამდვილის ნამსხვრევებია შემონახული.

როგორც ზემოთ შევნიშნეთ, ეს სინამდვილე უთუოდ მოდიფიცირებულია (არაქართული წყაროებისა, ან მტრულად განწყობილი ინტერპრეტატორების მიერ), მაგრამ მათში რეალური მარცვლებიც უნდა იყოს შემორჩენილი.

გამორიცხული არ არის, რომ ორივე ეს ამბავი საქართველოშივეა შეთხზული (ან მომხდარი) და აქედან იქნა ნასესხები სხვათა მიერ.

აკაკი წერეთელს, კერძოდ, ეჭვი არ ეპარებოდა მედეას სიუჟეტის ქართულ წარმომავლობაში.

თუ ეს ასეა, უნდა ვიფიქროთ, რომ ქართულმა პირველწყარომ თავისი ზნეობრივი წარმოდგენებიც გამოხატა ამ სიუჟეტებისა და სახეების მეშვეობით. კერძოდ, მედეას შურისძიება, როგორც ჩანს, გააზრებული იყო, როგორც ანომალია — წრეგადასული, არაადამიანური მოქმედება.

მედეას საქციელი სიძულვილის, უფრო ზუსტად, სიძულვილად გარდაქმნილი სიყვარულის შემზარავ გამოვლინებად წარმოისახება. ეს არის უკიდურესი ფორმა სწორედ იმ „მტრობისა“, რომელიც ქართველი ხალხის თვალში — „მშენებელი“ სიყვარულის საპირისპიროდ — „ნგრევის“ (ანუ სიცოცხლის მოსპობის, ანტიციკოცხლის) პირველმიზეზია.

ძველი იბერიელების ფსიქოლოგიის ჩვენს მიერ შემოგანხილულ დახასიათებიდან განსაკუთრებულ ყურადღებას იპყრობს ერთი ასპექტი: „თუ რა დაუნდობელნი იყვნენ ისინი (ქართველთა წინაპრები — გ. ა.), როდესაც საკითხი მათ პირად ბედნიერებას ეხებოდა“.

ზოგადი თვალსაზრისით ეს სწორედ წარმართული (ანუ ქრისტიანობამდე დელი „ანტიქრისტიანული“) ფორმაა ბედნიერების ძიებისა.

ამასთან დაკავშირებით უნდა ითქვას, რომ წარმართული საწყისი არც ამ გაგებით წყვეტს სავსებით თავის არსებობას ქართულ სინამდვილეში.

ქართული ხასიათი, ჩვენი კლასიკის (პირველ რიგში რუსთაველის) მიხედვით, ბედნიერების მაძიებელი ხასიათია, ხოლო სიყვარული ამ ხასიათისთვის ბედნიერებით აღვსების უმწვერვალეს ფორმად წარმოდგება.

როგორც ცნობილია, ქრისტიანობამ ბედნიერებისა და სიყვარულის საკუთარი მოდელი შექმნა.

საკუთრივ ქრისტიანული (საეკლესიო) მწერლობა საქართველოშიც ძირითადად ამ მოდელს ამკვიდრებს. ხორციელი გრძნობა აქ, რა თქმა უნდა, გამორიცხულია (ან მაქსიმალურად შეზღუდული). მაგრამ ვისაც ჩვენი ჰიმნოგრაფების თხზულებები დაკვირვებით წაუკითხავს, უთუოდ შეამჩნევდა იმ ფარულ ვნებას, იმ საოცარ მხურვალებას განცდისას, რაც თან ახლავს მათ მიერ უზენაესის მისამართით აღვლენილ ღვთაებრივ სიყვარულს.

ცხადია, ჩვენი სასულიერო პოეზია ამ მხრივ სრულ უნიკუმს არ წარმოადგენს მსოფლიო ლიტერატურაში. უბრალოდ, მისი ნიმუშების დიდი ნაწილი ქრისტიანობის მიერ შექმნილ იმ პოეტურ ქმნილებათა რიგს განეკუთ-



ვნება, რომელთა ემოციურ ტონალობას სწორედ ამგვარი მგზნებარება ახასიათებს.

არც იმის დავიწყება გვმართებს, თუ როგორი გატაცებით თარგმნიდნენ ძველ საქართველოში ძველი აღთქმის იმ ნაწილს, რომელიც დღემდე ხორციელი სიყვარულის აპოთეოზად უღერს. მხედველობაში მაქვს ქართული „დაბადების“ ნამდვილი მარგალიტი — „ქება-ქებათა“.

დიდად საგულისხმოა აგრეთვე, რომ ჩვენი სასულიერო პროზა არა თუ გვერდს არ უვლის ამქვეყნიური, მიწიერი ურთიერთტოლგვის თემას, არამედ გარკვეულ ინტერესსაც იჩენს სექსუალური სიყვარულის უმძაფრეს გამოვლინებათა მიმართ.

თუ შუშანიკისა და ვარსკენის კონფლიქტის ეროტიული გააზრება დღეისთვის მხოლოდ სადავო ჰიპოთეზად რჩება, სრულიად აშკარა უნდა იყოს მხატვრულ-ემოციური ზემოქმედება „გრიგოლ ხანძთელის ცხოვრების“ იმ პასაჟისა, რომელშიც აშოტ-კურაპალატის სასიყვარულო გატაცების ამბავია გადმოცემული:

„ნეტარ მას კაცს, რომელ ცოცხალ აღარ არს!“ — წართმეული სიყვარულით სასოწარკვეთილი მამაკაცის ეს ლაპიდარული აღსაზრება მხოლოდ ხორცის მწუხარებას არ გამოხატავს, ამ სიტყვებში ჭრილობამიყენებული სულის ტკივილიცაა ნაგულისხმევი.

ღვთაებრივი სიყვარულის ქართული ვარიანტის დამახასიათებელი ნიმუშია დიმიტრი მეფის „შენ ხარ ვენახი“, რომელიც ჩვენამდე მოღწეულ ქრისტიანულ საგალობელს უდევს საფუძვლად:

შენ ხარ ვენახი, ახლად აღყვავებული,  
მორჩი კეთილი, ედემში დანერგული.  
აღვა სულნელი, სამოთხით გამოსრული...

რელიგიური განცდის საგანი აქ წარმოსახულია როგორც მარადი გაზაფხულის, მიწისმიერი ნაყოფიერების, აღორძინებული სიცოცხლის განსახიერება.

საერთოდ „რელიგიური ეროტიკა“ საკმაოდ განვითარებული მოტივია ქართულ სასულიერო პოეზიაში.

ისიც უნდა ვთქვათ: რა წარმოშობისაც უნდა იყოს ვენახისა და ვაზის (ვაზის ჯვრის) ქრისტიანული სიმბოლიკა, დიდად დამახასიათებელია, რომ მას სწორედ ქართულ ნიადაგზე ეწერა ესოდენ სრულად შეფოთვლა.

იმის თაობაზე, თუ როგორი აზრის იყვნენ ჩვენი ღვთისმოსავი წინაპრები ხორციელი სიყვარულის (როგორც „ცოდვა—ქმნის“ ერთ-ერთი უძმაფრესი სახეობის) შესახებ; ნათლად შეტყუვლებს ქობაირის მონასტრის (XIII ს.) საფლავის ქვის ახლახან ამოკითხული წარწერაც:

წამოვედით სოფლისაგან ცოდვაქმნილნი და გამკრთალნი;  
გულსა ცეცხლი მომედების, ამომდიან პირით აღნი.  
დიდთა მათთა შვებათაგან დამრჩეს ჩოხის ნაფერთალნი,  
კურთხეულ ხარ, ქრისტე ღმერთო, შენ და შენი სამართალნი.

მხატვრულ სახეს აქვს ზემოქმედების დამოუკიდებელი ძალა, რომელიც ზოგჯერ ჩანაფიქრს ჭარბობს. აქ სწორედ ასეთი შემთხვევაა:

ეს „დიდთა შვებათ“ ნაზიარევი, სამუდამოდ ცეცხლმოკიდებული გული, რომელიც საფლავშიც განაგრძობს ბრიალს („ამომდიან პირით აღნი“!), გაცილებით მეტს გვამცნობს საბედისწერო ხანძრის გამჩენ ვნებათა გამო, ვიდრე ამის თქმა ეპიტაფიის ავტორს ჰქონდა განზრახული. უნდა ვივარაუდოთ, რომ ამის დამწერს, ვითარცა მორალიზატორს, ჯოჯოხეთის გენის ტრადიციული წარმოდგენა ჰქონდა მხედველობაში, მაგრამ როცა ამას წერდა, ეტყობა, მასში პოეტმაც გაიღვიძა.

ხატოვანი ლოგიკის ძალით, მიწიერი ვნება აქ სიყვდილზე ძლიერ სტიქიად გვეცხადება. თავს ნებას მივცემ, ოდნავ მივყუე და განვაფითარო ქობაირული მეტაფორა: ეს მიწიდან აღმოსცდარი ხანძრის წითელი ენები ძალიან გავს იმ მეწამული ვარდის ბუჩქს, რომელიც ქართველი ხალხის წარმოდგენამ აბესალომისა და ეთერის საფლავზე ამოზარდა.

ჩვენ ვიცით, რომ სიყვარულმა როგორც დასავლურ, ასევე აღმოსავლურ სამყაროში თავისი მეტაფიზიკა შექმნა.

დასავლეთ ევროპაში ამ გრძნობის ერთ-ერთი ყველაზე დაკვირვებულ „სპეციალისტთაგანი“, სტენდალი თავის ვრცელ ტრაქტატში „სიყვარულის

გამო“ ერთმანეთისგან განასხვავებს სიყვარულისა და სიყვარულით მოპოვებულ ბედნიერების ეროვნულ ვარიანტებს, განსაკუთრებით ფრანგულს და იტალიურს.

ფრანგულ ვარიანტში მთავარ ნიშნად მას პატივმოყვარეობის დიქტატი წარმოუდგება, იტალიურში კი შიშველი, ღრმა ვნებისა.

პატივმოყვარეობა გალანტურობაში ვლინდება ძირითადად: „გალანტურობას კი მეტი (ვნებასთან შედარებით — გ. ა.) გრაცია ახლავს, მეტი დახვეწილობა, — წერს სტენდალი, — და ამის გამო მეტი ბედნიერება მოაქვს საფრანგეთში“. „გრძნობაზე დაფუძნებული ბედნიერება კი (ანუ იტალიური ვარიანტი — გ. ა.) არ შეიძლება იყოს პატივმოყვარეობის საგანი“.

რა შეიძლება ითქვას, ამ თვალსაზრისით, ბედნიერების გაგების ქართულ ვარიანტზე? როგორც ჩანს, სტენდალის კლასიფიკაციის მიხედვით, ჩვენ სადღაც შუაში უნდა მოვხვდეთ, ვინაიდან არც პატივმოყვარეობა გვაკლია (შესაბამისი გრაციოზული გაფორმებით) და არც ნამდვილი ვნებებით ვართ ღარიბნი.

ჩვენმა ძველებმა რომ კარგად იცოდნენ ადამიანურ ვნებათა საბედისწერო ძალა, ეს განსაკუთრებით მკაფიოდ ხალხურ პოეზიაში გამოჩნდა.

ამ მხრივ საგანგებო ინტერესს იწვევს მურმანის სახე ქართულ „ეთერიანში“. სწორედ ამ სახეში გაიხსნა განსაკუთრებული ექსპრესიით სიყვარულის „დიალექტიკა“ — მისი წინააღმდეგობრივი არსი.

მურმანი უაღრესად საინტერესო სახეა ქართული მითოლოგიისა; ხალხური მინდიას მსგავსად, არც ის არის რაიმე იდეის უბრალო განსახიერება. ამას მოწმობს მისი ტრაგიკული გააზრება ხალხის წარმოდგენაში.

მურმანი (მინდიასაგან განსხვავებით) ეგოცენტრიკოსია. ბედნიერებას მისთვის მხოლოდ ერთი ასპექტი აქვს — პირადი. ბედნიერება, რომელიც მას სჭირდება, მხოლოდ ეთერის ანუ სექსუალური სიყვარულის სახით არსებობს. სხვა წყარო, მისი სულის წადილის დასაოკებლად, უბრალოდ არ მოიპოვება ბუნებაში.

ამ ბედნიერებისთვის ის არაფერს არ იშურებს, თვით სულსაც. ე. ი. ამქვეყნიური ნეტარებისთვის სამუდამო ტანჯვაზე თანხმდება. საგულისხმოა,

ისიც, რომ მამაკაცური პატივმოყვარეობა და ენება მის ხასიათში ერთ იმპულსად მთლიანდება.

მურმანის სახეს, ისევე როგორც გველისმჭამელისას, ჩვენი ინტერესი დასავლური კულტურის ფუნდამენტურ წარმოდგენათა სფეროებში გადააქვს.

მურმანი იგივე „სული ბოროტია“, უფრო ზუსტად, „ბოროტი სულია“ ის მთავარი ელემენტი, რაც მის არსებაში დაბინადრდა და რაც მის ხასიათს და მოქმედებას განსაზღვრავს.

აქ, როგორც ჩანს, არ ღირს ამ სახის (ბიბლიის მიხედვით, სამოთხიდან განდევნილი ანგელოზის) ლიტერატურული გენეზისის მიმოხილვა.

ყველაზე საგულისხმომ ჩვენი დროისთვის, ვფიქრობ, ფრანსისკული გააზრება უნდა იყოს — ერთგვარი შეჯამება მისი ევოლუციისა ბიბლიიდან XX საუკუნემდე.

ანატოლ ფრანსის სატანა ისევე, როგორც ბაირონის ლიუციფერი, აქტიური საწყისია კაცობრიობის ისტორიისა.

ქართულ ნიადაგზე ამ მოტივს გახარება არ ეწერა, არა მხოლოდ იმის გამო, რომ ჩვენს მწერლობაში სათანადო განვითარება ვერ პოვა მისმა ზოგად კულტურულმა შინაარსმა (ამ უკანასკნელს საქართველოში არსებითად მხოლოდ ჭაბუკი ბარათაშვილის გენიამ მისცა დროებითი გასაქანნი); ასეც რომ არ ყოფილიყო, მისი განვითარება, როგორც ჩანს, ამგვარი გეზით არ წარიმართებოდა, ვინაიდან ქართველი ხალხის მხატვრულ შემოქმედებაში ქმედითი (მშენებელი, შემოქმედი) ძალის როლს, ტრადიციულად, სიკეთე ასრულებს და არა ბოროტება.

მურმანის სახეც (მიუხედავად მისი ხასიათის მევეთრად აქცენტირებული აქტიურობისა) სინამდვილეში არაჭეშმარიტი, არასრულფასოვანი და ამდენად უღლეური, უპერსპექტივო ქმედების მომასწავებელია.

მურმანის ენერჯია, ხალხის თვალში, ბოროტი ენერჯიაა. ამის გამო მას არაფრის წარმოქმნა („აშენება“) არ შეუძლია. მისი „ბროლის ცხე“ მხოლოდ მირაჟია, მხოლოდ ეფემერული ხუხულაა, ვინაიდან არც მკვიდრი ბალავარი აქვს, არც ნამდვილი კედლები და მისი პატრონიც საბოლოოდ (ვაჟას მიხედვით) მშვიერი ნადირივით უნდა აყმუვლდეს „ხრამებში, მთაში და ღრეში“.

საოცარია: ვაჟა-ფშაველა თავის მურმანს (შერეს) პოემის ფინალში ოდიბოსის ტრაგიკულ ზრახვას მიაწერს.

თვალებს დაითხრის ბედკრული, თვალებსა დაშინებულსა...

მურმანი შეძრწუნებულია არა მხოლოდ და არა იმდენად თავისი მარცხით, რამდენადაც თავისი ნამოქმედართ.

საკუთარ გულთან ის, რასაკვირველია, მართალია, მაგრამ როგორც აღმოჩნდა, ეს იყო თვითკერძი გულის ფსევდოსიმართლე, ვნებით ამღვრეულ გონების მოჩვენებითი ჭეშმარიტება.

სწორედ ამის გამო აირია ყველაფერი: „სიყვარული“ „მტრობად“ იქცა, „შენების“ სურვილი „ნგრევად“ მობრუნდა...

\* \* \*

„სიყვარულის დილაქტიკის“ ღრმა წვდომით გამოირჩევა რუსთაველის პოემის მთელი რომანიული შინაარსი. შინაგანი, ცნობიერი (გარკვეულ მომენტებში, ქვეცნობიერი) განვითარება ამ გრძნობისა აქ მის განსაკუთრებულ სიმდიდრეს და მრავალფეროვნებას წარმოაჩენს.

თუ, მაგალითად, ნესტან-დარეჯანის წერილს ტარიელისადმი დამოუკიდებლად განვიხილავთ, ეს უკანასკნელი თავისი შინაარსით რომანტიკული განწყობილების ტიპიურ ნიმუშად შეიძლება ჩაითვალოს.

მაგრამ არ უნდა დაგვავიწყდეს, რომ პოემის ეს თავი („წიგნი ნესტან-დარეჯანისა საყვარელთან“) გარკვეულ მიმართებაშია ნაწარმოების მთელ კონტექსტთან. ეს არის მხოლოდ ერთი ნაკვეთი იმ მთლიანობისა, რომელსაც ამ შემთხვევაში ნესტან-დარეჯანის ხასიათი წარმოადგენს.

გავიხსენოთ, რა მძვინვარე ქალურ ვნებას ამჟღავნებს ნესტანი ტარიელთან პირველი შეხვედრისას.

სწორედ სატრფოს ამ განრისხებულ სახეში გაიხსნა პირველად ტარიელისათვის მისი ბუნება, რამაც მას ვეფხის ტყაყი აარჩევინა თავისი დაკარგული სიყვარულის ნიშნად.

„მიპარვით მოკალ სასიძო“ — ურჩევს თავის სატრფოს ახალგაზრდა ქა-

ლი და ეს სიტყვები ნაკარნახევია არა. სასოწარკვეთით მოცული გონების წამიერი დაბნელებით, არამედ მოქმედების ზუსტად გააზრებული გეგმით. შეიძლება ითქვას, რომ სწორედ ნესტანის ხასიათის ამ ნაკვეთებში შემოინახა ხველაზე მკაფიოდ სიყვარულის (ბედნიერებისთვის ბრძოლის) წარმართული გაგების აღნაბეჭდები.

მაგრამ ხასიათის განვითარება აქ არ მთავრდება.

ქაჯთა მიერ დატყვევებულ ნესტანში (როდესაც მისი სული უკვე ეზიარა ნამდვილ ტკივილს და უსასობას), ვნების სიმძაფრეს თანდათან ძლევს უფრო ღრმად გაცნობიერებული, საბოლოოდ მომწიფებული გრძნობა. მისი სიყვარული აქ უფრო ქალურია, უფრო რბილი და სათუთი. თუ ადრე იგი ტარიელისაგან კატეგორიულად მოითხოვდა ფათერაკთან დაკავშირებულ საგმირო მოქმედებას, ახლა გულწრფელად ევედრება მას, თავი აარიდოს უაზრო ხიფათს:

შენ მკედარსა განახავ, დავიწვი, ვითა აბედი კვესითა;  
მოგმორდი, დამთმე გულითა კლდისაცა უმაგრესითა.

ნესტანის ქალურ ნდომას არ დაუკარგავს თავისი სიმძლიერე, მაგრამ მას შეემატა სევდანარევი სინაზის, ზრუნვის, მეურვეობის ელფერი. ტარიელი მისთვის კვლავ საოცნებო მიჯნურია, მაგრამ ამავე დროს, ახლობელი, უსაზღვროდ მჭირფასი ადამიანიც.

როგორც ვხედავთ, აქ ჩვენს წინ არის არა მხოლოდ ხასიათი, არამედ მისი ბუნებრივი, ფსიქოლოგიურად კანონზომიერი განვითარებაც და, რაც მთავარია, ძნელი არ უნდა იყოს იმის შემჩნევა, რომ ამ ევოლუციის მთავარი ხაზი სწორედ იმ გზას მისდევს, რომელიც ქართულმა ცნობიერებამ გაიარა წარმართობიდან ქრისტიანობამდე, ოღონდ არა სრული თვითუარყოფის, არამედ ურთიერთშევესებისა და ურთიერთგამდიდრების უაღრესად თავისებური ფორმით.

• • •

შემდგომი საუკუნეები, რუსთაველისგან განახვევებით, სიყვარულის შედარებით მარტივ კონცეფციებს გვთავაზობენ, მაგრამ გზადაგზა (განსაკუთ-

რებით ქართული „აღორძინების“ ხანაში) აქაც რამდენიმე მწვერვალი აღჩნდება ჩვენს თვალწინ.

ბესიკის „ტანო ტატანო“, რომელშიც რაფინირებული იერი შეიძინეს ძველი ქართული სატრფიალო ლირიკის მოტივებმა და სახეებმა, თავის მხრივ იქცა საკმაოდ ხანგრძლივი ტრადიციის წყაროდ — თავისებურ ლირიკულ კარაბადინად, რომელშიც მისი მიმღევრები მზა პოეტურ რეცეპტებს ამოიკითხავდნენ.

თვით ბესიკთან სიყვარული ტრაგიკული განცდაა. ეს ინტონაცია ინერციის ძალით გადადის მისი მიმბამძველების შემოქმედებაშიც, მაგრამ თანდათან ჰკარგავს თავის შინაგან გამართლებას და თავისებური გალანტური თამაშის იერს იღებს. ეს არის თამაში გრძნობებით, სახეებით, რითმებით. ნამდვილი, „შიშველი“ ვნება ადგილს უთმობს ოსტატურად დადგმულ მელოდრამას.

დავით გურამიშვილის პოეზიაში განუზომლად უფრო მკაფიოდ, ვიდრე მისი ეპოქის სხვა რომელიმე პოეტის შემოქმედებაში, მოჩანს ცოცხალი, არაპირობითი პიროვნება, თავისი ცოცხალი, არაპირობითი განცდებით. აქ იღვიძებს განსაკუთრებული ინტერესი რეალური ადამიანის ინტიმური სამყაროსადმი.

ქართველ რომანტიკოსთა სულიერი ნათესაობა გურამიშვილის პოეტურ სამყაროსთან სათავეს იღებს იმ სულისკვეთებაში, რომელიც განსაკუთრებით მკაფიოდ, „რეულში“ არის განცხადებული:

ხორცია მიწა ტალახი,  
საწურთროს ფეხით ნალახი,  
სული უსხეულ მჯოფელი,  
აქვს საუკუნო სოფელი...

და მაინც დავით გურამიშვილის შემოქმედებაშივე შენარჩუნებულია ქართული სიყვარულის მეორე სტიქიაც, რომლის თბილი სუნთქვა აქ თითქმის გამუდმებით იგრძნობა.

შემთხვევითი არ არის, კერძოდ, რომ „ზუბოკის“ ავტორი ისე ბუნებრივად ახვევს ხორციელ სამოსელში თავის ღეთაებრივ ზემთაგონებას

(„მარადი სამყოფის კართა გამღებისადმი“), რომ თანამედროვე მკითხველს აზრადაც არ მოდის, უკრაინელი ლამაზმანის წარმტაცი გარეგნობისა და მისი ხილვით აფეთქებულ ვნების მიღმა („შავ თვალ-წარბას, პირად თეთრსა ასხდა შავი ხალი“) რაიმე ტრანსცენდენტური იდეა იგულისხმოს.



XIX საუკუნეში ქართული სიყვარული მეტად საგულისხმო ევოლუციის გზას გაივლის.

ამ ახალ გზაზე პირველი ნიშანსვეტი სიყვარულის ალ. ჭავჭავაძისეული გაგებაა. რუსთაველისაგან განსხვავებით, ეს გრძნობა ალ. ჭავჭავაძის ლირიკაში გააზრებულია, უწინარეს ყოვლისა, როგორც უშუალო ხორციელი ტიპობის წყარო.

ნუ ეტრფით ვარდსა გარს შემოვლებით,  
მიეახლენით გულისა ხლებით,  
იგემეთ სიტკბო სიყვარულისა.

სიყვარული ალ. ჭავჭავაძისთვის, მიუხედავად იმისა, რომ პოეტი მას სხვადასხვა ვარიაციებით, სხვადასხვა ემოციური ასპექტით გადმოგვცემს, არსებითად ერთგვაროვანი, მარტივი გრძნობაა — ყოველი სულდგმულისთვის ერთნაირად მისაწვდომი და გასაგები.

ამ პოეტისთვის ჯერ კიდევ უცხოა განსაკუთრებულის, არაჩვეულებრივის განცდა, იმგვარი ხასიათის სულიერი მოძრაობა, რომელმაც მის უმცროს თანამედროვეს, ნიკოლოზ ბარათაშვილს ათქმევინა:

მოკვდავსა ენას არ ძალუმს  
უკვდავთა გრძნობით გამოთქმა.

გრ. ორბელიანი ამ მხრივ „მგრძნობელობის“ ახალ მიჯნას უახლოვდება. სწორედ ის იყო გასული საუკუნის პირველ პოეტთაგანი, რომელმაც დაახლოებით იმ დროს, როდესაც ტიუტჩევის „Silentium“ იწერებოდა, თავის „გამოსალმებაში“ არანაკლები სიმძაფრით გამოთქვა რომანტიკული დაუკმა-



ყოფილებლობა სიტყვით, როგორც ადამიანის ინტიმურ განცდათა გამოსატვის არასრულყოფილი საშუალებით:

ნამდვილი ტრფობა, გინა რა სიტყვით ეძებდეს, ვერ პპოვებს,  
რათა გამოსთქვას თვის გრძნობა და მისთვის ოხრავს, მდუმარებს.

საერთოდ კი გრ. ორბელიანის შემოქმედება გარკვეული წინააღმდეგობის დალით არის აღბუჭდილი. მთელი მისი სატრფიალო ლირიკა გამსჭვალულია შინაგანი, ფარული კონფლიქტით წარმართულ სენსუალიზმსა და სიყვარულზე ახალ რომანტიკულ წარმოდგენათა შორის.

ქართული ლირიკის ინტიმური საყრდენების ნამდვილი განახლება ნიკოლოზ ბარათაშვილის სახელთანაა დაკავშირებული.

სიყვარულის ბარათაშვილისეული გაგება თავისი შინაარსით, მკვეთრად უპირისპირდება ბესიკისა და, განსაკუთრებით, ალ. ჭავჭავაძის ეროტიკულ კონცეფციას.

სილამაზეა ნიჭი მხოლოდ ხორციელების  
და, ვით ყვაილი, თავის დროზე მსწრაფლად დაჭკნების,  
აგრეთვე გულიც, მხოლოდ მისდა შენამსჭვალეზი,  
ცვალებადა, წარმავალი და უმტიკიცები!

მშვენიერება ნათელია, ზეცით მოსული,  
რომლით ნათლდება ყოვლი გრძნობა, გული და სული,  
და კაცსა შორის, ვით კერძოსა ღვთაებობისა,  
რად გრწამს არ იყოს საუკუნო მაღლი ტრფობისა?

ამ სიტყვებში განცხადებულია ქართული სიყვარულის ახალი, ეპოქისეული კონცეფცია.

როგორც ვიცით, ბარათაშვილს თვალი არ აურიდებია იმ სილამაზისთვისაც, რომელსაც ის „ხორციელების ნიჭს“ უწოდებს, მაგრამ „მერანის“ ავტორისათვის პოეზიის მთავარ შინაარსს (რუსთაველისა და შემდგომ ვაჟაფშაველასაგან განსხვავებით), წარმოადგენს არა „ფერუთვალავი“ ხილვადი

სინამდვილე, არამედ, უპირატესად, ადამიანის შინაგანი, სულიერი, „ზემატერიალური“ სამყარო.

ეს მეორე უხორცო და, ამის გამო, უხრწნელი, მარადიული რეალობა მას მიაჩნია უფრო მაღალი მშვენიერების გამოვლინებად, ვიდრე ის თავისთავად მომხიბლავი სილამაზე, რომელიც სწორედ თავისი „ხორციულების“ გამო, პოეტის თვალში დროებით, წარმაველ „ნიკს“ წარმოადგენს.

აუცილებელია ოღონდ აღინიშნოს ისიც, რომ ეს თავისებური მსოფლგაგება არასოდეს არ გადაზრდილა შეზღუდულ ეგოცენტრიზმში. მართალია, სიყვარული ბარათაშვილისთვის ყოველთვის უნიკალური ინტიმური მოპარობაა და თითქმის აღარაფერი აქვს საერთო ამ გრძნობის ტრივიალურ გაგებასთან, მაგრამ შემთხვევითი არ არის, რომ მისი პოეტური გამოხატვისას ის ობიექტური სინამდვილიდან ნასესხებ მდიდარ „მატერიალურ“ ფორმებსა და საღებავებს მიმართავს, და, სწორედ ამ გზით, ცდილობს პირად, სუბიექტურ განაცდაში უნივერსალური შინაარსის განჭვრეტას.

ლექსში „არ უკიენო სატრფოო“ სიყვარულით გამოწვეული განწყობილება გადადის ყოვლისშემძლე და ყოვლისმომცველ სულიერ ენერგიაში, ხოლო ეს უკანასკნელი, როგორც გრანდიოზული აფეთქებები მზის ზედაპირზე, მიემართება არა პოეტის ინტიმური სამყაროს სიღრმეებისაკენ, არამედ უკიდევანო „კოსმიურ“ სივრცეებს განეფინება.

სიყვარული აქ იხარჯება უნივერსალურ სიკეთეში და ამდენად საყოველთაო, აქტიურ, ცხოველმყოფელ ხასიათს იძენს:

მინდა მზე ვიყო, რომ სხივნი ჩემთ დღეთა გარსა მოვავლო,  
საღამოს მისთვის შთავიდე, რომ დილა უფრო ვაცხოვლო.  
მინდა, რომ ვიყო ვარსკვლავი, განთიადისა მორბედი,  
რომ ჩემს აღმოსვლას ელოდნენ ტყეთა ფრინველნი და ვარდი.

\* \* \*

ილიას და აკაკის სატრფიალო ლექსები ახალ კარს ხსნიან XIX საუკუნის ქართულ პოეზიაში.

განსაკუთრებით დამახასიათებელია ამ მხრივ ი. ჭავჭავაძის ადრინდელი ლექსი „მეც შავ თვალებს“... აქ პოეტური წარმოსახვის მთავარ საგანს კვლავ საყვარელი ქალის გარეგნობა წარმოადგენს. მაგრამ ილიას მეტაფორისტიკა უკვე საგრძნობლად განსხვავდება „აღმოსავლური“ დითირამბული სტილისგან. სატრფოს თვალეები შედარებულია „წყვდიადთან“, „ქარიშხლიან ზღვასთან“, პოეტი მათში ხედავს „არწივის თავისუფლებას“, რაც ილიასთვის უკვე სავსებით ორგანული, დამოუკიდებელი ასოციაციით ნაკარნახევი სახეა.

ფორმალური თვალსაზრისით ილია განსაკუთრებით ახლოს დგას ბართაშვილის ინტიმურ ლირიკასთან თავის ადრინდელ ლექსში „მაშინ დავსტკბები სრულის სამოთხით“. აქ თვით პოეტური ლექსიკაც კი აშკარად ბართაშვილისებურია: „ქაღწულობის კრთომით“, „მორცხვობით“, „ლოცვით“, „ღმობით“ და სხვ., მაგრამ ამავე ლექსში უკვე ადვილად შეინიშნება ჭაბუკი ილიას დამორება „რად ჰვედრი კაცსა, ბანოვანოს“ ავტორთან.

ამ პოეტური ნაწარმოების მთავარ, წამყვან ლირიკულ თემას წარმოადგენს არა ხორციელი შინაარსისაგან განწმენდილი, წმინდა რომანტიკული სულიერი განწყობილება, არამედ რაინდული მოკრძალებით შეკაეებული მძაფრი, ჭაბუკური ვნება.

აკაკის ადრინდელ ლექსებში „საიდუმლო ბართი“, „სიყვარული“, „გაუბედავი სიყვარული“, „იმერული სიმღერა“, „მუხამბაზი“ ახალგაზრდული ნდობა განზავებულია მსუბუქი სევდის, უპასუხოდ დატოვებული სიყვარულით გამოწვეული ტკივილისა და ამ ტკივილთან შეერიბების გრძნობით.

ჭეშმარიტი დრამატიზმის მოტივები მის ლირიკაში გაცილებით უფრო გვიან გაჩნდა.

შესანიშნავია, ამ მხრივ, ლექსი „სანამ ვიყავ ახალგაზრდა“. იგი მოულოდნელ შუქს ჰფენს პოეტის სულიერ ხვედრს. ეს ლექსი გვიმხელს მწვავე, მოუშუშებელ ჭრილობას, ადამიანური სითბოს, ყურადღებისა და აღერსის დაუკმაყოფილებელ წყურვილს, სიმარტოვის უცნაურ გრძნობას. და ამას წერს არა სამშობლოდან გადახვეწილი, უსახელო ყარბიზი მგოსანი, არამედ პოეტი, რომელსაც მთელი საქართველო ხელის გულზე ატარებდა...

გასულ საუკუნეში სიყვარულის ეროვნული კონცეფცია ვაჟა-ფშაველას შემოქმედებაში კრისტალდება საბოლოოდ.

ვაჟასთვის სიყვარული მთელი უნივერსუმის სუბსტანციური, არსისმიერი თვისებაა, ანუ სამყაროს ის ფარული კანონზომიერება, რომელსაც ადამიანის „ახალად ახელილი თვალები“ უნდა მისწვდნენ და იწამონ. სწორედ აქაა მიზნობრივად ტრაგიკული სიბრძნის გასაღები. სწორედ აქედან იწყება მისი ახალი ცხოვრება — ზემგრძობელობა, ზესიცოცხლე, ზეარსებობა.

მიზნობრივად მარცხდება ყოფიერების ჩვეულებრივ, უსასწაულო, უსიყვარულო წესთან შეჯახებისას, მაგრამ მან უკვე იცის, რომ უნივერსალური (საყოველთაო) სიყვარული თვით ბუნების მიერაა ნაკარნახევი, ვინაიდან თვით ობიექტური ყოფიერების სიღრმეში დევს სასწაულის მარცვალი — შეუძლებელის შესაძლებლობა. გველის მჭამელის მთელი თავგადასავალიც სხვა არა არის რა, თუ არ გმირული, თავგანწირული გაბრძოლება უგულობითა და უმეცრებით დასამარებულ ამ სასწაულმოქმედ ძალის გამოსახსნელად.



ასე, დაახლოებით ასეთი გზებით მოაღწია ჩვენს საუკუნეებზე ქართულმა სიყვარულმა, რომელსაც ახალ ეპოქაშიც არაერთი ბრწყინვალე მომღერალი გამოუჩნდა.

XX საუკუნის ინტიმური ლირიკის აწ უკვე კლასიკად ქცეული ნიმუშები, დღევანდელი თვალსაწიერიდან, მძაფრ ანტითეზებად უფრო წარმოდგებიან, ვიდრე ერთი სისტემის ნაწილებად.

ასე უპირისპირდება გალაკტიონი (როგორც კი ის თავის ნამდვილ მოწოდებას აგნებს) გრიშაშვილის ეროტიზმს.

ერთის მხრივ: „და ვით აშოლლანს ეტმასნება ქალი ავხორცი“ — მეორეს მხრივ: „და სიყვარულის ასე მოთმენა“...

ასე „ეპაექრება“ პაოლო იაშვილს მისი ტყუპისცალი ტიცთან ტაბიძე. თუ ბირველის სტიქია უაღრესი არტისტიზმია, რასაც ლოგიკურად თან სდევს

მომხიბლავი პოეტური მისტიფიკაცია — შეყვარებული ქართველი ქალის სახე, რომელსაც მთელი სატრფიალო ციკლი („დარიანული“) მიეწერება, მეორე თავისი ალალი გულისთქმის გამოსავალს მეწყერად დაძრულ, უნებურ, უშუალო „გადავარდნაში“ პოეებს.

ასევე მკვეთრად განსხვავდება ერთმანეთისგან ლეონიძისეული ექსტაზი — ჭაბუკური „ზავთი და ყიყინა“ სიმონ ჩიქოვანის „გაწვრთნილი სიყვარულისგან“.

სიყვარულის თემა ახალი სიწრფოებით აღივსო „ადრე წასული ბიჭების“ — ლადო ასათიანის, მირზა გელოვანისა და ალექსანდრე საჯაიას თაობის შემოქმედებაში. ამ სიახლის მთავარი საიდუმლოება ის იყო, რომ მკერდიდან ხორციანად აგლეჯილ ჭაბუკურ ხეაშიადს ბიოგრაფიული ქვეტექსტი დაეფინა სისხლიან ფეშხუმად. ამ პოეტებმა საკუთარი ხვედრითაც გაამართლეს ქართული სიყვარულის ტრაგედიული შარავანდი:

როგორ არ მინდა, როგორ არ მინდა,  
მანც მივდივარ, მანც გშორდები.

ეს სიტყვები მთელი თაობის სულის ძახილია. ეს არის ჩვენს საუკუნეში დაუწერელი უმშვენიერესი რომანის ფაბულა.

რასაკვირველია, ყველაზე მეტი ფერი ჩვენი საუკუნის ქართულ სიყვარულს გალაკტიონის ლირიკამ შესძინა, უფრო ზუსტად — ელფერი.

სწორედ ამ ეპოქალური ნიშნის ქვეშ წარიმართა ჩვენში რამდენიმე თაობის „გრძნობათა აღზრდა“.

არც ერთ ქართველ პოეტს, ბართაშვილის შემდეგ არ გადმოუცია ასე ფაქიზად, ასეთი მდიდარი ნახევარტონებით ინტიმური განცდის ცვალებადი, მოუხელთებელი ნიუანსები. მაგრამ მთავარი მანც სხვაა: სიყვარული გალაკტიონის ლირიკაში გაიხსნა არა როგორც ადამიანის სულის ერთ-ერთი, თუნდაც უმაღლესი, თვისება, არამედ როგორც სამყაროსადმი დამოკიდებულებისა და სამყაროს ესთეტიკური გაცნობიერების მთავარი საშუალება, როგორც ყოველი არსის, თვით არსებობის ქვაკუთხედი („უსიყვარულოდ ქარი არ ქრის

---

ამ ქვეყანაზე“) და ამავე დროს, როგორც თავისთავადი სამყარო — მთელი პოეტური გალაქტიკა — უამრავი თანავარსკვლავედით, ცთომილით, „ნისლეულობით“...



რა შეიძლება ითქვას საბოლოოდ ქართული ეროსის ეროვნულ თავისებურებათა გამო? რა არის, ამ მხრივ, საერთო, მუდმივი, ზოგადეროვნული?

როგორც აღმოჩნდა, სიყვარულის იდეალი არც ჩვენში ყოფილა უცვლელი: რუსთაველი, გურამიშვილი, ბესიკი, ბარათაშვილი, ვაჟა, გალაქტიონი — ყოველი მეორე, გარკვეული თვალსაზრისით, პირველის უარყოფაა, მესამე — უარყოფის უარყოფა და ასე შემდეგ.

და მაინც რა აერთიანებს მათ ერთ ეროვნულ კონტექსტში?

ქართულ პოეზიაში სიყვარულის უაღრესი ფორმა, იმთავითვე — ტრაგიკული სიყვარულია.

განცდის ტრაგიზმი აქ იმის შეგნებითაა გამოწვეული, რომ მწყურვალ სული ვერასდროს ვერ აღივსება, რომ სიყვარული, როგორც აბსოლუტური ბედნიერების ნდომა აუხდომელია, რომ ეს გრძნობა თავისი ბუნებით ყველაზე საბედისწეროდ არის დაკავშირებული შეუძლებელთან, ვინაიდან ბედნიერება, „აღვსება“, დაოკება, სრული გაგებით, მიუღწეველი ოცნებაა.

ქართულმა სულმა კარგად იცის ყოველივე ეს, კარგად ესმის აუცილებლობით ზღვარდებული რეალობის ყადრი. მაგრამ სწორედ ამ ზღვარის იქით იწყება ის, რაც მისი მუდმივი ძიების, მისი თავდავიწყებული ჭიდილის, მისი ტრაგიკული გაბრძოლების დედააზრია.

სწორედ იმის გამო, რომ სიყვარული ყველაზე შეუძლებელ შეუძლებლობათა რიგს განეკუთვნება, სწორედ ამ მომაკვდინებელი ჭეშმარიტების შედეგად, ქართული ბუნება განსაკუთრებული შეუპოვრობით, შთაგონებით, თავდავიწყებით ეძებს მის წაშლილ ნაკვალევს, ვინაიდან მისი მთავარი საწაღე-

ლი სწორედ ის არის, რაც, ჩვეულებრივი, პრაქტიკული თვალსაზრისის მიხედვით, შეუძლებლობის სფეროში დევს.

ყველაზე წმინდა და მკაფიო სახით ეს მიდრეკილება ნიკოლოზ ბარათაშვილის ლირიკაში გამოვლინდა. მაგრამ დიდი შეცდომა იქნებოდა, თუ ჩვენ ასეთ სულისკვეთებას უპირატესად ქართული ხასიათის თანდაყოლილი იდეალიზმით ავხსნიდით, ვინაიდან ამ ხასიათშივე არის სხვა, კიდევ უფრო ნიშანდობლივი მიდრეკილებაც.

ვაჟა-ფშაველას მისია ქართულ პოეზიაში სწორედ იმით არის მნიშვნელოვანი, რომ მან, ერთის მხრივ, შეძლო ახალი ფორმით აღედგინა რუსთაველის პარმონიული მსოფლგაგება, ხოლო მეორეს მხრივ, მანვე შეასხა ხორცი ბარათაშვილის რომანტიკულ ოცნებას — მატერიალური, სამყაროსმიერი, ბუნებრივი საზრდოთი დააოკა მისი დაუოკებელი სულის წადილი.

მთავარი აქ ისაა, რომ ხალხური სიბრძნის უღრმეს საიდუმლოებასთან ნაზიარებვა შემოქმედმა კვლავ მიაგნო საუკუნეების მანძილზე მიკარგულ სათავეს.

ვაჟას ენით ამეტყველდა ის, რაც ოდიდანვე იგულისხმებოდა ჩვენს ეროვნულ მსოფლშეგრძნებაში:

შეუძლებელი, სასწაულებრივი, ქართული სულის რწმენით, თვით ბუნების თვისებაა, თვით სამყაროს სიღრმისეულ კანონზომიერებათა წიაღში დანებული.

თუ ძველი ბერძნების წარმოდგენით, ნამდვილი ანუ პირველქმნილი ქვეყნიერება სიბნელის, ტანჯვისა და დისპარმონიის ძალთა სათარეშო იყო, რომელსაც მათ, ნიცმეს სიტყვით, „ლამაზი ფარდაგი“ — ოლიმპო — გადააფარეს, რათა სიყვარულისა და ბედნიერების ილუზიით დამტკბარიყვნენ, ჩვენმა ძველებმა იმთავითვე სხვა თვალთ შეხედეს ქვეყანას, სხვა იმედით განიმსჭვალნენ და, შემდგომ, საუკუნეების მანძილზე გადმოატარეს სამყაროს ორბუნებოვანების რწმენა.

უკუნეთისა და უსიყვარულობის სქელი გარსის ქვეშ მათ ყოველთვის ეგულებოდათ ბედნიერების მიუკვლეველი საბადოები.

ქართული სიყვარულის მთავარი პათოსიკ — მარადეამს — ამ ბრმა, უსულგულო აუცილებლობით დანთქმულ მშვენეერების მიკვლევა იყო.

ამ მხრივ ჩვენი პოეზიის ყველა მწვერვალი ერთ მთაგრეხილზეა აღმართული.

სიყვარული პოეზიის პირველმიზეზია. კაცობრიობას ის ბავშვობის სიზმრებიდან მოსდევს. ვიდრე ვრის გული, მისი პირველგამომხატველის — ეროვნული პოეზიის სახით, სიყვარულის უნარს ინარჩუნებს, მისი დაბერება არ იქნება.

საქართველოს პოეტებმა ჩვენს დღეებამდე მოიტანეს ერთი სიხარულის შეგნება:

აღამიანი ცოცხალია მანამდე, სანამ ის ბედნიერებას ეძებს, ვიდრე მის ვულში კიდევ ღვივის აღთქმული ქვეყნის ხილვის იმედი. ხოლო ერთადერთი ხიდი, რომელიც ჩვენ ამ სიყმაწვილის წლებში მოლანდებულ და ამ უტყუარი მოწმობით ეჭვითუტანლად დადასტურებულ რეალობასთან გვაახლოებს, პოეზიის მიერ უსასრულობაში გატყორცნილი ხიდია. მხოლოდ ნამდვილი სიყვარულის, მხოლოდ დიდი ტკივილის ხარჯით შეიძლება ბედნიერების ნაპირებთან მიახლოება.

\* \* \*

ყველაფერი ძველდება მზისქვეშეთში, ცვდება, იფიტება, მტკრად და ფერფლად უბრუნდება მარადისობის წიაღს.

ათასი ბაბილონის გოდოლი ჩამოაქცია ეამთა სიავემ.

ათასი გოროზი გულის მახილი შეერია დიდ უდაბნოთა დაუსაბამო მღუმარებას.

უდაბურდებიან სემირამიდის ბალებიც...

ვინ იცის, რამდენ ამპარტავან სულის ზვაობას მოელო ბოლო, რამდენი



---

ამაო ზრახვა ჩაჰყვათ სამუდამო ძილში ბედისა და სახელის თავზებელაღებულ მაძიებლებს? „და გამწარებით ხრავენ ქვიშასა“.

ინაველება სიყვარულიც...

მაგრამ ერთ მშვენიერ დღეს ბროწეულის ლორთქო ფესვები კადნიერად გაჰკვეთენ ქვიან ბალავარს და სარკოფაგის ათასწლოვან სიგრილიდან კვლავ ამოგიზგიზდება „ვით ბაზმა გაუქრობელი“, — ჩვილი, უმწეო, სამარადისო ხმა:

„შევახ, სიცოცხლეო ჩემო!“

გურამ ასათიანი

## ს ა რ ჩ ე ვ ი

### ხალხური კომუნია

შემომეყარა ყივჩაღი	7
შენ, ჩემო დიდო იმედო	9
მენაცვალე . . .	10
ქალი ვარ .	11
ხვარამზეს ლექსი	12

### მ ი ნ ი ა ტ უ რ ე ბ ი

*** (მინდორთ რო სისხლის ტბა ბრუნავს)	13
*** (ა ის ღრუბელნი მიყვარან) . . .	13
შირაქის გზაზე . . . . .	13
*** (ინდი მინდი, ფერად შინდი) .	14
ნუ შევხედავთ ერთმანეთსა	14
*** (გაუსვი და გამოუსვი)	15
ნეტავი შემატყობინა .	15
*** (ისე არის კაცის გული)	15
მგზავრული . . .	16
გზა სიარულმა დალია	16
გაეხედე ყარაიაზე .	16
*** (აქ მოდი, მანდა რასა იქ)	16
*** (სადაური ხარ, სად მიხვალ)	17
*** (მოხვევის ქალო თინაო) .	17

*** (ლამაზი ცოლის პატრონსა)	17
*** (დედაც მიყვარს, მამაც მიყვარს)	18
*** (ყველა ფრინველი ხეზე ზის)	18
რა ვქნა, რა ვუყო	18
*** (თიანეთს ოქროს ლოგინი)	19
*** (ლომო, შე ლომის მოკლულო)	19
*** (დაბნულ ფეტვის მარცვალსა)	19
*** (წითელ ღვინოს მიგაგვანე)	20
*** (სიყვარულსა მალეა უნდა)	20
*** (ტურფა ბაღი და წალკოტი)	20

### ქართული კლასიკური პოეზია

#### შოთა რუსთაველი (XII—XIII)

წიგნი ნესტან-დარეჯანისა საყვარელთან მიწერილი .. 23

#### თეიმურაზ I (1589—1663)

ტურფა ხარ შევნიერებით 29

#### არჩილი (1647—1713)

სამიჯნურონი 32

#### ვახტანგ VI (1675—1735)

სატრფიალონი 34

#### დავით გურამიშვილი (1705—1792)

სიმღერა დავითისა: ზუბოვკა რომელ არს  
რუსულად ამისი ხმა კაზაკ დუშა პრავდივია 37

სპეციალი (1750—1791)

სევდის ბაღს შეველ	40
ტანო ტატანო	42
ღედოფალს ანაზედ	43

ალექსანდრე ქავჭავაძე (1786—1846)

როს არშიყო	45
მშვენიერთა ხელმწიფავ	46
სიყვარულო, ძალსა შენსა	47
ელეზის კარი გაზაფხულისა	47

გრიგოლ ორბელიანი (1804—1883)

მუხამბაზი	50
ეკატერინა ქავჭავაძისას	52

ვნიკოლოზ ბარათაშვილი (1817—1845)

*** (შევიშრობ ცრემლსა, ჰირთ მანელებელს)	53
*** (შენნი დალალნი...)	53
*** (ცისა ფერს, ლურჯსა ფერს)	54
*** (როს ბედნიერ ვარ)	55
*** (არ უკივინო, სატრფოო)	56
საყურე	57

ილია ქავჭავაძე (1837—1907)

ხმა გულისა	59
ს...ჩ...სას	59
*** (გახსოვს, ტურფავ)	60

აკაკი წერეთელი (1840—1915)

საიღუმლო ბარათი	62
ციცინათელა	63

*** (ჩემო თავო, ბელი არ გიწერია)	66
იმერული სიმღერა . . . . .	68
მუხამბაზი . . . . .	69
✓კინტოს სიმღერა . . . . .	71
სიყვარული . . . . .	72
ჭარისკაცი . . . . .	73
✓სატრფოს . . . . .	74
*** (სანამ ვიყავ ახალგაზრდა)	76
სულიკო . . . . .	77
ნატერა . . . . .	79
ყმაწვილ ქალს . . . . .	80
ლ ა დ ო    ჭ ა ღ ა რ ი ძ ე    (1849—1906)	
*** (ისევ უენ და ისევ უენ)	84
გ რ ი გ ო ლ    ვ ო ლ ს კ ი    (უმწიფარიძე)    (1860—1909)	
*** (ოდეს მეწვევა სევდა დამწველი)	85
ვ ა ე ა - ზ შ ა ვ ე ლ ა    (1861—1915)	
რამ გაგაჩინა, ქალაო . . . . .	86
სამეფოს სიმღერა . . . . .	87
გამოღმით მე ვარ, გაღმა უენ	87
სიყვარული . . . . .	88
გ რ ი გ ო ლ    ა ბ ა შ ი ძ ე    (1866—1903)	
სიმღერა . . . . .	90

აშულური კომუნია

ს ა ი ა თ ნ ო ვ ა    (1722—1801)	
მოდო, საყვარელო . . . . .	95

განა მე მშეირი ვიყავ	96
შუალამის ვარსკვლავივით	97
რა ზარბაზი . . .	98
დავით გივიშვილი (1846—1916)	
*** (მითხარ, მითხარ, რას მემღერი)	100
ვიორგი სკანდაროვა (1850—1917)	
— *** (ორთავ თვალის სინათლევ)	102
*** (ამ დროში საყვარელი სჯობს)	104
იეთიმ გურჯი (1875—1940)	
შუა წყალში გადამაგდე ნავიდან	106
შენი სიყვარული მშვივა .	107
ლამაზების პრეზიდენტო .	108
ჩემ სიმღერას ვინ გაიგებს	109
დარდიანად დამიწყია მღერა	110

## XX საუკუნის ქართული პოეზია

კოტე მაყაშვილი (1875—1927)	
რომანსი .	113
ვალერიან გაფრინდაშვილი (1889—1941)	
სანტიმენტალური ტრიოლეტი .	114
თეთრი საცოლო . . .	114
იოსებ გრიშაშვილი (1889—1965)	
რა კარგი ხარ, რა კარგი .	116
შენი ყელი . . .	118

ქურდული ალერსი	•	<b>119</b>
პატარას . . . . .	•	<b>120</b>
აპრილი თბილისში	•	<b>121</b>
საათის ისრები	•	<b>122</b>
ჩემი აღმართი	•	<b>123</b>

**მ ა რ ი ჯ ა ნ (1890—1978)**

დაუნაშავე ძაღლის თვალებით		<b>124</b>
---------------------------	--	------------

**გ ა ლ ა კ ტ ი ო ნ ტ ა ბ ი ძ ე (1891—1959)**

მერი . . . . .		<b>126</b>
თოელი . . . . .		<b>128</b>
ცამეტი წლის ხარ . . . . .		<b>129</b>
კაცის ხე მთაწმინდაზე		<b>130</b>
ლენინოს დაბრალებენ		<b>131</b>
*** (გაგონდება თუ არა)		<b>131</b>
ვინ არის ეს ქალი?		<b>132</b>
მოვა... მაგრამ როდის?		<b>133</b>
*** (წინანდალელი ნათელა)		<b>134</b>
რა დროს რომანსეროა . . . . .		<b>135</b>
ქარი ჰქრის... . . . .		<b>135</b>
ხალხური მოტივებიდან . . . . .		<b>136</b>
წარწერა წიგნზე „მანონ ლესკო“		<b>137</b>
უკანასკნელი მატარებელი		<b>138</b>

**პ ა ო ლ ო ი ა შ ვ ი ლ ი (1892—1937)**

ელენე დარიანის დღიურებიდან

ძახილი		<b>140</b>
პირამიდებში		<b>141</b>

ელენე დარიანი წერს უბრალოდ და აბნეულად .	142
დარიანული . . . . .	143
ტიციან ტაბიძე (1893—1937)	
მე ყაჩაღებმა მომკლეს არაგვზე .	145
ანანურთან . . . . .	146
თამუნია წერეთელს . . . . .	148
სენტიმენტალური მოგზაურობა .	149
კონსტანტინე გამსახურდია (1893—1975)	
*** (ზღვისფერი გაქვს თვალები და...)	150
კოლაუ ნადირაძე (1895)	
შენ ჩემში ცოცხლობ . . . . .	151
ორი ქოჩორა . . . . .	152
ნიკოლო მიწიშვილი (1896—1937)	
სიყვარულს . . . . .	154
ილო მოსაშვილი (1896—1969)	
არსენას ლექსი . . . . .	156
ძველი რვეულიდან . . . . .	157
ტერენტი გრანელი (1897—1934)	
გაზაფხულის საღამო . . . . .	159
ქალის აგონია . . . . .	160
ქალი მატარებელში . . . . .	161
გიორგი ლეონიძე (1898—1966)	
ციცარო . . . . .	163
ნინოწმინდის დამე . . . . .	164



მყვირალობა . . . . .	165
ყივჩალის პაემანი . . . . .	167
მაშ, რა ვუყოთ პოეტებო	168
ტუუპი იაგუნდები . . . . .	170
ნინო ჭავჭავაძეს . . . . .	172
დავით გაჩეჩილაძე (1902—1974)	
*** (შენი სიყვარულით გულნათენები)	174
სიმონ ჩიქოვანი (1903—1966)	
მგზავრის სიმღერა . . . . .	176
პირველი მიძღვნა . . . . .	178
მეორე მიძღვნა . . . . .	178
გამოთხოვება და ომში წასვლა . . . . .	179
ამ ოც წელში გზა განვლიეთ წყვილად	180
ალიო მირცხულავა (1903—1971)	
ერთხელ ქალი მიმავალი . . . . .	183
ნატვრა . . . . .	184
სამიწნურო . . . . .	184
კონსტანტინე ლორთქიფანიძე (1905)	
მერის . . . . .	185
ნინო თარიშვილი (1906)	
ჩემს ტოლებს	186
კარლო კალაძე (1907)	
ჩემი გმირი	188
დელი-დელა . . . . .	189

მარიკა ბარათაშვილი (1908)	
საოცნელა	191
ირაკლი აბაშიძე (1909)	
პირველი თოელის სიმღერა . . . . .	192
ყველა სიმღერა . . . . .	193
რუსთაველის ხმა ყრუ ტრამალებში .	195
გიორგი შატბერაშვილი (1910—1965)	
საკალმასო	197
სამაია	198
ტივის ხე	200
ალექსანდრე გომიაშვილი (1911)	
გუდამაყარი	202
ანდრო თევზაძე (1912—1974)	
თბილისი და წაღვერი	203
გაბრიელ ჭაბუშანიური (1914—1969)	
მშვიდობით	206
ერთგულება	207
გრიგოლ აბაშიძე (1914)	
ზღვა და მერცხალი .	208
ოცნება უფლისწულისა	209
ჯიგთახათუნი . . . . .	209
ორი ისარი . . . . .	210
ატენში . . . . .	211

• ლექსანდრე საჭაია (1916—1944)

••• (განა იმისთვის ვეწამე ამდენს)	213
სვანური მოტივებიდან . . .	214

რევაზ მარგიანი (1916)

მე უბით ვატარებ პატარა ბარათს	216
დერეფანზე ხორბალი მაქვს.. .	218
მთის კალთაზე სახლი მედგას... .	219

ლადო ასათიანი (1917—1943)

ალბომიდან . . .	220
ოთხი უსათაურო	221
ყაყაჩო . . .	224
ა. ვ.	225

მირზა გელოვანი (1917—1944)

განშორება . . .	228
ო, მპატიეთ . . .	229
ნუ შწერ.. . . . .	229
••• (მე მინდოდა იაენანა)	230
დამშვიდება . . . . .	231

ოსებ ნონეშვილი (1918—1980)

••• (სად არ ვიყავ, სად არა) . . . . .	232
ჩუქურთმისმჭრელის ეპიტაფია . . . . .	234
••• (შენ არა გაქვს მეფის გვარი) . . . . .	236
შენ საქართველოს დედოფლობა დაგშვენდე- ბოდა . . . . .	236
ორი მუნასიბი . . . . .	238

ზ უ რ ა ბ ლ ო რ თ ქ ი ფ ა ნ ი ძ ე (1919)	
ხმა ხმას დაეძებს სიერცეებში უღამიანოდ...	240
ლ ა დ ო ს უ ლ ა ბ ე რ ი ძ ე (1919)	
სიზმარი	242
შ ა ლ ვ ა ფ ო რ ჩ ხ ი ძ ე (1919)	
*** (მე ვარ და ჩემი შრილა ჩრდილი)	244
ვ ა ხ ტ ა ნ გ გ ო რ გ ა ნ ე ლ ი (1921)	
გაზაფხულის მერცხალი ვარ	245
ზ ა ქ ა რ ი ა შ ე რ ა ზ ა დ ი შ ვ ი ლ ი (1921)	
შენ რომ თუნგი ჩაგივარდა ქაში	246
მ ა რ ი ა ბ რ ა მ ი შ ვ ი ლ ი (1922)	
აი, სად შემხვდი	247
მ უ რ მ ა ნ ლ ე ბ ა ნ ი ძ ე (1922)	
*** (მარეკები შლიდნენ ბანაკს)	249
ციცო	250
*** (ოჯახის ქალმა დასტოვა ქმარი)	251
*** (ხარ დიდი სანდრო ბოტიჩელის მადონა)	251
*** (რომ ვითხრა: „მსურხარ დასავეით“...)	252
*** (გაზაფხული შემოსულა, ლენ)	253
ე თ ე რ ს ა ხ ვ ა ძ ე (1923)	
ფერიცვალეზა	255

ნ ა ნ ა გ ვ ა რ ი შ ვ ი ლ ი (1924)	
როცა გულს გთხოვ	256
ა ნ ა კ ა ლ ა ნ დ ა ძ ე (1924)	
პაწაწინა რტო ვარ	257
თუთა . . . . .	258
ბოშა ქალი . . . . .	258
ისევ გახსენი გული ჩემი . . . . .	259
*** (მე მიესდევ შენს ხმას) . . . . .	259
მე მზეს ვუმღერებ . . . . .	260
ქექლა მაზურკა . . . . .	260
როგორ მინდა შენთან, ჩემო მაგნოლია!	261
ხ უ ტ ა ბ ე რ უ ლ ა ვ ა (1924)	
მინდა შევიმყო თმები გვირილით	263
ო თ ა რ მ ა მ ფ ო რ ი ა (1924)	
ნიბლია	264
ო თ ა რ ქ ე ლ ი ძ ე (1924)	
ათას ერთი ღამის წერილებიდან	265
ს ი ლ ო ვ ა ნ ნ ა რ ი მ ა ნ ი ძ ე (1925)	
გახსოვს, ლისი?!	269
მ ი ხ ე ი ლ ქ ე ლ ი ვ ი ძ ე (1925)	
*** (ათას საზრუნავს აყოლილმა)	270
ბალადა სიყვარულისა . . . . .	270
ცოლს . . . . .	271

ფრიდონ ხალვაში (1925)	
რატომ არ მოდიოდი	272
ნოდარ გუგუშვიძე (1927)	
ნაცნობი ღუმელი	273
არჩილ სულაკაური (1927)	
ძველებური სიმღერა	274
ოთხივე მხრიდან	277
შოთა ჩანტლაძე (1927—1967)	
*** (მახსოვს, იგრძენი ხეივანი)	278
გივი ძნელაძე (1927)	
*** (ერთი ქუჩის ერთ კუთხეში)	279
*** (მეხუთე ღღეა)	280
თეიმურაზ ჭანგულაშვილი (1927)	
სად არის ჩემი სიყვარული	281
ნაზიკი კლასონია (1928)	
ნუკრია	284
უსათაუროები	285
ნანა ღვინეფაძე (1928)	
ახალი აღქმა	287
ზედაშენი	288
მუხრან მაკავარიანი (1929)	
უნდა იცოდეს!	289
ქალიშვილი, რომელსაც უყვარს ბალახი და წვიმა	290

*** (როს გაგაცილე) . . . . .	291
*** (შენი სიცოცხლე) . . . . .	291
*** (ვარ ცხრა მთას იქით) . . . . .	292
<b>შოთა ნიშნიანიძე (1929)</b>	
*** (ისეთი ვინმე რომ შემხედებოდეს) . . . . .	293
ამურთან გამოთხოვება . . . . .	294
*** (აღარ მაძინებდა მზერა აღმაცერი) . . . . .	295
<b>ზურაბ კუხიანიძე (1930)</b>	
პეპელა . . . . .	296
<b>მორის ფოცხიშვილი (1930)</b>	
გახსენება . . . . .	297
ვინც ამ გოგოს გააცინებს . . . . .	298
მე ის პატარა ნაკადული ვარ . . . . .	299
<b>მედეა კახიძე (1930)</b>	
ვისაც სიყვარული შეუძლია . . . . .	300
მე როცა ვუყვარვარ ვისმე . . . . .	301
<b>ნოდარ ნარსია (1931)</b>	
რა გოგო იყო . . . . .	303
<b>ჯანსუღ ჩარკვიანი (1931)</b>	
კანარის ჩიტო . . . . .	305
პატარა გოგო დამეკარგა . . . . .	306
მზის ჩასვლისას . . . . .	306
*** (მე რომ პატარა ბილიქს შეენატრი) . . . . .	307
ბეთანია . . . . .	308

თამაზ კილაძე (1931)		
*** (სულ ერთმა კიქამ)	. . .	310
*** (მაინც მახსოვხარ)	. . .	311
*** (აი, ხომ ხედავ)	. . .	311
*** (ცოტა ხანს კიდევ)	. . .	312
ანზორ აბულაშვილი (1932)		
*** (ბოლოს ხომ უნდა მენახე საღმე)	. . .	313
თამარ ერისთავი (1932)		
*** (მე ჭერაც შენი ღიმილის შუქით)	. . .	315
თუშეთის დღიურიდან	. . . . .	315
ანზორ სალუქვაძე (1932)		
იასამანი	. . . . .	317
ოთარ შალამბერიძე (1932)		
თურმე საკუთარ თავს ვატყუებდი	. . . . .	318
შენ მეუბნები	. . . . .	319
ვახტანგ ჯავახიძე (1932)		
*** (ტრიალებდა, ტრიალებდა)	. . . . .	320
*** (უსიკვდილოდ, უეჭველად, უსათუოდ)	. . . . .	321
*** (კმარა გულმა შეგიწყნარა)	. . . . .	322
ტარიელ კანტურია (1932)		
ცეკვა კაფე „ამბასადორში“	. . . . .	323
ალერსი	. . . . .	324
*** (შენ უნდა ცისფერ ღრუბელთან იწვე)	. . . . .	325
ზაურ ბოლქვაძე (1933)		
ვიცი	. . . . .	327



*** (ენახე უენი საფლავი)	328
მოლი, წამიყვანე . . .	328
როდის?! . . .	329
<b>გივი გეგეჭკორი (1933)</b>	
მეორე ბალადა . . .	330
სერაფიტის დატირება	333
<b>ოთარ ჭილაძე (1933)</b>	
სიყვარული . . . . .	337
სიზმარი . . . . .	338
*** (მე ჩემს საყვარელ სიზმრებად ვთვლიდი)	339
*** (მარინა! მაგრამ როგორ გაიგებ)	340
*** (მზად ვარ გისმინო და გემსახურო)	342
<b>ტაგუ მებურიშვილი (1934)</b>	
თამარიე გათხოვდა	343
<b>ნოდარ ჯალაღონია (1934)</b>	
*** (ვიცი, გაქრება ეგ ყველაფერი)	344
<b>ხუტა გაგუა (1935)</b>	
ბეჭედი . . . . .	345
მოლანდება . . . . .	346
<b>ემზარ კვიციანიშვილი (1935)</b>	
*** (ვერ ამოვედი უენი ხარკიდან)	347
ერთმა ვიცი . . . . .	348
<b>რეზო ამაშუკელი (1936)</b>	
მარტოობა . . . . .	350
*** (მთელი ზამთარი ისე გავიდა)	351

იორამ ქეშერტელიძე (1936)	
*** (იქნება მოხდეს)	354
ექსპრომტი შეყვარებულთათვის	354
ტყაში მაფა	355
თამარ ჯაეახიშვილი (1937)	
*** (მე შემოდგომის ვარდებში გხედავ)	357
მერი ბარნაბიშვილი (1937)	
*** (მე ხელს ყოველთვის მიშლიდა რაღაც)	358
ნელი გაბრიჩიძე (1937)	
*** („შენ არც კი იცი“...)	359
ჯემალ ინჯია (1937)	
ცეკვის დროს	360
თეიმურაზ აბულაძე (1938)	
*** (არ გყვარებდით ისე არავის)	361
გივი ალხაზიშვილი (1938)	
*** (სიყვარულო — უთვალავი წლის მზეთუნახავო)	362
იზა ორჯონიკიძე (1938)	
*** (კარგა ხანია...)	364
*** (ნუ დამპირდები)	365
მამუკა წიკლაური (1938)	
მე შენზე ვფიქრობ	367

მ უ რ მ ა ნ    ჯ გ უ ბ უ რ ი ა    (1938)	
*** (მე მთელი ღამე პოემას ვწერდი)	369
ლ ი ა   ს ტ უ რ უ ა    (1939)	
*** (მე ისევე ის ვარ) . . .	371
*** (მან დაინახა შიშველი ქალი)	373
ბ ე ს ი კ   ხ ა რ ა ნ ა უ ლ ი    (1939)	
თებერვალი. ივრის ქალები . . .	375
დ ი ლ ა რ   ი ვ ა რ დ ა ვ ა    (1940)	
ბენდიერება . . .	379
ბ ი ძ ი ნ ა   მ ი ნ დ ა ძ ე    (1940)	
ულამაზესი გოგო ქალაქის	380
ბ ე ლ ა   შ ა ლ ვ ა შ ვ ი ლ ი    (1940)	
ჩუმი ძახილი	382
გ რ ი გ ო ლ   ჯ უ ლ უ ხ ი ძ ე    (1940)	
ფასანაური	383
თ ე დ ო   ბ ე ქ ი შ ვ ი ლ ი    (1941)	
*** (ნუ გამიწყრები)	385
ვ ლ დ ა რ   კ ე რ ძ ე ვ ა ძ ე    (1942)	
*** (ნუთუ ეს არის, რასაც ვეძებდით)	386
გ უ რ ა მ   პ ე ტ რ ი ა შ ვ ი ლ ი    (1942)	
*** (მართლა თუ სჯერათ ამ ასტრონომებს...)	388

*** (დარდის და კმუნვის...)	388
ნაილი ნეკერიშვილი (1943)	
*** (ჩვილი ბავშვია სიყვარული)	390
ნომადი ბართაია (1944)	
სალამო გურიაში	391
რენე კალანდია (1944)	
თივისა და გოგოს ბალადა	392
ვანო ჩხიკვაძე (1947)	
პირველთოვლობა	393
*** (შეაფრინდება პატარა საღვურს)	394
გურამ ასათიანი — როგორ უყვარდათ საქართველოში	395

რედაქტორი ლ. ნანიტაშვილი  
მხატვრული რედაქტორი დ. დუნდუა  
ტექნიკური რედაქტორი ვ. ხუციშვილი  
კორექტორი ლ. გორგოძე.  
გამომშეები ნ. მანაგაძე

სბ № 2189

გადაეცა წარმოებას 5.X.79.

ხელმოწერილია დასაბეჭდად 20.II.81.

საბეჭდი ქაღალდი № 1.  $70 \times 108^{1/32}$ .

პირობითი ნაბეჭდი თაბახი 19,25.

პირ. სალ. გატ. 599,40.

სააღრიცხველ-საგამომცემლო თაბახი 11,9.

უე 04016. ტირაჟი 30000. შეკვ. № 3403.

ფასი 1 მან 40 კაპ.

გამომცემლობა „საბჭოთა საქართველო“  
თბილისი, მარჯანიშვილის 5

საქ. სსრ. მეცნ. აკადემიის სტამბა, თბილისი, 380060,  
კუტუზოვის ქ., 19  
Типография АН Груз. ССР, Тбилиси, 380060,  
ул. Кутузова, 19